

101.54

U-39


139

5(47.92)

U-39







9(47.92)

Ա-39

15608

24 JAN 2006

19 AUG 2011

Է. Ա. ԿՆՈՒՆԻ



ԿՈՎԿԱՍԵԱՆ ՎԵՐՔԵՐ

ԱՌԱՋԻՆ ՀԱՏՈՐ

Հրատարակութիւն

ՀԱՅ ՅԵՂ. ԳԱՇՆԱԿՅՈՒԹԵԱՆ



Ժ Ը Ն Ե Վ

1903

19
139

1005
20853



20853 +

Չեզ, գաղափարի անվեհեր սաղմիկներ, որ գործի մեջ և արտորափայրերում, բանտի մեջ և կախաղաններից, տանջանքով և յոյսերով՝ հայկական Ազատութեան արձանն էք հրաշակերտում անյուլաբար, Չեզ եմ նւիրում Վէրքերի այս մատեննը — ձեր մեծ գործին, ձեր վիրաւոր Յիշատակին, ձեր հալածական Անւան:

Է. ԱԿՆՈՒՆԻ

ԸՆԹԵՐՅՈՂՆԵՐԻՆ

„Վէրքեր“ շատ ենք ունեցել մեր սևաւոր պատու-
թեան ընթացքում. շատ ունենք և այժմ: Ու այդ ցաւոտ
վէրքերի երկարաձիգ շարքին աւելացաւ մի նորը՝ շնորհիւ
այն աիրապետութեան, որից երբեմն „Վէրք Հայաստանի“ ի
հեղինակը ամբողջ Արարատեան աշխարհի հետ միասին
բուժումն էր սպասում: „Վովկասեան Վէրքերն“ են դրանք,
որ ահա առանձին գրքով առաջարկում ենք հայ ըն-
թերցողներին:

Ներկայ աշխատութիւնը պարունակում է իր մէջ
մեծ մասը „Վովկասեան Խարրիկների“, որոնք տպագրու-
ւեցին „Դրօշակի“ էջերում 1900—1903 թւականնե-
րին, փոփոխած ու լրացւած, նաև նոր գլուխներ՝ գրւած
յատկապէս այս գրքի համար, իբրև ամփոփումն շոշա-
փւած նիւթի:

Այն ջերմ ընդունելութիւնը, որ Լ. Ակնունու „Խար-
րիկները“ գտան հասարակութեան կողմից, համոզիչ
նշան է, որ՝ բացի նրանց գրական ու պատմական ար-
ժանաւորութիւններից՝ փաստերը այրող են, հարցը՝
կենսական: Ներկայացնելով այս գիրքը հայ հասարա-
կութեանը, մեր նպատակը չէ միայն հնարաւորութիւն
տալ նրան տեսնելու և ուսումնասիրելու իր խոր վէր-
քերը, այլև մտածելու՝ պատշաճ լրջութեամբ, այն
միջոցների մասին, որոնք անխուսափելի են, նոյնիսկ
հրամայական՝ նրանց բուժման համար...

„ԴՐՕՇԱԿ“ ԽՄԲԱԳՐՈՒԹՅՈՒՆ

Բ Ո Վ Ա Ն Գ Ս Կ Ո Ւ Թ Ի Ի Ն

„ՌՈՒՍԸՑՈՒՄ“

Երես

Չմերային պալատի խորհրդակցութիւնը: — Հալածանքներ քաղաքականութիւնը և փոքրիկ ազգերը: — Կովկասեան փոխադրանք: — Իշխան Գօնդուկով-Վորսակովի բնութագրը: — Հայոց դպրոցները և զինւորադուլթեան վիտանդը: — Շէրեմետեւի: — Վասերից վատը . . .

8

ՏԻՊ-ՌՈՒՍԱԲԱՐԱՐԸ

Մեծաւորի մուտքը: — Իշխան Գ. Ս. Գօլեցին: — Նրա խորհրդականները: — Հալածանքի դարազլուխը: — „Տեղացիներին պաշտօն չը պէտք է տայ“: — Նշանները: — Թիֆլիզի քաղաքային դումայի շուրջը: — Անարդարութիւնը յազմական . . .

17

ՀԱՅՈՑ ԳՊՐՈՑՆԵՐԻ ՓԼԿՈՒՄԸ

Առաջին փակումը: — Նախամտածւած ծրագիրը: — Կասկածներ Իջմիրանի հասցէին: — Բանակուիւ սինօզի եւ պաշտօնական օրգանի միջև: — Գպրոցների երկրորդ փակումը: — Նորանոր խտուրթիւններ . . .

28

ՅԱՓՇՏԱԿՈՒԹԻՒՆ

Գպրոցական կալածքներ: — Յափշտակութեան փաստը: — Եկեղեցական կալածքներ: — Գոտարանի բռնած գիրքը: — Եկեղեցին և նրա հարստութիւնը: — Նորանոր հարւածների ծրագիրը . . .

45

„ԳՆԱՑԷՔ ՈՒՍՈՒՄՆԱՍԻՐԵՑԷՔ“

Յուստու ճառադայլմներ: — Յատուկ քննիչների ճամբորդութիւնը: — Մասայօլ և իշխան Ուխտամսիխ: — Ինչ էր պատճառը: — Անգլիական դաւերի սրբուական: — Հայ-անգլիական համակրութիւններ: — Քննութեան արդիւնքը: — Անարժէք զեկուցադիր . . .

64

ԳԱՂՏՆԻ ԶԵԿՈՒՑՈՒՄ

Գէպի Պետերբուրգ: — Բարձրագոյն ունկնդրու-

Թիւն: — Գաղանի զեկուցագիր: — Ինչ է նրա բովան-
դակութիւնը: — Հայկական միասուններ: — Ապսերական
դիտողութիւնները: — Գաղթեցնէր Հայերին

75

ԿՐԾՆԱԿԱՆ ՀԱԼԱԾԱՆՔ

Խարուսիկ օրէնքը: — Ո՞ր է կրօնական ազատու-
թիւնը: — Արտօնւած եկեղեցի: — Հալածանք: — Միսիօ-
նար-չինօֆիկներ: — Արօնի դատաւութիւնը: — Ինչպէս
պէտք է երգւել: — Խեղզւած բողբ

86

„ՓԼԿԵԼ ԸՆԿԵՐՈՒԹԻՒՆՆԵՐԸ“

Բարեգործութիւն: — Պետերբուրգի աւած հրա-
հանգը: — Պէտք է փակել: — Նոր կանանագրութիւն: —
Մեռցնող շունչը: — Փակւած դրագարաններ: — Ինչպէս
է հիմնուած մի դրագարան: — Բարեգործական հիմնար-
կութիւնների աւերակներ

103

ՊԼՏՔ ԶԵՆ ԳՐՔԵՐ

Միամիտ յոյսերի օրեր: — Հրատարակչական բնկե-
րութիւնը: — 21 տարւայ գործունէութիւն: — Տպագրւած
գրքերի սրակը և քանակը: — Ընկերութեան վերջնական
փակումը: — „Յիվիլիզացիա և սիֆիլիզացիա“

118

ԹԵՄԱԿԱՆ ԳՊՐՈՑՆԵՐ

Երկիւզի նտխադասումը: — Թեմական դպրոցների
խնդիրը: — „Պլօթենիա“: — Գաղանի կօմիտէի ծրա-
դիրը: — Պասկեվիչի եւ Բլուգօվի կարծիքը: — Նիկօլայ
կոյսեր հրովարտակը: — Ասակածներ Թեմական դպրոց-
ների դէմ: — Քաղաքական ականներ

126

ԿԱԹՈՂԻԿՈՍՈՒԹԵԱՆ ՇՈՒԲՁ

Գարերի կոթողը: — Գրոհ մահադական տիրապե-
տութեան դէմ: — Ներսէս Աշտարակեցու դիմումը
Հայութեան: — Էջմիածնի համակրանքը դէպի ռուսաց
տիրապետութիւնը: — Թիւրքահայերի քաղաքական
արժէքը: — Մատթէոս և Գէորգ կաթողեկոսների շքը-
ջանը: — Հարւածներ Էջմիածնի իրաւասութեան: —
Փաստեր: — Բարօն Նիկօլայի գաղանի զեկուցագիրը

140

ԳԼԻՎ ԱՐՊԵՏՆԵՐԸ

Գեներալական նշանաբանը: — „Հայերի գաղանի“

ժողովները և նահանգապետի հրամանը: — Շալիկով
 և Տիդենհաուզէն: — Գեններալ Ֆրէզէ և Լ հայկական
 ցոյց էջմիածնում: — „Հայերը քանդում են ուսաց
 եկեղեցին“: — Կեղծ պոսիլամասիոնը: — Կիպիանի և
 վրաց ապստամբութիւնը: — Հայկական ցոյց Արծրունու
 թաղման ժամանակ: — Ջրօրհնէքի շարժումը: — Եպիս-
 կոպոսական սքսորը: — Մեծ դաւադրութիւնը և զուեշ-
 տական վախճան: — Չինօյնիկութեան Աստաճը . . . 181

ԿԱՇԱՌՔԻ ԱՇԽԱՐՀՈՒՄ

Անկաշու ձեռքը: — Գատարանի նախագահի սիւ-
 տէր: — Գիրեկտորական սխալգործութիւն: — Յենդո-
 րական կաշուակերութեան եղանակը: — Տուրք ստի-
 կանութեան: — „Երկու չափ, երկու կշիւ“ . . . 196

ՀԱՆ ԱԾԱԿԱՆ Ի ԵԶՈՒՆԵՐ

„Գիտէք արդեօք տեղական լեզուն“: — Ռուսերէնը
 Կովկասում: — Գատարանում և գիւղի մէջ: — Չինուորա-
 կոշական տեսներ: — Լեզական ասնջանք: — Գեալերեան
 զլխարկները . . . 209

Յ Ե Ն Զ Օ Ր

Բանաւորի պատգամը: — Տպագրական գործերի գըլ-
 խաւոր վարչութիւն: — Յենդորական կոմիտէներ: — Օ-
 րէնքը գատարի հնչիւն է: — Փաստեր: — Առասպելական
 խոտութիւններ: — Ի՞նչ է կատարում Կովկասում: —
 Փաստերի փոքրիկ շարան: — Խեղճ գրականութիւն . . . 223

ՀԱՅԿԱԿԱՆ ՇԱՐժՈՒՄԸ

Արևելեան քրիստոնէականների պաշտպանը: — Պետրոս
 Մեծի և Եկատերինէ կայսրուհու արամադրութիւնը: —
 Յովսէփ արքեպիսկոպոս Արղրութեանի ծրագիրը: —
 Արարատեան թագաւորութիւնը: — Ներսէս Աշտարա-
 կեցի և հայկական զորագունդը: — Ռուսաստանը չիրա-
 գործեց իր խոստումը: — Սան-Ստեֆանօյի և Բերլինի
 Գահագիրները: — Կովկասեան ոգևորութիւններ: —
 Հալածանք թիւրքահայերի շարժման դէմ: — Խոստու-
 թիւններ Կովկասում: — Քաղաքական կսկիծ . . . 260

ԵՐԿՈՒ ԿՐԱԿԻ ՄԻՋ

Հայ գաղթականները սահմանագլխին: — Մարմնա-

ցած թշուառութիւն: — Փակը և դարձը: — Ռուսահայաստանութեան խնդիրը: — Բանութեան «կնուար»: — Հարածւածների կարուանը: — Գժգոհութեան շղթան. 285

ԳԻՊԻ ԲԱՆՏԵՐԸ

Ապրանաւորի պատմածը: — Գիշերային խաղարկութիւն: — Գէպի բանար: — Բանապետի դրասնենակը: — Հանդերձարանում: — Փակած դռան ետեր: — Ի՞նչ է ուսում բանտարկեալը: — Տեսակցութիւն: — Գաղանի յարաբերութեան միջոյններ: — Հարցաբնուութեան ձևերը: — Ժամանակակից Բասախը 299

ԳԼԳՏՆԻ ՎԿԱՅԱԳԻՐՆԵՐ

Առավարչապետի գիւանատան զաղանի հրամանը: — Գաղանի հազարգազութիւններ Աարսի նահանգապետի և շրջանապետի կողմից: — Թիֆլիզի ժանդարմական վարչութեան կազմած զաղանի ցուցակը: — Հայ քաղաքական կալնուարների ցանկը 320

ԲԸԳԼԲԸԿԸՆ ԳՈՂՈՒԹԻՒՆ

Եկեղեցական կալածքների խլումը: — Հայոց եկեղեցու իրաւունքները: — Յունիսի 12-ի հրամանը: — Ժողովրդական ցասում ուստաց կառավարութեան դէմ: — Ալեքսանդրոպոլի հայերի ցոյցը: — Յոյց Լերանում: — Կ. Պոլսի հայոց պատրիարքի հարցը: — Արշ. 332

ՎՐԱՅԻԼԿԱՆ ՀԱՐՑ

Պատմական հրովարտակը: — Վրաստանի միացման խնդիրը: — 1783-ի դաշնագիրը: — Ալեքսանդր I-ի մանիֆէստը միացման մասին: — Գժգոհութեան նշաններ Վրաստանում: — Ի՞նչ դեր կատարեց վրաց աղնւակաւութիւնը: — Նորադոյն ժամանակները: — Արթիւնացող ժողովուրդը: — Բեկտոր Չուգեցիու սպանութիւնը: — Բողբ սեմինարիայում: — Լեզի խնդիր: — Գժգոհութեան աճումը: — Անկախ Վրաստան 348

ՆՈՐ ՕՐԵՐ

Բաժանիր, որ տիրես: — Յեղափոխական սպին: — Աարմիր դրօշակը Արվկասում: — Համերաշխութեան զաղափարը: — Արվկասեան դաշնակցութիւն 361

”ՌՈՒՍԱՅՈՒՄ“

(ԱՌԱՋԻՆ ՆԱԾԱԿ)

Չմերային պալատի խորհրդակցութիւնը. — Հալածաւէր քաղաքականութիւնը և փոքրիկ ազգերը. — Կովկասեան փոխարքան. — Իշխան Դոնդուկով-Կորսակովի ընթացքը. — Հայոց դըպրոցները և զինւորագրութեան „վտանգը“. — Կառավարչապետ Շերեմետով. Վատերից վատը:

Անդիժանի ապստամբութիւնից յետոյ էր: Չմերային պալատում կայացած „արքայական“ խորհրդակցութեան ժամանակ, Բոմանովների տոհմին պատկանող մեծ-իշխաններից մէկը, որ, իբրև բացառութիւն, կարողացել էր արքայական տիտղոսին միացնել մի քանի ազատական զգացմունքներ՝ վրդովւած բացականչեց.

— Բսան տարի է, ինչ լսում եմ ուսացման փրկարար նախագծերի մասին և մեզ խոստացած անթիւ բարեքների փոխարէն այն եմ տեսնում, որ Ղեհաստանում առում են ուսին, Ֆինլանդիայում արհամարհում են մեզ, Կովկասում նախկին սիրոյ փոխարէն սկիզբն է առել մի համատարած թշնամութիւն, և մինչև իսկ Անդիժանում, ուր դեռ չեն ցամաքել ուսաց զօրքի արեան հետքերը, ապստամբութեան պատրաստութիւններ են տեսնում...

Ակնյայանի ճշմարտութիւն էր այդ, որ սակայն մնաց չը լսած, անյարգ: Բողոքները ապարդիւն անցան: Եւ միապետութեան ձուլարանում յօրինւած այդ բառը մնաց իբրև նշանաբան այն քաղաքականութեան, որ

այժմ բացարձակ արշաւանք է գործում Ռուսաստանի բոլոր ծայրերում, և եթէ կամենաք, մինչև իսկ կենտրոնում, որովհետև գտնում են, որ այժմ նոյն իսկ ուսաների մէջ կան մարդիկ, որոնց պէտք է ուսուցանել համարելով նրանց „ոչ-բաւականաչափ ուս.“ ներկայ „կուրսի“ տեսակէտից:

Երէկանից չէ սկսում այդ քաղաքականութիւնը: Անցեալ ունի նա: Գլխաւորապէս 1863 թւի լեհական համարձակ, բայց անյաջող ապստամբութիւնից յետոյ էր, — ազատութեան նոր փորձ 1830-ի շարժման յաջորդող սերունդի ձեռքով — որ Ռուսաստանում գրելու և բարձրացրեց հպատակ ազգութիւնների ուսուցման քաղաքականութիւնը: Սակայն Ալեքսանդր II-ի կայսրութեան օրով (1855-1881), երբ դէպքերը, ներշնչած 1848-ի հովերով և միացած Ղրիմի պատերազմի տխուր հետևանքներին, թելադրեցին մի շարք առաջադիմական ընթացքներ, — ճորտութեան ոչնչացումը՝ 1861-ին, մարմնական պատժի վերացումը 1863-ին, գատաստանական ընթացքները 1864-ին, քաղաքային ինքնավարութիւնը 1870-ին, — այդ խաւար քարոզը չը կարողացաւ լայն ճանապարհ բանալ: Մտքերը տարւած էին ոգևորող յոյսերով:

Անցան տարիներ, և ահա տեղի ունեցաւ մարտի 1-ի սպանութիւնը: Կայսեր դիակը հողին յանձնելու հետ միասին՝ Պետերբուրգից հեռու տարագրեցին նրա շրջապատողները. կոմս Լօրիս-Մէլլիքովի աւելի քան համեստ, բայց այնքան յոյսեր ներշնչող սահմանադրութեան ծրագիրը փակեց անթափանց գաղտնարաններում, և նոր կայսեր մտերիմ խորհրդատուները, յանձին Տօլստոյի և Պօրեդոնսոցեվի, համողելով Ալեքսանդր III-ին (1881-1894), որ մարտի 1-ի սպանութիւնը և ազգայնական հարցերը պետութեան ծայրերում՝ ոչ այլ ինչ են, եթէ ոչ նախորդ կայ-

սրբութեան ազատական հովերի արդիւնք, հրապարակ
ընդհանր մի այլ ծրագիր՝ յետագէմ՝ և ճնշող, որի էական
կէտերից մէկն էր՝ ուսուցման խնդիրը:

Կովկասն էլ, „ագգերի և ազինքների“ այդ գեղանի
երկիրը, որ երբեմն սրապուլս սիրով յարեց ուսու-
կան տիրապետութեան, զերծ չը մնաց նոր հասանքի
հարածներից: Կարճ ժամանակում՝ զգալիօրէն փոխեց
երկրի կառավարութեան ոգին, որը՝ յանձին փոխարքայ
մեծ իշխան Միխայիլ Նիկոլաեվիչի՝ համապատասխան
չէր այդ „հասանքին“: Ճնջեց կովկասեան „փոխարքա-
յութիւնը“: Միխայիլ Նիկոլաեվիչը, իբրև աննպատա-
կայարմար մարդ, պահէեց Պետերբուրգում և նրա տեղ,
„կառավարչապետի“ տիտղոսով, Թիֆլիս ուղարկեց իշ-
խան Գոնդուկով-Վորսակով:

Մեծ իշխանը, կապուած երկրի հետ եթէ ոչ վարչա-
կան խոշոր ծրագիրներով, գէթ երկար տարիների յի-
շատակներով ու զգացումներով, կսկիծը սրտում հեռա-
ցու Կովկասից, ուր նրա կառավարութիւնը տևել էր
ամբողջ 19 տարի (1862-1881): Փոխադարձ յարաբե-
րութեան գոյնը պարզելու համար՝ բնորոշ է հետևեալ
դէպքը: Ռուս-թիւրքական պատերազմի սկզբներին, երբ
Թիֆլիսի հայերը փոխարքայի միջոցով մի ուղերձ ներ-
կայացրին կայսրին՝ խնդրելով պաշտպան հանդիսանալ
օսմանեան Հայաստանի տանջուած ժողովրդին, գերմանա-
կան լրագիրներում տպագրեցին լուրեր, թէ Կովկասի
հայերը՝ իրենց մի ականաւոր ներկայացուցչի միջոցով՝
ինքնավար Հայաստանի թագը առաջարկում են մեծ
իշխան Միխայիլ Նիկոլաեվիչին: Այդ լուրերը, ճշմարիտ
է, շատ հեռու էին իրականութիւնից, քանի որ մինչև
այժմ էլ ինքնավար Հայաստանի փոխարէն Թիւրքիա-
յում գոյութիւն ունի միայն Հայկական գժոխք, բայց
ինչպէս երևում է, Պետերբուրգում, 80-ական թւա-
կաններին իսկ չէին մտացել այդ՝ փոխարքայութիւնը

ջնջելու և փոխարքային կովկասից հեռացնելու գործը շտապեցնելու համար . . .

Կովկասը, ցաւ է ասել, շատ շուտ զգաց, որ այդ երկու բարձր պաշտօնեաների փոփոխութիւնը լոկ անձնաւորութիւնների փոփոխում չէ, այլ ամբողջ սխաւէմի: Թիֆլիզի մի քանի շրջաններում, ճիշտ է, յոյսեր կային, որ նոր կառավարչապետը (1882-1890) իր կոչման բարձրութեան վրայ կը լինի, քանի որ յայտնի է, որ նա նոր ազատուած Բուլղարիայի ինքնավարութեան գործադրողն եղաւ, բայց այդ յոյսերը շատ շուտով չքացան և յայտնւեց, որ իշխան Գօնդուկով-Աօրսակօվի «բուլղարական անցեալից» մնացել էին միայն տեղայն յիշատակների փշրանքներ: Հազիւ մի տարի անցած, իշխանը իբրև եռանդուն արձագանք Պետերբուրգի տրամադրութիւններին, սկսեց զեկուցումներ տալ, թէ Կովկասի հայերը սեպարատիստական (անջատական) ձգտումներ են ցոյց տալիս և ուրեմն հարկաւոր է առաջն առնել . . . Եւ «առաջն առնելու» սկզբի քայլն այն եղաւ, որ 1885 թւին, ամբողջ Ռուսաստանի և Եւրոպայի աչքերի առջև, նա փակեց հայոց եկեղեցական դպրոցները, թւով մօտ 500, փոլոցներում թողնելով աւելի քան 30 հազար երկու սեռի երեսասներ, 900 ուսուցիչներով և վարժուհիներով . . .

Այդ ախուր, նմանը շտեմնուած անարդարութեան տկանատեսները պատմում են, որ ամբողջ Անդրկովկասի ժողովուրդը, նոյն իսկ շատ տեղ հայերի հետ միասին վրացին, թիւրքը, ուսը արտասուքները չէին կարողանում զսպել, երբ տեսնում էին, թէ ինչպէս ոստիկանները՝ հրելով և խփելով՝ ուսումնարաններից դուրս էին քշում փոքրիկ, 10-12 տարեկան անմեղ երեսասներին, որոնք գրքերը կռան տակ առած, կծկւած դպրոցների սենեակներում և պատշգամբներում, լաց ու կոծով գոչում էին՝

— «Մի գուրս արէք, մենք ուզում ենք կարգալիննու էք գուրս անում. . . »

Երկիրը սուգ էր մտել: Իսկ Թիֆլիզի փոխարքայական պալատի շքեղ գահլիճներում ապաստանած կառավարչապետը ցնծութեան բացականչութիւններով՝ սօնում էր իր յաղթանակը, — առաջին և մեծ հարւածը՝ արւած կրթութեան գործին. . . : Եւ հետևելով նրա օրինակին, ուսումնարանական շրջանի հոգաբարձու Խանօվսկին, կովկասեան կրթութեան այդ չար հրեշտակը, որ իր ամբողջ 50-ամեայ գործունէութեան ընթացքում բաց չէր արել գոնէ մի երրորդ մասը այն դպրոցների, որ մի ամուսում փակեցին, ոգևորւած գեղուցումներ էր տալիս մինիստրին և կառավարչապետին, թէ «գործը յաջողութեամբ է առաջ գնում» — այսինքն՝ դպրոցները փակուում են առանց զիմադրութեան հայերի կողմից: Ժողովրդական «լուսաւորութեան» պաշտօնեային, ի հարկէ, վա յ ե լ էր հպարտանալ դրպրոցների փակումով մի այնպիսի երկրի մէջ, որը՝ իր խաղաղ զարգացման համար մի կարիք միայն ունի, այն է՝ դպրոցների կարիք. . . որովհետև այդպէս էր «ժամանակի ոգին», և Խանօվսկին հանգիստ խղճով ստանում էր իր եռանդի համար նոր շքանշաններ, բարձր աստիճաններ. . .

Վրայ հասաւ 1887 թւականը — մի անմոռանալի տարի կովկասեան հայերի պատմութեան մէջ: Պէտք է մտցւէր ընդհանուր զին և ուր ա գ ու թ իւ ն, մի նօրութիւն, որ անձանօթ էր հային ամէն տեղ, սկսած այն օրից, երբ նա զրկւեց քաղաքական անկախութիւնից: Հակահայկական շարժման գլուխ անցած պաշտօնեաները՝ իշխան Գօնդուկով-Պօրսակօվի ղեկավարութեամբ, շտապեցին այդ առիթն էլ շահագործել, ցոյց տալու համար, որ հայերը դէմ են զինւորագրութեան, որ Անդրկովկասի զանազան կողմերում զիմադրութիւն-

ներ են պատրաստուում և ուրեմն պէտք է խիստ միջոցներ ձեռք տանել . . . Եւ Թիֆլիզի իշխանութեան կողմից, — հաստատ յայտնի է — հրամաններ տրուցին՝ պատրաստ լինել ամենաթոյլ փորձերն անգամ փշրելու:

Սակայն կովկասի ամբողջ աղգարնակութիւնը, բացի մահաճակատներից, որոնք առ այժմ ազատ են զինուորական ծառայութիւնից, այդ նոր փորձանքով ևս չգայթակղւեց: Քա անսպասելի էր կովկասեան իշխանութեան համար — անսպասելի մանաւանդ այն պտածառով, որ իշխանութեան ներկայացուցիչներին քաջ յայտնի էր, թէ ինչ այլանդակ և մտքերը պղտորող լուրեր են շրջում ամբոխի մէջ՝ զինուորագրութեան պտածառով: Հաւատացնում էին, օրինակ, թէ հայ զինուորացուներին պէտք է տանեն Ռուսաստանի խորքերը և այլևս չպիտի վերադարձնեն. պատմում էին, թէ հայ զինուորին պիտի ստիպեն կրօնը փոխել, լեզուն մոռանալ և վերջումն էլ ուսս աղջկայ հետ պսակել և ուսանալ: Իշխանութեան ղեկավարները այդ բոլորը լազիտէին իրենց անթիւ լրտեսների միջոցով, բայց «հայկական շարժում» ստեղծելու տենչանքը այնքան մեծ էր յայտնի շրջաններում, որ ոչ մի կարգազրութիւն չկաւ որ և է կերպով պարզելու այդ թիւրիմացութիւնները և հասկացնելու ամբոխին, որ նա սխալած է: Նենգամիտ ձգտումն էր դա, փախագող որևէ խլտման . . . :

Խլտումն, սակայն, առաջ չեկաւ զինուորագրութեան ներմուծման ընթացքում, և ժողովուրդը ցոյց տւեց «խոնարհ հպտակութեան» լիակատար պատրաստականութիւն, և թէ հաշի չտաննք մի բացառիկ դէպք, որը արժանի է յիշատակման, իբրև զօրեղ ապացոյց, թէ երբեմն ինչ վայրենութեան է հասնում իշխանութեան անխղճութիւնը Անդրկովկասում: — Ղարաբաղի յետ ընկած ծմակների մէջ, նահապետականութեան

մշուշով ծածկւած Տաթևեան գիւղերից մէկում, պա-
ռաւ կանայք, կուրծքերը ծեծելով՝ պատմում էին մի-
մեանց, որ իրենց տղաներին „ս ա լ դ ա թ“ տանելուց
յետոյ՝ իրենց աղջիկներն էլ պիտի տանեն՝ ուստի „սալ-
դաթներին“ կին զարձնելու համար . . . Երեւակայել
կարող էք, թէ մի այգպիսի սոսկալի շշուկ, առանց
հերքման մնացած, որքան էր վերաւորում ընտանեկան
խիստ բարբերով կրթւած գիւղացիների սիրտն ու հո-
գին . . . Այդ բոլորը լաւ գիտէր նահանգական ոստի-
կանութիւնը, բայց փոխանակ որևէ պաշտօնեայի, թե-
մական հոգևորականութեան կամ մի այլ միջոցով պար-
զելու անխորժ թիւրիմացութիւնները, հրամանագրեց
Զանգեղուցի ոստիկանութեան „լաւ պատրաստութիւն-
ներով“ գնալ „ղիմաղբութեան վայրը“ և ամէն մի
փորձ արմատից ոչնչացնել . . . Տեղի ունեցաւ չտես-
նւած բռնութիւն, սպառնալիք, մտրակ, ծեծ . . . Եւ-
երբ ԶՕ-ամեայ հայ գեղջիկուհին և գիւղական ալե-
զարդ հայ քահանան բերան բաց արին, թէ „իրանք
թագաւորի թախտին ղուրբան կ'երթան, բայց իրանց
աղջիկներին չեն տայ, որ ուստի կին շինեն . . .“, նրանց
խիոյն կալանաւորեցին, գանակոծեցին և, իբրև „պե-
տական յանցաւորներ“, ամենախիստ հսկողութեան տակ
ուղարկեցին կենտրոնական բանտը: Չգտնուեց գէթ մի հա-
տիկ օրինաւոր պաշտօնեայ, որ ասէր. „Մայրիկ ջան,
սխալում ես, օրէնքը չի թոյլ տայ, որ քո աղջկան քե-
ղանից խլին. խլողին էլ, ընդհակառակը, կը պատժի“:
Եւ փոխանակ պատժելու այդ տեսակ իշխանաւորներին,
ԶՕ-ամեայ գեղջիկուհուն և ծերունի քահանային տան-
ջեցին արտօրափայրերում, որովհետև նրանք համարձակ-
ել էին ասելու, թէ „մեր աղջիկներին չենք տայ, որ
ուստի սարգաթի կին շինէք“

Վտանգաւոր էր բռնած ծանապարհը, և բարեբախ-
տաբար նա ընդհատուեց, թէև շատ կարճ ժամանակով:

Պետերբուրգի կառավարչական շրջաններում նպատակայարմար գտան այդքան ծայրահեղ կերպով չը խաղալ կրակի հետ: Ինքը Գօնդուկով-Աորսակով, յոգնած, քայքայւած կախեթեան գինիների զովարար հոսանքից, անընդունակ դարձաւ գործերով զբաղելու. նա ընդունում էր իրեն զիմոզ և գործի մարդոց առաւօտեան ժամը 7-ին միայն, որովհետև զրանից յետոյ՝ մինչև ուշ գիշեր՝ նա գերի էր ալիօհօլի... Եւ ահա երբ նա ասպարէզից իջաւ, Պետերբուրգում „օգտաւետ“ դատեցին փոխանակ հիւսիսից մի նորին ճամբայ դնելու, կառավարչապետի պաշտօնը յանձնել գեներալ Շերեմետևին, որը դեռ կառավարչապետի օգնական եղած ժամանակ ճանաչւած էր իբրև խաղաղ և տեղական տարրերի հետ հաշտութիւն կայացնելու քաղաքականութեան կողմնակից: Ճամբարիս է, Շերեմետևով, իբրև պետական մարդ, աչքի ընկնող՝ խոշոր ուժ չէր, և, ինչպէս ասում են, երկնքից ասաղեր չէր վեր բերում, բայց իբրև հակառակորդ „հալածասէր քաղաքականութեան“ փոքր ինչ խաղաղացրեց մտքերը, և աւելի օգտակար եղաւ երկրին, քան թէ միւսները իրենց „կարևոր“ ծրագիրներով...

Բայց ահա 1897 թւականը: Շերեմետևով մեռած էր: Պետերբուրգը վերագարձած իր սովորական ուղղութեան՝ դէպի Վաղբեկի ստորոտները ուղղեց իր կարմրած աչքերը: Եկաւ իշխան Գօլիցին, և բացւեց „ուսացման“ մի շրջան, որի նմանը ոչ ոք չէր տեսել և չէր յիշում: Նորի զիմաց հիները մոռացւեցան:



Տ Ի Պ - Ռ Ո Ւ Ս Ա Ր Ա Ր Ը

(ԵՐԿՐՈՐԴ ՆԱԽԱԿ)

Մեծաւորի մուտքը. — Իշխան Գ. Ս. Գօլիցին. — Նրա խոր-
հրդակամները. — Հալածանքի դարագլուխը. — „Տեղացիներին
պաշտօն չը պէտք է տալ“. — Նշանները. — Թիֆլիզի քաղա-
քային դումայի շուրջը. — Անարդարութիւնը յաղթական:

Քաղաքը ոտքի վրայ է: Հպատակները անհամբեր,
բայց խոնարհ, աչքերը յառած գէպի հեռուն, սպա-
սում են. իսկ ոստիկանութիւնը, պճնւած, խրոխտ հայ-
եացքով դիտում է... Փողոցները մաքրւած են. տները
ներկած. ծածանում են դրօշակներ:

Գալին է...

Եւր խօսքերն են ամենքի բերանում: Մակայն երբ,
որ ժամին, ճաշից յետոյ՝ թէ առաջ, երեկոյեան թէ
գիշերը — այդ ոչ որ գիտէ: Եւ ո՞վ կարող է գիտե-
նալ: Մ ե ծ ա լ ո թ ի կամքը անհասանելի է, անգուշա-
կելի, բարձր որ և է ենթադրութիւնից: Նա կարող է
որեւէ կայարանում ճաշի նստել, կենացներ խմել, քնել
զւարճանալ — ո՞վ կարող է նրան ասել կամ յիշեցնել
թէ „ժողովուրդը սպասում է“, քչւած գէպի գլխաւոր
փողոցները ոստիկանութեան խտտագոյն հրամանով յա-
տուկ պատւերով. . . Վիզիչ է արևը: Յրտաշունչ՝ քամին:
Ո՞ւմ հոգն է: Պէտք է սպասել: Սպասում են փոքրիկ
աշակերտները, կրճարաբար մանկավարժները, հոգևորա-
կանութիւնը, արհեստաւորներ, ամբօխը, ծառայողներ. . .



1005
20853

Եւ թող սպասեն, թող հոգիները գուրս գայ: Հպատակ են, պիտի սպասեն, պիտի հոգի տան:

Ահա, վերջապէս, հեռւից երևաց ոստիկանապետը: Ամբոխը շարժեց. ոստիկանները գրոհ տւին, շչացին մարակները, լուեցին աներ, որոտաց զինւորական երաժշտութեան հրամայական թնդիւնը . . . և մեծաւորը մուտք գործեց քաղաք:

Այդպէս են եկել շատ ուրիշները:

Այդպէս եկաւ և իշխան Գօլիցին:

Միամիտ, հաւատացող է կովկասեան հասարակութիւնը: Յայտնի չէ, թէ ինչպէս և ինչու, բայց յոյսերը մեծ էին, սպասելիքները գեղեցիկ: Նոյն իսկ առասպելներ էին պատմում «սպիտակ ձիաւորի» մասին: Նրան ներկայացնում էին իբրև մեծահոգի, սիրահար կովկասին, ուր նա արդէն ծառայել էր իբրև զինւորական, բարեկամ տեղական ժողովուրդների, արդարութեան ասպետ . . . «Կրթւած մարդ է, նշանաւոր տոհմի ներկայացուցիչ, եռանդի և կամքի տէր, ասում էին շատերը, և նրա գալով՝ երկիրը նոր արշալոյսներ կը տեսնի»: Աօրօնցովի օրերն էին սկսել երազել . . .

— Այո, իշխան Գօլիցին մի «փոքրիկ» Աօրօնցով կարող է լինել, ասում էր նրան ճանաչող մի յարգելի ռուս պարօն, — նրա տոհմին յատուկ է այդ գիծը. սակայն այդ կախւած է և նրանից, թէ ովքեր կը լինեն խորհրդականները. լաւ խորհրդականներով՝ նա փոքրիկ Աօրօնցով կը լինի, իսկ վատ խորհրդականներով՝ փոքրիկ Պօբեդօնօսցեւի:

Գժբախտաբար այդպէս էլ եղաւ: Թիֆլիզում շատերը գիտեն, թէ սկզբի ամիսներում օր օրի ետեից ի՛նչ գեղեցիկ լուրեր էին բղխում իշխան Գօլիցինի ապարանքից: Ընդունելով վարչական մարմնի ներկայացուցիչներին՝ նա ասում էր. «Ինձ համար չկայ ազգու-

Թեան խարութիւն և ձեզ համար էլ չպիտի լինի. ինձ հարկաւոր են լաւ պաշտօնեաներ և դրանց պէտք է փնտրել ամեն ազգի շրջանում:“ Գիմելով կովկասեան ցենզուրական կօմիտէին, իշխանը ասաց. „Մամուլին ազատութիւն տւէք քննադատելու պաշտօնեաներին. ես ուզում եմ այդ ճանապարհով ճշմարտութիւնն իմանալ.“ իսկ իր նախկին ծանօթ հայ զինուորականներին նա շատ անգամ մտերմաբար կրկնում էր, որ ինքը „ստում է ազգայնական հալածանքը և միանգամայն արմատախիլ կ'անէ ամեն մի այդպիսի փորձ,“ — մի խօսքով, մարգարիտների մի հիւսւածք, որ մի որոշ ժամանակից յետոյ գարշելի յանդգնութեամբ „աղբի“ մէջ գցւեց, որպէսզի դրա տեղ պարզի ազգայնական հալածանքի ու խարութեան անարգ գրօշակը, որ այնքան եռանդով և ոգևորութեամբ ծածանեցնում է ամբողջ կովկասի վրայ իշխան Գօլիցին, իր բնարած նենգամիտ խորհրդականներով և արկածախնդիր թելադրիչներով:

Մի օր՝ ընդունելով իր պալատում հայոց պատրիարք-կաթողիկոս Խրիմեանին և խօսելով Էջմիածնի գործերի և կառավարչական ու կաթողիկոսական յարաբերութիւնների մասին, իշխան Գօլիցին ասաց.

— Ես մեծ համակրութիւն եմ տածում դէպի Չերզ վեհափառութեան անձնաւորութիւնը, բայց չեմ կարող թագցնել, որ դուք շրջապատւած էք միանգամայն անվստահելի խորհրդականներով, որոնք, ցաւ է ասել, մեր յարաբերութիւնները և Էջմիածնի գործերը հասցրել են այժմեան տխուր և նոյն իսկ վտանգաւոր վիճակին:

Տարբախտաբար, ամենայն հայոց կաթողիկոսը չկարողացաւ կամ իրաւունք չունեցաւ հեզնելու՝

— Ես էլ, Չերզ պայծառափայլութիւն, համակրութիւն եմ տածում դէպի ձեր անձնաւորութիւնը, բայց չեմ կարող թագցնել, որ դուք ևս շրջապատւած էք միանգամայն անվստահելի խորհրդականներով, որոնք

ցաւ է ասել, մեր յարաբերութիւններն ու կովկասեան գործերը հասցրել են այժմեան տխուր և նոյն իսկ վտանգաւոր վիճակին:

Խորհրդականների ընտրութիւնը յաճախ լինում է ակամայ ու անգիտակցաբար, յաճախ՝ գիտակցօրէն ու նախամտածւած: Իշխան Գօլիցինի արածը՝ վերջին տեսակիցն էր: Նրան ներշնչւած էր որոշ ծրագիր: Եւ նա անձնականապէս աւելի ուժ տւեց այդ ծրագրին:

Անշուշտ, հետաքրքիր է իմանալ, թէ ովքեր կազմեցին այն «խորհրդակցական» մարմինը, որը միացած կառավարչապետին՝ այնքան վճռական ներգործութիւն ունեցաւ: Ահա: Գեներալ Ֆրէզէ, նախկին նահանգապետ Երևանի, որ Պօբեղօնօսցեալեան ուղղութեան համար նահանգապետի պաշտօնից բարձրացեց ժանգարմների շէֆի կարեւոր պաշտօնին և ապա Պետերբուրգից ուղարկեց Թիֆլիզ՝ Գօլիցինի աջ ձեռքը լինելու համար: Կառավարչապետի դիւանատան ղիրեկտօր Միցկէ Է Էլիչ, ռուսադաւան լեհացի, այսինքն լեհացու ամենավատ տեսակը, աւելի ռուս՝ քան ամենաթունդ ռուսը, երկչոտ ու կասկածոտ, շողոքորթ ու ինտրիգան: Նահանգապետ Բրէյօվ, որ դատաստանական նախագահի պաշտօնից Գօլիցինի կողմից կանչեց նահանգապետութեան՝ միայն մի արժանաւորութեան — հայտատեցութեան — համար, եթէ չհաշուենք նրա մի այլ արժանաւորութիւնը — կաշռակերութիւնը, որով մեծ հռչակ էր ստացել դատարանական շրջաններում. . . Փոխնահանգապետ Ստեֆանօվիչ, որին ճակատագիրը ձգեց Կովկաս, բանաստեղծի ասելով «բախտ եւ աստիճաններ որսալու» — մի տենչանք՝ որի համար ազգայնական հարցը ամենակարճ ճանապարհն է այժմ. . . Ահա այն առաջաւոր խումբը, որ տօն տւեց գործերին և որ իր նպատակներին հասնելու համար ոչ միայն գաւառները լքցրեց այնպիսի «չնաշխարհիկ» նա-

հանգապետներով, ինչպէս է գեներալ Աիրէեզ Գան-
ձակում, կամ թէ այնպիսի ոճրագործ գաւառապետներով,
ինչպէս Բօգուսրափսկի Իգգիրում, այլ և հնարաւոր
համարեց երկրի միակ պաշտօնական լրագիրը յանձնել
մի այնպիսի կլասիկ-աֆէրիստի, ինչպիսին է Ղէլիչկօ . . .

Աիրա առած բարձրագոյն լի ազօր ու թիւնից,
յնեւած սենատօրի բարձր տիտղոսի վրայ, և քաջալեր
իր ստացած գազանի հրահանգներից՝ նա սկսեց շատ
արագ, շատ կտրուկ, և շատ յանկարծօրէն: Չուսումնա-
սիրեց, այլ կտրեց: Չը քննեց՝ այլ ցանկացաւ: Նա ցան-
կանում էր — և պիտի կատարուէր: «Ես լիազօրութիւն
ունեմ անելու, ինչ կամենում եմ», գոչում էր նա ա-
մէն քայլափոխում, լինէր դիմացինը նահանգապետ թէ
իր այգեպանը, ցննչուբական կօմիտէի նախագահը՝ թէ
իր ձիապանը: Պատում եմ, որ մի օր, նա այդ նոյն
ֆրաղը կրկնեց, թէ այն ժամանակ երբ խօսում էր
գատաստանական պալատի նախագահի հետ, որ նրա
կարգադրութեան դէմ բողոքում էր, թէ պալատական
այգու կառավարչի հետ, որը բացատրում էր թէ ծա-
ւերի ճիւղերը այժմ կտրել չի կարելի: «Սամօզուր»,
երևի մտածեցին երկուսն էլ, առանձնասենեակից դուրս
գալով: Եւ ս ա մ օ զ ու ը ը սկսեց «կառավարել»:

Խելագար այն մտքով՝ որ ամենից առաջ պէտք է
աղատել կառավարչական մեքենան տեղացիներին
փտանգաւոր մասնակցութիւնից, որոնք, նրա կարծիքով
— սեալ կարծիք — ատրել էին վարչական ամէն տե-
սակ պաշտօններին, Գօլիցին այդ դարձրեց իր առաջին
մտածմունքը և առաջին գործը: Տեղացիներին
պաշտօն չը տալ — ահա այդ երեք բառերի մէջ
էր ամփոխած նոր «քաղաքականութիւնը»: Շշուկները
կային. շուտով եկան և փաստերը . . .

1897 թւի յուլիս ամսին էր, երբ լուր տարածւեց
թէ Թիֆլիզի նահանգապետ իշխան Շէրվաշիձէ, հրա-

ժարուժ կամ՝ աւելի ճիշտ է ասել՝ հրաժարեցում է պաշտօնից: Գղորդիւնը մեծ էր: Իշխան Շէրվաշիձէի հրաժարականը ազգանշան էր: Եթէ նա մնար, կը նըշանակէր՝ տեղական խաղաղութիւնը կուսակցութիւնը յաղթող հանդիսացաւ. իսկ հրաժարելը — վերջնական ապացոյց, որ Ֆրէդէ-Միցկեվիչեան խումբը տիրապեանց . . . ոչ, ի հարկէ, թշնամու բանակին, այլ կառավարչապետի ապարանքին . . . Եւ մի ամիս հազիւ անցած՝ այդ կասկածները, տարաբանտարար, արդարացան: Շէրվաշիձէ, չտանելով իր անձի և երկար տարիների գործունէութեան դէմ լարած դաւերը, հրաժարական տուց, որ ի դէպ է ասել, կառավարչապետը ընդունեց մեծ հաճոյքով: Այդ հրաժարականին հետևեցին այլ հրաժարականներ, այլ չքացումներ:

Այդ «քաղաքականութեան» շնորհիւ իշխան Ամիլախարի, ազգով վրացի, հրամանատար զօրաբանակի, կովկասեան զինուորականութեան փայլուն մի ներկայացուցիչ, որ քանի մի ամիս՝ մինչև Գօլիցինի գալը՝ վարեց նոյն իսկ կառավարչապետի պաշտօնը, անտես արևեց, և նրա տեղ կառավարչապետի օգնական նշանակեց գեներալ Ֆրէդէ: Գա ընդհանուր զարմանք առաջ բերեց, որովհետև պարզ «տակտը», եթէ աւելի չասենք, պահանջում էր յարգել տեղացի մի այնպիսի պաշտօնեայի, որ ուսաց յաղթութիւնների համար մաղեր է ձերմակացրել: Գրա փոխարէն՝ վիրաւորանքը կրկնապատկելու դիտումով, իշխան Ամիլախարիին նշանակեցին իշխան Գօլիցինի «առանձին յանձնարարութիւնների» պաշտօնեայ, մոռանալով, որ տարիներ առաջ՝ նոյն այդ Գօլիցին ծառայել է իբրև աննշան զինուորական Ամիլախարիի ձեռքի տակ, երբ նա բանակ էր կառավարում . . .

Կահանգապետ Շէրվաշիձէի հեռանալուց յետոյ անմիջապէս պաշտօնից զրկեց Գանձակի նահանգապետ

իշխան Նակաշիձէ, որպէսզի զրանց փոխարէն «ուս-
ներ նշանակեն: Եւ ահա Շէրվաշիձէի տեղ նշանակեց
Բըկով, որին — լաւ լսեցէք — քիչ յետոյ նոյն իսկ
Վօլիցինը տեսնել չէր ուզում, իսկ Նակաշիձէի տեղ
Մոսկւայից հրաւիրեց ինչ որ գեներալ Վիրէեվ, որի
միակ արժանաւարութիւնն այն էր, որ Վօլիցինի անձա-
կան բարեկամն էր, և որը մի ամսում արդէն ցոյց տւեց,
որ այլ բան է Մոսկւայի «արակտիրներում» լաւ «յա-
ճախորդ» լինել, և այլ բան լաւ «նահանգապետ» . . .
Ըյդ կարևոր փոփոխութիւններին յաջորդեցին աւելի
աննշանները, սկսած դաւաճապետներից և վերջացրած
պիստաւներով: Հայերի մասին տեսլը աւելորդ է. նրանք
առանց դրան էլ «բարձր» պաշտօնների համար ան-
յարմար էին գտնւած՝ և իբրև քաղաքականապէս «ան-
վտահայտ» տարր՝ սկսեցին հեռացել նոյն իսկ իրենց
երկրորդական պաշտօններից: Առավարչապետի կար-
գադրութեամբ, արդէն պաշտօնի մէջ եղած հայերին
տեղեր էին առաջարկում կամ Առաստտանի ներքին
նահանգներում կամ այնպիսի վայրերում, ուր հայեր
չեն ապրում, իսկ նորերին բացարձակապէս մերժում էին
ընդունել: Երևի դրանով պիտի իրագործւէր այն մե-
ծադորդ ֆրազը՝ թէ «իր համար չկայ ազգերի և
կրօնների խտրութիւն»:

Հազիւ մի քանի ամիս անցաւ, սակայն, և Վանձակի
նահանգի մէջ տեղի ունեցած դառն փաստերը ցոյց
տւին, որ շատ վտանգաւոր գործ է՝ պաշտօնի կանչել
երկրին և ժողովրդին անձանօթ, ոչինչ արժանիք չու-
նեցող անձինք և հեռացնել այնպիսի տեղացիներին,
որոնք ամբողջ գլխով բարձր են զանազան «գեներալ-
ներից» և «տայնի սովետնիկներից»: Աւազակութիւնը
միանգամից կրկնապատկեց իր ուժը. «ուս չինօվնիկ-
ների խամութեան» վրայ վստահ՝ թուրք աւազակա-
պետները սկսեցին սպանել ոչ միայն «անդէն հպա-

տակներին“, այլև կօղակներով շրջապատուած պրիստաւ-
ներին, որոնց կենդանի սպացոյց պէտք է համարել
Մօնաստիրակու և Աբաշիձէի սպանութիւնը: Աւաղա-
կային խմբերը յանդգնաբար սկսեցին կողոպտել ո՛չ
միայն մութ ճանապարհների վրայ, այլ նոյն իսկ նա-
հանգական քաղաքի դիմաց, նահանգապետի քթի տակ,
ինչպէս այդ ցոյց է տալիս Հաջիբէնդի հռչակաւոր
դէպքը, երբ աւաղակները կալանաւորեցին ոստիկանա-
պետին, պրիստաւին, ուստի օֆիցերին և բազմաթիւ այլ
մարդիկ, ու մտադիր էին ձերբակալել նոյն իսկ նա-
հանգապետ գեներալ Աիրէեփին՝ իբրև խոստովանք նրա
մեծ քաջութեան . . . Քիչ անցած՝ մինչև իսկ ինքը
գեներալ Աիրէեփ, յուսահատուած, առաջարկ է արել
իշխան Գօլիցինին մի քանի հայերի պաշտօն տալ ոս-
տիկանութեան մէջ. „Կնչքան ուսման բերեցինք, բո-
լորն էլ արբեցող դուրս եկան — ասել է նա — իսկ
թուրքերը աւելի մեր ոտի տակն են փորում, քան գործ
չինում: ուրիշ եւք չկայ, բայց եթէ տեղացիներին նո-
րից պաշտօնի կանչել“: — Ոչ և ո՛չ, լսել անգամ չեմ
կարող հայերի մասին, — ահա այս է եղել Գօլիցինի
պատասխանը: Նա մինչև այժմ էլ՝ չխրատուած փաստե-
րից՝ կանչում է այս կամ այն դիւանատան կամ վար-
չութեան զեկամարին և յայտնում. „Չեղ մօա մի քանի
հայեր կան, պէտք է նրանց ուղարկել ներքին նա-
հանգները կամ բոլորովին հեռացնել“. և եթէ որեւէ
մէկը փորձում է ապացուցանել, թէ այդ հայերը ար-
ժանաւոր պաշտօնեաներ են, իսկոյն թնդում է իշխա-
նական որոտը՝ „Անել, ինչպէս ասացի. . .“ Յիշատակելի է
Թիֆլիզի „կօնտրօնիյ պալատի“ կառավարիչ Աերեանն-
նիկօփի դէպքը, որը ստիպեց Ֆինանսների մինիստրին խըն-
դրել՝ կամ տեղափոխել իրեն Աովկասից Աուսաստան կամ
ընդունել իր հրաժարականը, ասելով թէ չէ կարող Գօլի-
ցինի պահանջմամբ հեռացնել իր հայ պաշտօնեաներին. . .

Թիֆլիզի զիքաղաքային գումարային (խորհրդարան) դէպքը գալիս է լրացնելու տեղացիների դէմ սկսած պատերազմը: Հիմնւած լինելով ընտրողական օրէնքի վրայ, բնականաբար, քաղաքային գումարներում մեծամասնութիւնը պէտք է լինի տեղացի ազգաբնակութեան ներկայացուցիչ և ոչ թէ ուսանների, որոնք, ինչպէս յայտնի է, Անդրկովկասում շնչին տուկոս են կազմում: Մոռանալով ահա այդ բնական իրողութիւնը, իշխան Գօլիցին իր «քաղաքագէտ» խորհրդականներով միշտ մոռնում է, թէ «ղա ուսաց գումար է: այլ հայոց գումար»: Եւ ահա կամենալով չբացնել գումարների անկախ գործունէութիւնը՝ Գօլիցին համարձակութիւն առած իրեն տւած արտօնութիւններից, ամեն քայլափոխում խառնում է գումարի գործերում, ոչընչացնում նրա որոշումները, ինքնագլուխ հրահանգներ տալիս նրան . . . Ահա մի փաստ: Թիֆլիզի գումարն որոշում է մի հասարակ բան— իր ձեռքն առնել քաղաքի ձիաքարչը, որ կապալով է տւած մի բէլգիական ընկերութեան: Աւելի պարզ բան լինել էլ չէ կարող: Գումարն քաղաքի անտեսական գործերի ղեկավարն է և շատ բնական է, երբ նա ձգտում է ձիաքարչը աւելի շահաւէտ և բնակիչների համար աւելի յարմար կերպով բանեցնել: Բայց ահա «ուս հայրենասէրները» շնչում են իրար ականջի, թէ «գումարն ուզում է ձիաքարչը ձեռք ձգել, որպէսզի այնտեղ էլ բոլոր պաշտօնները հայերին տայ»: Կնարիզը լարւած է, մընում է տեսնել արդիւնքը: Իսկ արդիւնքը այն եղաւ, որ Թիֆլիզի նահանգապետ Բրիզով և փոխ-նահանգապետ Ստեֆանովիչ՝ արտօնւած Գօլիցինի կողմից՝ սկսեցին մէկը միւսի ետեւից ջլատել գումարի իրաւունքները, քանդել նրա որոշումները, նոյն իսկ սկսեցին սիրտ տալ բէլգիական ընկերութեան, վերջապէս այնտեղ հասցրին, որ կարողացան՝ Գօլիցինի գրութեամբ՝ քաղաքային վար-

չութեան (ուպրավա) երկու անգամներին հեռացնել պաշտօնից և ինչ խօսք, տապալեցին ձիաքարչի յետգնման գործը: Եւ այժմ արժէք չունի դուսան. նա կառավարչապետի և մինչև իսկ նահանգապետի խաղալիքն է . . .

Գրանով սակայն չվերջացաւ պատմութիւնը. մի պատմութիւնից ծագեց մի այլը: Քիֆլիզի դատաստանական պալատի աւագ պրօկուրօր Ասիլեվ անմիջապէս հեռագրում է արդարագատութեան մինիստրին, թէ կովկասեան կառավարչապետը «իրաւունք չունէր հեռացնելու ուպրավայի անգամներին և նրա այդ վարձուները ապօրինի է»: Հարւածը խիստ էր, որովհետև Ասիլեվ հայ չէր, որ կարելի լինէր հեշտութեամբ լռեցնել: Իշխան Գօլիցին նեղն էր ընկել: Եւ ահա մի օր նա կանչել է տալիս դատաստանական պալատի աւագ նախագահ Արասսկուն, որպէսզի ստիպի ոչնչացնել այդ բողոքը: Ասում են, թէ նոր էր Արասսկին սենեակը մտել, որ Գօլիցին սկսում է բաւական անբաղաբամար կերպով գոռալ, նկատողութիւններ անել: Նախագահ Արասսկի շատ սառն կերպով նկատում է. «Չերդ պայծառափայլութիւն, ես ձեր ստորագրեալը չեմ և բոլորովին ցանկութիւն չունեմ վիրաւորանքներ կրելու»: Ասելով այդ խօսքերը, նա անմիջապէս դուրս է գնում և ինչպէս հաւատացնում են տեղեակ անձինք, անմիջապէս հեռագրով գանգատ է ուղարկում մինիստրին իր կրած վիրաւորանքի համար: Իշխան-կառավարչապետը միւս օրն է միայն զգում, որ գործը սուր կերպարանք է ստանում, նորից իր մօտ է հրաւիրում Արասսկուն և ներողութիւն խնդրելով, առաջարկում մի կերպ ոչնչացնել պրօկուրօրի բողոքը: «Մեր գործը ընդհանուր է — ասում է նա — մենք ընդհանուր ուժերով պիտի կուենք տեղական թշնամի տարրերի դէմ և այդ պատճառով ես կը ցանկայի, որ դատաստանական իշխանութիւնը իմ դէմ չգնայ»: Նախագահ Արասսկի

Հասկացնել է տալիս կառավարչապետին, թէ դատաստանական պալատի աւագ պրօկուրօրը անկախ իշխանութիւն է, և այսօր բողոք տալով կառավարչապետի որևէ քայլի դէմ, վաղը կարող է բողոք տալ նոյն իսկ իր, դատաստանական պալատի նախագահի դէմ, և ապա ուրեմն ինքը անկարող է որևէ արգելք դնել . . . Ինչ եղաւ վերջը, — այն, որ կառավարչապետի կարգադրութիւնը ու պրավայի երկու անդամների վերաբերմամբ չքանդուեց և ուրեմն այն անգամ էլ նա յաղթեց:

Անցան ամիսներ: Առավարչապետի ճնշումները դէպի քաղաքային ինքնավարութիւնը՝ Հասան իրենց գագաթնակէտին: Նա կասկածի տակ դրեց ամեն ինչ. և՛ ծառայողներին, և՛ վարչական անդամներին, և նոյն իսկ քաղաքային գրամական հաշիւները: Նշանակեց յանկարծական քննութիւն: Եղան սպառնալիքներ: Աւրջութեան անդամներից մի քանիսը, պաշտօնից հեռացեցին: „Հայկական բուն է, պէտք է քանդել“ որոտով էր սամփռուր: Եւ համբերահատ՝ մեղադրուողները և նոյն իսկ քաղաքային ինքնավարութիւնը, բողոք աւին բարձրագոյն ատեանին, կառավարիչ սենատին: Սենատը քննեց, և գտաւ՝ անմեղ: Սակայն գրա հետ միասին նա կատարեց անարդարութեան մի անսովոր գործ. — „Թէև անմեղ են, բայց պէտք է հեռանան, որպէսզի չը կոտորւի կառավարչապետի խօսքը, չը վնասւի նրա պրեստիժը, նրա բարձր դիրքը . . .“:

Եւ արդարութիւնը մնաց պատժւած, հալածական, գլխիկոր. իսկ բարձրագոյն ատեանների կողմից պաշտպանւած կառավարչապետը՝ աւելի սիրա առած, զինուորւած անպատիժ մնալու յաւիտենական հաւատքով, շարունակեց իր ճամբան, համարձակ, աներկիր, առանց կարմրելու . . . և հասաւ մինչև ժողովրդի կրթութեան վայրերը, — սպաբախտ հայոց դպրոցները:



ՀԱՅՈՑ ԴՊՐՈՑՆԵՐԻ ՓԱԿՈՒՍԸ

(ԵՐՐՈՐԴ ՆԱՄԱԿ)

Առաջին փակումը. — Նախամտածւած ծրագիր. — Ուսումնարանական վարչութեան ընթացքը. — Կասկածներ Էջմիածնի հասցէին. — Բանակրիւ սինոդի եւ պաշտօնական օրգանի միջեւ. — Պատմական վաւերագրեր. — Դպրոցների երկրորդ փակումը. — Նորանոր խստութիւններ:

1885 և 1897, — անմոռանալի թուականներ, լի արտասուքով և յուսահատութեամբ: Չը տեսնւած դէպքերի օրեր էին դրանք: Քաղաքներում թէ աւաններում, գիւղերի մէջ թէ շէներում՝ ոստիկանները, համագգեստով, հրամայական շեշտը ձակատին, ներս էին խուժում այն վայրերը, ուր մինչև այդ չէր տարածւած նրանց թագաւորութիւնը, և այնտեղից դուրս էին գալիս փոքրիկ մանուկներ՝ արտասուալից աչքերով, դողդոջուն, ահը երեսներին . . .

Հայոց դպրոցների փակումն էր դա:

Ըն աջին անգամ նա տեղի ունեցաւ 1885-ին, երբ Ռուսաստանի գահի վրայ բազմած էր Ալեքսանդր III, կառավարչապետի բազմոցի վրայ՝ Գօնդուկով-Աօրսակով, իսկ ուսումնարանական շրջանի հոգաբարձուի աթոռի վրայ՝ Կանովսկի:

Երկրորդ անգամ՝ 1897-ին, երբ կայսերական գա-
լիստերը բռնել էր Նիկոլայ II, կառավարչապետի
սուրբ իշխան Գօլիցին, և ուսումնարանական շըր-
ջանի հոգաբարձուի տիտղոսը՝ դարձեալ Եանօվսկի:

Ուշագրաւ է այս պատմութիւնը:

Գեո. 1836-ին՝ հայոց եկեղեցու համար կազմւած
մեծագորգը «Պօլօթենիա»-ով, հոգևորականու-
թիւնը և առհասարակ Ռուսաստանի հայ համայնքը
պաշտօնապէս իրաւունք ստացաւ ունենալու իր սեփա-
կան եկեղեցական-ծխական դպրոցները: Երեսնական և
քառասնական թւականներին, երբ Անդրեօվկասը դեռ
էր մաքրել իր վրայից ուսուպարսկական և ուսու-
թիւրքական պատերազմների արեան հետքերը, բնակա-
նաբար, դժւար էր ուժգին կերպով ներել զպրոցա-
կան գործին: Բայց 50-ական թւականներից, երբ եր-
կրում հաստատուեց խաղաղութիւն և միւս կողմից հայոց
հասարակութեան մէջ էլ, եւրոպական և ուսաց մաքի
զորեղ ցնցումների պատճառով, սկսեց մտաւոր վերած-
նութիւն, կովկասեան կեանքի մութ հորիզոնի վրայ
սկսեցին պլպլալ լոյսի և գիտութեան թոյլ կայծեր,
երևան եկան եկեղեցական-ժողովրդական դպրոցներ:
Մասթէոս կաթողիկոսը, որ՝ իր շատ թերութիւնների
հետ միասին՝ ունէր մի շատ մեծ արժանաւորութիւն—
անսահման սէր դէպի ուսումնարանը— հիմք դրեց ժո-
ղովրդական դպրոցներին, օգուտ քաղելով այն
իրաւունքից, որ օրէնքը տալիս էր հայոց հոգևորակա-
նութեան պետին: Ոչ աւելի քան 15-20 տարւայ ըն-
թացքում, մանաւանդ 70-ական թւականներից սկսած,
երբ Կովկասի հայոց մամուլի մէջ մի զօրեղ պրօպա-
գանդ սկսեց յօգուտ ժողովրդական կրթութեան, —
այդ դպրոցների ուժը և թիւը աճեց ու հասաւ պատ-
կառելի մեծութեան: Եւ երբ 1882 թւին, Գէորգ կա-
թողիկոսի հաւանութեամբ, Թիֆլիզում կայացաւ առա-

ջին Հայոց Ռուսոցչական ընդհանուր ժողովը, Հայոց դպրոցական շարժման այդ նշանաւոր հանդէսը, — շատերը առաջին անգամ միայն տեսան և զգացին, թէ ինչ հսկայական քայլեր է արել կրթութեան գործը առաջաւոր Ասիայի մի փոքրիկ ազգի մէջ, որ չնայած իր մնայլ անցեալին, հերոսական ջանքեր էր թափում կուլտուրական կարապետ լինելու երկրի մէջ: Ժողովը ցոյց տւեց, որ կողմասը պատած է Հայոց ժողովրդական դպրոցների մի ամբողջ ցանցով — բաւական լաւ պատրաստուած ուսուցիչ-վարժուհիներով, որոնք անձնւիրաբար ընդհանուր կրթութիւն և գրագիտութիւն էին տարածում այն վայրերում, ուր տարիների ընթացքում թագաւորել է միայն բռնութիւնը, սուրբ, արիւնը, թալանը և տգիտութեան բթացնող ոգին . . .

Տարաբախտաբար 82-ի ուսուցչական առաջին ընդհանուր ժողովը, որանց վճուէնց երկրորդ ժողովը գումարել էջմիածնում, եղաւ Հայոց դպրոցական պատմութեան վերջին հանդէսը: Հազիւ 3 տարի անցած, 1885 ին, իշխան Գօնդուկով-կորսակով և Խանովսկի, ինչպէս անսանք, սպանիչ հարւածը տւին հայկական կրթարաններին, — փակել տւին դպրոցները, նրանց արդիւնաւոր գործունէութիւնը քաղաքական ինտրիգի նոր ասպարէզ դարձնելով: Եւ այդ օրւանից ահա վերջնական կերպով հրապարակի վրայ դուեց այն դժբախտ և եղակի հարցը, որ ամբողջ Ռուսաստանում և մանաւանդ կառավարչական գաղանի գրագրութիւնների մէջ յայտնի է „Հայոց դպրոցների հարց“ անունով . . .

Գպրոցների առաջին փակումը 1885 թւին՝ տեղեւունեցաւ կրկնակի կամայականութեամբ, — այն ժամանակ, երբ կաթողիկոս չը կար. Գէորգը մեռած էր, 1884-ի կաթողիկոսական ընտրութիւնը, որ վերջացաւ Ներսէս վարժապետանի ընտրութեամբ, չէր

Հաստատուած և դեռ ևս անդի չէր ունեցել 85-ի ընտրութիւնը, երբ կաթողիկոս դարձաւ Մակարը: Էջմիածնի Հայոց սինոդը, որին Գօնդուկով-Կօրսակովը, սուսոց դպրոցների հոգաբարձու Եանովսկու խորհրդով նեղն էր ձգել, միմիայն մի բան էր խնդրում — սպասել մինչև կաթողիկոսի ընտրութիւնը, քանի որ ինքը, սինոդը, նոյն իսկ օրէնքով, անձեռնհաս է կարգադրելու այնպիսի մի արտասովոր խնդիր, ինչպիսին է դպրոցների փակելու կամ յանձնելու հարցը:

Եյդ տրամաբանական խնդիրքը չը յարգւեց, և ոչ միայն չը յարգւեց, այլ սինոդի բռնած ընթացքի մէջ կառավարութիւնը երևակայեց գտնել զիմադրութեան նշաններ, հակակառավարչական դիրք, վտանգաւոր քաղաքական ծրագիր: Թիֆլիզից խիստ հրահանգներ ուղարկեցին Էջմիածնի պրօկուրօրին: Ինքը Եանովսկի, „Կավկազ“ պաշտօնական օրգանի մէջ սկսեց մեղադրական ճառեր Էջմիածնի սինոդի դէմ: Նենգամիտ յօդուածներ էին զրանք, երբեմն իբրև պաշտօնական աղբիւրից բղխած, „Հաղորդւած է“ ստորագրութեամբ, և յաճախ իբրև խմբագրութեան գրած, պատասխանատուութիւնից փախուստ տալու մտքով:

Եյդ „յօդուածները“ լուրջ երկիւղ պատճառեցին հասարակութեան: Նրանց աղբիւրը շատ լաւ յայտնի էր: Տպաւորութիւնը այնքան ծանր էր, որ Էջմիածնի սինոդը, թէև գրւած շատ փափուկ և երկիւղալի վիճակի մէջ, իրան ստիպւած զգաց պատասխանել, յետ մղել իր դէմ ուղղւած մեղադրանքները: Պաշտօնական պատասխանը, գրւած այնքան մեղմ, հաւատարմական ոճով, տպագրւեց Հայոց կրօնական վարչութեան պաշտօնական օրգան՝ „Արարատի“ մէջ, 1885 թւի մարտ ամսին: Ահա այդ հ ե ը . ք մ ն ա գ ի ը :

ՊԵՏԼԱՍԻԱՆ «ԿԱՎԿԱՉ» ԼՐԱԳՐԻ ՅՕԴԻԱԾԻՆ
ՀԱՅՈՑ ՀՈԳԵՆՈՐ ԴՊՐՈՑՆԵՐԻ ՎԵՐԱԲԵՐՄԱՄԲ

«Էջմիածնի լուսաւորչական հայոց Սինոդի անդամները կարդալով «Կավկազ» լրագրի 56 եւ 60 համարները, զաւօք սրտի տեսան առաջին յօդուածի մէջ, բացի ինքեանց եւ համայն հայոց հոգեւորականութիւնը մեղադրւած՝ ինչպէս չկատարողներ մեր ամենասիրելի թագաւոր Կայսեր բարձրագոյն կամաց եւ հրամանաց, որոնք բացատրուած են հայոց ուսումնարանների համար ի լոյս ընծայուած կանոնադրութեանց մէջ, եւ մանաւանդ ի 16 փետրվարի անցեալ 1884 թուականի Այդպիսի մեղադրանքից իրանց անձը ազատ համարելու համար՝ Սինոդի անդամները պարտք են համարում յայտարարել, թէ իրանք միշտ ի նկատի ունեցել են ամենայն հայոց Կաթողիկոսի բազմադարեան արտօնութիւնները հայոց եկեղեցական ծխական եւ հոգեւոր ուսումնարանների վրայ, որոնք պարզապէս բացատրուած են նոյնիսկ «Կավկազ» լրագրի յառաջ բերած՝ ներքին գործոց նախարարութեան 29 սեպտեմբերի 1876 ամի № 1481 հաղորդագրութեան մէջ, որ պարունակած է կովկասեան փոխարքայի գլխաւոր վարչութեան կառավարողի 19 նոյեմբերի նոյն տարուայ գրութեան մէջ, յանուն ամենայն հայոց Գէորգ Գ. Կաթողիկոսի՝ ի տեղեկութիւն եւ ի հրահանգութիւն Իբրև հոգեւորական անձինք՝ Սինոդի անդամները չեն վստահացել այդ Հայրապետական իրաւունքները, որ նուիրական է, որ եւ իցէ կերպով խախտել:

«Մենք վերոգրեալ գրութիւնը յառաջ ենք բերում բառ առ բառ հանգերձ հայերէն թարգմանութեամբ, որպէս զի պարզաբանութի վիճելի այն խնդիրը, թէ ո՛ւմն է պատկանում հայոց ուսումնարանների բացման եւ կառավարութեան գլխաւոր իրաւունքը, Կաթողիկոսի՞ն թէ էջմիածնի Սինոդին: Ահա՛ գլխաւոր կառավարութեան հաղորդագրութեան բուն օրինակը, 19 նոյ. 1876, № 4423.

»Չերգ Վեհափառութիւն,

Ի 19 աւուր յուլիսի 1874 ամի՝ հետեւեցաւ Բարձրագոյն հրաման թագաւոր Կայսեր ի մասին ենթարկելու հայոց եկեղեցական ծխական դպրոցները Կովկասում եւ

Ընդգրկովկասում՝ Հսկողութեան ժողովրդական ուսումնարանաց տեսուչների, այժմ՝ վերատեսուչների:

Ի նկատի ունենալով այն տարակուսութիւնները, որոնք ծագել են այս Բարձրագոյն Հրամանի կատարման միջոցին, Ստատս-Սեկրետար իշխան Բաղրատիօն Մուխրանսկին, ըստ յանձնարարութեան Կորին Այսյերական բարձրութեան թագաւոր Մեծ իշխան փոխարքային Աովկասու, ի 16 դեկտեմբերի 1875 ամի, դիմեց ներքին գործոց նախարարին բացատրելու համար հետեւեալ հարցումները.

1) Հայոց հոգևոր վարչութիւնը իրաւունք ունի արդեօք բանալու միայն ծխական դպրոցներ սկզբնական դասընթացքով, թէ հանրակրթական ուսումնարաններ աւելի ընդարձակ ծրագրով, որի մէջ կարողանայ մտնել ուրիշ հանրակրթական գիտութիւնների դասատուութիւնը:

2) Հոգևոր վարչութիւնը պարտաւոր է արդեօք տեղեկութիւն տալ տեղական տեսուչներին նոր բացելէք դպրոցների եւ նրանց մէջ նշանակելու ուսուցչաց մասին:

3) Ի նկատի ունենալով, որ հայոց դպրոցներից ոմանք խուսափում են ժողովրդական ուսումնարանների տեսուչների հսկողութիւնից, բացատրել՝ արդեօք ժողովրդական դպրոցների վերատեսուչները եւ տեսուչները իրաւունք ունին եւ պարտաւոր չեն ժամանակ առ ժամանակ այցելել այդ դպրոցները:

Այդ հարցումները, ինչպէս երևում է ներքին գործոց նախարարի օգնականի ինձ ուղղած հաղորդագրութիւնից ի 2) ապրիլի տարւոյս № 1481, այսպէս են լուծուած.

1) Չեղք Աեհափառութիւնը իրաւունք ունիք, չ'ենդրելով Աովկասեան ուսումնական շրջանի հոգաբարձուի թոյլատուութիւնը, բանալու ուսումնարաններ աւելի ընդարձակ եւ կատարեալ դասընթացքով, համեմատած ծխական դպրոցների հետ, այն պայմանաւ, որ ուսուցչ լեզլի, Ռուսաստանի պատմութեան եւ աշխարհագրութեան դասատուութիւնը այդ ուսումնարաններում՝ ենթարկելի ժողովրդական ուսումնարանաց տեսուչների հսկողութեան.

2) Հայոց հոգևոր վարչութիւնը պարտաւոր է հաղորդել ուսումնարանական տեսչութեան տեղեկութիւններ, ինչպէս նոր բացած դպրոցների, նոյնպէս եւ նորանց մէջ նշանակելու ուսուցիչների մասին:

3) Ժողովրդական դպրոցների տեսուչների իրաւունքները

և պարտաւորութիւնները այցելելու եկեղեցական դպրոցները և հսկելու նորանց մէջ պարտաւորական առարկաների դասատուութեան վրայ, ինչպէս ըստ զօրութեան բարձրագոյն հաստատեալ ի 22 նոյեմբերի 1873 ամի՝ պետական խորհրդի կարծիքի, նոյնպէս և բարձրագոյն հրամանի 19 յուլիսի 1874 ամի, շի կարող ենթարկուիլ երկբայութեան:

Ձեկուցանելով Մեծ իշխան փոխարքային ներքին գործոց նախարարի օգնականի վերև պարզաբանած հարցերը, նորին կայսերական բարձրութիւնը հրամայելով ընդունել այդ բացատրութիւնները ի հրահանգութիւն տեսչութեան Ազգական ուսումնական շրջանի, հաճեցաւ յանձնել ինձ՝ այս մասին ծանուցանել Ձերդ Ահհափառութեան:

Կատարելով սրանով նորին կայսերական Բարձրութեան կամքը՝ գնրազանց յարգանք եւ մտերմութեամբ ունիմ՝ պատիւ մտաւ, ողորմած շովուպետ, Ձերդ խոնարհ ծառայ՝

Պ. ԱԼՈՒՇԻՆ

Հազորդելով նախարարի վերոգրեալ հաղորդագրութիւնը, որը ինչպէս տեսանք, հաստատւած է և նորին կայսերական Բարձրութեան կովկասեան փոխարքայի կողմից, և իշրեւ օրէնք առաջադրւած է ի հրահանգութիւն և ի կատարումն կովկասեան ուսումնարանական վարչութեան, նոր կանոնադրութիւնների հետ, ի 16 փետրվարի 1884 ամի, Սինօզի անդամները զանում են, թէ բացի կրօնագիտութեան դասատուութեան վրայ հրակելուց, հայոց հոգեւորականութիւնը ուրիշ իրաւունք ամենեւին չունի, այլ միայն պարտական է եկեղեցական բողոք գումարները ծախսել ծխական անունով դպրոցներ բանայու և փակելու վրայ, և միշտ փակուելի և բացուելի դպրոցների մասին հաշիւ տալ փողովդակեան դպրոցների վերատեսչաց եւ տեսչաց: Հապա որո՞նք են այն մեծամեծ իրաւունքները, որ ինչպէս ասում է «կալկազ»ի յօդուածագիրը, այդ կանոնադրութիւնները տալիս են հայոց հոգեւորականութեան:

Բայց պէտք է ասել, որ նախարարի վերոգրեալ № 1481 հաղորդագրութեամբ և Մեծ իշխան փոխարքայի բարձրագոյն հրամանի վրայ հիմնելով, հանգուցեալ կաթողիկոսի հրամանով բացուել են զանազան քաղաքներում՝ եկեղեցական ծախսերով՝ շատ ուսումնարաններ,

աւելի ընդարձակ ուսման ընթացքով, համեմատած ծխական գպրոցների հետ, որոնք այժմ փակւել են կողկասեան կառավարութեան ձեռքով ի պաւ սրտի ամբողջ ժողովրդեան: Միթէ նախարարի յիշեալ հաղորդագրութիւնը օրէնսդրական կարգով փոխուած է. մեզ դեռ յայտնի չէ ոչ մի տեղից:

Գալով այն հարցին, թէ «հայոց հոգևորականութիւնը յամառութեամբ խոյս է աւել 10 տարւայ ընթացքում կատարելու բարձրագոյն հաստատուած կանոնները՝ 19 յուլիսի 1874 ամի», մենք վստահանում ենք յայտարարել, թէ Սինոդի անդամները եւ ընդհանրապէս հայոց հոգևորականութիւնը ուսաց տիրապետութեան վաթսուն տարւայ ընթացքում, վայելելով միշտ ուսաց կայսրների առատ խնամքը եւ շնորհած մեծամեծ արտունութիւնները, երբէք մտքիցն անգամ չեն անցկացրել յամառութեամբ խոյս տալ կատարելու Բարձրագոյն հաստատուած կանոնները 19 յուլիսի 1874 ամի, այլ ընդհակառակը ծայրագոյն Պատրիարք Կաթուղիկոսից ստացած կոնդակների համեմատ, որոնցով պատուիրած էր հաղորդել իւրաքանչիւր տարի կողկասեան ուսումնարանական շրջանի պ. հոգաբարձուն ըստ սահմանեալն կարգի տարեկան ցուցակներ բոլոր հայոց գպրոցների մասին, եւ թոյլատրել ժողովրդական գպրոցների վերատեսչաց եւ տեսչաց կատարել իւրեանց պարտաւորութիւնը համաձայն վերջին կարգադրութեան, որ բացատրւած էր կողկասեան փոխարքայի գլխաւոր կառավարութեան հաղորդագրութեան մէջ 21 մարտի 1880 ամի № 1515, եւ յատկապէս ի 27 մայիսի 1880 ամի № 252, կոնդակի Նորին Վեհափառութեան Սինոդի անդամները կատարել են ամենայն ճշտութեամբ առանց երբէք վրիպելու, հրամանագրելով վիճակաւոր առաջնորդաց եւ կոնսիստորիայից հայոց 31 յուլիսի 1880 ամի № 3771—3777, եւ ստանալով թէ յառաջ եւ թէ յետոյ յիշեալ վիճակաւոր առաջնորդներից եւ թեմական տեսուչներից լրակատար ցուցակներ երկու սեռի եկեղեցական ծխական ուսումնարանաց, ուղարկել են միշտ եւ անխափան ամենայն տարի՝ Նորին Գերագանցութեան հոգաբարձուի կողկասեան ուսումնարանական շրջանի (սկսած 1873 թւից մինչև 1884 թիւ. բերւած է ցուցակը):

Իսկ ինչ վերաբերում է «Կալկազ» լրագրի խմբագրի

թեան, դպրոցն համարեալ է նախադուռն Եկեղեցւոյ, եւ Կաթուղիկոսունք ի դուռն կացեալ Եկեղեցւոյ կառավարեալ են եւ զդպրոցն, վասն որոյ եւ յամենայն ժամանակս հայ եկեղեցական դպրոցք բացեալ եւ հաստատեալք են կոնդակօք կաթուղիկոսաց, եւ ինքեանք կաթուղիկոսունք տուեալ են զհրահանգս եւ զկանոնս վասն այդոցիկ դպրոցաց, առանց որ եւ է միջամտութեան եւ մասնակցութեան Սինօզի Էջմիածնի:

Յորժամ յամին 1874 խնդիր եղեւ կատարման Բարձրագոյն ի 23 նոյեմբերի 1873 ամի հաստատեալ կարծեաց պետական խորհրդոյն վասն ենթարկելոյ զհայ եկեղեցական ծխական դպրոցս հսկողութեան վերատեսչաց ժողովրդական դպրոցաց, կողկասեան գլխաւոր կառավարութիւնն ի սկզբունն ընդ Սինօզիս կեռտ ի գրադրութիւն, եւ ի ծանուցանել վերջնոն զոչ ունիլն իւր իրաւունս միջամտութեան ի սոյն օրինակ գործս, զշարունակութիւն թղթակցութեանն ուղղեաց առ երջանկայիշատակ Գէորգ Գ. Կաթուղիկոս:

Գործադրութիւն նորոց կանոնաց՝ ունի փոփոխել զոր այժմս է կազմակերպութիւն հայ ծխական եկեղեցական դպրոցաց, սահմանեալն իշխանութեամբ ծայրագոյն Պատրիարք Կաթուղիկոսաց, իսկ միջամտել ի գործ իշխանութեան գլխոյ Հայաստանեայց եկեղեցւոյ՝ Սինօզս, որոյ անդամք հոգեւորականք ստորադրին Գլխոյ Եկեղեցւոյն, չունի իրաւունս եւ չկարէ ենթարկել զինքն ծանր պատասխանատուութեան առաջի Եկեղեցւոյ եւ խզի իւրոյ:

Ուստի յարգոյաբար յայտնելով Ձերում Պայծառափայլութեան, Սինօզս խոնարհաբար խնդրէ յարգել զխնդիր Սինօզիս եւ այնու ազատել զՍինօզս ի ներկայ յանելանելի վիճակէ:

Տեղ. Ըստնապետի Սինօզի՝
Մկրտիչ Արքեպիսկոպոս

Ընդամբ Սինօզի՝

Մեսրոպ Եպիսկոպոս, Յովակիմ Եպիսկոպոս, Երեմիա Եպիսկոպոս, Ննքսէս Եպիսկոպոս, Մամբրէ վարդապետ:

15 սեպտ. 1884 ամի

№ 2451

Բացի գրանից Սինօզի անդամները հեռագրով յայտնել են Տէր Կառավարչապետին, որ նոքա իրանց իրաւունք չեն

համարում Կաթուղիկոսի իրաւասութեան ձեռնամուխ լինել, եւ ա՛ն այդ հեռագրի պատճէնը.

Տեսնո՞ւ Կառավարչապետի

Քաղաքացիական մասին Կովկասու.

Մինչոքս պատիւ ունի յարգանօք յայտնել Ձերդ պայծառափայլութեան, զի որպէս բազում անգամ խոնարհաբար յայտարարեալ է, թէ Անդամք Նորին Համարեն ինքեանց զիրաւունս անցանել զիրաւասութեամբ Պատրիարք Կաթուղիկոսի, որ նւիրական է վասն Հայաստանեայց եկեղեցւոյ, զնոյնն կրկնէ եւ այժմ, թողլով զանօրէնութիւն կանոնաց հաստատելոց ի 16 փետրվարի 1884 ամի, ի բարեհաճ նկատողութիւն բարեխնամ կառավարութեան:

Տեղ. Ըսեհնապետի Մինչօղի

Մկրտիչ Արքեպիսկոպոս

22 փետր. 1885

Արժանի ենք համարում աւելացնել, որ խմբագրի այն խօսքերը թէ՛ իբր («հայոց հոգեւորականութիւնը եւ նորա ներկայացուցիչները արհամարհել են հայոց ժողովրդեան շահերը, թոյլ են աւել զիմադրութիւն իշխանութեան դէմ եւ ցանկութիւն ունին ձեռք բերել աշխարհական իշխանութիւն եւ հայ ազգի քաղաքական վիճակի առաջնորդութիւն, ընդ նմին ի չարն գործ գնելով այնպիսի սրբազան գործ, որպիսին է մանկանց դաստիարակութիւնը»), գլխովին մտադածին զրպարտութիւններ են, որոնց դէմ մենք բողոքում ենք հրապարակաւ, յայտարարելով, որ հայոց հոգեւորականութիւնը արժանի է համարել իւր բարձր կոչմանը թէ՛ իւր եւ թէ՛ օտար ազգերից, սկսած հինգերորդ դարից մինչեւ ցայժմ անդադար աշխատել է աւետարանական ճշմարիտ վարդապետութեան հիմանց վրայ առաջնորդել իւր սիրելի հօտը դէպի լոյսը եւ պատրաստել ընտիր անդամներ հասարակութեան եւ անձնազո՞հ նպատակներ արող պետութեանց, որպէս եւ այժմ մեր ամենասիրելի եւ առատագութ Կայսեր համար թո՛ղ այս բաներում պ. խմբագիրը չերկրայի, խաբուելով հայատնացների թիւր խօսքերից եւ թո՛ղ իմանայ հաստատապէս, թէ՛ հայոց հոգեւորականութիւնը արթուն պահպան լինելով իւր նախնեաց բազմադարեան աւանդութեանց, որոնք սուրբ են հայ ազգի—եկեղեցւոյ համար, կարողա-

ցել է ըստ չափու իւր կարողութեան դաստիարակել իւր ժողովուրդը ևւ մեծամեծ ճիգնթափութեամբ ազատել Լանկթամուրների, Յագլերտների, Շահաբբասների, Մոնղոլ իյաների ևւ Շահ-Նագիրների ճիրաններից իւր եկեղեցին, ևւ ազգը, ևւ հասցնել Ռուսաց կայսրութեան փառաւոր երկրլիսեան արծւոյ հովանաւորութեան: Հայոց ազգը ևւ հոգեւորականութիւնը իւր կարողութեան չափ ամենայն ջանք է գործ գրել իւր ծառայութիւնը ցոյց տալ օրհնարանեալ Ռուսաց կառավարութեան, ինչպէս ցոյց են տալիս Ռուսաց Երջանկայիշատակ Կայսերների բաղմաթիւ հրփարտակները, զորս ցանկացողները կարող են գանել Արքուեի Դիւաններում: Եւ գիտեմք ևւ աներկմիտ եմք, որ մեր օրհնարանեալ կառավարութիւնը այսուհետեւ ևւս անպակաս կանէ իւր գութը ևւ ինամքք իւր անձնագոհ հայ ազգից ևւ չի թող տալ ոսնահար լինել:

(«Կապկազ»)ը չի բաւականանում հոգեւորականութիւնը միայն կառավարութեան առաջ կասկածելի ցոյց տալ, այլև ձգտում է՝ ժողովրդեան առաջ ևւս կասկածելի առնել: Եթէ հոգեւորականութիւնը թէ կառավարութեան ևւ թէ ժողովրդի հակառակ է գնում, ուրեմն ի՞նչ է նորա չա՞ր կամ նպատակը, ո՞ւմ համար են աշխատում, ըստ («Կապկազ»)ի («ձեռք բերել աշխարհական իշխանութիւն ևւ առաջնորդութիւն քաղաքական վիճակի»): Մենք աշխարհական իշխանութիւն ևւ քաղաքական առաջնորդութիւն ձեռք բերելու համար չենք մտածում: Շատ է մեզ եթէ կարողանանք իրելու շնորհակալու հպատակներ՝ վայելել մեր օրհնարանեալ Տէրութեան շնորհները: Հոգեւորականութիւնս ոչ մի բանով վնասակար չէ եղել ժողովրդի հոգեւոր ևւ մարմնաւոր շահերին բացի («պանպանկուց իւրեանց լուսաւորչական հաւատոյ վարդապետութեան մտքութիւնը»), որ հայոց հոգեւորականութեան իսկական պարտքն է»:

Նպարդին յոյսեր: Ո՛չ պ ա շ ա օ ն ա կ ա ն վաւերագրերը, ևւ ո՛չ „հաւատարմական“ առատ արտայայտութիւնները օգուտ չ'ունեցան: Գպրոցների փակման հրամանը արեւց: Եւ մինչ ոստիկանութիւնը արտասովոր ոգեւորութեամբ կնքում էր կրթարանների դռները,

Էջմիածնի մէջ, սինօդականների շրջանում տիրում էր ծանր երկիւղ. — լուրեր էին պտտում, որ Պետերբուրգից հրաման են սպասում արքային այն եպիսկոպոսներին, որոնք „գիմարութեան“ ցոյց են արել, և հրաժարել յանձնելու ուսումնարանները: Հաւանակաւութեան մեծ նշաններ կային. . .

Մակայն կաթողիկոսական մօտալուա ընտրութիւնը մի քիչ կերպարանափոխեց վիճակը: Առաւփարչական շրջաններում նոր ծրագիր էր մշակւած, — ձեռք գցել ոչ միայն դպրոցների, այլ նոյն իսկ ամբողջ Էջմիածնի ղեկը, առաջ մղելով „յարմար“ մի եպիսկոպոսի թեկնածութիւնը կաթողիկոսական գահի համար: Եւ այդպէս էլ եղաւ: 1885 թւին, ինչպէս յայտնի է, Մակար արքեպիսկոպոսն էր կառավարչական թեկնածու և այդ պատճառով Մելքիսեդեկ եպիսկոպոս Մուրադեան, որ ձայների առաւելութիւն էր ստացել, մնաց մի կողմ և կաթողիկոս հաստատեց Մակար, որի անունը ժողովրդի աչքում քիչ-չառ համակրելի դարձնելու համար՝ ուսաց կառավարութիւնը նախօրօք արդէն համաձայնութիւն էր աւել՝ վերաբանալ փակւած դպրոցները, այն պայմանով միայն, որ նրանք այլևս չունենան նախկին ժողովրդական բնաւորութիւնը, այլ գանձեն հոգեւորականութեան անմիջական իշխանութեան, հետեւաբար իր անուղղակի ազդեցութեան տակ: Գեո Մակարը պաշտօնապէս չէր հաստատւած, որ տեղեկ շրջաններում գիտէին, թէ նրա կաթողիկոսութեան առաջին գործը կը լինի դպրոցների վերաբացումը:

Եւ յի իմաստով էլ Մակար կաթողիկոսը առաջարկութիւն արեց և դպրոցները 1886 թւին վերաբացւեցին: Բայց կար մի այլ կարևոր խնդիր՝ — ուսուցիչների և վարժուհիների ցէնզի (ուսուցչութեան իրաւունք) խնդիր, որի համար Մակար 6 տարի ժամանակամիջոց

խնդրեց, պարտաւորելով մինչ այդ ժամանակի լրանալը՝ հայոց դպրոցների դասատուներին փոխարինել ցէնզաւորներով: Ով գիտէ, գուցէ ձերացած կաթողիկոսը „յոյս ունէր“, — եթէ այս դարձուածքը կարելի է գործածել, — որ ինքը հազիւ այդքան տարի կ'ապրի, իսկ իրանից յետոյ „թէկուզ ջրհեղեղ“: Այսպէս էլ եղաւ: Վեց տարին չլրացած՝ այն է 1891-ին Մակարը վախճանեց, և երբ 1892-ին տեղի ունեցաւ Խրիմեանի ընտրութիւնը, իսկ 1893-ին՝ նրա հաստատումը և փառաւոր մուտքը Կովկաս, ամբողջ հայոց հասարակութիւնը, դերի ոգևորութեան և յոյսերի, համոզած էր, որ նոր կաթողիկոսը, շնորհիւ իր ահագին ժողովրդականութեան և ունեցած լաւ համբաւի, կարող կը լինի դպրոցական հարցը աւելի հիմնաւոր կերպով կարգադրել և այդպիսով մէջտեղից վերացնել այդ մեծ „ցաւը“: Եւ 1893 թւին՝ ամառը, երբ նոր կաթողիկոսը չէր հասել Էջմիածին, Անդրկովկասի համարեայ բոլոր կողմերում, հայոց դպրոցների դասատուները մեծ եռանդով աշխատում էին քննութիւն տալ և պահանջող ցէնզը ձեռք բերել, որպէսզի, համաձայն կառավարութեան պայմանագրի, իրաւունք ունենան ուսուցչութիւն անելու ծխական ուսումնարաններում, յոյսերի և տանջանքի այդ փշոտ, բայց փառունակ ասպարիզում: . .

Սակայն դեռ այդ ժամանակ նկատելի եղաւ, որ հոգարարձու Եանօվսկին „գաղտնի“ դիտաւորութիւններ է սնուցանում իր գլխի մէջ նա ծածուկ հրահանգներ էր տալիս՝ կ տ ր ե լ ցէնզի համար քննութիւն տեղ հայ ուսուցիչներին: Ներսիսեան դպրոցը և ձեմարան աւարտողները, արտասահմանից եկած մանկավարժները՝ անարժան համարեցին ցէնզի, մի ձեւակաւ վկայականի: Հետեանքը այն եղաւ, որ բազմութիւ պատրաստողները, լաւ տեսնելով, որ չարամիտ դաւեր

են լարուում, թողեցին դպրոցական ասպարէզը և հե-
ռացան ընդմիշտ . . .

Վերաբացւած ուսումնարանները, աւանդ, չ'ունեցան նախկին ուժը և հմայքը: Լաւ ուժերը ստիպւեցան հե-
ռանալ: Ժողովրդական իրաւասութեան ոգին, որ
կազմում էր այդ հիմնարկութիւնների զարգացման գըլ-
խաւոր խթանը, ոչնչացաւ և տեղ աւեց կղերական և
ոստիկանական վարչութեան: Համայնքը, որ տարիների
ընթացքում վարժւած էր հոգալ մանուկների կըր-
թութեան ծախքը, որ իր քրտինքի պտուղներով կա-
ռուցել էր աղքատ խրճիթների կողքին սիրուն շէնքեր,
հպարտ նրանց բարգաւաճման տեսարանով, սիրտը կո-
տրւած, յետ մղեց, կանգ առաւ իր ոգևորութեան
մէջ: Եկան նոր դժւարութիւններ, անսպասելի արգելք-
ներ: Գպրոց բանալը, ուսուցիչ նշանակելը ենթարկեց
խստութեան, ձևականութիւնների: „Հսկողութիւն“ ան-
ւան տակ սկսեցին զգուշաւոր, բայց սիստեմատիք հա-
լածանքներ կառավարութեան պաշտօնեաների կողմից՝
որոնք քիչ-քիչ զարձան անտանելի: Գրանով պէտք է
բացատրել այն հանգամանքը, որ նախկին դպրոցների մի
աննշան մասը մնաց կանգուն, վերաբացւած, տեղողական:

Այդպէս, օրինակ, 1889 թւին՝ հայոց դպրոցների
թիւն էր՝ Թիֆլիզի թեմ — 44, Երևանի — 30, Ղա-
րաբաղի — 17, Շամախու — 14, Ասարախանի — 18:
Աշակերտ աշակերտուհիների թիւը՝ 11,359: Ուսուցիչ-
վարժուհիների թիւը՝ 482: Տարեկան ընդհանուր եկա-
մուտը՝ 212,554 ռուբլի: Ահապի՛ն տարբերութիւն այն
թւի հետ, որ պատկերացնում էին հայոց ուսումնարան-
ները՝ փակելուց առաջ:

Վրայ հասաւ 1894 թւականը: Կառավարութիւնը
յայտնեց Էջմիածնի հովւապետին, թէ Մահար կաթո-
ղիկոսին տրւած վեցամեայ ժամանակն անցել է և ու-
րեմն դպրոցական հարցը պէտք է համարել հերթա-

կան: Աւհատառ Խրիմեանը յաջողութեան շատ քիչ յոյսեր էր տալիս և ոչ մի ելք չգտնելով, նա դիմեց Պետերբուրգ, խնդրելով էլի մի տարով յետաձգել պայմանաժամը:

Մկուեցին գրագրութիւններ Պետերբուրգի և Էջմիածնի կամ աւելի լաւ է ասել՝ Էանօփսկու և Պետերբուրգի միջև, որոնք աւեցին մինչև 1896 թւականը: Հայոց հոգևոր իշխանութիւնը տրամադրութիւն ցոյց աւեց նոր զինուձևեր անելու, վերջնապէս պարտաւորեց միմիայն կառավարչական ցէնզ ունեցողներին դասատու կարգել, — բայց անօգուտ: Գպրոցների փակումը սկզբունքով որոշւած էր՝ թէ Պետերբուրգ, թէ կառավարչապետի պալատում . . .

Այդ որոշման գլխաւոր հիմքը այլևս հսկողութեան ու ցննչի խնդիրը չէր, այլ այն մտացածին, երևակայական, նենգ մտանութիւնների վրայ հիմնւած եզրակացութիւնը, թէ հայոց գպրոցները հակակառավարչական պրօպագանդի բուռներ են, շատ վասնգաւոր կոփկասի քաղաքական խաղաղութեան համար: Հայկական հարցի սուր կերպարանքը այդ տարիներին՝ աւելի ևս ուժ աւեց այս ենթադրութիւններին: Ապշած այն անսպասելի թշնամական դիրքից, որ բունեց ուսաց կառավարութիւնը դէպի թիւրքահայերի, դատը, սկսած 1895 թւից, ամբողջ ուսասհայ ժողովուրդը արտայայտեց նախ մի խուլ զարմանք դէպի կառավարութեան վերարբուրումը, և ապա մի բնական հակումն դէպի Եւրոպան, յատկապէս Անգլիան, ուր այդ միջոցին յափշտակւած տրամադրութիւն կար յօգուտ հայկական յեղափոխութեան և Թիւրքաց Հայաստանի ինքնավարութեան: Պետերբուրգեան շրջաններում և կովկասեան կառավարչապետի սպարանքում ատամներ էին կրճատցնում: Աիճակը ընկաւ հայոց գպրոցների վրայ, և նրանք պիտի չքանային: Մենք կը փակենք ձեր գպրոցները, ասաց ներքին

գործերի մինիստրը հայոց կաթողիկոսի ներկայացուցչին
Պետերբուրգում, իբրև պատիժ այն համակրութեան,
որով համակրած են հայերը դէպի Անգլիան⁴:

Եւ փակեցին: 1897-ին էր դա:

Անարդար և անտրամաբան էին կառավարութեան
առաջարկած պայմանները: Այդ պայմաններով ա) Հայ
համայնքը պիտի հոգայ ուսումնարանների ամբողջ ծախ-
քը, առանց վարչական որևէ իրաւունքի. բ) Ուսու-
ցիչներին և վարժուհիներին պիտի նշանակէ կառավար-
ութիւնը. գ) Գասաւանդութիւնը պիտի կատարւի ուս-
սաց լեզուով, բացի կրօնը և հայոց լեզուն, և վերջինը
պիտի ունենայ շարժական դասերի աւելի նւազ
թիւ՝ քան ուսսաց լեզուն. դ) Միակ և անմիջական
հսկողութիւնը դպրոցների՝ պատկանում է կառավար-
չական ղիրեկաօրներին: Բացի դրանից՝ նոյն ղիրեկաօր-
ներին իրաւունք է տրւում՝ նշանակել դպրոցներում
ուրիշ ազգութեան պատկանող վարժուհիներ և ու-
սուցիչներ, և ընդունել այլազգի երեխաներ, որքան և
երբ կը բարեհաճեն:

Իսկ թէ ինչ պատճառով այդ դպրոցները պիտի
կոչւէին հայոց դպրոցներ, և ինչու ծախքը պիտի
հոգար միմիայն հայ համայնքը, — դա միա-
պետական տրամաբանութեան գոհարներից մէկն է, որը
բացատրելու և հասկանալու համար պիտի լինել կո-
փած՝ նոյն միապետութեան քաղաքական քուրայի մէջ...

Սակայն դա անարդարութեան ամբողջութիւնը չէր:
Միաժամանակ հրապարակ բերեց մի այլ չք լւած, և
չք տեսնւած խնդիր: Գպրոցական կալւածքների խըն-
դիրն է դա:

ՅԱՓՇՏԱԿՈՒԹԻՒՆ

(ԶՈՐՐՈՐԳ ՆԱՄԱԿ)

Իսկողական կալւածքներ. — Ո՞րն էր նրանց հարստութիւնը. —
Կառավարութեան նրազները. — Յափշտակութեան փաստը. —
Եկեղեցական կալւածքներ. — Դատարանի բռնած դիրքը. — Եկե-
ղեցին եւ նրա հարստութիւնը. — Նորանոր հարւածների ծրագիրը:

Եթէ յիսուն տարի յետոյ մի անկողմնապահ ուս-
պատմագիր ուզենայ գրել Աովկասի կուլտուրական շարժ-
ման, կամ՝ աւելի լաւ է ասել, ուսուսաց բիւրօկրատիայի
բռնութիւնների պատմութիւնը, հասնելով հայոց զբա-
րօցների փակմանը, նա կատարելապէս ապուշ պիտի
կտրի՝ ինքն իրեն տալով այս հարցը. „Ինչու խլեցին
հայոց զպրօցները կալւածքները“: Այդ „ինչու“ զբ-
ւար պատասխանելի է. զժւարձ այն պատճառով, որ
ոչ միայն իր աւական, այլ նոյն իսկ քաղաքա-
կան տեսակէտից անկարելի է որեւէ բանաւոր մեկնու-
թիւն տալ այդ բռնակալ՝ կամ աւելի լաւ է ասել՝
խենթ կարգադրութեան շատ կարեւոր է ուրեմն պար-
զել այն գաղափար, թէ ինչու իշխան Գօլիցին եւ
հոգաբարձու Եանսօփսի ստեղծեցին զպրօցական կալ-
ւածքների յափշտակութեան հարցը, թողնելով
ապագայ ուս սերունդին արժանաւոր անունով մկրտել
նախահայրերի այդ „քաղաքական քայլը“:

Սկզբունքով վճռելով ոչնչացնել հայ զպրօցները, կով-
կասեան կառավարչապետը, ինչպէս յայտնի է վրս-
տահելի աղբիւրներից, հարց է տալիս՝ թէ արդեօր

գանձարանը կարող է զրանց փոխարէն նոյն վայրերում բաց անել կառավարչական դպրոցներ, որպէսզի ուսուսացման գործը հայաբնակ տեղերում կանգ չառնի: — Այս պատասխանում է հոգաբարձուն, որ բաղվածիւ փորձերից գիտէր արդէն, թէ նոյն իսկ «քաղաքական տեսակէտից» կովկասում որևէ դպրոց բանալու համար ինչքան դժուար է եղել ամենաչնչին մի գումար անգամ ձեռք բերել ժողովրդական լուսաւորութեան մի նիստրից: Եւ վերջապէս որտեղից տայ խեղճ լուսաւորութեան մի նիստրութիւնը, քանի որ ժողովրդից հաւաքող հարիւրաւոր միլիոնները մտնում են բիւրօկրատիայի և զինւորականութեան անյատակ փորը, ոչինչ չթողնելով «լուսաւորութիւն» կոչած շռայլութեան համար: Իր այդ նշանաւոր «ոչ»ի հետ հոգաբարձու Եանովսկին ներկայացնում է աւելի նշանաւոր մի բան, մի «ղեկուցում», կամ ուսական բառով մի դօկլադ... Ինչ է այդ նշանաւոր «ղեկուցման» գաղանկը: — Իլել հայոց դպրոցական կալւածքներն ու հարստութիւնը, որովհետեւ, աւելացնում է նրա տաղանդաւոր կազմողը — «հայ դպրոցները ունեն այնպիսի մեծ հարստութիւն, որ նրանով կարելի է ապահովել անհրաժեշտ ուսումնարանների գոյութիւնը և այդպիսով ընդմիշտ ազատել կառավարութիւնը դրամական մի ծանր բեռից»: կովկասեան կառավարչապետի զիւանի վերջին քարտուղարն անգամ լաւ գիտէր, որ այդ «ղեկուցման» շնորհիւ հրապարակ է բերում մի ապօրինի խնդիր, անարգ յափշտակութեան մի նենգ ծրագիր, — բայց տարաբախտաբար, յանուն «պետական շահերի» ամեն մէկը հայրենասիրութիւն համարեց լուել ձայն չհաննեցին ո՛չ կառավարչապետի խորհրդի անդամները, ոչ զիւանատան ղեկավարները, ոչ վերջապէս նրա շրջապատողները և խորհրդի կանչած նահանգապետները: Եւ այդ պատճառով Եանովսկու «ղեկուցումը» անցաւ,

դետերմուրդ ուղարկեց, «օրինական ձեռնարկութիւններն» տակ դրեց, և մի քանի ամիս անցած՝ յայտարարեց, — փակելով զպրոցները՝ խլել կալուածքները...

Ահա այդ ժամանակ էր, որ Գօլիցին՝ մի օր իր պալատի մէջ մի հայ պաշտօնեայի ընդունած ժամանակ, իրեն յատուկ գոռոցով՝ ասել էր. «Ապա թէ հայերը համարձակեն դիմադրութիւն ցոյց տալ, կը տեսնէք թէ ինչ կ'անեմ»... Հրամայեալ էր պատրաստի զօրք ունենալ՝ հայկական անհնազանդութեան ամենաթոյլ նշանն անգամ ոչնչացնելու համար... Գիմադրութիւն, ի հարկէ, չեղաւ. հայերը անբողոք յանձնեցին թէ զպրոցները և թէ կալուածքները, խոնարհւելով մի այնպիսի ապօրինի կարգադրութեան առաջ, որի նմանը Անգրկովկասի տիրապետութեան 100 տարւայ պատմութեան մէջ գոյութիւն չունի:

Տարբախտաբար թէ բարեբախտաբար, Խանօպսկու սպասած անսպառ հարստութիւնը գոյութիւն ունէր միմիայն նրա բորբոքեալ երեւակայութեան մէջ: Ինչի վերայ էր հիմնեալ այդ համարձակ ենթադրութիւնը, գուցէ հարցնի ընթերցողը: Նախ՝ սուս չինօլիսիկների այն ընդհանուր մոլորութեան վրայ, որ իբր թէ հայոց բոլոր հիմնարկութիւնների, մանաւանդ եկեղեցիների, ուրեմն և դրանց կից զպրոցների մէջ անհամար փող կայ դիզած — հարստութիւն, որ, այդ նոյն չինօլիսիկների կարծիքով, հայերը թագցնում են սպագայ Մեծ-Հայաստանը վերակազմելու համար. և երկրորդ՝ այն տեղեկութեան վրայ, որ դեռ Մակար կաթողիկոսի կենդանութեան ժամանակ տրւած էր կովկասեան ուսումնարանական շրջանի իշխանութեան:

Ի՞նչ էր այդ տեղեկութիւնը

Ահա թէ ինչ: Հոգաբարձու Խանօպսկին, դեռ 1886 թւին, կամենալով մի փոքր արգելք դնել հայոց դպ-

րոցների շատացման առաջ, պաշտօնապէս յայտնում է Էջմիածնի հոգևոր իշխանութեան, որ միայն այն դրպրոցները կարելի է բանալ, որոնք եկամուտի կողմից ապահով են: Էջմիածնի կողմից պատասխան է տրուում, թէ հայոց բոլոր դպրոցները ապահով, հաստատ եկամուտ ունին, և ուրեմն այդ կողմից նրանց բացման դէմ արգելք դնել չէ կարելի . . .

Ահա ուրեմն՝ մի կողմից այն ընդհանուր ենթադրութիւնը, թէ հայոց եկեղեցական հիմնարկութիւնների մէջ անբաւ ոսկի է դիզւած, իսկ միւս կողմից Էջմիածնի աւած տեղեկութիւնը՝ կառավարական շրջաններում այն վերջնական կարծիքն էին ամրացրել, թէ հայոց դպրոցները փողի ամբարներ են . . . Այդ ամբարներն էր ահա, որ վճռեցին յափշտակել . . .

Յափշտակեցին . . . Բայց ինչ դուրս եկաւ միջից, — գրօշներ, եթէ չհաշւենք մի 10-15 դպրոցներ, որոնք յատուկ կտակներով ապահով կալւածքներ և եկամուտ ունէին: Թիֆլիզի շրջանի կառավարչական դպրոցների վերատեսուչներից մէկը, մոլեռանդ միապետական, դպրոցների գոյքը ստանալիս, կատաղած բացականչում էր ամեն տեղ. «Մա դաւադրութիւն է. մենք տեղեկութիւն ունենք, որ Թիֆլիզի Վայխանեան դպրոցը 250 հազար ռուբլի հնչուն փող ունի, իսկ մեզ տալիս են միայն 25 հազար ռուբլի: Յովնանեան դպրոցը, որ միլիօնատէր էր, բացի մի քարվանսարայից՝ ոչինչ չէ ցոյց տալիս: Նոյնը և միւս դպրոցները: Այո, հայերը թագրին, լաւ թագրին դպրոցների հարստութիւնը» . . .

Հայոց դպրոցների մասին անթիւ զեկուցումներ գրողները, ի մեծ դժբախտութիւն իրենց, մոռացել էին մի շատ կարևոր բան — այն, որ այդ դպրոցների մեծ մասը, պահուում էր ոչ թէ պատրաստի, հաստատ եկամուտներով, այլ ծխականների, համայնքի պատահական, կամաւոր նւէրներով: Գպրոցական հոգաբարձուները ամսի

20-ին գանձարան չէին գնում փող ստանալու համար. հայ համայնքն էր, որ լրացնում էր ծախքի մեծ մասը երբեմն նւէրներով, երբեմն ներկայացումներով, երբեմն էլ նոյն իսկ պարտք վերցնելով: Ճիշտ է, հայոց դպրոցները ապահով էին, բայց ապահով ժողովրդի կենդանի աջակցութեամբ, տարէցտարի կրկնող նպաստներով, և ոչ թէ գանձարանում գրած պատրաստի փողերով: Կոյր պէտք է լինել չիմանալու համար, որ շատ տեղեր հայոց ուսուցիչները՝ իրենց հանգստութիւնը բոլորովին մոռացած՝ թատրոնական ներկայացումներ էին կազմում, «աւետիս» էին ման գալիս, հազար ու մի դուռ էին բաղխում իրենց ռոճիկը դրստելու համար: Այդ շատ լաւ գիտէր ամեն մի գիւղացի. չգիտէր միայն Խանօվսկին, որ «դօկլագներ» գրելու համար փաստերը քաղում էր ոչ թէ կեանքից, այլ իր հասցակեր երևակայութեան մութ խորքերից...

Ընդունենք մի վայրկեան, մի րոպէ, որ կառավարութիւնը, գրդւած քաղաքական տեսակէտից, կուրացած ռուսացման տենչով կամ վախեցած այն դատարկ և շինծու լուրերից, թէ հայ դպրոցների մէջ հակակառավարչական պրօպագանդ է լինում, առիթ, իրաւունք ունէր — իր տեսակէտից, ի հարկէ — դպրոցները փակելու: Ընդունենք, ասում ենք, մի վայրկեան, այդ տեսակէտը: — Կաւ: Բայց միթէ՞ քաղաքական կամ կառավարչական որևէ տեսակէտով այդ դպրոցների փակումը իրաւունք էր տալիս գրաւել, խլել, յափշտակել նրանց սեփականութիւնը:

Պետերբուրգում, ինչպէս և կովկասեան գլխաւոր վարչութեան մէջ, քաջ գիտեն, որ հայոց դպրոցների կալւածքները կամ եկեղեցու սեփականութիւն են և կամ յատուկ կտակներով ամրապնդած գոյք: Օրինակ, Թիֆլիզի, Ալեքսանդրօպօլի, Ախալցխայի, Բագրի և ուրիշ տեղերի շատ

գպրոցներ ունեն մեծ կալւածքներ, որ ստացել են յատուկ կտակներով և այդ կտակ անողները իրենց հարստութիւնը նւիրել են հայոց եկեղեցական գպրոցին և ոչ թէ առ հասարակ որևէ գպրոցի, նրանց գործադրութիւնը յանձնել հայոց հոգեւոր իշխանութեան իրաւասութեան և ոչ թէ առ հասարակ որևէ մարմնաւոր իշխանութեան: Գպրոցների մեծագոյն մասը յատուկ նւերներ ունեն, սրբագործւած օրինական կտակներով, որոշ ցուցմունքներով, որոնք, օրէնքի տեսակէտից՝ ոչոքի և երբէք իրաւունք չեն տալիս վարւելու այդ նւերների և կտակների հետ այնպէս, ինչպէս նրանց հաճոյքն է թելադրում: Եւ այդ բաղմամբիւ կտակ անողները իրենց վերջին կամբը յայտնելիս՝ այն խորին համոզման մէջ են եղել, թէ իրենց ցանկութիւնը միշտ կը գտնուի օրէնքի խիստ և անշեղ պաշտպանութեան տակ, առանց երևակայելու, որ մի օր, գրգռւած քաղաքական տեսակէտից՝ օրէնքը և դրա հետ միասին բաղմամբիւ կտակները ոտի տակ կը զցեն նոյն իսկ այն մարդիկ, որոնք եկել են Արփկաս՝ իբր թէ այդ օրէնքը անխախտ գործադրելու համար . . .

Գպրոցների փակուամից յետոյ Արփկասի շատ տեղերում, թէ մասնաւոր լիազօրներ, թէ հոգևոր իշխանութեան ներկայացուցիչներ, թէ վերջապէս ծխականներ բաղմամբիւ դօկումէնտներ և վաւերագրեր ներկայացրին կառավարութեանը՝ ապացուցանելու համար, որ այն կալւածքները, որ խլում են, եկեղեցուն են պատկանում, կամ այն փողերը, որ յափշտակում են, յատուկ կտակներով նախորոշած գումարներ են, անձեռնմխելի: Շատ տեղ գպրոցների բարերարները, որոնք դեռ կենդանի են, յայտարարեցին, որ իրենց նւիրած փողը կամ տունը այժմ, երբ եկեղեցական գպրոցները փակում են, իրենք ուզում են նւիրել եկեղեցուն կամ իրենց ժառանգորդներին: Բայց բոլորը անօգուտ: Ամենքին

միայն մի պատասխան էր տրուում. „Մենք այս բոլորը կը վերցնենք, իսկ դուք, եթէ գանդատ ունէք, գնացէք և գանգատուեցէք. դիմագրողները կը պատժեն ամենախիստ կերպով“:

Այդպէս էլ արեցին: Կառավարչապետի կողմից տրւած ամենախիստ հրամանի համաձայն, այն բոլոր փողերը, շինութիւնները և գոյքը, որ որևէ „ինսպեկտոր“ (տեսուչ) կամ գաւառապետ համարում էին դպրոցական, խլեցին. մի մասը կնքեցին, միւս մասը պահ կամ վարձով տւին, փողերը իրենց անունով գանձարան մտցրին, ասելով „գնացէք և գանգատուեցէք, օրէնքը արտօնում է“: Բայց այդ խօսքերից անմիջապէս յետոյ, որոշ ակնարկներով հասկացնում էին, որ գանգատողը կը նկատուի իբրև անխտահելի մարդ, մտքեր պղտորող և հակահառավարչական... Սպառնալիք էր դա, և այն շատ ահարկու: Այդ պիտի համարել պատճառ, որ հակառակ ձեական թողլուութեան՝ գանգատ ներկայացնելու, գանգատողներ, չը հաշւած մի քանի բացառութիւնները, ընդհանրապէս չեղան, որովհետև վախենում էին... Գիտէ՞ք ինչ կը նշանակէ Կովկասում վախենալ...

Յախշտակութեան օրեր էին: Կառավարչական թաթը, անարգել, հասաւ մինչև զուտ եկեղեցական կալուածքները, որոնց եկամուտներից օգտուում էին փակւած դպրոցները: Գատարանական շրջաններում, համեմատաբար՝ ազնիւ և անկաս, զարմացման նշաններ էին երևում այդ աշխարայ ապօրինութեան առիթով: Վախեցած հետևանքներից՝ կառավարչական դպրոցների վարչութիւնը, սկսեց այն միտքը առաջ մղել, թէ այդ կալուածքների խնդիրը պիտի քննուի ոչ թէ գատարանական, այլ ազամիւսի ստրատիվ (վարչական) ճանապարհով: Հարցը հասաւ կառավարիչ սենատին, որը 1902 թւի, մարտի 20-ի իր որոշմամբ յայտարարեց՝

որ „այդ տեսակ վէճերը պէտք է քննեն դատաստանական կարգով“:

Այդ որոշումը, գուցէ անսպասելի կովկասեան կառավարութեան, ինչպէս և հայերի համար, բաց արեց կապուած ձեռքերը: 1903 թւի, մայիսի 2-ին Թիֆլիզի դատաստանական պալատի մէջ քննեց Վրաստանի և Իմէրեթի թեմի հայ-լուսաւորչական կօնսիստօրիայի մի գանգատը, որ շատ բնորոշ լոյս է արձուժ խնդրի վրայ: Ահա մանրամասները, քաղւած կովկասեան հրատարակութիւններից, և ուրեմն գրւած այն „սանձուած“ ոճով, որ յատուկ է միտպետական գրաքննութեան ենթակայ երկրին:

ԴԱՏԱՐԱՆԻ ՈՐՈՇՈՒՄԸ

« 1903 թւի մայիս 2-ին, Թիֆլիզի դատաստանական պալատը, երկրորդ քաղաքացիական բաժնում, հետեւեալ կազմով—դեպարտամենտի նախագահ՝ Սմիտալէն, պալատի անդամներ՝ Գօլուբելով եւ Բեազանով, դատախազի օգնական Ադիգեօզալովի մասնակցութեամբ, լսեց այն յայտնի գործը, որով Վրաստանի եւ Իմէրեթի հայ լուսաւորչական կօնսիստօրիայի հաւատարմատար Մելիք-Աղամեան պահանջ էր յայտնում ժողովրդական լուսաւորութեան միխիստրութեանը, յանձին կովկասեան ուսումնարանական շրջանի հոգաբարձուի, անշարժ կայքերի սեփականութեան իրաւունքի մասին:

« Գործի հանգամանքները հետեւեալներն են: Պահանջի խնդրագրով, արւած 1899 թւի ապրիլի 2-ին Թիֆլիզի նահանգական դատարանին, երգեայ հաւատարմատար Մելիք Աղամեան բաղատել էր, որ 1898 թ. մարտի 26-ի Բարձրագոյն հրամանով, յանձնարարւած էր կովկասեան ուսումնարանական իշխանութեան՝ բոլոր անհրաժեշտ կարգադրութիւններն անել՝ իր տեսչութեան տակ առնելու այն կայքերը, որ պատկանում են հայ-լուսաւորչական եկեղեցական եւ վանքական ուսումնարաններին, որոնք (ուսումնարանները) յանձնուած են իրան՝ համաձայն 1897 թ. յունիսի 21-ին Բարձրագոյն հաստատուած՝ Պետական

կորհրդի կարծիքի: Բարձրագոյն այս հրամանը իրագործելու ժամանակ նկատուեց, որ ուսումնարանական վարչութեան պաշտօնեաները, չը բաւականանալով ընդունելու այն կայքերը, որոնք պատկանում էին հայ-լուսաւորչական եկեղեցական եւ վանական ուսումնարաններին, դիմում էին տեղական հայ-լուսաւորչական հոգեւոր կառավարութիւններին, պահանջելով յանձնել եւ այն կայքերը, որոնք իրրեւ անպայման սեփականութիւն՝ պատկանում են հայ-լուսաւորչական եկեղեցիներին, իրանց պահանջները պատճառարանելով նրանով, որ այժմ կարգադրութիւն է եղել ուսումնարանական վարչութեան կողմից՝ Կովկասեան ուսումնարանական շրջանի տեսչութեան տակ գրաւել նաեւ եկեղեցական կայքերը: Այսպիսի պահանջով առաջին անգամ դիմեց Ախալցխայի հայ-լուսաւորչական հոգեւոր կառավարութեանը՝ Թիֆլիզի նահանգի ժողովրդական դրպրոցների տեսուչ Բօգդանով, 1898 թ. օգոստոսին № 823 հազորգադրութեամբ, որից յետոյ նա առանձին ընդունման ակտով, որ տեղի ունեցաւ տեղական դաւառական իշխանութեան ներկայացուցչի եւ վկաների ներկայութեամբ, բայց առանց հայոց եկեղեցու ներկայացուցչի մասնակցութեան, Կովկասեան ուսումնարանական շրջանի տեսչութեան եւ կարգադրութեան տակ առաւ բազմաթիւ գիւղեր եւ հողեր, 19,000 դեսեաափն տարածութեամբ, որոնք անպայման սեփականութեան իրաւունքով պատկանում են Ախալցխայի հայ-լուսաւորչական սուրբ Փրկիչ եկեղեցուն եւ գտնոււմ են Թիֆլիզի նահանգի Ախալքալաքի դաւառում, եւ են, — Կարծախ՝ 26,365 ախչայ, Խաւէտօ՝ 13,000 ախչայ, Տատէշ՝ 16,000 ախչայ, Խոզարին՝ 15,000 ախչայ, Կարաւ՝ 1,000 ախչայ, Սուլդա՝ 8,000 ախչայ, Պոզալ՝ 3,000 ախչայ եւ ալպախ՝ 3,000 ախչայ:

«Այս պատճառով, եւ ի նկատ առնելով, որ Մինխատրների Կօմիտէտի՝ 1898 թ. մարտի 26-ի Բարձրագոյն հաստատուած որոշման ձիշդ հիման վրայ՝ ուսումնարանական վարչութեան յանձնուած է իր տեսչութեան տակ առնել միմիայն այն կայքերը, որոնք սեփականութեան իրաւունքով պատկանում են հայ-լուսաւորչական եկեղեցական-ծխական ուսումնարաններին, իրրեւ իրաւարանական անձերի, բայց ոչ թէ եկեղեցապատկան կայքերը, որոնց մասին յիշված անդամ չէ յիշեալ օրէնքում. որ ուսումնարանական վար-

չութեան պաշտօնատար անձերի կարգադրութիւններն ու բացատրութիւնները, վերաբերեալ եկեղեցապատկան կայքերին, համաձայն չլինելով Բարձրագոյն հրամանի ճիշդ մտքին, չեն կարող համարել կանոնաւոր եւ օրինական, եւ որ վերոյիշեալ զիւղերի եւ հողերի՝ անպայման սեփականութեան իրաւունքով՝ հայ-լուսաւորչական եկեղեցուն պատկանելը ապացուցոււմ են ներկայացրեա՞ծ վաւերաթղթերով—այսինքն 1841 թ. ապրիլի 18-ի կալւածագրով եւ 1843 թ. մարտի 2-ի վաւերացման թղթով, — հայոց կօնսիստօրիայի հաւատարմատարը, համաձայն Բարձրագոյն հրամանի 2-րդ կէտին, ներկայացնելով պահանջ 400,000 ռուբլու արժողութեամբ, (սնդրում էր. ա) Ճանաչել Ախայցիսայի հայ-լուսաւորչական սուրբ Փրկիչ եկեղեցու, յանձին Վրաստանի եւ Իմէրէթի հայ-լուսաւորչական կօնսիստօրիայի, սեփականութեան իրաւունքը վերոյիշեալ անշարժ կայքերի վրայ, նրանց վերաբերեալ լեռներով, դեռերով, լճերով, տափաստաններով, խոտահարքներով, արօտատեղիներով եւ բոլոր տափերով, այն սահմաններում, որոնք մանրամասն նկարագրեա՞ծ են կալւածագրերում, եւ բ) պահանջել Կովկասեան չրջանի ուսումնարանական վարչութիւնից յօգուտ կօնսիստօրիայի՝ դատաստանական եւ գործը վարելու ծախքերը:

« Այս գործը նահանգական դատարանում քննելիս՝ Կովկասեան ուսումնարանական չրջանի հոգաբարձուն, պահանջի խնդրի դէմ գրած իր պատասխանով՝ առաջարկում էր տարամերժում (օտլօղ), գործի քննութիւնը դատաստանական հիմնարկութիւններին ենթակայ չը լինելու պատճառով, ապացուցանելով, որ համաձայն քաղ. դատ. օր. 1297 յօդւածի, այս վէճը պէտք է լուծւի ազմինիսդրատիվ կարգով, ուստի եւ խնդրում էր, որ այս գործը, իբրև անկանոն կերպով յարուցեա՞ծ նահանգական դատարանում՝ դադարեցւի քննելու Սակայն նահանգական դատարանը, եւ ապա դատաստանական պալատը եւ կառավարիչ Սենատը, որի քննութեան հասաւ այս գործը՝ դատաւենթակայութեան տեսակէտից, Կովկասեան ուսումնարանական չրջանի հոգաբարձուի վճռարեկութեան խնդրով, հոգաբարձուի տարամերժումը ճանաչեցին անկանոն, իսկ այս գործը ենթակայ դատաստանական հիմնարկութիւններին, եւ այս մասին 1902 թ. մարտի 19-ին օւղարկւեց Կառավարիչ Սե-

նախի հրամանագիրը Թիֆլիզի դատաստանական պալատին։

«Սրանից յետոյ Թիֆլիզի նահանգական դատարանը գործը քննելով ըստ էութեան՝ կօնսիստորիայի պահանջը գտաւ լիովին ապացուցւած եւ իր վճռով բաւականութիւն տւեց կօնսիստորիայի պահանջներին, ճանաչելով նրա սեփականութեան իրաւունքը վերոյիշեալ անշարժ կայքերի վրայ, դատաստանական եւ գործը վարելու ծախքերը դրնելով կովկասեան ուսումնարանական շրջանի հոգաբարձուի վրայ։ Այս վճռի գէտ հոգաբարձուն բողոքարկու դանգատ տւեց դատաստանական պալատին, ուր ուսումնարանական վարչութեան շահերը պաշտպանում էր Պետերբուրգից եկած՝ ժողովրդական լուսաւորութեան մինիստրութեան առանձին յանձնարարութիւնների պաշտօնեայ Ա. Պ. Դայեվ եւ Թիֆլիզի նահանգի ժողովրդական ուսումնարանների տեսուչ պետական խորհրդական Պերեյօզնիկով, որոնք ապացուցանելով կօնսիստորիայի պահանջի անկասնտութիւնը՝ ինդրում էին պալատից մերժել պահանջը եւ ոչնչացնել նահանգական դատարանի վճիռը։ Մինիստրի եւ ուսումնարանական շրջանի հոգաբարձուի լիազօրների բացատրութեան նայելով՝ այս պահանջը յայտնւած է առանց որ եւ է հիւքի, որովհետեւ ուսումնարանական վարչութիւնը, չը հերքելով եկեղեցու սեփականութեան իրաւունքը վիճելի կայքերի վրայ՝ պնդում էր այդ կայքերի միայն եկամուտների իրաւունքների վրայ, որոնցով ապահովոււմ էին այն դպրոցների ծախսերը, որոնք անյան ժողովրդական լուսաւորութեան մինիստրութեան տեսչութեան տակ՝ համաձայն պետական խորհրդի 1897 թ. յունիս 2-ին Բարձրագոյն հաստատւած կարծիքի, եւ բացի սրանից՝ գործի մէջ ապացուցւած չէ, որ ուսումնարանական վարչութիւնը յիրաւի, վիճելի կայքերը սեփականատէրից առել է իր տիրապետութեան տակ։

«Կօնսիստորիայի հաւատարմատարը, պահանջի ինդրի հիւքերը պարզարանելով՝ բացատրեց, — որ ներկայ պահանջը յարուցանելու առիթ տւեց կովկասեան ուսումնարանական շրջանի հոգաբարձուի կարգադրութիւնը՝ զբաւել վէճի մէջ եղած եկեղեցապատկան կայքերը ուսումնարանական իշխանութեան տեսչութեան տակ, որոնք եւ ընդունել էին ընդունման ակտով, որը կազմել է ժողովրդական ուսումնարանների տեսուչ Բօզդանովը 1898 թւի

օգոստոսին Այս ակտը գործին ներկայացնելուց խուսափում է ուսումնարանական վարչութիւնը, չը նայելով պահանջի յայտնած ցանկութեանը՝ լոկ խօսքով պնդելով թէ վիճելի կայքերը չեն ընդունւած նրա տեսչութեան տակ: Իբրև ապացոյց, որ վիճելի կալւածները յիրաւի ընդունւած են եղել Կովկասեան ուսումնարանական իշխանութեան տեսչութեան տակ, կօնսիստօրիայի հաւատարմատարը — բացի յիշատակելուց նոյն ինքն ընդունման ակտը, որ կազմւած է 1898 թւի օգոստոսին եւ որը ինդրեց պահանջել հոգաբարձուից՝ — ներկայացրեց գործի համար, ա) Կովկասեան ուսումնարանական շրջանի հոգաբարձուի հաղորդագրութիւնը՝ 1898 թւի հոկտեմբերի 7-ից N 11621. բ) Կօնսիստօրիայի հաւաստիագիրը՝ ուսումնարանական շրջանի հետ ծագած գրադրութեան մասին՝ գրաւլած կայքերը վերագարձնելու վերաբերմամբ, եւ գ) Ախալքալաքի գաւառապետի հաղորդագրութիւնը 1898 թ. սեպտեմբերի 3-ից N 466: Այս գօղումներինց ի միջի այլոց երևում է, որ մինչև այս պահանջը ներկայացնելը՝ կօնսիստօրիան մի քանի անգամ դիմել է Կովկասեան ուսումնարանական շրջանի հոգաբարձուին՝ իրան վերագարձնելու, անվիճելի կարգով, անկանոն կերպով գրաւած անշարժ կայքերը, եւ որ՝ երբ այս ուղղութեամբ բոլոր փորձերը ապարդիւն են անցել՝ այն ժամանակ միայն կօնսիստօրիան հարկադրւած է եղել դիմելու դատարանի օգնութեան եւ խնդրելու վերականգնել հայոց եկեղեցու խախտւած իրաւունքը, համաձայն Մինիստրների Կօմիտէտի 1898 թւի մարտի 26-ին Բարձրագոյն հաստատւած որոշման ճիշտ իմաստին: Սրանից անկախ՝ կօնսիստօրիայի հաւատարմատարը մատնացոյց եղաւ եւ այն բանի վրայ, որ գործը նահանգական դատարանում քննելու ժամանակ նոյն ինքն ուսումնարանական շրջանի լիազօրը չը հերքեց վիճելի կայքերի ուսումնարանական իշխանութեան տեսչութեանը անցնելու իրողութիւնը, այլ միայն ապացուցանում էր, որ այս կայքերն ընդունւած են, 1898 թւի մարտի 26-ի որոշման հիման վրայ, իբրև սեփականութիւններ Կարապետեան եւ Եղիսարէթեան հայ եկեղեցական ուսումնարանների, որոնց այդ կայքերը, ինչպէս ասում էր լիազօրը, կտակւած էին Կարապետ արքեպիսկոպոսից՝ իբրև լիակատար սեփականութիւն: Բայց երբ Կարապետ արքեպիսկոպոսի կտակը

ներկայացելով յայտնուեց, որ կալւածաթղթերով եկեղեցու անուռով հաստատուած այս վիճելի անշարժ կայքերը արքեպիսկոպոսից կտակուած էին եկեղեցուն իրրեւ անպայման սեփականութիւն, միայն նրանց եկամուտներէ մի մասը յատկացնելով եկեղեցական ուսումնարաններէ պահպանութեան՝ այն ժամանակ ուսումնարանական շրջանի լիազօրք սկսեց արդէն պնդել, թէ ուսումնարանական վարչութիւնը ամենեւին չէ էլ առել իր տեսչութեան տակ եկեղեցական կայքերը, այլ միայն պահանջուած է այս կալւածների եկամուտների մի մասը Կարապետեան եւ Եղիսարէթեան ուսումնարանների օգտին: Վերոյիշեալից երևում է, որ պատասխանատու կողմը մերժում էր հայոց եկեղեցու սեփականութեան իրաւունքը այն անշարժ կայքերի վրայ որոնք 1898 թւի օգոստոսին կազմուած ընդունման ակտով անցել էին ուսումնարանական իշխանութեան տեսչութեան տակ, եւ որ այս վէճը արդէն գոյութիւն ունենալով, նահանգական դատարանը պարտաւոր էր վճռել այս հարցը, — արդեօք վիճելի կայքերը պատկանում են յիշեալ ուսումնարաններին, իրրեւ իրաւաբանական անձերի, թէ կազմում են սեփականութիւն հայոց եկեղեցու: Եւ այս հարցը նահանգական դատարանը վճռել է բոլորովին կանոնաւոր կերպով, գործին ներկայացրուած կալւածագրերի հիման վրայ, հայոց եկեղեցու օգտին: Այս պատճառով հայոց կօնսիստօրիայի հաւատարմատարը ինդրում էր գատաստանական պալատից՝ հաստատել նահանգական դատարանի վրձիօր, առանց հետեւանքի թողնելով Կովկասեան ուսումնարանական շրջանի լիազօրի բողոքարկու գանգառը, ուսումնարանական վարչութեան վրայ դնելով գատաստանական եւ գործը վարկու ծախսերը երկրորդ ատեանում:

« Գատաստանական պալատի գատախազի օգնականի պաշտօնակատար Ա. Աղիպեօղալով, հայոց կօնսիստօրիայի պահանջը գտնելով անկանոն եւ անհիմն յարուցած՝ առաջարկում էր նրա պահանջը մերժել եւ նահանգական դատարանի վճիօրը ջնջել: »

« Թիֆլիզի գատաստանական պալատը, մի ժամ տեւող խորհրդակցութիւնից յետոյ, դուրս բերեց հետեւեալ գատավճիօր. — նահանգական դատարանի վճիօրը հաստատել, առանց հետեւանքի թողնելով Կովկասեան ուսումնարանական շրջանի հոգաբարձուի լիազօրի բողոքարկու գանգառը, »

ևւ վերջինից պահանջել դատաստանական ևւ երկրորդ
ատեանում գործը վարելու ծախս՝ 1280 բուբլի յօգուտ
հայոց կօնսիատօրիայի»:

Բացառիկ բախտ էր դա: Գանգատաւորներ շատ կան,
բայց յաճախ առանց թղթերի, անհրաժեշտ դատարա-
նական ձեւականութեան տեսակէտից, և ահա ինչու բազ-
մաթիւ կալւածքների գործը մնաց մթութեան մէջ,
զոհ կառավարական յախշտակման: Այդ յախշտակու-
թիւնը չ'ընդհատեց. նա կը շարունակէ իր գործը, որով-
հետեւ ունի որոշ նպատակ, դուրս նոյն իսկ դպրոցա-
կան խնդրից, ուղղած մի այլ հիմնարկութեան — հայոց
եկեղեցուն: Ահա նախանշանք.

„Ռուսաց կառավարութիւնը մտադիր է
մօտ ժամանակներս խլել Ահա յոց եկեղեցիներ
ի կալւածքները և իրեն սեփականացնել:”

Այդ յուզիչ լուրը հրապարակ բերողը Լօնդօնի
“Մօրնինգ Լիդեր” լրագիրն է: Առաջին անգամը չէ
այդ: Անգլիական մամուլը՝ լաւ տեղեակ կովկասեան
„ներքին“ գործերին, յաճախ քաղաքական նախադգու-
շութեան այդ տեսակ թմբուկներ է զարկում, երազե-
լով երկիւղ ներշնչել Պետերբուրգի պոլիտիկոսներին:

Նոր չէ, իսկապէս, այդ երկրորդ խնդիրը, որ ծանօթ է
„եկեղեցական կալւածքները խլելու“ տարօրինակ անու-
նով: Առաջին անգամ կառավարութիւնը յարուցեց
այդ՝ դեռ Գէորգ կաթողիկոսի օրով, թէև շատ մեղմ
ձևով: Տեղի ունեցան գրագրութիւններ, բայց խնդիրը
առաջ չգնաց: Ապա՝ 80-ական թւականների կէսին,
երբ տեղի ունեցաւ դպրոցների առաջին փակումը, այս
խնդիրը որոշակի ձևով կրկին յարուցեց Պետերբուրգի
մէջ, բայց, քաղաքական մի քանի պատճառներով, նո-
րից յետաձգեց աւելի „յարմար ժամանակի“: Գա
յարուցում է ամեն անգամ, երբ Պետերբուրգում

կամ Թիֆլիզում՝ կովկասեան նախկին փոխարքայի պալատի մէջ կազմած «Վարչական բարձր ատեաններում» արծարծուած է հայերին «լուծելու» խնդիրը: Չուլման սիրահարները կարծիքով, հայոց եկեղեցին մի զօրեղ պատւանդան է, որի վրայ յենուած է կովկասեան հայ տարրի ինքնուրոյնութիւնը, և հետեւաբար, երբ կարիք կայ հարւած տալ այդ ինքնուրոյնութեանը, պէտք է հանել նրա տակից պատւանդանը — հայոց եկեղեցին: Սակայն որովհետեւ դաւաճութեան ազատութիւնը օրէնսդրութեան հիմնական կէտերից մէկն է կազմուած և որովհետեւ այդ «մեռած օրէնքով» օրթօգօքս-Ռուսաստանը յաճախ փորձում է պարծենալ Եւրոպայի առաջ, ուստի անհեռատեսութիւն է համարուած ուղղակի դաւանական-կրօնական խնդիր յարուցանել, այլ դրա փոխարէն յարուցուած է «եկեղեցական կալւածքները խլելու» հարցը:

Եկեղեցական կալւածքները խլելով, ռուսաց կառավարութիւնը յոյս ունի հասնել գլխաւոր նպատակին, այն է՝ ջլատել հայ-լուսաւորչական եկեղեցու ուժը: Ահա թէ ի՞նչպէս: Կառավարութեան կարծիքով, հայոց հոգևորականութիւնը կազմուած է մի ահագին ուժ, ժողովրդի վրայ ներգործող մի հսկայական տարր, գլխաւորապէս շնորհիւ այն հանգամանքի, որ հայոց եկեղեցին ունի անսահման կալւածքներ, որոնցից կղերը ստանում է մեծամեծ եկամուտներ, անբաւ հարստութիւն, և շնորհիւ այդ հարստութեան՝ ապահովում իր անկախ, ինքնուրոյն գիրքը: Հոգևորականութիւնը այդ անկախ և ինքնուրոյն գիրքից զրկելու համար, — մտածում է օրթօգօքսութիւնից դուրս ամեն բան վտանգաւոր համարող կառավարութիւնը, — պէտք է խլել նրա ձեռքում եղած հարստութիւնը կամ, աւելի ճիշտն ասած, այն կալւածքները, որոնք հայոց եկեղեցիներին մատակարարում են հարստութիւն: Խլելով

այդ հարստութիւնը — շարունակում են պնդել Պե-
տերբուրգի Մետերնիխները — մենք կը խլենք հայ կը-
ղերից նրա անկախութիւնը, կը դարձնենք նրան մեզա-
նից կ'ախւած մի մարմին, որին հեշտ կը լինի թե-
լադրել այն, ինչ ցանկանում ենք...

Գա է գաղանիքը...

Բայց մի «գաղանիք», որ, ինչպէս և ուրիշ շատ
«պետական գաղանիքներ» Ռուսաստանում, ոչ միայն
ոչինչ հիմք չունի, այլ միանգամայն արժանի է ընդունելու
լու հեգնութեամբ և ժպիտով այն բոլոր մարդկանց
կողմից, որոնք քիչ-շատ ծանօթ են հարցին: Ասում ենք
«հեգնութեամբ և ժպիտով», որովհետեւ ամբողջ հա-
յութեան մէջ այսօր ոչ մի տարր այնքան թոյլ և
կենսասաղութիւն չէ, որքան հայ լուսաւորչական կը-
ղերը, որ ոչ միայն ահագին ազդեցութիւն չունի հայ
ժողովրդի վրայ, ինչպէս երևակայում են «գաղանի»
զեկուցումների հեղինակները, այլ օրէցօր, և զգալիօրէն
դադարում է որևէ դեր կատարելուց: 1898 թւին, կայ-
սեր ներկայացրած մի զեկուցագրի մէջ, կովկասեան
կառավարչապետը այն կարծիքն է յայտնում, թէ «հայ
կղերի իդէալն է միակ և միացեալ շայաստան», աւե-
լացնելով որ «կղերը հայկական շարժման գլուխն է
անցել»: Գա լոկ սխալանք չէ, այլ բացարձակ սուտ:
Իւր նենգամիտ սուտ, որովհետեւ ինչքան և վատ կար-
ծիք ունենանք այդ տեսակ զեկուցումների հեղինակների
մտաւոր ընդունակութիւնների մասին, բայց և այնպէս
անկարելի է համոզել, որ նրանք այնքան կոյր և աը-
կարամիտ լինեն, որ չը տեսնեն, թէ հայոց հոգևորա-
կանութիւնը շատ վաղուց արդէն դադարել է այն
դերը կատարելուց, որ նրան վերագրում է հայատեաց
քաղաքականութիւնը:

Զիդ տարիներ են արդէն, որ հայոց մամուլը, ոչ
միայն Վովկասում, ուր նա անցնում է ուսուց ցէն-

զուրայի ձեռքով, այլ և Կ. Պօլսում, Եւրոպայում, Ամե-
րիկայում— մի խօսքով աշխարհիս բոլոր ծայրերում,
ուր հնչում է հայ խօսքը, — մի ընդհանուր, միապա-
ղաղ գանգատ ունի, այն, որ հայ կղերը տգէտ է,
անգործ, պորտաբոյծ, անընդունակ դարմանելու ժողո-
վրդի վշտերը, անկարող ըմբռնելու նրա իղձերը...
Ամբողջ թիւրքաց Հայաստանը կրօնափոխ է լինում,
քրիստոնեայ-հայը դառնում է մահմեդական. մինչև
իսկ հայոց կրօնական գլխաւոր հիմնարկութեան՝ Էջմիա-
ծնի շուրջը լուսաւորչական հային դարձնում են օրթո-
դօքս, կաթօլիկ, բողոքական, — հայ կղերը շնորհք, եռանդ-
չունի գիմադրելու իր „հօտի“ սպառման, իսկ Պետեր-
բուրգի քաղաքագէտները զանազան „գօկլագների“ շը-
նորհիւ՝ „խիստ միջոցներ“ են ձեռք առնում, յայտա-
բարելով որ այդ նոյն կղերը պարագլուխ է հայկական
շարժման և մինչև իսկ նախապատրաստող Մեծ-Հայաս-
տանի ամբողջական վերականգման...

Արպիսի մտրորութիւն:

— Եթէ այդքան պարզ է հարցը և հայ հոգեւորակա-
նութիւնը չէ նպատակակէտը, ապա ինչի՞ մէջ է „գաղտ-
նիքը“, — երևի կը հարցնի իւրաքանչիւրը ընթերցող-
ներից: Ահա այստեղ է, որ „ապուշ է կարում“ սառը
լոգիկան, անցնելով դէպի սև-սև մտքերի աշխարհը:
Եւ ինչ կասկածներ, հրէշաւոր ենթադրութիւններ ա-
սէք, որ չեն ծագում այժմ ամեն մի հայի գլխում՝
այդպիսի „բարդ հարցերի“ դիմաց: Ինչ ասէք, որ չի
ստեղծում վախեցած երևակայութիւնը: Եկեղեցուն տուրք
վճարող գեղջուկի շահը չէ — երանի՜ այդպէս լինէր —
որ պաշտպանում է բիւրօկրատ միապետութիւնը: Կայ
մի այլ հանգամանք, այլ նպատակ, վարագուրւած,
գաղտնիքի մշուշի տակ դրւած:

„Ռուսաց կառավարութեան նպատակն է — ասում
են շատ հայեր — միացնել լուսաւորչական եկեղեցին

ուուսաց եկեղեցու հետ. և այդ նպատակին հասնելու համար է, որ նա ուզում է քիչ-քիչ խլել հայոց եկեղեցական կալւածքները, որպէսզի մի քանի ժամանակից յետոյ, երբ ինքը եկեղեցին այլևս միջոց չունենայ ապահովելու հոգևորականներին, կառավարութիւնը ինքը յանձն առնի պահել — ինչպէս այդ անում է ոուսաց հոգևորականների հետ — հայոց եկեղեցու պաշտօնեաներին ոռճիկ վճարելով գանձարանից. դա հնարաւորութիւն կըտայ կառավարութեանը՝ իր ձեռքի մէջ պահել հայոց հոգևորականութիւնը, իսկ դրանից յետոյ այլևս դժւար չի լինի իրագործելու երկու եկեղեցիների միացման հարցը“ . . .

Նենգամիտ ծրագիր և այնքան հրէշաւոր, որ կարող է նոյն իսկ անհաւատալի նկատել: Անհաւատալի, այն: Բայց տարաբախտաբար, շատ անհաւատալի ծրագիրներ կան, որոնք բռնապետութեան շնորհիւ այս դժբախտ երկրում քիչ-քիչ անցնում են „քաղաքական անհրաժեշտ միջոցների“ շարքը, որից յետոյ սկսում են պօլիցիա կան միջոցները՝ „բարձրագոյն“ բառի տակ սրբագործւած կարգադրութիւնները իրագործելու համար . . . Այդ տրամադրութեան շնորհիւ ահա, ժողովրդական երևակայութիւնը, կասկածոտ, սպասող ամեն տեսակ բռնութեան, շարունակում է ստեղծել նորանոր լուրեր. — թէ հայոց կաթողիկոսի գահը Եջմիածնից պէտք է փոխադրեն Պետերբուրգ, թէ այլևս կաթողիկոսական ընտրութիւն չպիտի լինի, այլ լոկ կայսեր կողմից կը նշանակւի մի մետրոպօլիտ, թէ միւռօնը այլևս չպիտի օժտի Իջման տեղում, այլ Նեվայի ավերում . . .

Եւ այլն, և այլն, և այլն . . .

Գրգռիչ լուրեր, ընդունակ փոթորկելու մի ամբողջ ժողովուրդ, ահաւոր շշուկներ, ատելի նրանց համար, որոնք դաւանում են համերաշխութիւն՝ նոյն պետութեան մէջ ապրող ազգերի մէջ: Եւ եթէ այդ անարգ,

անմիտ, պախարակման միայն արժանի քաղաքականութիւնը չը վերանայ և սանձի տակ չը դբւի, կովկասը պիտի շարունակէ լինել թատերաբեմ նոր հարցերի, անսպասելի յոյզերի: Ղաւատեաները օրէցօր նւազում են: — Հայոց դպրոցները փակողի և դպրոցական կալւածքները յափշտակողի համար բոլորովին դժւար բան չէ, լւուում է շատ կողմերց, խլել նաև հայ եկեղեցիների կալւածքները: Միամտութիւն է կարծել, թէ հայերի դէմ վրձնական կռիւ մղող „պետական մարդիկ“ կը դժւարանան իրագործել այդ միտքը, թէև քաջ գիտեն, որ եկեղեցական կալւածքները անվիճելի սեփականութիւն են՝ գոյութիւն ունեցող օրէնքի տեսակէտից, նւիրագործւած կտակներով, կայսերական հրովարտակներով կամ եկեղեցական անձեռնմխելի յիշատակարաններով: Մինչև այժմ կատարւած վայրենի ապօրինութիւնները թող չեն տալիս այդպիսի „բարեմիտ“ ենթագրութիւններ անել: Հեղեղը ճանապարհ չի ճանաչում, իսկ բըռնապետութիւնը՝ արդարութիւն . . .

Այսպէս ուրեմն՝

Քսաներորդ դարու շէմքում հրապարակական յափըշտակութիւն, մի բացարձակ գողութիւն, որի հեղինակները իշխանութեան բարձր ներկայացուցիչներն են և որոնք՝ փոխանակ մեղադրողների նստարանի վրայ բազմելու, համարւում են պետական խոչոք մարդիկ, հայրենասէրներ, ուսաց անւան արժանաւոր պաշտպաններ: Մի ուրիշ ժամանակ, և ուրիշ երկրում Գօլիցին, Էսնօվսկի, Միցկևիչ, դատարան կը քաշէին, իբր օրէնքի խախտողներ, յափշտակողներ, բայց Պօլսեղօնօսցեվեան բէժիմի օրով՝ այժմեան Ռուսաստանում նրանք դեռ շքանշաններ, մեծարանք և արտօնութիւններ են ստանում . . .

„ԳՆԱՅԷՔ ՈՒՍՈՒՄՆԱՍԻՐԵՑԷՔ“

(ՀՆԻԳՆԲՈՐԴԻ ՆԱՄԱԿ)

Յուսատու ծառագայթներ. — Յատուկ քննիչների ծամբորդութիւնը. — Մասաչուզ եւ իշխան Ուխտումսի. — Ի՞նչ էր պատճառը. — Անգլիական դաւերի ուրուականը. — Հայ-անգլիական համակրութիւններ. — Քննութեան արդիւնքը. — Մինիստրի եզրակացութիւնը. — Անարժէք գեղուցագիրը:

Գնացէք, ուսումնասիրեցէք . . .

Յաճախ է պատահում այդ: Երբ լուրերը գառնում են սպառնական, ու վտանգի հոտ է բուրում լայնատարած պետութեան անհանգիստ ծայրերից, կենտրոնը՝ ցնցւած, գերի անբացատրելի մի երկիւղի՝ յառում է աչքերը դէպի անձանօթ հեռուն, դէպի այն վայրերը, ուր քաղաքական տենդի նշաններ են երևում. . . Մինիստրը պատրաստում է հրամանը, Նորին Մեծութիւնը ստորագրում է „սեփական ձեռքով“, գանձարանը բաց է անում կողպած սնտուկը, և ահա սենատորական քննիչները կամ յատուկ յանձնարարութեան պաշտօնեաները ճամբայ են ելնում, դղրդոցով, գաղանի թղթերը ծոցին, խորհրդաւոր կնճիռը անխորհուրդ ճակատին . . .

— Գնացին, ուսումնասիրեցին:

Բիւրաւոր են այդ ճամբորդութիւնները, և նրանց անթիւ, անհամար գեղուցագրերը դարաններ են կազմում պետական զիւանների լռակեաց պահարաններում: Քանի՛ քանի յոյսեր են թաղւած այդ պահարանների մէջ, և որքան սպասելիքների գերեզման են դարձել նրանք՝

անվերջ ու դժբախտ տարիների ընթացքում:

Այդ օրինակ յոյսերի մի ճառագայթ էլ կովկասի վրայ ծագեց: 1896 թւի մայիս ամսին էր այդ:

Պետերբուրգի «քաղաքական շրջաններում» — եթէ այդպիսի անուն կարելի է տալ մեր «դոնփակ» շրջաններից ուէէ մէկին — լուր տարածւեց, թէ երկու պաշտօնական անձեր են գնում կովկաս, քննելու «հայկական տրամադրութիւնները», որ այն ժամանակ օրւայ ինդիք էր մայրաքաղաքում...

— Քննիչներ են գալիս: Հուտով այդ լուրը ճշտեց և պաշտօնական կերպարանք ստացաւ: Քննիչներն էին՝ ներքին գործերի մինիստրութեան կողմից՝ նոյն մինիստրութեան պաշտօնեայ Մասարով, և անձնապէս թագաւոր կայսրի կողմից՝ իշխան Էսպէր Ուխտօմսկի, գահակալի անձնական բարեկամը, որ ուղեկցեց նրան Արևելք կատարած ճամբորդութեան ժամանակ, խմբագիր «Պետերբուրգսկիյա Վեդօմօստի» կիսապաշտօնական լրագրի, համակրելի մի հրապարակախօս:

Յանձնարարութիւնը վերին աստիճանի կարեւոր էր, ուշագրաւ, այլապէս կայսեր կողմից յատուկ անձ չէր ուղևորելի կովկաս, որովհետև «յատուկ անձ» ուղարկելը վերապահւած է առանձին կարեւոր դէպքերի համար, այն էլ այնպիսի դէպքերի, որոնք սովորաբար մնում են իբրև պետական գաղտնիք և երբէք հրապարակական խօսակցութեան նիւթ չեն կազմում: — Արդ, որն էր այդ կարեւոր դէպքը:

Անհրաժեշտ է պատմել:

Հայոց հարցը մի կողմից և հայոց դպրոցների խընդիրը միւս կողմից — ահա՛ առիթը, որ «հայկական տրամադրութիւնները» մայրաքաղաքում ջերմ վէճերի նիւթ դարձան: Նոյն իսկ պալատական շրջաններում գտնեցին «անվեհեր» մարդիկ, որոնք բարձրաձայն դատապարտում էին ներքին գործերի մինիստրութեան

կարգադրութիւնը՝ փակելու հայ դպրոցները: Մինիստր Գօրեմիկին, անողոք ու կարճատես, որ իր պաշտօնավարութեան գլխաւոր փէշակը դարձրել էր՝ դաւեր երևակայել, մարդիկ աքսորել, լրագիրներ փակել և ամեն ձեռնարկ արգելել, ստիպւած էր հրէշային «վտանգներ» ստեղծել, իր կարգադրութիւնները արդարացի ցոյց տալու համար: Ահա այդ նպատակով էր, որ դպրոցների փակման իրրև գլխաւոր պատճառ՝ հրապարակ բերւեց այն մեղադրանքը, թէ նախ՝ այդ դպրոցներում հակակառավարչական պրօպագանդ է լինում, և երկրորդ՝ այդ պրօպագանդը մեծ կապ ունի այն ընդհանուր համակրութեան հետ, որ կոչկասի հայերը սկսել են ցոյց տալ դէպի Անգլիան և անգլիական քաղաքականութիւնը . . .

Անգլիա և անգլիական քաղաքականութիւն, — այդ բառերը արդէն բաւական էին, որպէսզի Պետերբուրգի մէջ բարձրանար ահագին շշուկ, իրարանցում, որովհետեւ — երևի լսել էք — ամենախելացի ուսու մարդն էլ իր արամբանութիւնը կորցնում է, հէնց որ խօսք է բացւում ա ն գ լ ի ա կ ա ն ք ա ղ ա ք ա կ ա ն ու թ ե ա ն մասին . . . Գուցէ հին Ռուսաստանը այնքան չէր վախենում մօնղօլական արշաւանքից, որքան ժամանակակից ուս գիւնագիտութիւնը՝ անգլիական քաղաքականութիւնից: Ահարկու, անյաղթելի է բրիտանացին սլավի աչքում: Ռուս չինօվնիկի կարծիքով, անգլիացին այնքան խորամանկ, հնարագէտ և հարուստ է, որ նրա հետ մրցում սկսել՝ կը նշանակէ գնալ դէպի անխուսափելի պարտութիւն: «Ուր անգլիացին ոտք կօխեց, այնտեղ ուս լինել չէ կարող»: Ահա թէ ինչու «անգլիական» անւան յանկարծական կապը կոչկասի հայերի հետ, այն էլ այն ժամանակ, երբ թիւքաց հայերի քաղաքական գոյութեան խնդիրը օրւայ առաջնակարգ խնդիր էր քաղաքական աշխարհում, — դող պատճառեց

ուսաց պօլիտիկոսներին: Ատամների կրճտոցը հայերի դէմ՝ դարձաւ աւելի կատաղի: Եւ տարաբախտաբար, այդ փափուկ րօպէին չգտնեց և ոչ մի հաստ խորածափանց անձ, որ տեսնէր, թէ այդ նոր «քաղաքական բաղն» էլ նոյն քուրայի մէջ է ստեղծագործւած, որտեղ արդէն վաղուց թխուում էին ամեն տեսակ հրէշային մեղազրանքներ «Արարատեան թագաւորութեան» խաղաղասէր զաւակների դէմ. . .

Անգլոսուսական մրցման փաստը քաջածանօթ է: Պատմական իրողութիւն է դա: Այն օրից, երբ Մեծ-Բրիտանիան՝ շնդկաստանին տիրացած, քաղաքական դաւանանք դարձրեց՝ կտրել ուսման ճանապարհը դէպի հարաւ, երբ ուսաց և անգլիական շահերը ընդհարւեցին Բօսֆօրում, — այն օրից արդէն երկու պետութիւնները դարձան անհաշտ մրցող, կանգնած ընդհարման գծի վրայ: Բայց ի՞նչ մաս ունեն այդ հարցում կովկասեան հայերը, — իրաւամբ կը հարցնէք դուք: Իսկոյն կ'իմանաք:

Վաղանիք չէ այլևս, որ 1878 թւին, ուսութիւրբական պատերազմի ժամանակ, Անգլիան վճռական պաշտպանութիւն ցոյց տւեց Թիւրքիային: Այդ պաշտպանութիւնը արտայայտեց ոչ միայն նրանով, որ Մեծ-Բրիտանիան մատակարարեց Թիւրքիային փող, զէնք և զինւորական հրահանգիչներ, այլև զինազաղարից յետոյ, Բիկօնսֆիլդի կառավարութիւնը՝ Բերլինի վեհաժողովի միջոցով՝ յետ միւսը ուսմաներին Վարինից, — որը նրանք արդէն գրաւել էին իրենց զօրքերի արիւնով, — որպէս զի Պետերբուրգի տիրապետութիւնը որքան կարելի է հեռու մնայ այն գծից, որ տանում է դէպի Պարսից ծոցը — անգլիացիների համար այդ կարևոր կէտը: «Բայց գրանով — ասում են ուս գիւտնագէտները, — անգլիացիները չհանգստացան: Նրանց իդէալն է մի անանցանելի պատե՛շ զնել ուսական արշաւանքի առջև, և այդ

պատնէշի գլխաւոր ամբուժիչները պիտի լինեն՝ Կ. Պօլիս, Սև Ծովը, Կովկասեան լեռնաշղթան, Պարսկաստանը, Աւղանիստանը, Չինաստանը, մինչև ուստատեաց Եապօնիան: Այդ պատնէշով՝ Անգլիան կարող կը լինի ընդմիշտ փակել ուսաների ճանապարհը և ապահովել իր գերիշխանութիւնը Հնդկական ովկիանոսի վրայ և իր հարաւային գաղութներում:

Ահա այսպէս են պատկերացնում ուսւ գիւանագէտները անգլիական քաղաքական պատնէշը, որի ամբուժեան համար, նրանց կարծիքով, Բրիտանիան չի խնայում ո՛չ փող, ո՛չ միջամտութիւն, յաճախ գաղանի, և ո՛չ էլ քաղաքական ինտրիգներ: Եւ այդ ինտրիգներն են ահա, որոնք սկսել են գործել Կովկասում, գլխաւորապէս կովկասեան հայերի շրջանում: „Աերջին տարիները, — շարունակում են պնդել անգլատեաց ուսւ քաղաքագէտները, — Անգլիան ձեւափոխեց իր քաղաքականութիւնը Փորթ-Ասիայում, որտեղ նա ուզում է մի նոր, տեղական պատնէշ կազմել ուսաների դէմ՝ նոյն խիստ հայերից, ստեղծելով հայկական անկախ իշխանութիւն: Եւ որպէսզի այդ պատնէշը լինի աւելի զօրեղ և դիմացկուն, անգլիացիները ուզում են ապստամբեցնել Կովկասը, փոթորկել նրան քաղաքական շարժումներով, որ այնտեղից յետքէլ սան ուսաներին, և այդպիսով ուստաց տիրապետութեան բնական սահմանը դարձնեն Կովկասեան լեռնաշղթան — այդ բնականապէս ամուր և վտահաճելի գիծը“:

Անտարակոյս, ընթերցողներից շատերը կը ժպտան այդ „քաղաքական զրոյցի“ վրայ, բայց հակառակ ժպտիս յարուցանող այդ դրութեան, այս զրոյցը շարունակում է լուրջ բան համարել ուսւ գիւանագէտների շրջանում: Ռուս-թիւրքական պատերազմի ժամանակ՝ դա նոյն խիստ պաշտօնական ձև ստացաւ: Պատ-

մում են, որ երբ Ալաշկերտում թիւրքաց զօրքը փոր-
րիկ յաջողութիւն ունեցաւ և լուրեր էին պտտում, թէ
օսմանեան զօրաբանակը կարող է պատուել սահմանա-
դիծը, անցնել Իգդիրը և մանել Երևանեան նահանգը
— թիֆլիզում, զինւորական բարձր ատեանի մէջ, պաշ-
տօնապէս քննուում էր այն ծրագիրը, թէ ինչ պէ՞ս
և որտե՞ղ պաշտպանեն Անդրկովկասի միւս կէտերը:
Այդ ծրագրի քննութեան ժամանակ՝ լուրջ կերպով
սեղանի վրայ էր դրած այն հարցը, թէ անգլիական
դրդմամբ կովկասում ապստամբական ցոյցեր կա-
րող են լինել, և ուրեմն կառավարութիւնը ստիպւած
կը լինի միաժամանակ կռւել երկու թշնամու դէմ: —
Թիւրք զօրքի և տեղական ազգաբնակչութեան դէմ...

Եւ այդ զառանցանքները՝ մի այնպիսի ժամանակ, երբ
ամբողջ կովկասի քրիստոնեայ ազգաբնակչութիւնը, մա-
նաւանդ հայեր և վրացիք՝ ոչ միայն կանգնած էին
նուսաց զօրքերի շարքում իբրև անձնէր մարտիկներ,
այլև ցնծութեան աննկարագրելի ցոյցերով էին ընդու-
նում ուսաց զէնքի ամեն մի յաջողութիւնը. այն ժա-
մանակ, երբ հայ զօրապետները — Լազարեւի, Լօրիս-
Մէլիքօւ, Տէր-Ղուկասօւ, Շելիօֆիկօւ — Ալաշկերտի,
կարսի, Էրզրումի կողմերում շլացուցիչ փայլ էին տա-
լիս ուսաց զօրքի արշաւանքին, իսկ թիւրքահայատակ
հայերը ընդառաջ էին գալիս ուսաց զօրքին՝ հանդի-
սաւոր թափօրներով, — ամենաոգևորած նշանը քրիս-
տոնեայ Արևելքի... Որպիսի աններելի մոլորութիւն:
Գեռ լաւ է, որ այդ մոլորութիւնը շուտով պարզւեց,
և կառավարութիւնը, գոնէ պատերազմի ժամանակ,
համոզւեց, որ իր կասկածները անհիմն են, անտեղի...

Կասկածները անվախճան են: Կովկաս մտնող անգլիա-
ցին, յաճախ նոյն իսկ առևտրականը, ամեն բոպէ և ամեն
բայլի վրայ՝ ենթակայ է ոստիկանական հսկողութեան,
լրտեսութեան: Նրանց հետևում են հիւրանոցներում,

Ճամբորդութեան ժամանակ, այցելութեան միջոցին: Արտաբուստ յաճախ քաղաքավարի՝ գաղտնի կերպով հըսկում են նրանց ամեն մի շարժումը: Օրինակ: Իննսունհան թւականներին մի քանի անգամ Կովկաս այցելեց Ֆիցջերալդ, ազատախոհ մի հրապարակախօս, թըղթակից «Դէյլի Նիւս» լրագրի, ջերմ համակրող հայկական գատի, որ յետոյ դոհ գնաց այդ համակրութեան, գաղտնի սպանելով Թիւրքիայում, ի հարկէ թիւրք գործակալների ձեռքով: Շնորհիւ իր յանձնարարականների՝ Ֆիցջերալդ, սիրով ընդունեց կառավարչապետի կողմից, ստացաւ նրանից «բաց թերթ» անարգել ճանապարհորդելու Կովկասի բոլոր կողմերում, բայց դրա հետ միասին «գաղտնի հրահանգներ» էր տրուում ոստիկանութեան՝ խտիւ հսկելու, թէ ուր է գնում նա, ում հետ է տեսնում, ինչ է խօսում, ինչ է անում: Նրա բոլոր քայլերը գիտէին:

1895-ին Կովկասի վրայով Կարին անցաւ մի այլ անգլիացի, յայտնի թըղթակից-հրապարակախօս Էմիլ Դիլօն, որի նամակները հայկական կոտորածների մասին ահագին գըզգոց բարձրացրին ամբողջ Եւրոպայում: Դիլօն նոյնպէս ներկայացաւ կովկասեան կառավարչապետին, սիրով ընդունեց նրանից, նոյնպէս ստացաւ «բաց թերթ» անարգել ճանապարհորդելու համար, մինչև իսկ Կարին հասնելով՝ ամենաջերմ աջակցութիւն գտաւ այնտեղի ուսաց հիւպատոս Մաքսիմովի կողմից, — բայց և այնպէս, ոստիկանութեանը հրահանգ էր տրուած խտիւ հսկել նրա ամեն մի քայլը: Եւ մի տարի յետոյ, երբ նա արդէն Անգլիայումն էր, կովկասեան ժանդարմական վարչութիւնը ահագին «գործ» էր սկսել, թէ Թիֆլիզի հայերից ով է տեսնել անգլիացի թըղթակցի հետ, ով է նրա հետ ճաշել, ինչ են խօսել, ում հետ գրագրութիւն ունի, ով նրան ճանապարհ գցեց...

Բազմաթիւ են այլ օրինակները: Անգլիացի կապի-

տալիստներն իսկ, որոնք, ինչպէս դրամի ներկայացուցիչներ, անմնաս պիտի նկատեն քաղաքական տեսակէտից, ազատ չեն չափազանցրած կասկածներից: Բնորոշ է հետևեալ զրոյցը:

Արանից մի քանի տարի առաջ, երբ ջերմ խօսակցութեան նիւթ էր անգլիացի կապիտալիստների երեւալը Բագուում նաւթային ձեռնարկներ սկսելու համար, և երբ մինիստրութիւնը խիստ ձեւականութիւններ էր անում նրանց մոտքը թոյլատրելու, Աովկասին ծանօթ մի լեհ նկատեց ուս պաշտօնեային.

— Ես կարծում եմ, մինիստրը թոյլ չի տայ անգլիացիներին Աովկաս գալ, որովհետեւ նաւթային հարցի տակ այդ խորամանկները կարող են թագցրած լինել քաղաքական նպատակներ: Խօս՝ գիտէք, թէ ինչ ինտրիգներ են լարում Աովկասում...

— Այո՛, այո՛, պատասխանեց ուս պաշտօնեան, եթէ ինձանից կախած լինէր, ես մի հատ անգլիացի էլ չէի թողնի Ռուսաստանի սահմաններում:

— Բայց և այնպէս, — վրայ բերեց կատակաբան լեհը, — անգլիացիները կը գան Բագու, որովհետեւ նրանք շատ հարուստ են և նախ քան Բագու գալը՝ կանցնեն Պետերբուրգով՝ քսակները լի՝ „աղղեցիկ“ մարդկանց տեսնելու համար...

— Այդ էլ ճիշտ է, — վրայ բերեց պաշտօնեան, փողը ինչ ասես չի անիլ...

Ինչ է այդ բողբոլի պատճառը: — Արդեօք այն, որ անգլիացու և ուսի հայրենիքները հանդիսանում են քաղաքական տաք հակառակորդներ Արևելքի մէջ: Թէ՛ այն, որ Մեծ-Բրիտանիայի զաւակները իրենց ծանօթ շահասիրութեան հետ միասին՝ տանում, տարածում են գէպի ամեն կողմ, ուր ոտք են դնում, անգլիական պատմութեան լաւագոյն արդիւնքները, սէր գէպի ազատութիւն, բողբոլ՝ գլխակոր, լուսկեաց անշարժութեան

դէմ, այնքան տարածւած միապետական սլավոնականութեան մէջ, կամ թէ այն, որ ամբողջ Արևմուտքը, Անգլիայի հետ միասին, ներկայանում է միապետութեան աչքում, իբրև աղբիւր երկիւղալի հովերի, մի հողմ, որ կարող է սփռել լայնատարած քնարանում արթնումի վտանգաւոր սերմեր . . .

„Վտանգաւոր սերմերը“ որոնելու համար էր, որ Կովկաս ուղարկեցին Մասալովին և իշխան Ուխտումսկուն, յանձնարարելով նրանց՝ ուսումնասիրել երկու էական հարց. ա) ճիշտ է, որ հայոց դպրոցներում հակառուսական պրօպագանդ է մղւում, և բ) ճիշտ է, որ Կովկասի հայերը տածում են ջերմ համակրութիւն դէպի անգլիացիները և անգլիական քաղաքականութիւնը: Այդ յանձնարարութիւնը իրենց ուղեցոյց դարձրած՝ Մասալով և Ուխտումսկի մեկնեցին հիւսիսից, հասան Թիֆլիզ, տեսան ում հարկաւոր էր, կարդացին ինչ պէտք էր, գնացին Երևան, խօսեցրին նահանգապետին, մտան Եջմիածին, մի քանի օր հիւր եղան հայոց կաթողիկոսին, ծանօթացան անցած դարձածին, կրկին վերադարձան Թիֆլիզ, լսեցին, դիտեցին, և վերադարձան Պետերբուրգ, շատ որոշ, հիմնաւոր պատասխանով:

Այդ պատասխանի մէջ, որ զեկուցման ձևով ներկայացուց ներքին գործերի մինիստրին, իշխան Ուխտումսկի և Մասալով վճռական կերպով, փաստերով զինւած՝ հերքում էին կովկասեան հայերի դէմ բարձած մեղադրանքները:

— Շատ ցաւում եմ, որ չեմ կարող ընթացք տալ, — ասել է մինիստրը ընդունելով զեկուցագիրը, — որովհետև մինիստրութիւնը արդէն ներկայացրել է նորին Մեծութեան՝ իր կարծիքը, բոլորովին հակառակ բովանդակութեամբ: Մինիստրութիւնը չէ կարող փոխել իր տեսակէտը. մնում է, որ դուք փոխէք ձեր զեկուցման բովանդակութիւնը:

. . . Յայտնեց, որ դեռ այն օրերին, երբ Մասալով

և Քաղաքացիական տեղն ու տեղը, երկրի մէջ, փաստեր էին հաւարում՝ հիմնաւոր եղբակացութեան հասնելու համար, Պօլեոքոնոսցեմը և Պօլեոքոնոսցեմը, հաւատարիմ իրենց մշտական սիստեմին, ուժ ունեցան վերստին պղտորել մտքերը, նորից յաղթող հանդիսացան այն փոքրիկ կուսակցութեան դէմ, որ կարողացել էր համոզել թագաւոր կայսրին՝ քննիչներ ուղարկել Արմէնիա, հարցը ուսումնասիրելու նպատակով, և իբրև հետևանք այդ յաղթութեան՝ անմիջապէս առաջ մղեցին հակահայկական զեկուցումը և պաշտօնական ընթացք տին նրան: Եւ դրանից յետոյ էր, որ սկսեցին նոր խտուրթիւններ հայերի դէմ...

„Գնացէր ուսումնասիրեցէր“ — դատարկ, անիմաստ, բռնութիւն, ընդունակ միայն խաբելու, որովհետև, ինչպէս տեսնում էք, պետական առաջնակարգ կարևորութիւն ունեցող մի զեկուցում գրելու համար, եթէ մինչև իսկ դրանից կախած լինի մի ամբողջ ազգի հանգստութիւնը, իսկի կարիք չկայ բարեխղճօրէն փաստերը ուսումնասիրելու և ճշմարտութեան գրոշակի տակ մնալու: Փաստերի տեղ կարելի է գնել „օտար ինտրիգներ“ և ճշմարտութեան տեղ՝ „պետութեան ապահովութիւն“ բռնութիւն, և գրել ամեն բան, ինչ թելադրում է մի թոյլ ուղեղ, թէև մինիստրական գանգի մէջ, կամ զգացմունքից զուրկ մի սիրտ, թէև աստեղազարդ կրծքի տակ...


Այդ տեսակ „զեկուցագրերի“ արդիւնքն է, որ այսօր կառավարչական ստրկամիտ պաշտօնեաների հետ միասին, նոյն իսկ ուսաց մամուլի „հայրենասէր“ ներկայացուցիչները, որոնք, պետական շահերի պաշտպանների գիմակի տակ ծածկւած, վարժուել են իրենց ականջները միշտ խլշտրած պահել մինիստրական կարիքներին դրան ձեռքերի մօտ, աջ ու ջախ, տեղի ունեցողի, մի բան են կրկնում, մի բան քարոզում. „չայերը հակակառավարչական ձգտումներ ունեն, հա-

յերը անգլիական ինտրիգների գործիք են՝: Այդ մը-
տասնանկների կարծիքով, եթէ Կովկասի հայերը փող
են տալիս իրենց սովատանջ թիւրքահայ եղբայրներին,
կամ բողոքում են սուլթանական ճնշումների դէմ, այդ
անում են ոչ թէ մարդասիրութիւնից և եղբայրասի-
րութիւնից դրդւած, այլ իբրև կոյր գործիքներ «ան-
գլիական ինտրիգների», և կամ եթէ Եւրոպա ապաս-
տանած հայերը ձայն են բարձրացնում յօգուտ ստրուկ
եղբայրների, դա հետեանք է ոչ թէ մարդկային տար-
րական պարտականութեան, այլ դարձեալ «անգլիական
ինտրիգների»:

Սատանաներ, դևեր տեսնել այնտեղ, ուր «անմեղ
հրեշտակներ» են նստած, — դա ժամանակակից ոուս
«զեկուցագրողների» և դրանց կողմնակիցների նշանա-
բանն է, նրանց միակ տեսակէտը, երբ գործ ունեն
ուէ փոքրիկ ազգութեան կամ քաղաքական խնդրի հետ:
Հիւանդոտ դրութիւն, քաղաքական մղձաւանջ է դա,
որ քուն չէ տալիս, խեղդում է այդ մարդակերներին,
որոնք նոյն իսկ հայկական կոտորածներից յետոյ մի
գլուխ գոռում են, թէ հայերը ծրագրել են և պատ-
րաստութիւն են տեսնում, որ վերականգնեն Մեծ-Հա-
յաստանը՝ մինչև Ռոստով Գօնի վրայ:

Եւ գիտէք ինչու համար է ստեղծւած «մինչև Ռոս-
տով Գօնի վրայ» խօսքը: Նրա համար, որ ցոյց տան,
թէ հայերի երազած Մեծ-Հայաստան ստեղծելը կապ
ունի անգլիական այն քաղաքականութեան հետ, որը
հակառուսական պատնէշը ուղղում է հիմնել Կովկաս-
եան լեռների վրայ...

Իրնէկ իմանայինք, որն է աւելի հեշտ — հայերին՝
տեսնել Մեծ-Հայաստան, թէ ուուաներին աղատել
Մեծ-խմարներից...



ԳԱՂՏՆԻ ԶԵԿՈՒՑՈՒՄ

(ՎԵՅՅԵՐՈՐԴ ՆԱՄԱԿ)

Դէպի Պետերբուրգ. — Բարձրագոյն ունկնդրութիւն. — Գաղանի զեկուցագիրը. — Ի՞նչ է նրա բովանդակութիւնը. — Հայկական միտումներ. — Ի՞նչ պէտք է անել. — Կայսերական ղիտողութիւնները. — Գաղթիցիները հայերին. — Թող լուեն իսաստերը: —

1898 թւի գարնանն էր: Սիրտ առած զեկուցումներ գրելու նորագոյն եղանակից, յափշտակւած ատելութեան զգացմունքով, որ նրա որոշումների հիմնաքարն է կազմում, իշխան Գօլիցին թիֆլիզից Պետերբուրգ մեկնեց: Զեկուցում պիտի ներկայացնէր: Եւ մի օր, երբ նրան արտօնւած էր արժանանալու կայսերական ունկնդրութեան — այդպէս աւետեցին լրագիրները — նա մտաւ Չմերային պալատը, զարգարւած շքանշաններով, իր փառքի և ուժի ամբողջ փայլով . . .

Գաղանի զեկուցում: Գաղանի ունկնդրութիւն: Գաղանի որոշումներ: Ո՞վ կարող էր երազել անգամ՝ իմանալու նրա բովանդակութիւնը, պարունակած մարգարիտները: Բայց ահա հազիւ մի տարի անցած՝ գաղանի թուղթը գարաններում պառկելուց ձանձրացած, շարժեց իր սեղից, քակտեց կնիքները և հրապարակ եկաւ:

Ինչպէս պատահեց այդ: Ճիշդը՝ ոչ որ գիտէ: Լուրերը շատ են և զանազանակերպ: Մինիստրութեան մի պաշտօնեայ — այսպէս են պատմում տեղեակ անձինք — յոգնած իր լղարիկ ուձիկից կամ գուցէ յափշտակւած հակակառաւարչական իղձերով, արտագրեց պաշտօնական

վկայագիրը և վաճառեց մի կովկասեցու: Կովկասեցին, ուրախ իր գիւտից, որոնեց անգլիացի մի թղթակից և նրան յանձնեց քաղաքական այդ գանձը: Եւ հաղիւ մի շաբաթ անցած՝ նա լոյս տեսաւ Լօնդօնում: . . Կարծէք ուումը պայթեց: Գեսպանը հեռագրեց Պետերբուրգ. մինիստրութիւնը պէկոծւեց: „Ուրեմն մենք թշնամիներ ունենք նոյն իսկ մեր տան մէջ“ — կրկնում էր սարսափահար մինիստրը: Եւ ինչպէս միշտ, սկսեց քննութիւն, հարց ու փորձ: Հեռացրին մի պաշտօնեայի, կալանաւորեցին Պետերբուրգ ապրող մի կովկասեցի, քանի մի ուրիշներին սպառնալիքներ կարդացին . . . Եւ մինչ մեղաւորները անմեղների հետ միասին պատիժներ էին կրում, գաղանի զեկուցումը շարունակում էր իր ճամբորդութիւնը դէպի ամենուրեք, ուր հայ կամ հայոց գործերով հետաքրքրողներ կան:

Ուշագրաւ է Գօլիցինի գաղանի զեկուցումը քաղաքական արդի արամադրութեան տեսակէտից, և ուրեմն արժանի ծանօթութեան: Նա բաժանւած է երկու մասի՝

ԱՌԱՋԻՆ ՄԱՍ.

ՀԱՅԵՐԸ ԵՒ ՌՈՒՍԱՍՏԱՆ. ա) Հայկական միտումներ. բ) Կաթողիկոսը և Էջմիածնի Սինօդը. գ) Հայոց ծխական դպրոցները. դ) Ռուսահայոց մամուլը. ե) Բարեգործական ընկերութիւնները. զ) Գիւղական վարչութիւն. է) Քաղաքային խորհուրդներ:

ԵՐԿՐՈՐԴ ՄԱՍ.

- 1) ՀՈՂԱՅԻՆ ՕՐԷՆՔԸ. ա) Ռուս գաղթականներ. բ) Օտարների հողատիրութիւնը. գ) Օտար դրամագլուխներ:
- 2) ԿՐՕՆԱԿԱՆ ԱՂԱՆԳԱՌՈՐՆԵՐ. ա) Աղանդաւորներ և Տօլստոյ. բ) Գուխօբօրներ:
- 3) ԱՒԱԶԱԿՈՒԹԻՒՆ. ա) Պատճառներ. բ) Գիւղական ոստիկանութիւն. գ) Սիբիր աքսորւածներ:

Չեկուցման մեծագոյն մասը նւիրւած է հայերին, ունի քաղաքական գոյն և այդ պատճառով կազմում է գաղտնի հաղորդագրութեան կարևոր բաժինը:

Ք ա ղ ւ ա ծ ք ն ե ը՝

ՀԱՅԿԱԿԱՆ ՄԻՏՈՒՄՆԵՐ. — Հայկական շարժումը նրպատակ ունի՝ վերականգնել անցեալ Հայաստանի անկախութիւնը: Այդ շարժումը սահմանափակւած է քաղաքներում ինտելիգենտ դասակարգի և հայ կղերի մէջ միայն: Գիւղական ժողովուրդը զեռ ևս վարակւած չէ: Ազիտացիայի առաջին ղեկավարները եղել են՝ հայոց հոգևորականութիւնը, հայոց մամուլը և արտասահմանի հայ յեղափոխական կոմիտէները: Իրերի այս վիճակը պարտք է դնում բարձրագոյն իշխանութեան վրայ՝ հաստատել աւելի կանոնաւոր վիճակ, պաշտպանելու երկրի ժողովրդի մնացած մասը՝ հայերի շահագործող ձգտումներէց և վնասակար միտումներից: Անդրկովկասի հայերի թիւը բազմատմամբ միւս ազգերի՝ այնքան փոքր է, որ մեծ վտանգ չէ ըստպառնում երկրի անդորրութեան, և տեղական իշխանութիւնը բաւականաչափ ուժ ունի անմիջապէս խեղդելու հայկական խառնակութեան փորձը:

ԿԱԹՈՂԻԿՈՍԸ ԵՒ ԷՔՄԻԱՆՏԻ ՄԻՆՕՒԸ. — „Անցած սեպտեմբերին, ասում է իշխան Գօլիցին, գնացի Էջմիածին, այցելելու հայոց կաթողիկոսին, որը նոյն տարւայ գեկտեմբերին ինձ փոխադարձ այցելութեան եկաւ Թիֆլիզ: Այս երկու առիթներով ունեցած տեսակցութիւններս համոզեցին ինձ, թէ կաթողիկոսը, իր ծերութեան պատճառով, հարկաւոր չափով անկախօրէն չէ դատում և գանուում է իր այն կղերական խորհրդատուների ազդեցութեան տակ, որոնք իրենց անձնական նպատակները ունին: Գրանց

իրգէալն է մեծ և միացեալ Հայաստանը դրդում են իրենց հայրենակիցներին դէպի անջատական ձգտումներ և խորհուրդ են տալիս կաթողիկոսին՝ չը համակերպել մեր օրէնքներին և օրէնքից գերադասել իր կրօնական հիղինակութիւնը: Այսպիսով կաթողիկոսը մղում է բռնել մի ընթացք, որ համաձայն չէ կառավարութեան տեսակէտներին:

«Բացատրեցի Նորին Արքութեան, թէ Էջմիածնի Սինոդի իրաւասութեան պատկանող խնդիրների վերաբերմամբ իր տւած անձնական հրամանները կարող են մեծ շիտթութիւններ առաջ բերել իր հօտի առանին գործերի և յարաբերութեան մէջ, և վեր հանեցի այն կէտը՝ թէ հարկ է որ իր հրահանգները համակերպէ օրէնքի պահանջներին:

«Աւսումնասիրելով խնդիրը, եկայ այն համոզման, որ այս ձգտումը, որով փափագում են պետական հեղինակութեան ազդեցութեան շրջանակից դուրս մի գիրք տալ կաթողիկոսին, ժողովրդի մտքի մէջ պիտի մտցնի այն սխալ գաղափարը, թէ կաթողիկոսը բացառիկ գիրք է գրաւում, և իբրև գրա հեականք՝ պիտի ծնունդ տայ տգէտ մտքերի մէջ այն համոզման, թէ կաթողիկոսը ոչ միայն հայոց եկեղեցու հոգևոր գլուխն է, այլև Անդրկովկասի և դրացի Փոքր-Ասիական նահանգների հայերի քաղաքական միացման ներկայացուցիչը:

«Աւստի, իմ կարծիքս է, որ ուռւ կառավարութիւնը պէտք է ազդու կերպով պնդէ, թէ կաթողիկոսը և Էջմիածնի Սինոդը պարտական «Անշուշտ» են կէտ առ կէտ գործադրել օրէնքը *:

«Իբրև ազդարարութիւն, և որպէսզև Էջմիածնի Սինո-

*) Փոքրատառ բառերը՝ այն նկատողութիւններն են, որ կայսր Նիկոլայ II արել է իր սեփական ձեռքով, զեկուցումը կարդալիս:

նօդի մէջ անկանոնութիւնների առաջը առնեմ,—պատ-
ւիրեցի, որ պաշտօնանկ լինեն Սինօդի անդամներից երկու-
վարդապետներ, որոնց անունն է՝ Վահան Տէր-Պրիգոր-
եանց և Նահապետ Նահապետեանց, այս երկրորդը՝
անձնական քարտուղար կաթողիկոսի: Խորհուրդ տւի,
որ նրանք դուրս հանեն Կովկասի սահմաններից և Չեր-
Խեծութիւնը վաւերացրեց այս անօրինութիւնը“:

ՀԱՅՈՑ ԾԻՒԼԿԼՆ ԳՊՐՈՅՆԵՐԸ — „Կովկասի հայոց
ծխական դպրոցները լուսաւորութեան մի-
նիստութեան յանձնելը՝ համաձայն Չեր-
Խեծութեան 1897 յունիս 14-ի հրամանագրի՝ վեր-
ջին ծայր կարևոր է, իբրև միջոց՝ պաշտպանելու նոր
սերունդը հայ կղերի փնասաբեր ազգեցութեան դէմ:
Հայ կրօնաւորները չուզեցին համակերպել նոր կա-
նոններին: Ուստի և Կովկասի բարձրագոյն իշխանութեան
հրամանով, 1897-ին փակւեցին 320 հայ դպրոցներ:
Յի դպրոց միայն բաց մնաց, որոնցից մի քանիսն էլ
յետոյ փակւեցին, կամ՝ ուսուցիչների անձեռնհասու-
թեան պատճառով և կամ՝ նրա համար, որ կղերը՝
կաթողիկոսի տւած հրահանգների համաձայն գործե-
լով՝ չուզեց տալ այդ դպրոցների պահպանութեան
համար հարկաւոր գրամը:

„Իրաւ է, 1897-ի յունիս 14-ի կայսերական հրա-
մանագրի մէջ բան չէ ասուած հայ-ծխական վարժա-
րանների սեփականութեան փոխանցման մասին, բայց
այդ կէտը լուրջեայն հասկացուում է, որովհետև բաց-
ւելիք նոր դպրոցները անօգուտ պիտի լինէին՝ առանց
նրանց պահպանութեան համար հարկաւոր միջոցների:
Ահա թէ ինչու համար Չեր Խեծութեան վաւերա-
ցումը խնդրեցի՝ փակուած դպրոցների սեփականութիւն-

ները ժողովրդական լուսաւորութեան մինիս-
տրութեան փոխանցելու մասին, և սպա-
սում եմ նոր հրամանի“:

„Այդպէս
անել“

ՌՈՒՍԸՀԱՅՈՑ ՄԸՄՈՒԼԸ: — „Թիֆլիզի մէջ լոյս տես-
նող հայոց պարբերական հրատարակու-
թիւնները՝ փոխանակ աշխատելու, որ հա-
յերը ձուլեն ռուսների հետ, ձգտում են աւելի ըն-
դարձակել նրանց մէջ բացւած վիճը: Էջմիածնի պաշ-
տօնական թերթը՝ „Արարատ“, պէտք է ենթարկել
Թիֆլիզի մամուլի ընդհանուր դրութեան՝ գրաքննու-
թեան, որովհետեւ դիմագրել է գպրոցական նոր կար-
գադրութեան և չէ աշխատել, ինչպէս խոստացւած էր,
մերձեցում առաջ բերել հայերի և ռուսների միջև:
Նոյն հակառուսական ոգին և վնասակար ձգտումները
երևան են գալիս և այն լրագիրների մէջ, որոնք հրա-
տարակում են հայերի ձեռքով և ռուսաց լեզուով“:

Ապա խնդրում է արտօնութիւն տալ իրան՝ հայերի
հրատարակած բոլոր հանդէսներն ու լրագիրները, ինչ
լեզուով էլ լինեն, ենթարկել մի յատուկ դրութեան,
իր անձնական հսկողութեան տակ: Այդ նպատակով
առաջարկում է ենթարկել հայոց մամուլը մի որոշ
ծրագրի պահանջներին, պատրաստւած կառավարչա-
պետի դիւանում:

ԲԸԲԵԳՈՐԾՆԿԱՆ ԸՆԿԵՐՈՒԹԻՒՆՆԵՐ. — Հայոց բարե-
գործական ընկերութիւնները զբաղւած են
աւելի քաղաքականութեամբ, քան թէ բա-
րեգործութեամբ: Ճշմարիտ է, յատուկ օրէնքներ են հաս-
տատւած՝ կառավարական հսկողութիւնը այս ընկերու-
թիւնների վրայ ապահովելու համար, ինչպէս նաև գոր-
ծադրում է կօնտրօլ նրանց գործունէութեան և հա-
շիւների վրայ. բացի դրանից, կովկասի տեղական իշխա-

նութիւնները իրաւունք են ստացել լուծել նրանց՝ երբ կանոնադրութեան ամենափոքր շեղում անգամ տեղի ունենայ, — բայց բոլոր այդ միջոցները մեծ օգուտ չեն տւել: Կովկասի գրեթէ բոլոր քաղաքները ունեն մասնաձիւղեր, ենթարկւած այս ընկերութիւններից մէկին՝ Բարեգործական Ընկերութեան, որի կենտրոնատեղին է Թիֆլիզ և որի նպատակն է՝ Կովկասի հայոց մէջ դաստիարակութիւն ծաւալել և նիւթապէս օգնել նրանց: Սակայն, այդ ընկերութիւնը զուտ տոհմային ըմբռնումով է լուսաւորութիւն տարածում: Մի քանի տարի առաջ նա մասնակցեց ռուսահայ ինտելիգենտ դասակարգի անջատական շարժման, որի ազդեցութեան տակ՝ Երևանի կլասիքական գիմնազիոնի դիրեկտօրը թշնամանք կրեց մի հայի կողմից: Յայտնի տեղեկութիւնները ապացուցին, որ անջատական ագիտացիայի շատ կուսակիցներ այդ ընկերութիւնների անգամ են: Նրա գրաւմները յաճախ յատկացնում են օտար երկրների մէջ հայեր դաստիարակելու, — մի պարագայ, որ հակառակ է ռուս կառավարութեան պետական սկզբունքներին: Առանց ուրանալու այն օգուտը, որ անհատներ ու մասնաւոր ընկերութիւններ կարող են արտայայտել դաստիարակութեան գործի մէջ, պայմանով՝ որ կատարելապէս վստահելի լինեն, կարծում եմ, որ այս հայ ընկերութիւնները արժանի չեն վստահութեան՝ իրենց առանձնայատուկ հանգամանքի պատճառով: Եթէ հայերը ուզենան հանրային կրթութեան և դաստիարակութեան վերաբերող բուն ռուսական նպատակները քաջալերել, կարող են մասնակցել ռուսական ընկերութիւններին, որոնք զերծ են ցեղային և կրօնական ձգտումներից: Առաջարկում է կայսրին՝ թողարկել իրան՝ ջնջելու Կովկասի հայոց բարեգործական հիմնարկութիւնները:

Ն. Ռ. Ս.
ուշադրութիւն
դարձնել⁴⁴

ԳԻՒՂԱԿԱՆ ԱԼԼՐՉՈՒԹԻՒՆ. — Գիւղական վարչութիւնները շատ պակասաւոր են. կարիք կայ վերականգնելու դատարանները ինչպէս նաև վարչութիւնները: Կառավարական հսկողութիւն չկայ Կովկասի գիւղերի մէջ. ամեն բան տեղացի գիւղապետների և հաշտարարի ձեռքն է, որոնք չափազանց զբաղւած են և անբաւարար: Բաժուածի, Կարսի և Արդուինի մէջ գիւղական վարչութիւն չկայ, և մի կարգ կնճռոտ խնդիրներ ու վէճեր, որոնք առնչութիւն ունեն տեղական սովորութիւնների հետ, լուծման են սպասում: Արասնութիւն է խնդրում բոլոր այս խնդիրները լուծել Թիֆլիզի իր Խորհուրդի միջոցով, որովհետև Պետերբուրգի սենատի մէջ եւ «Իրա դէմ դած քննութիւնն ու որոշումը երկար է ունիւ շունտ» սեւում:

ՔԱՂԱՔԱՅԻՆ ԽՈՐՀՈՒՐԳՆԵՐ (Գումա). — Քաղաքային խորհուրդների մէջ հայերը գերակշիռ դիրք ունեն, որովհետև 1892-ի օրէնքը գերակշռութիւն է տալիս սեփականատէրերին: Գրա առաջը պետք է առնել: Առաջարկում է, որ կառավարութիւնը ինքը ընտրէ քաղաքագլուխներ, որոշէ քաղաքային հաստիքներից նրանց արւելք ուձիկը և քաղաքային խորհուրդների անդամները ընտրւեն մի նոր կանոնագրի համաձայն, կառավարութեան կոնտրոլի տակ: Առաջարկում է նաև, որ կառավարչապետը իրաւունք ունենայ հրաժարեցնելու քաղաքային խորհուրդի այն անդամներին, որոնք իրենց պարտքը պատշաճօրէն չեն կատարում:

«Այս միջոցները քաղծախ են թւում ինձ, քայց նախ պետք է լաւ ուսումնասիրւեն»:

Զեկուցագրի երկրորդ մասն էլ, — ներուած հողային

օրէնքին, կրօնական աղանդներին և աւազակութեան՝ — ներշնչած է նոյն ներդ Տայեացքով, պետական խնդիրները լուսաբանելու ակնյայտնի անընդունակութեամբ: Սակայն այդ անընդունակութիւնը սանձահարելու փոխարէն՝ հովանաւորութիւն գտաւ, հանդիպեց աշակցութեան: Էւ երես տասն Պետերբուրգի իր զօրեղ պաշտպանների ժպիտներից, հագած աստեղազարդ համազգեստը, կրկնապատկած իր դէմքի յաղթական գծերը, երկու տարի հազիւ անցած, 1901 թւին նա ներկայացաւ մինիստրական ժողովին նոր ծրագրով: Ժպիտներ քաղեց Գօլիցին և դեռ չսկսած պաշտօնական բացատրութիւնները՝ աւետեց, որ գտել է, վերջապէս, վտանգաւոր հայ տարրից Աովկասը փրկելու միակ միջոցը:

Էւ նա եզրակացրեց այսպէս.

«... Աովկասը ուսուցնելու և հայկական վտանգաւոր սեպարատիզմը մի անգամ ընդմիջա արմատախիլ անելու միջոցը այս է — չկայ այլ միջոց — դաղթեցնել հայերին Միրի, ազատել այդպիսով Անդրկովկասը հայկական խռովայողների ներկայութիւնից և նրանց տեղ հաստատել ներքին նահանգներից բերած ուղղափառ դաղթականներին»:

Տիրեց լուռութիւն: Գա չափազանց էր արդէն: Ամենաուղղափառ շրթունքների վրայ անգամ սառեց ժպիտը: Էւ մինչև իսկ զինւորական մինիստրը, Աուրուպատկին, որ երբեմն, իրր կառավարիչ Անդրկասպեան երկրի, բաւական լաւ ճանաչում էր «հայկական սեպարատիզմի» չափը, հարցրեց.

— Ի՞նչ էք կարծում, Չերդ պայծառափայլութիւն, որքան կը լինի հայ խռովայողների թիւը մի այնպիսի հայաբնակ կենտրոնում, ինչպէս Շուշին է կամ Երևանը:

— ?

— Մօտաւորապէս 50 կը լինի:

— Ե, յո, համարեա այդքան:

— Էս ընդունում եմ նոյն իսկ, աւելացրեց մինիստրը,

կրկնապատիկը՝ 100: Եւ կարծում եմ, որ ամենալաւ միջոցը՝ «Տայկական շարժումը» արմատախիլ անելու, է՛ կալանաւորել այդ 100 խռովայոյդները, դուրս բերել երկրից և արտօրել Սիբիր: Գրանով դուք կատարելապէս ազատած կը լինէք երկիրը վտանգից, առանց արտօրելու մի ամբողջ ժողովուրդ:

— Ի հարկէ, ի հարկէ, կրկնեցին միւս մինիստրները: ... Զուրն ընկաւ բոլոր Տայերը գաղթեցնելու քաղաքական ծրագիրը, որի վրայ հեղինակը թափել էր իր ամբողջ հանճարը, հայաստելութեան բովանդակ թոյնը...


Անսպասելի՛ վախճան: Բայց և անօգուտ խրատ: Թեւեւաւորւած ուրիշ աւելի զօրեղ պաշտպանութիւնից՝ Գօլիցին շարունակեց նախագծւած ճամբան: Նրա համար գոյութիւն չունի կեանքի դասը, փաստերի լօգիկան, իրականութեան ձայնը: Նպատակին հասնելու համար, նա չի տատանուում ծածկելու թւերը, նոյն իսկ կառավարչական ատեանների հաւաքած փաստերը:

Ահա մի նոր ապացոյց: 1902 թւին, կովկասեան ստատիստիքական կոմիտէն — կառավարչական մի մարմին — որոշեց տպագրել վիճակագրական տեղեկագիր այն մասին, թէ ինչ տոկոս է կազմում ոճրագործ ու թիւնը կովկասեան ազգերի մէջ: Տեղեկութիւնները, քաղւած պաշտօնական ատեաններից, վերաբերում էին վերջին տասն տարւայ շրջանին: Աւսումնասիրութիւնը աւարտւած էր և գիրքը տպագրւած, երբ նրա մի օրինակը ներկայացւեց իշխան Գօլիցինին՝ նրա կարծիքը ստանալու համար: Եւ «օրէնքի ու արդարութեան» ներկայացուցիչը, առանց խղճի խայթ զգալու, աւեց իշխանական հրամանը — լոյս չը հանել այդ գիրքը: Վիճակագրութիւնը, հիմնւած անողոր թւերի վրայ, ցոյց էր տալիս, որ քրէական յանցանքները, ոճրագործութիւնը անհամեմատ աւելի են տարածւած

Հիւսիսային Աովկասի ուսւ ազգաբնակութեան, քան
Անդրկովկասի հայերի մէջ, և որ առհասարակ այս
խնդրի շրջանում տեղական ազգաբնակութեան, — վրացի-
ների, հայերի, նոյն իսկ թիւրքերի դէմ ուղղած շատ
մեղադրանքներ նայած այդ թւերին, չունեն ուէ հիմք,
ուժ և արժէք . . .

Պաշտօնական վիճակագրութիւնը մի վճռական, թէև
անուղղակի հերքումն էր տարածւած կարծիքների, մի
ծաղր զանազան ղեկուցումների դէմ, որոնք այնքան
առատօրէն թիֆլիզից Պետերբուրգ են գնում: „Թող
լուէ ճշմարտութիւնը“: Եւ նա լուց. թւերը փակւեցին
ստատիստիքական կօմիտէի դարաններում, առանց բո-
ղոքի, գուցէ և առանց արտունջի . . .

Եւ ուրիշ շատ ճշմարտութիւններ, հայածական, ան-
պաշտպան ճշմարտութիւններ, շարունակում են մնալ
նոյնպէս փակւած, բանալիքի տակ, շղթայակապ, որպէս
ղի ս ու տ ը՝ գլուխը բարձր բռնած, հպարտ ու հա-
մարձակ դուրս գայ կարիներաներից և թագաւորէ քա-
ղաքների ու աղգերի վրայ, ամբողջ պետութեան մէջ . . .



ԿՐՕՆԱԿԱՆ ՀԱՆՁՆՆԵՐ

(ԾՕԹՅՆԵՐՈՐԴ ՆԱՄԱԿ)

Խաբուսիկ օրէնքը. — Մէր է կրօնական ազատութիւնը. — Արտօնւած եկեղեցի. — Հալածանք. — Միսիօնար-չինօւնիկներ. — Կրօնի դասատուութիւնը. — Ի՞նչպէս պէտք է երգել. — Խեղդւած բողոք:

Գեղեցիկ է Ռուսաստանում Օրինագիրքը, բայց, տարբախտաբար, խաբուսիկ: Միտպետական կարգերը պահանջ յօդւածների հետ միասին, այդ բազմահատոր ժողովածուն, որի վրայ գլուխ են կոտրել պետական շատ մարգիկ, պարունակում է օրէնքներ, որոնք ուղղակի արձագանք են արեւմտեան Էւրոպայի իրաւական ամենահամակրելի հասկացողութիւնների: Մի տարբերութիւն միայն կայ — այն, որ արեւմուտքում նա գրեւծ է գործադրելու համար, իսկ Ռուսաստանում՝ ձեւի համար: Եթէ մեղաւոր չեն կազմողները, մեղաւոր են գործադրողները, տասնեակ հազար չինօվնիկներն այն հսկայական խումբը, որ ներկայացնում է ուսումնասիրատիայի մարմինը և որ յարմար ու անյարմար գէպքում ծալում, մի կողմ է դնում օրինագիրքը և գրպանից հանում մի նոր, թէև չգրեւծ, բայց գործադիր օրէնք, ինչպէս որ ու կ յ յ ի ա (հրահանգ) անւան տակ, որ սխալւած չէք լինի, եթէ անւանէք բիւրօկրատիայի օրէնք:

Այսպէս, օրինակ, պետական հիմնական օրէնքով ընդունւած է կրօնի ազատութիւն և բոլոր դա-

ւանութիւնների հաւասարութիւն օրէնքի առաջ: Բայց այդ հիմնական օրէնքին յաջորդում են անթիւ բացառութիւններ, մեկնաբանութիւններ, „ցիրկուլեարներ“, պետական խորհրդի կամ մինիստրական բացատրութիւններ, որոնց արդիւնքը այն է, որ այսօր Ռուսաստանում կայ միայն մէկ առանձնաշնորհւած կեղեցի, այն է՝ օրթօգօքս, կամ, ինչպէս ընդունւած է ստել, „պրավօլաւնի (ուղղափառ) կեղեցի“, որի առաջ միւս բոլոր դաւանութիւնների կեղեցիները նկատոււմ են հերձուածներ, որոնց դէմ կարելի է դաւեր լարել հալածանքներ գործադրել և նոյն խի նրանց գոյութեան դէմ խաղեր խաղալ:

Պէտտանական թւականներից մանաւանդ, երբ կառավարութիւնը իր փրկութեան խարխիսներից մէկը դարձրեց ուս հոգևորականութեան նեղհոգի պրօպագանդը և երբ գահի բարձրութիւնից խի, Ալեքսանդր III-ի ուղղափառ շրթունքներով, ներբողներ սկսեցին կարգացել ուղղափառութեանը, — պրօպագանդան ի կեղեցին զօրացնելու համար՝ բոլոր միջոցները դարձան թոյլատրելի և նպատակայարմար: Նա կաւ միապետութեան յենարանը: Նա այդ ժամանակից՝ պետութեան զանազան կողմերում՝ նախ բոլոր նորածիլ դաւանութիւնները, որոնք ազանգ անունն են կրում, ենթարկեցին միջնադարեան, ինկելիցիական հալածանքի, և յետոյ՝ բոլոր միւս դաւանութիւնները — կաթօլիկ, բողոքական և մանաւանդ հայ լուսաւորչական կեղեցիները — փոքր առ փոքր սկսեցին „կառավարչական կարգադրութիւնների“ կամ ուրիշ խօսքով՝ ճշնշուամերի առարկայ դառնալ:

Հրէշաւոր են և աննկարագրելի այն դժոխային հալածանքները, որոնց ենթակայ են, օրինակ, դուխօբօրները, մալականները, սուբբօտնիկները, շտունդիստները և այլ ազանգաւորները: Նորագոյն ինկվիզիցիայի սև

էջերն են դրանք: Երկու տարի առաջ՝ դուխօբօրների աղէխարչ ողբի խուլ հնչիւնները հասան մինչև Եւրոպա, բայց դա նահատակ աղանդաւորների վշտերի փըշրանքն էր միայն: Եւ գիտէք, ինչ է դուխօբօրների առաջին ու վերջին յանցանքը, — այն, որ նրանք ուղղափառ չեն: Աշխատասէր, տոկուն մի համայնք, հեռու արբեցուծիւնից ու անբարոյականութիւնից, ոգևորւած քրիստոնէական վառ սիրով դէպի ընկերք, սիրահար համայնական կենցաղի, թշնամի բռնութեան և զէնքի, դուխօբօրները շէն են դարձնում ամեն մի աւերակ, ուր ոտք են դնում: Եւ սակայն, չնայած դրան, նրանց աները քար ու քանդ արին, հողերը խլեցին, կազակների մտրակին յանձնեցին նրանց մէջքը և անասնական կրքերին՝ նրանց կանանց ու աղջիկներին. վերջըն էլ մի քանի հազար հոգի անուղղակի ճանապարհով դուրս վանդեցին Ռուսաստանից — նրանք գաղթեցին Աիպրոս և Ամերիկա — որպէսզի նրանց վնասակար վարդապետութիւնից ազատ պահեն ուղղափառ ուսուցիչացիներին, օրթօքօք բիւրօկրատիայի շահատակութիւնների այս անբան ու անխօս „նահատակներին“ . . .

Բազմաթիւ են ախուր իրականութիւնը երևան հանող փաստերը, իբրև անհերքելի ապացոյցներ, թէ որքան կատակերգական են և ստայօգ „կրօնի ազատութիւն“ և „դաւանութեան հաւասարութիւն“ բառերը Ռուսաստանում, ուր անողոք կռիւ է յայտարարւած խղճի ազատութեան: Հալածական են աղանդաւորները. ազատ չեն կաթօլիկ և բողոքական եկեղեցիները. ազատ չէ մանաւանդ հայոց եկեղեցին, իբրև ազգայնական խնդրի յարակից մի հիմնարկութիւն:

Ահա փաստեր:

Արվկասում գոյութիւն ունի „Ուղղափառութիւն տարածող ընկերութիւն“, որ ամեն տարի գանձարանից

աճագին գումարներ է ստանում իր նպատակի համար: Եւ եթէ կարծում էք, թէ այդ նպատակը նրա մէջ է կայանում, որ ընկերութիւնը քրիստոնեայ է դարձնում դադստանցի մի լեռնական կամ աւազակաբարոյ մի թիւրքմէն և կամ պատրաստում է անդամներ, նրման եւրոպական միսիօնարներին, ուղարկելու Պարսկաստան, Աւղանիստան, կամ հեռուոր Չինաստան, — չարաչար սխալում էք: Ընկերութեան գաղանի հրահանգներից երևում է, որ նրա գլխաւոր նպատակն է հայ լուսաւորչականին ուղղափառ դարձնել և չէք կարող երեւակայել, թէ ինչ մեծ յաղթութիւն է համարում այդ քրիստոնէական ընկերութեան համար քրիստոնեայ հային քրիստոնեայ ուղղափառ դարձնելը: Այդտեղ, ի հարկէ, մեծ դեր են խաղում քաղաքական նպատակները, և այդ պատճառով ընկերութեան աջակցում են ոչ միայն ուս հոգևորականներ, այլ նոյնիսկ կառավարչական մարդիկ, ինչպէս, օրինակ, նահանգապետ, գաւառապետներ և այլն: Գուրս է գալիս ուրեմն, որ կովկասցի հայը կամ թուրքը, իբր հպատակ, հարկ է տալիս գանձարանին, իսկ գանձարանը փոխանակ այդ փողը գործադրելու դպրոցի, հաղորդակցութեան ձանապարհների կամ երկրի ապահովութեան վրայ, տալիս է ուղղափառութիւն տարածող մի ընկերութեան, ուրիշ խօսքով՝ հայը կամ թուրքը ինքն իր փողով նպաստում է իր կրօնափոխութեան: Եթէ ուղում էք, դա մի աբսուրդ է, բայց ինչ կայ զարմանալու, քանի որ մեր պետական-վարչական կեանքի մէջ այդպիսի արտուրդներ անթիւ են և անբաւ . . .

Շարունակեցէք լսել:

Գեներալ Շալիօվ, Երևանի նախկին նահանգապետը, մտանալով, որ ինքը ամբողջ նահանգի կառավարիչ է և ոչ թէ մի միսիօնար, իր գործակալների միջոցով յայտնում էր հայ գիւղացիներին, որոնք խորովում

էին հողի պահասութիւնից, թէ այն գիւղերը կամ գիւղացիները, որոնք ուղղափառութիւն կ'ընդունեն, խկոյն նոր հողեր կը ստանան: Վաղանի գործակալները մեծ-մեծ խոստումներ էին անում, յաւիտենական ապահովութիւն էին խոստանում աղքատ, անկար, ճարահատ գիւղացիներին: Եւ երբ Սուրմալուի գաւառում գտնեցին մի քանի գիւղեր, ինչպէս՝ Խալֆալու, Աողբ, ուր հայերը հողի համար իրենց կրօնը փոխեցին, միսիօնար-նահանգապետը իր խոստումն անգամ չկատարեց, որովհետեւ «ով մի անգամ արդէն ուղղափառ դարձաւ, իրաւունք չունի նորից իր նախկին կրօնին դառնալու»: հակառակ դէպքում նրա տեղը գիւղը չէ, այլ Սիբիր...

Միայն սակաւահող գիւղը չէ այդ պրօպագանդի առարկան և ասպարէզը, այլ և շղթայակապ բանտերը: Սրանից մօտ 10 տարի առաջ Երևանի բանտը բաց էր մի ուղղափառ քահանայի համար, որ ամեն օր ներս էր թափանցում բանտարկեալների խուցերը և քարոզում հայ կալանաւորներին, որ եթէ ուզում են Սիբիրից ազատուել, իրենց յոյսը պէտք է գնեն ոչ թէ իրենց անմեղութեան կամ փաստաբանի վրայ, այլ միմիայն ուղղափառութեան վրայ: «Ուղղափառ եղէք, հաւատացնում էր քարոզիչ-քահանան, և դուք Սիբիր գնալու փոխարէն՝ կը դառնաք ձեր ընտանիքի գիրկը»: Միամիտներից շատերը հաւատացին, փոխեցին իրենց կրօնը, բայց և այնպէս՝ փոխանակ իրենց երեխաներին և կանանց գրկելու, մինչև այժմ էլ Սիբիրի հողն են ողջում իրենց արտասուքներով...

Լսեցէք և այս փաստը:

Ռուս-թիւրքական պատերազմի ժամանակ, մի հարուստ հայ վաճառական կառավարչական կապալ է վերցնում, գրաւ գնելով մի մեծ գումար: Ասպալը անյաջող է գնում: Նա կորցնում է իր ամբողջ կարողութիւնը, այն էլ, ինչպէս ասում են, անարդար կերպով:

Պաճառականը յոյսը դնում է գրաւ գրած գումարի վրայ և աշխատում է գոնէ այդ յետ ստանալ: Նրան ասում են. „Հաւանօրէն յետ կըստանաք, եթէ միայն ուղղափառութիւն ընդունէք և աշխատէք, որ ուրիշներն էլ ձեզ հետեւեն“: Գժբախտ միամիտը համաձայնուով է: Սակայն գումարը յետ չէ տրւում: „Գուք հետեւողներ չունեցաք. նոյն իսկ ձեր ընտանիքի անդամները չհետեւեցին ձեր օրինակին“, ասում են նրան յանդիմանօրէն և ճանապարհ գցում: . . . Թշուառը մեռաւ աղքատութեան մէջ, առւած բոլորից, նոյն իսկ կնոջից և հարազատ զաւակներից . . .

Պաշտօնի նման են բուսնում ուղղափառ եկեղեցիները կոփկասի դանազան ծայրերում, նոյն իսկ այնտեղ, ուր չը կան աղօթողներ: Եկեղեցատէր հօտը չէ, որ կառուցանում է այդ փառաւոր շէնքերը, այլ պետական գանձարանը, որ ամեն տարի այդ նպատակով ահագին գումարներ է բաց թողնում, համաձայն կառավարչական ծրագրի: Սակայն այդ նոյն ծրագրի մէջ չէ մտնում օտար դաւանութեան եկեղեցիների բազմանալը, և թէ ինչու հայերին՝ յաճախ թոյլաութիւն չեն տալիս իրենց սեփական ծախքով իսկ եկեղեցի կառուցանել: Մի անգամ ընտրած տեղն են անյարմար գտնում, մի այլ անգամ՝ մակարդակը, իսկ յաճախ բացարձակ մերժումն, առանց պատճառաբանութեան: Հինգ տարի կը լինի, ինչ Բագուի հայերը ուզում են եկեղեցի կառուցանել Բալխանի, ուր աւելի քան տասն հազար մշակներ կան, դեռ ևս կապուած կրօնական ծէսերին, սակայն կառավարութիւնը չի թոյլատրում: Նախարարի նախարարողների ժողովը որոշեց՝ հօգալ ուղղափառ եկեղեցու ծախքերը՝ այն պայմանով, որ հայոց եկեղեցի էլ կառուցէ: Կառավարութիւնը ընդունեց այդ պայմանը, ստացաւ ուղղափառ եկեղեցուն հարկաւոր դրամը, իսկ հայոց եկեղեցու խնդիրը մերժեց: Նոյն համարձակու-

Թեամբ մերժած է և բազում կեկեղեցի շինելու առաջարկը: Ամեն տարի վերսկսուում են գրագրութիւնները, հիմնւած օրէնքի յօդւածների վրայ, բայց ի վերջոյ յաղթողը մնում է ուղղափառ կամայականութիւնը, կառավարչական անսանձ քմահաճոյքը . . .

Զգւելի և ցնցող են բազմութիւ փաստերից վերցրած այս դէպքերը: Զգւելի՛ մանաւանդ այն պատճառով, որ այդ տեսակ „գործունէութեան“ հեղինակները ազատ միսիօնարներ, միսիօնարական խմբեր չեն, որոնց գործունէութեան համար մեր կիսակրօնական դարը, տարաբախտաբար, դեռ բաւական պարարտ հող է ներկայացնում, այլ կառավարութեան պաշտօնեաներ, պետական ծառայողներ, որոնք կոչւած են հոգալու „հպատակների բարեկեցութիւնը“, անկախ նրանց կրօնական համոզմունքներից . . .

Առաջ գնանք:

Արօնի դասատուութիւնը պետական դրպրոցներում մի երկրորդ և զօրեղ ապացոյց է այդ անհամբերողութեան: Միապետական կառավարութիւնը, որ ոչինչ ջանք և փող չէ խնայում „ուղղափառ կրօնի“ դասերը դպրոցների մէջ շատացնելու, միաժամանակ ամեն միջոց գործ է դնում խափանելու օտար դաւանութիւնների դասատուութիւնը նոյն դպրոցներում: „Սուղղափառ“ կրօնի վերաբերմամբ կառավարութիւնը մոլեռանդկրօնամոլ է, իսկ „օտար կրօնների“ վերաբերմամբ — անաստւած: Այն, ինչ նա անհրաժեշտ է համարում օրթօգօքս պատանիների համար, միանգամայն աւելորդ է գտնում, օրինակ, հայ պատանիների համար: Եւ այդ պատճառով գիմնադիօններում, իրօք, հայ աղջիկներն և տղաները կրօն չեն սովորում — մի փաստ, որ կարող է ուրախացնել անկրօններին, և այն արմատականներին, որոնք դէմ են կրօնի, իբրև մի առարկայի դասատուութեան, բայց ոչ միապետական կառավարութեանը, որ մեծ

յոյս է դրել կղերի և եկեղեցու աջակցութեան վրայ։
Հայոց լեզուն վաղուց արդէն հանւած է գիմնադիօն-
ներում և քաղաքային դպրոցներում պարտաւորիչ
առարկաների ցանկից, որովհետեւ «պետական գլուխ-
ների» գատողութեամբ հայր աշխարհիս երեսին երկու
պարտաւորութիւն միայն ունի — մէկը՝ սովորել ուսաց
լեզուն, իսկ միւսը՝ ստել իր մայրենի լեզուն։ Եւ մէկը
նոյնքան անհրաժեշտ է, որքան միւսը։ Այժմ՝ քիչ-քիչ
այդ երկու պարտաւորութիւններին աւելանում է և մի
նորը — խորշել այն կրօնի դասերից, որ տանը դաւա-
նում են նրա ծնողները և անւանապէս ինքր, բայց որին
ծանօթ լինել, այժմեան «պօլիտիկ-մանկավարժների»
կարծիքով, ոչ միայն պէտք չէ, այլ և աւելորդ։ Տեղն
է յիշել մի ուսու բնագետի խօսքերը. «Մենք բնա-
գէտներս չենք, որ այժմ անկրօնութիւն ենք սովորեց-
նում երեխաներին, այլ կառավարութիւնը, որ կրօնի
մէջ էլ պօլիտիկա է մտցնում» . . .

Տասը տարի կը լինի արդէն, որ, հայ երեխաներին
իրենց եկեղեցու դաւանութիւնից և կրօնից սառեցնելու
յոյսով, զանազան գիւրեկտօրներ և ինսպեկ-
տօրներ, ամաչելով աշխարայ կերպով վերացնել
կրօնի դասերը, թող չեն տալիս, որ այդ դասերը
յանձնեն քիչ-չատ ընդունակ և օրինաւոր հոգևորա-
կանների, այլ ընդունում են այնպիսի դասատու քահա-
նաներ, որոնք մի քանի ուսըլիների համար, նաև շը-
նորհիւ իրենց սարկահոգի բնաւորութեան, ոչ միայն
խկապէս կրօն չեն աւանդում հայ աշակերտներին, այլ
պարաստ են նոյն իսկ իրենց եկեղեցու կարգերը կեղ-
ծել, միայն թէ դուր գան իրենց «իշխանաւորներին»։
Եւ շնորհիւ այդ հանգամանքի, կրօնի դասերը չեն
հետաքրքրում հայ երեխաներին, իսկ շատերը նոյն իսկ
պարծենում են իրենց արհամարհանքով դէպի այդ
դասերը . . . թէև կրօնը, իբրև առարկայ, պետական

բոլոր գպրոցներում առաջնակարգ տեղ է բռնում և վկայագրերի մէջ բազմեցրած է բոլոր առարկաներից վերև, ամենքի ճակատին . . .

Եւ այս բոլոր այլանդակ խաղերը նրա համար միայն, որ ճանապարհ բաց անեն օրթօդօքս եկեղեցու համար՝ իբրև նեցուկ ներկայ ըէժիմի: Բայց վայ այն կառավարութեան, որ իր յոյսը դրել է եկեղեցու վրայ . . .

Մի գիծ ևս:

Երգման հարցը, որ կովկասում 10-15 տարուց ի վեր „հրատապ հարցերից“ մէկն է, նոր լրացուցիչ է այն հալածասէր քաղաքականութեան, որ սկսած էր հայոց լեզուի և եկեղեցու դէմ: Գատաստանական հիմնարկութիւնների մէջ դա մի անբուժելիցաւ է դարձել: Քառորդ դարից ի վեր գատարաններում ամեն-մի գաւանութեան պատկանողին երգւեցընում էին իր կրօնի ծէսերի համաձայն, իր մայրենի լեզուով, թուրքին՝ թուրք մօլլան, թուրքերէն լեզուով հային՝ հայ քահանան՝ հայերէն, ռուսին՝ ռուս քահանան՝ ռուսերէն լեզուով և այլն: Բայց ինչպէս երևում է, այդ տարրական արգարութիւնը շատ „լայն“ թւաց հալածանքի սիրահարներին: „Ի՞նչ հայերէն, ի՞նչ հայոց քահանայ — մտածեցին մի օր, — Բուսաստանում միայն մի լեզու կայ և մի իշխանութիւն“: Եւ ահա այդ օրից սկսեցին տխուր տեսարաններ գատաստանական դահլիճներում, — հային ստիպում են երգւել ռուսաց լեզուով. շատ անգամ աւելորդ են համարում հրաւիրել հայ քահանայ, երգւեցնում է ինքը գատարանի աշխարհական-նախագահը, և այն էլ՝ վիրաւորական, ստորացնող սպառնալիքներով:

Եթէ մի օր մի հայ, մի վրացի կամ մի թուրք համարձակւի ասել. „Ես չեմ ընդունում կրօնական երգում, վերցրէք ինձանից քաղաքացիական երգում“ — նրան կը նկատեն իբրև վտանգաւոր ազատախոհ և ով գիտէ

նէր կը քշեն . . . Ինչո՞ւ: Որովհետեւ պաշտօնական Ռուսաստանում միայն կը րօնական երգումն է ընդունւած: Սակայն երբ նոյն հայը ուզում է նոյն կը րօնական երգումը տալ իր կրօնի ծէսով, համաձայն իր եկեղեցու դաւանութեան, նրան ասում են. „Այդ աւելորդ է, քեզ կարող է երգեցնել քահանայի փոխարէն և աշխարհական-չինօվնիկ, փոխանակ հայերէնի, մի այլ լեզուով, փոխանակ հայոց եկեղեցու ծէսի, որեւէ այլ ծիսով“, թէև հայը չի էլ հաւատում ո՛չ այս նոր ծէսերին, ոչ էլ նոր-երգեցնողի հոգեւոր հեղինակութեան: Ո՛ւր մնաց ուրեմն կրօնական երգումը և այն հաւատը, որ դրւած է այդ տեսակ ամեն մի երգման հիմքում: Տրամաբանութիւնը այդ հարցին պատասխան տալ չէ կարող. դրա պատասխանը ստանալու համար պէտք է դիմել գահի ներկայացուցիչներին, որոնք եթէ անկեղծ լինեն, պէտք է ասեն. „Մեզ համար երգումն էլ, դպրոցն էլ, լեզուն էլ, կրօնն էլ, ինքը ուղղափառ Աստուծն էլ մէկ նպատակի միայն պիտի ծառայեն — մի ապետութեան և ուղղափառութեան. դրանից դուրս չկայ մեզ համար ո՛չ արդարութիւն և ո՛չ էլ իրաւունք“:

Չին-հին դարերին յատուկ այդ ամօթալի հալածանքը ժամանակակից Ռուսաստանում դարձել է այնքան սովորական, այնքան տարածւած, որ ինչպէս ասում են, տեղից վերկացողը, յանուն „ուսացման“, հայհոյում է հային, վրացուն, լեհին, ֆիննին . . . հայհոյում են դպրոցական ամբիոնից, դատաստանական բազկաթոռից, լրագիրների էջերից, նոյն իսկ եկեղեցու բեմից . . . Սկսւած է ազգերի մի խուլ, սպառնական ատելութիւն, որ եթէ մի օր պայթի, սոսկալի կայծեր կարող է ցայտեցնել . . .

Վտանգաւոր ապագայ . . .

Գուցէ, այդ ապագայ վտանգն էր պատճառը, որ

քանի մի տարի առաջ, 1897 թիւն, զետեւրբուրգի գրական մի շրջանից, որի սիւներից մէկն էր իշխան Էսպեր Աւիտումսկի, սկսեցին հնչել կրօնական համբերողութիւն և դաւանութիւնների հաւասարողութիւն գեղեցիկ խօսքերը: Շատերը սկսեցին յոյսեր տածել, որովհետև գիտէին, որ իշխան Աւիտումսկին անձամբ մտա է կայսրին, վայելում է նրա վստահութիւնն և բարեկամութիւնը: Համեստ, չափաւոր բողոք էր դա՝ ընդդէմ կրօնական հալածանքի, և այդ՝ յանուն պետական ընդհանուր շահերի, և ոչ թէ լեհական կամ հայկական որևէ տեսակէտի: Սկսեց բանակուի:

Սակայն, թէ յետագէմ ուսու մամուլի մէջ, թէ բիւրօկրատիայի շրջանում այնպիսի գղղղիւն բարձրացաւ, այնպիսի քամիներ սկսեցին փչել, որ կարելի էր կարծել, թէ «կրօնական համբերողութիւնը» վտանգ է ըսպառնում Ռուսաստանի գոյութեան: Հետևանքը այն եղաւ, որ մի քանի ամիս հազիւ անցած, բողոքողները լռեցին, վայր դրեցին գրիչը, տեղի տին և վրդովւած ճահիճը խաղաղեց վերստին:

Ամենազօր և ամեն ինչ իր խեղդիչ ճանկերի մէջ առած բիւրօկրատիան էր, որ յուզեց կառավարչական «ամենաուժգին շրջանը» և ստիպեց լռել «ազատամիտ» ձայները, թէև այդ ձայները վայելում էին նոյն իսկ թագաւոր-կայսրի անձնական վստահութիւնը և մինչև անգամ խրախուսանքը. . . Ի՛նչ նշանակութիւն ունի մի անձ, նոյն իսկ թագակիր, երբ ամենազօր օլիգարխիան այլ կերպ է ուզում. . .

Տեղն է այստեղ յիշել մի անեկդօտ, շատ տարածւած մայրաքաղաքում: Բանակոււի տաք ժամանակը — պատմում են — իշխան Աւիտումսկի գրեց մի յօդւած, որ խմբագրեց ինքը կայսրը, պաշտպանելով կրօնների ազատութիւնը և ազգերի հաւասարութեան տեսակէտը: Երբ յօդւածը արդէն պատրաստ էր և

միւս օրը պիտի յանձնուէր տպագրութեան, կայսրը
հարցրեց.

— Կակ վի դումայետե, կնեազ, զա էտօ նաս նե
նակաժուտ (Ինչ էք կարծում, իշխան, սրա համար
մեզ չեն պատժիլ):

— ? . . .

Դա, ի հարկէ, իրականութիւն չէ, բայց եթէ կայսրը
արտասանէր այդ խօսքերը, նա ճշմարտութիւնից շատ
էլ հեռացած չէր լինի: Ահա այդպէս են դատում
մայրաքաղաքի շրջաններում և այդ նպատակով էլ
հնարել են այդ սրամիտ անեկդօտը . . .

Տարիներ անցան: Եկան նոր օրերը, և վարագուրած,
ծածկի տակ գրւած պրօպագանդը ընդունեց ազատ,
աչխարայ, նոյն իսկ պաշտօնական կերպարանք: Ահա ան-
ցած-դարձածներից մէկը:

1902-ի սեպտեմբերն էր:

Արարատեան դաշտի բազմատանջ վայրերում, ուր
քանի մի ամիս առաջ հալածական թիւրքահայ գաղ-
թականները հանգստի անկիւն չգտան, երևաց մի հիւր,
որի նմանը վաղուց չէր տեսել այդ երկիրը: Տանջանքին
յաջորդեց «խաղաղութեան» աւետարները — ասուածա-
յին սպասաւորը, որ միակ ապացոյցը պիտի լինէր այդ
ապաբախտ երկրում, որ այն, գոյութիւն ունի արդա-
բասէր Աստածը, թէև այնքան հեռու, որ չլսեց և չի
լսում այդքան բուռն անխերը, տանջող ժողովրդի այդ-
քան սրտաբեկ աղերսանքները: Ո՞վ էր «խաղաղութեան»
այդ ներկայացուցիչը: Եկեղեցու հովիւ էր դա, Արաս-
տանի եկզարիս Ալեքսէյ, որ պտոյտի էր գնացել հայ-
կական նահանգները, հնչեցնելու երկնքի օրհնութեան
մեղեդիներ . . .

Եւ երբ կովկասեան լրագիրները լուր տւին, որ Ար-
րատանի «հովիւը» այցելեց Եջմիածին — հայկական

կրօնական կենտրոնավայրը, ուր սիրալիր ընդունելութեան արժանացաւ նրա պետից, որի հետ երկու եկեղեցիների փոխադարձ սիրոյ և բարեկամութեան մասին ճառեր փոխանակեցին, — շատերը զգացին ներքին սիփանք, մի միտարութիւն հանդէպ այն երկարաակ թշնամանքի, այն յաճախ գաղանի, յաճախ բացարձակ անհամբերողութեան, որ ուսական եկեղեցին՝ մղած միապետ կառավարութիւնից, վկայել է ուրիշ եկեղեցիներին և գրանց թւում հայոց լուսաւորչական եկեղեցուն:

Սակայն որքա՛ն կարճատե, փխրուն և խաբուսիկ եղաւ այդ սիփանքը, սպասելիքների այդ նոր յոյսը: Հաշտութեան, փոխադարձ յարգանքի հող պատրաստելու նպատակով չէր, որ միապետական ուղղափառութեան վեղարակիր ներկայացուցիչը գնաց Էջմիածին և Արարատեան երկիրը, այլ ընդհակառակը՝ կաշկանդած հայկական եկեղեցու աւերակների վրայ առանձին եկեղեցի հիմնելու նպատակով, մի պաշտօն, որ եթէ հաճելի չէր միապետութեան գերի դարձած Ամենակարողին, գէթ հաճելի էր ամենակարող միապետութեան:

Գժւար և անզգոյշ կը լինէր հաւատալ, եթէ լուրերը լինէին մասնաւոր աղբիւրից, արդիւնք երկիւղից ամեն բան չափազանցնող ամբոխի շշուկների: Փաստը, ցաւ է ասել, աներկբայելի է, որովհետեւ նա արձանագրած էր կովկասեան կառավարութեան պ ա շ տ օ ն ա կ ա ն օրգանում, «Վա՛վկազ» լրագրի մէջ, գրւած էկղարխին ուղեկցող մի հոգեւորականի՝ աւագ-քահանայ Վօստօրգօյի ձեռքով, յայտնի իբրև ժիր քարողիչ և միսիօնար, գրւած, ինչպէս հաւաստում են, նոյն իսկ էկզարխ Ալեքսէյի գիտութեամբ, և եթէ կամիք՝ խմբագրութեամբ:

Ահա էկզարխեան ճանապարհորդութեան այդ «կիսապաշտօնական» նկարագրի մի հատուածը.

«Անպատեմբերի 28-ին հովապետը այցելեց Ալեքսանդրոպոլի բոլոր զինուորական եկեղեցիները և մերձակայ Ալեքսանդրոպոլիս գիւղում հիմնեց մի եկեղեցի, ուստաղաւանութիւն ընդունած հայերից նոր կազմած համայնքի համար: Հայերի մէջ այդ շարժումը դէպի ուստաղաւանութիւն՝ սկսել է 20 տարի առաջ, այժմ նա կենդանի է և զօրեղ, և թէ շինէին կեանքի այն ճնշող հանդամանքները, որոնց մէջ ապրում են ուստաղաւանութիւն ընդունած հայերը, որոնք մնալով նոյն գիւղերում իրենց նախկին հաւատակիցների հետ՝ ամեն տեսակ անախորժութիւններ են կրում նրանցից՝ այդ շարժումը լայն ալերի նման կը տարածէր Երևանի նահանգում: Հասարակ ժողովուրդը չգիտէ այն տարբերութիւնը, որ կայ հայ լուսաւորչակիանութեան և ուստաղաւանութեան մէջ, և իսկապէս դա այնքան էլ մեծ չէ, որ անանցանելի անգունդ դառնար: Անգունդ կամենում են դարձնել նրան քաղաքականութեամբ պարապող տարրերը, գլխաւորապէս ինտելիգենցիայից, բայց ժողովուրդը գործ չունի նրանց հետ: Աւերջին ժամանակ կազմել են մի քանի ծիւեր ուստաղաւան հայերից, նրանց համար ժամերգութիւն է կատարում բացում են ուսումնարաններ: Ազմինիստրացիան հնարաւոր համարեց ուստաղաւան հայերին դուրս հանել իրենց նախկին տեղերից և կազմել առանձին գիւղեր: Առ այժմ կազմած են Ալեքսանդրոպոլիս և Ազինո գիւղերը: Թագաւոր կայսրը իր առատաձեռնութեամբ 5,000-ական ըուբլի նւիրեց այդ գիւղերում եկեղեցի-ուսումնարաններ կառուցանելու համար: Արատանի եկղարիք միւս օրը հասաւ Ալեքսանդրոպոլիս, երեկոյան ժամի 4-ին, և երկար խօսակցեց ուստաղաւան հայերի հօտի հետ: Աւագ-քահանայ Առաքողով, Արատանի եկղարիս յանձնարարութեամբ քարոզ խօսեց ժողովրդին ս. Գրիգորի, հայերի լուսաւորչի կեանքի մասին, և պարզեց այն մտքը, թէ ս. Գրիգորը ապրում էր այն ժամանակ, երբ հայերը բաժանւած չէին ուղղափառ եկեղեցուց, և թէ իսկական գրիգորեաններ՝ համախոհ լուսաւորիչ Գրիգորին, երաւայի կերպով կարող են անւանւել հայերից նրանք, որոնք ընդունել են ուստաղաւանութիւն: Արովհետեւ այդ երեկոյն անպատեմբերի 30-ի նախընթաց երեկոյն էր, երբ ուստաց եկեղեցին տօնում է ս. Գրիգորի, Մեծ-Հայաստանի լուսաւորչի յիշատակը, ուստի այստեղ էլ մաղթանք կատարեց այդ տարրի յիշատակին և օրհնար էլ հիմնեց նրա անունով:

Զուգադիպութիւնը զարմանալի էր: Տայ Առուած, որ սուրբ Գրիգոր Լուսաւորչի ազօթքներով ածի հայերի ուստագական հօտը:

Արպիսի այլանդակութիւն:

Ար ժամանակ, երբ ուստագականութեան պրօպագանդը կատարուում էր գաղտնի, անուղղակի ճանապարհներով, դէպի այլակրօնները ցոյց տրուող որոշ յարգանքի վարագոյրի տակ. նա կատարուում էր բանտերի մէջ, ուր կրօնափոխ բանտարկեալներին, ինչպէս տեսանք, խոստանում էին ազատութիւն դժոխանման Արիւրից. գիւղացիների շրջանում, գատարանների շէմքերի վրայ, ուր հաւատափոխներին երազել էին տալիս անվերջ հող և հարստութիւն. քաղաքների մէջ, ուր իբրև վարձք կրօնափոխութեան՝ խոստանում էին կառավարչական կապալներ, զանազան գատաստանական վէճերի յաջող վախճան, կամ ապահով պաշտօն և ոռճիկ ուէ հիմնարկութեան մէջ... Իսկ այժմ, կորցրած ամօթի վերջին նշոյլը, խեղճած խղճի վերջին ճիչը, այդ պրօպագանդը աներկիւղ և համարձակ կատարուում է պաշտօնապէս, հրապարակով, էկզարխի բերանով, պաշտօնական օրգանի էջերում, կառավարական աջակցութեամբ, կայսեր տւած փողով և հովանաւորութեամբ:

Սա է ուսական տիրապետութեան հարիւրամեակի նորագոյն պարծանքը, միապետութեան և միապետ եկեղեցու յիշատակելի առաջադիմութիւնը, արժանի դրժբախտ ազգի հաւատարիմ երախտագիտութեան և քաղաքակիրթ մարդկութեան որոտընդոտ ծափերին...


Իբրև աթէխտ՝ այս տողերի գրողը բարեկամ չէ որ և է եկեղեցու, ուրեմն և հայկականին: Մակայն եթէ հարց տան, թէ որն է գերագասելի՝ հայոց եկեղեցին թէ ուսացը, մի վայրկեան անգամ չենք տօտանի և կը պատասխանենք. „Հայոց եկեղեցին“:

Երկու եկեղեցիներն ել կապանքներ են մարդկային մտքի ազատ ու լայն զարգացման, արգելք՝ փիլիսոփայական բաղմակողմանի մտածողութեան: Մակայն, մէկը, — եթէ ներելի է այս կոպիտ համեմատութիւնը, — կապանք՝ շինած թոկից, և շատ հեշտ կարելու համար, միւսը՝ ձուլած քրկաթից, ամուր, և շատ դժուար փշրելու համար: Մէկը, հայոց եկեղեցին, ինքը աղօթող ժողովուրդն է, միւսը՝ ռուսաց եկեղեցին, ինքը հրամայող միապետութիւնը: Մէկը՝ մրմունջ, մեղեդի. միւսը՝ „պրիկազ“, քրկիւղ: Մէկը՝ ազէտ ժողովրդի հաւատը, միւսը կոպիտ միապետութեան աջ ձեռքը, որով նա բթացնում է ռուս ժողովուրդը առանց կարեկցութեան, պահելով իր ահռելի զորաբանակին կից՝ մի այլ նորաձոյլ բանակ, — ուղղափառ հոգևորականութիւնը, այս միաժամանակ սարուկ և ճնշող կազմը:

Անբաւական ռուս խեղճ ժողովրդի շրջանով, միապետ ուղղափառութիւնը իր զէնքը այժմ դարձնում է զէպի հայ ժողովուրդը և այս անգամ բացարձակ, առանց վարագոյրի Պատմական ստախօսութիւն, ամբարտաւան ինքնագովութիւն, հայհոյանք զէպի այն բոլորը, ինչ սուրբ է, ներական է զգացմունքի, հաւատի համար — ահա նորագոյն եղանակը գործելու, նկարագրած վստօրգօվի „անկեղձ“ յօդւածներում: Ահա մի լայն ճանապարհ, անբարոյականացնելու ազէտ, հաւատացող ժողովուրդը, որին կառավարութեան գործակալները վարժեցնում են հողի, փողի, հեշտութեան, նոյն իսկ մեղալի և օղիի համար վաճառել խիղճը և զգացմումունքը, միակ անկեղձ բանը, որ կայ ամբողջի մէջ, պատրաստելով նրան մի վիճակի, որ անասնական է և գերազանցապէս անբարոյականացնող: Գա կրօնական էվոլիւսիօն չէ, այլ վաճառք. դա ժողովրդի կրթութիւն չէ, այլ բռնապետութեան զօրեղ պատւանդան...

Եւ եթէ մի օր՝ մի հայ երիտասարդ, նոյն իսկ ոչ

„քաղաքականութեամբ պարապողներից“, կամ երիտասարդ մի վարդապետ մտնի Ալէքսանդովկա և Ազիսօու ասի՝ „Հայեր, ոչ մարդկանց երկրի վրայ և ոչ Աստծուն երկնքում հաճելի չէ այդ խարերայութիւնը հաւատի անունով“, — այն ժամանակ, օ՛, այն ժամանակ, ճահիճը կը շարժւի, — դաւառապետը կը զարնի հեռագիրը, էկզարխ Ալէքսէյ՝ ստանձնած կամաւոր ժանդարմի պաշտօն՝ կը կցի այդ հեռագրին իր հայրական կարծիքը, Վաստորգով այդ „կարծիքը“ ձեռքին՝ կը վազի ժանդարմների վարչութիւն . . . կը բացւի նշանաւոր գիրքը, որի կազմի վրայ դրօշմած է „Արմեանսկօէ դէլօ“ (Հայոց գործը) և քաղաքական աքտորեալներին կ'աւելանայ էլի մէկը, այն „ոչ այնքան հեռու վայրերում“, ուր հազար և մի եկեղեցի կայ, բայց ոչ մի Աստուած չկայ:



“ՓԱԿԵԼ ԸՆԿԵՐՈՒԹԻՒՆՆԵՐԸ”

(ՈՒԹՆՐՈՐԴ ՆԱՄԱԿ)

Բարեգործութիւն. — Կամաւոր ոստիկանութեան տեղեկագրերը. — Պետերբուրգի տւած հրահանգը. — Պէտք է փակել. — Նոր կանոնադրութիւն. — Մեղսող շունչը. — Փակած գրադարաններ. — Մշակէս է հիմնում մի գրադարան. — Բարեգործական հիմնարկութիւնների աւերակները:

Թիֆլիզի բանուկ փողոցներից մէկի վրայ, համեստ մի տան ճակատին, երկար տարիներ կախած էր մի ցուցանակ, այս բառերով՝ «ԱՌՎԿԱՍԵԱՆ ՀԱՅՈՑ ԲԱՐԵԳՈՐԾԱԿԱՆ ԸՆԿԵՐՈՒԹԻՒՆ»¹: Հազարավատ էր այս ցուցանակը և գուցէ բացառիկ: Շուտ լուծեան խանութների շարքերի մէջ, այն փողոցների կողքին, ուր մէկը միւսի յետեւից ձգւում են գինետներ, սրճարաններ, զւարճարաններ, ուր ամեն ինչ, նոյն իսկ չքաւորին օգնելու արտօնութիւնը, կենտրոնացած է ոստիկանութեան ձեռքին, հաճելի էր տեսնել մի հիմնարկութիւն, որ նպատակ էր դրել, օրէնքի թոյլատրած սահմաններում, արձագանք տալ հիւանդի, անանկի, չքաւորի աղերսող ձայնին:

Քաղաքական մարմին չէր այդ ընկերութիւնը, և ոչ էլ նւիրւած սօցիալական խնդիրների լուծման բարդ զբաղումներին: Պարզ բարեգործութիւն էր նրա տեսչանքը, ձեւակերպւած հետեւեալ կերպով՝ նրա կանոնադրութեան մէջ.

1. Ընկերութեան նպատակն է նպաստել լուսաւորութեան

տարածմանը հայերի մէջ Արովհասում և Անդրկովհասում և օգնել նոցա նիւթականապէս:

2. Այս նպատակին հասնելու համար Ընկերութիւնը, ըստ իւր պիտի զարգացման՝

ա) Պահպանում է արդէն գոյութիւն ունեցող ուսումնարանները և նիւթականապէս նպաստում է նորերը հիմնելուն.

բ) Օժանդակում է ժողովրդի մէջ արհեստների տարածմանը.

գ) Օգնում է ուսանողներին իւրեանց ուսման ասպարէզի մէջ.

դ) Այս է ընծայում զբքեր և պարբերական հրատարակութիւններ ժողովրդի ընթերցանութեան համար, նոյնպէս և այլ գրականական երկասիրութիւններ.

ե) Հիմնարկում է տպարաններ, վիճակագրասներ և ընթերցարաններ.

զ) Հիմնարկում է հիւանդանոցներ և այլ բարեգործական հաստատութիւններ.

է) Օգնում է տառապեալներին ժողովրդական թշուառութեան ժամանակ, որպիսիք են՝ սով, տարափոխիկ ախտ, հըրդեհ, և այլն: Այսպիսի դէպքերում, ըստ պահանջման հարկի, կազմում է առողջապահական մասնախմբեր կամ ուղարկում է իւր կողմից հաւատարմատարներ.

ը) Իրաւունք ունի կարևոր դէպքերում նպատակ և այլ ազգօգուտ ընկերութիւններին:

Ծանօթութիւն. Վերոյիշեալ այն կէտերի վերաբերմամբ, որոնց մասին օրէնքով պահանջում է կանխապէս ունենալ պատշաճաւոր իշխանութեան թոյլտուութիւնը, ընկերութիւնը սկսում է իրագործել իւր ձեռնարկները այդ թոյլտուութիւնն ստանալուց յետոյ:

Գաղտնի կամ մասնաւոր չէ այս կանոնադրութիւնը, այլ հաստատուած բարձր կառավարութեան ձեռքով, դեռ 1881 թւի յուլիսի 6-ին, և գործադրուած ճիշտ ու անշեղ կերպով, երկար տարիների ընթացքում, մինչև որ հասան նոր հոսանքի օրերը, մատնութեան և հալածանքի նորագոյն շրջանը:

Շատերը երեւի չը գիտեն, — և դեռ քանի քանի

գաղտնիքներ կան՝ անյայտ ընդհանրութեան — որ բացի այն երկու գ ժ ո խ ա յ ի ն մ ե ք ե ն ա ն ե ռ ի ց, որոնք կրում են ժ ա ն դ ա Ր մ ն ե ռ ի վ ա Ր չ ու լ թ իւ լ ն և ո ս ա ի կ ա ն ու լ թ իւ լ ն (գաղտնի և վարչական) անունները, Աովկասում կայ և մի այլ թէև արտաքուստ անտեսանելի մարմին, որ նոյնպէս կոչւած է հսկելու պետութեան ներքին ապահովութեան վրայ: Գա կ ա մ աւ ո Ր ո ս ա ի կ ա ն ու լ թ իւ լ ն է: Գրա անդամները նոյնպէս ռոճիկ են ստանում պետական գանձարանից ամսի 20-ին, նոյնպէս շատ անգամ համազգեստներ են կրում, բայց իրենց ծ ա ո ա յ ու լ թ ե ա մ ք նրանք պաշտօնապէս ոստիկանութեան անդամ չեն, — այլ մէկը, դիցուք, ուէ նորին գերազանցութիւն՝, մեծ մասամբ պաշտօնաթող միւսը՝ նախկին գաւառագետ, երրորդը՝ կառավարչապետի ատեանի նախկին անգամ, մի ուրիշը՝ ժողովրդական դպրոցների դիրեկտօր, գիմնազիօնի ուսուցիչ կամ անգամ դատաստանական պալատի, և այսպէս ըստ կարգին . . . Գրդւած ներքին ոգևորութիւնից՝ և արտաքին հովանաւորութիւնից՝, մէկը միւսից անկախ, առանձին-առանձին, առանց շատ անգամ իրար ճանաչելու, համոզւած, որ հասարակութիւնից ոչ որ իրենց գործունէութեան՝ մասին գաղափար չունի, կատարում են հայրենասիրական՝ մի մեծ պարտք — կանոնաւոր կերպով ուղարկում են բարձր իշխանութեան զեկուցումներ, նամակներ և գրութիւններ՝ հաղորդելով այնպիսի վրտանգաւոր նորութիւններ, որոնց գոյութեան մասին շատ անգամ անզեկութիւն չունեն մինչև իսկ ամենագէտ գծօխային մեքենաները — ժանդարմները և ոստիկանները:

Այդօրինակ պետական ղտանգաւոր նորութիւններից՝ մէկն էր այն, թէ Աովկասում հայկական ընկերութիւնները բազմացել են սունկի նման, և օրինակաւ դիմակի տակ շարունակում են ծառայել ազգայ-

ն ա կ ա ն և ք ա ղ ա ք ա կ ա ն վտանգաւոր նպատակներին: Եւ ահա, հիմնւած մեծ մասամբ կ ա մ ա լ ո թ ոստիկանութեան ա պ ո թ ի ն ի տեղեկութիւնների վրայ, Պետերբուրգից 1894 թւին հրամանագրուում է կովկասեան բարձր իշխանութեան՝ «մանրամասն տեղեկագիր պատրաստել հայոց բարեգործական ընկերութիւնների ամբողջ գործունէութեան մասին և կարծիք յայտնել՝ թէ որքան անհրաժեշտ է նրանց գոյութիւնը»:

Սկսեց գրագրութիւն և «գործ»: Պատահամբ միայն հարցի ուսումնասիրութիւնը յանձնեց մի բարեսէի զ ճ պաշտօննայի — տարաբախտաբար այժմ պաշտօնից հեռու — որը՝ չբաւականանալով այն մանրամասն տեղեկագրերով, որ երկար տարիների ընթացքում տեղական իշխանութիւնը ստացել էր հայոց բոլոր ընկերութիւնների մասին, անձամբ սկսում է նոր հետազօտութիւններ անել և կազմում է մի բազմակողմանի տեղեկագիր:

Այդ տեղեկագրից պարզոււմ է, որ նախ՝ կատարելապէս սուտ է այն, թէ Վովկասի հայերը ունեն բազմաթիւ ընկերութիւններ: Այդ միջոցին, այն է 1894 թւին, Վովկասում գոյութիւն ունէին հետևեալ ընկերութիւնները. Բաբլում՝ «Հայոց Մարդասիրական Ընկերութիւնը», հիմնւած դեռ 1863-ին, Թիֆլիզում՝ «Հայոց Հրատարակչական Ընկերութիւնը» և «Հայուհեաց Բարեգործական Ընկերութիւնը», երկուսն էլ հիմնւած 80-ական թւականներին, և «Վովկասեան Հայոց Բարեգործական Ընկերութիւնը», հիմնւած 1881-ին, որը՝ համաձայն իր կանոնադրութեան, իրաւունք ունէր բաց անել ճիւղեր՝ գաւառական քաղաքներում և օգտւելով այդ իրաւունքից, մօտ 15 տարւայ ընթացքում կարողացել էր հիմնել հազիւ 18 ճիւղեր, այն էլ այնպիսի խոշոր քաղաքներում, ինչպէս Երևան, Բաթում, Ալեքսանդրօպօլ, Շուշի, Ախալցխա, Նախիջևան, Ախալքալաք և այլն:

Նոյն տեղեկագրից պարզուամ է մի այլ հարց — այն, որ բոլոր ընկերութիւնները տ ա ո ա ց ի կերպով և ամենամեծ խստութեամբ հետևել են իրենց կանոնադրութիւններին — բոլորն էլ հաստատուած կառավարութիւնից — և երբէք մաղի չափ իսկ չեն շեղուել իրենց նպատակից:

Շատ հետաքրքիր է յիշատակել այն խօսքերը, որ տեղեկագրի հեղինակը արտասանել է կառավարչապետի խորհրդի անդամներից մի քանիսի շրջանում:

— „Ես ամենայն խստութեամբ ուսումնասիրեցի այդ ընկերութիւնների երկար տարիների գործունէութիւնը և ոչ միայն ապօրինի ոչինչ չգտայ, այլ համոզեցի, որ նրանք բոլորն էլ անպայման համակրելի են և օգտաւետ: Եւ ինչպէս անհամակրելի դատել մի ընկերութիւն, որը՝ ըստ իր կարողութեան, աղքատին հաց է տալիս, չքաւորին՝ ուսում, որին՝ ապաստան, ժողովրդին՝ գիրք: Նկատողներ կան, որ այդ ընկերութիւնների թիւը շատ մեծ է, պէտք է կրճատել: Ճշմարտութեան դէմ կը լինի համաձայնել այդ կարծիքի հետ: Աովկասում աւելի քան $1\frac{1}{2}$ միլիօն հայ կայ, և այդ ահագին ազգաբնակչութիւնը ունի ընդամենը չորս զատ-զատ ընկերութիւն ու գրանցից մէկը միայն՝ իր ճիւղաւորութիւնները: Բայց և այնպէս — աւելացնում է պաշտօնեան — Պետերբուրգին գոհացում տալու համար, պէտք է որևէ մէկը փակել: Սակայն որը: Հրատարակչական ընկերութիւնը: Բայց ինչպէս, քանի որ այդ հիմնարկութիւնը իր տեսակի մէջ մի հատ է և ուրեմն շատ համարուել չէ կարող: Հայուհեաց Բարեգործական ընկերութիւնը: Բայց նա էլ կովկասեան հայուհիների միակ ընկերութիւնն է և կատարելապէս անվնաս, քանի որ (մի փոքր ժառանգան) նրա պահածը՝ կար ու ձեռի մի դպրոց է և խոհարարական դասընթացքներ, ուր ուրիշ բան չեն սովորեցնում, բայց եթէ շոր կարել և կերակուր պատ-

բաստել. . . Մարդասիրական ընկերութեան մասին Բագրի նահանգական իշխանութեան յայտնած կարծիքը վատ չէ. մնում է ուրեմն կովկասեան Հայոց բարեգործական ընկերութիւնը, որ անպայման համակրելի հիմնարկութիւն է, այնքան տարի գոյութիւն ունի և գտնուում է միանգամայն վստահելի անձանց ղեկավարութեան տակ: Ուրեմն ինչ անել, ինչպէս լիութիւն տալ Պետերբուրգի տրամադրութեան. . .

Եւ երկար մտածելուց յետոյ, բարեմիտ պաշտօնեան բացականչում է. «Լա՛ւ միտք. թող փակեն այնպիսի աննշան ճիւղեր, ինչպէս են Սղնախի, Թելավի, Գօրու ճիւղերը, եթէ ուզում են, որ թիւը պակաս լինի: Սակայն — աւելացնում է մի փոքր խորհելուց յետոյ՝ — այդ ճիւղերի տարեկան բիւջէն 300-400 ռուբլու հազիւ է հասնում, ինչ պիտի անեն այդ անմեղ, փոքրիկ ճիւղերը՝ տարեկան 300 ռուբլով՝ ուսաց պետութեան գէմ. . . Չէ, ես այդ էլ չեմ անի»: Եւ զեկուցում աւեց, որ գոյութիւն ունեցող ընկերութիւնները ո՛չ շատ են, ո՛չ աւելորդ, ո՛չ էլ մնասակար:

Բարեմիտ տեղեկագիրը, թէև կարճ ժամանակով, բայց փոքր ինչ խաղաղացրեց մտքերը: Սակայն մի սահման դնելու նպատակով, Պետերբուրգից հրամայեցին փոխել Բարեգործական ընկերութեան կանոնագրքի այն կէտը, որը իրաւունք էր տալիս կենտրոնական Խորհրդին բանալ՝ առանց յատուկ թոյլտուութեան՝ նոր մասնաճիւղեր գաւառական քաղաքներում: Գրա փոխարէն ստեղծեցին այլ կանոն, որի զօրութեամբ, նոր ճիւղ բանալու համար՝ պէտք էր նախօրոք ստանալ բարձրագոյն թոյլտուութիւն: Սկսած այդ օրից՝ այլևս ոչ մի նոր ճիւղ չի հիմնեց և փորձ էլ չեղաւ: Բարձրագոյն թոյլտուութիւնը՝ ահագին խոչընդոտ է, որը յաղթահարելու համար պէտք է առանձին բախտ կամ անսովոր կապեր ունենալ. . .

Անցաւ հաղիւ երեք-չորս տարի: Արայ հասաւ նորագոյն հիւանդոտ և խենթ ըէժիմը՝ իր ուժի ամբողջ համարձակութեամբ: Ամեն ինչ փոխուեց, ամեն ինչ դարձաւ կասկածելի, վտանգաւոր, մնասակար: Քրիստոնէական բարեգործութիւնն էլ ազատ չը մնաց կասկածից:

« Հայոց բարեգործական ընկերութիւնները զբաղւած են աւելի քաղաքականութեամբ, քան թէ բարեգործութեամբ, ասւած է գօլիցիինեան գաղտնի ղեկուցադրի մէջ: Յայտնի տեղեկութիւնները ապացուցին, որ անջատական ազիտացիայի շատ կուսակիցներ այդ ընկերութիւնների անդամ են: Նրա դրամները յաճախ յատկացւում են օտար երկրի մէջ հայեր դաստիարակելու,— մի նպարագայ, որ հակառակ է ուս կառավարութեան պետական սկզբունքներին: Կարծում եմ, որ դրանք արժանի չեն վստահութեան՝ իրենց առանձնայատուկ հանգամանքի պատճառով, ուստի եւ խնդրում եմ թողաւորել ջնջելու Կովկասի հայոց բարեգործական հիմնարկութիւնները »:

Այդ առաջարկը ընդունեց:

1899-ին հայոց բոլոր ընկերութիւնները փակւեցին, բացի Հրատարակչական ընկերութիւնից: Մի « հայրախնամ » զիջողութիւն միայն արեց կառավարութիւնը — յայտնեց, որ փակւած ընկերութիւններից ամեն-մէկը կարող է վերաբացւել, միմիայն համաձայն այն կանոնադրութեան, որ մշակել է ինքը կառավարութիւնը, և դրա համար ամեն մի ընկերութիւն պիտի առանձին-ինդիրք ներկայացնի կովկասեան բարձր իշխանութեան: Նոր կանոնադրութեան համաձայն վերաբացւեցին միմիայն երեք ընկերութիւն՝ — Մարդասիրական ընկերութիւնը Բագուում, և Թիֆլիզում՝ Հայուհեաց Բարեգործական ընկերութիւնը ու Կովկասեան Հայոց Բարեգործական ընկերութիւնը, նոր անւան տակ, այն է « Թիֆլիզի Հայոց Բարեգործական ընկերութիւն »: Գաւառական ճիւղերը գատապարտւեցին վերջնական մահուան:

Վերաբացւած ընկերութիւններին տրւած նոր կանո-

նադրութեամբ նրանց գործունէութեան նախկին շատ կէտերը, — դպրոցներ պահել, օգնել ուսանողներին, նպաստել կարօտ գրողներին, գրքեր տպագրել, հիմնել աշակերտական հանրակացարաններ, վերջապէս բաց անել գրադարաններ — ոչնչացրեցին: Իրաւունք չկայ կատարել և ոչ մէկը այդ օգտակար գործերից. արգելուում է նպաստել ուսման, ընթերցանութեան, լուսաւորութեան: Մուրացիկները հաց կ'ուզեն, մի քանի կօպէկ տէք — ուրիշ ոչինչ: Այդ է նոր կանոնագրութեան ոգին: Եւ միայն փողոցի մուրացիկներին օգնելու մէջն է, որ կառավարութիւնը „քաղաքական ոգի“ չէ տեսնում: — գրանից դուրս ամեն ինչ քաղաքական է:

Եւ գիտութեան ծարաւով պապակող շատ պատանիներ մնացին անօգնական. մութ ու մոռացած անկիւններում վառւած փոքրիկ ճրագները — դպրոցները — զրկւած նպաստից, փակեցին իրենց դռները, իսկ միերկու գրքոյկ կարդալու համար դէպի գրադարանն երբ դիմող հասարակութիւնը՝ ապշած, սկսեց անիծել իր սեւ բախտը...

Կառավարչական կարգադրութեան այլանդակ պատկերը լաւ գծագրելու համար՝ աւելորդ չէ կանգ առնել, մի փոքր երկարօրէն, գրադարանն երի հարցի վրայ, շատ ուշագրաւ իր մանրամասներով, և շատ կարեւոր՝ նպատակի կողմից:

Գրադարանը կովկասում նոյնրան հազւագիւտ բան է, որքան Պետերբուրգում տրօպիքական բոյսը: Պատճառը պարզ է. ինքը կառավարութիւնը գրադարանը ընթերցարաններ չէ հիմնում, և եթէ մասնաւոր անձինք կամ հաստատութիւններն էլ ուզում են այդ անել, այնքան խոչընդոտներ, դժւարութիւններ և ճնշումներ են գործ դրում, որ ամենքն էլ հրաժարում են այդ մտքից: Գիցուք, մի մասնաւոր մարդ, նոյն իսկ

զրամական զոհաբերութիւն յանձն առնելով, ուզում է բանալ մի հանրամատչելի ընթերցարան-գրադարան իր մայրենի քաղաքում: Մակայն ուզելը բաւական չէ: Պէտք է թողաւութիւն: Բայց քանի-քանի՞ ամիսներ և նեղութիւններ են հարկաւոր այդ թողաւութիւնը ստանալու համար — ահա կը տեսնէք:

Ամենից առաջ պէտք է դիմել նահանգապետին, ի հարկէ խնդրագրով, „մարկան“ վրան փակցրած: Նահանգապետը խնդիրքը ուղղում է օստիկանապետին, կամ գաւառապետին՝ եթէ խնդրատուն ապրում է ուէ գաւառական քաղաքում: Աւերջինը՝ պրիստովին: Այ՛, եթէ խնդրատուն երբեւիցէ, նոյն իսկ իր պատանեկութեան ժամանակ, 20-30 տարի առաջ, եղել է կասկածի տակ կամ մասնակցել է ուէ „քաղաքական“ գործի: Այդ դէպքում պատասխանը պարզ է. — „Ձեր խնդիրքը թողնւեց առանց հետեանքի“: Աւելին. խնդրատուն նոյն իսկ պէտք է իր „լաւ“ կողմերով յայտնի լինի օստիկանութեան: Ուստի ամեն մի անձ, որ կասկածելի էլ չէ, բայց անձանթ, անյայտ է, երբէք չի էլ փորձում այգպիսի դիմումն անել. դրա համար միշտ առաջ են գցում օստիկանութեան համար կատարելապէս „վրստահելի“ անձնաւորութիւն: Մակայն՝ չնայած այդ պարագաներին, օստիկանութիւնը դարձեալ պիտի մանրամասն տեղեկութիւններ հաւաքի: Մի օր պրիստով է գալիս, միւս օրը մի աւելի ստոր օստիկան, մի այլ անգամ գաղտնի օստիկանութեան պաշտօնեայ, և ձեր տան շուրջը, ձեր թաղում, հարեաններից և շատ անգամ ձեր անձնական թշնամիներից „փաստեր“ են հաւաքում: Ուէ թշնամու ակնարկ, ուէ հարբած պրիստովի կապրիզ բաւական է, որ խնդրատուն դարձեալ անյարմար համարւի: Անցնում է 5-6 ամիս, և ահա ստացում է դարձեալ նոյն միակերպ պատասխանը. — „Ձեր խնդիրքը թողնւեց առանց հետեանքի“:

Բայց վերցնենք լաւագոյն դէպքը, այսինքն երբ խընդ-
րատուն ուէ „անյարմարութիւն“ չունի: Արգելքներ
այնուամենայնիւ պակաս չեն: Նախ կառավարութիւնը
առհասարակ շատ կասկածելի է համարում ամեն մի գրա-
դարան, այն պարզ պատճառով, որ գրագարանը տարա-
ծում է գրագիտութիւն, իսկ դա „սկզբունքով“
վնասակար է, եթէ կրօնական սահմաններից դուրս է:
Բայց կայ և ուրիշ հանգամանք: Գուք ուզում էք, դիցուք,
ձեր գրագարանը էժանագին դարձնել, որպէսզի մատ-
չելի լինի քաղաքի ամբոխին, չքաւոր դասակարգին: Չեզ
նկատում են, որ „անյարմար է ամբոխով զբաղւել“, և
ստիպում են գրագարանի վճարը աւելի թանկ անել,
որպէսզի նա մատչելի լինի միմիայն ապահով դասա-
կարգին: Աւրիշ խօսքով, ձեր ձգտումը՝ ծառայել չքա-
ւոր ժողովրդի ընթերցանութեան գործին — խա-
փանւած է, դոնէ մասամբ: Ենթադրենք, որ կարգա-
դրեց վճարի հարցը: Այդ ժամանակ խնդիր է յա-
րուցում աւելի մասին: Եւ եթէ դուք ուզում էք
գրագարանը հիմնել քաղաքի որեւէ յետ ընկած մա-
սում, ուր ապրում են չքաւորները, մի այնպիսի տեղ,
ուր ժողովուրդը աւելի յարմարութիւններ ունի յաճա-
խելու, ձեզ նկատում են, որ դա անկարելի է, ասելով,
որ գրագարանը պիտի բաց անել քաղաքի բանուկ
մասում, բանուկ փողոցի վրայ, որպէսզի „տպարանական
տեսուչը (նա, որ հսկում է գրագարանների վրայ) միջոց
ունենայ ամեն բոպէ մտնել և հսկել“:

Ընդունենք, որ այդ զիջողութիւնն էլ արեցիր, այնու-
հետև հարց է ծագում, թէ ո՞վ պիտի լինի գրա-
դարանապետը, ի՞նչ եկամտուտն երո՞վ պիտի
պահւի գրագարանը, ո՞վ պիտի լինի պատասխանա-
տուտ անձը, եթէ հիմնարկողը բացակայ է քաղաքից:
Վերջապէս, հազար ու մի դժւարութիւններով, մի դի-
ւանատնից միւսը վազվզելով, սպասելով շարաթիւններ և

ամիսներ, դուք այդ անլուր քմահաճոյքներին էլ լիութիւն էք տալիս: Սակայն դարձեալ վախճանը հետու է: Սկսուով է նոր „հոգեհանութիւն“ և ամենախիստը, — գրքերի և լրագիրներին հարցը:

Ի՞նչ գրքեր պիտի պահէք գրադարանում: Միթէ՞ այն, որ ձեր կարծիքով ամենից օգտակարն է կամ ձեր յաճախորդներին ցանկալի: Քաւ լիցի. այդպէս մտածել Ռուսաստանում — նշանակում է խնթ լինել: Գուք պիտի ներկայացնէք գրքերի ցուցակ: Այդ վերջինը ուղարկում է ցենզուրական հիմնարկութեանը, որ ինքը արդէն ունի նախօրօք կազմած՝ արգելած գրքերի ցուցակ, և նա՝ դրա համաձայն ուղղագրում է ձեր ներկայացրածը: Սակայն այդ ցուցակն էլ մէկ չէ: Յուցակ էլ կայ՝ ցուցակ էլ: Ան գրքեր, որոնք արգելած են միմիայն դպրոցական գրադարանների համար. կան այնպիսիները, որոնք տեղ չեն կարող գտնել ժողովրդական գրադարաններում. վերջապէս կան գրքեր, որոնք թէև գտնուով են ամեն-մի կլուբի գրադարանում, բայց իրաւունք չկայ պահել հանրամատչելի գրադարանի մէջ: Գժւարութիւններ և արգելքներ, արգելքներ և գժւարութիւններ, ուրիշ խօսքով՝ մի օրինական քաօս, որ իրաւունք է տալիս իշխանութեան ամեն տեսակ հարցեր ստեղծել և գժւարին կամ անկարելի դարձնել գրադարանի բացումը:

Երևակայեցէք մի բոպէ, որ ամիսներ քաշքշելուց յետոյ — շատ անգամ այդ ձևականութիւնները աւուում են ութ-ինն ամիս, նոյն իսկ ամբողջ տարի — վերջապէս հրաշքով, այո՛ հրաշքով, ստանում էք թոյլաւութիւն և բաց էք անում գրադարանը: Ահա և առաջին այցելուն... բայց դա ընթերցող չէ, այլ ոստիկան: — „Թոյլաւութիւն ունի՞ք“: Յոյց էք տալիս: Մի քանի ժամից յետոյ դարձեալ ոստիկան՝ „Համեցէք ոստիկանատուն, կանչում են“: Մի օր անցած գա-

լիս է ինքը տպարանական տեսուչը (ինսպեկտոր տիպոգրաֆիի), գրադարանի անմիջական իշխանութիւնը: Եւ եթէ նա մի կասկածոտ, անհանգիստ, կապրիզոտ անձ է, „վայն եկել ձեզ տարել է“:

Մի փոքրիկ միջադէպ:

Թ. քաղաքի հայոց մի գրադարան մտնում է տպարանական տեսուչը:

— Յոյց տւէք գրացուցակը: Տայիս են:

— Գրացուցակից դուրս ուրիշ գրքեր, յոյս ունիմ, չունէք:

— Ի հարկէ ոչ:

— Սա ի՞նչ գիրք է, բացականչում է տեսուչը թերթերով ցուցակը և մատը դնելով մի գրքի անւան վրայ. — „Վաղարշապատ մայրաքաղաքն հայոց“:

— Դա պատմական գիրք է, թոյլատրւած կառավարութիւնից և ձեր ձեռքով:

— Ի՞նչ պատմական, ի՞նչ թոյլատրութիւն: „Մայրաքաղաքն հայոց“... Դա անկարելի է:

— Այո... բայց մայրաքաղաք հայոց, որ գոյութիւն ունէր սրանից 1500 տարի առաջ, 4-րդ դարում, և ոչ թէ այժմ, բացատրում է խոնարհաբար գրադարանապետը:

— Այդ միւսնոյն է. ես արգելում եմ այս գիրքը: Հայերը մայրաքաղաք չը պէտք է ունենային...

— Սա ի՞նչ է, աւելի զայրացած գոչում է տեսուչը, ձեռքը դնելով մի այլ գրքի վրայ՝ „Վէրք Հայաստանի“:

— Դա էլ թոյլ է տրւած ձեր ցուցակով. Աբովեանի աշխատութիւնն է այդ — աւելացնում է գրադարանապետը յաջողութեան ժպիտը երեսին — գրւած աւելի քան կէս դար առաջ, լի հաւանականքով դէպի ոուսները և ոուսաց տիրապետութիւնը:

— Այդ համակրութեանը ես հաւանում եմ, բայց անունը՝ „Վէրք Հայաստանի“ չեմ հաւանում: Չկայ Ռուսաստանում Հայաստան, ուրեմն չէ կարող լինել և

Հ ա յ ա ս տ ա ն ի Վ Է Բ ք: Ա յ ս օ ր ւ ա ն ի ց այդ գիրքն էլ եմ արգելում:

Եւ այսպէս արգելք արգելքի վրայ:

Մէկ գրքի անունն է վտանգաւոր, միւսի ոճն է կատաղի, երկրորդի հեղինակը զուր չէ գալիս „մեծաւորին“: Մէկը ազատական հակումներ ունի, մի ուրիշը բաւականաչափ բարոյական չէ, — և ահա մէկ-մէկ այդ բոլորը արգելում, հալածում, խլում է գրավաճառներից ու գրագարաններից և մասնւում խարոյկի կամ ոստիկանական արգելքի...

Գժոխային այդ պայմաններում մասնաւոր մարդիկ շատ քիչ կամ երբէք յանձն չեն առնում գրողարաններ բաց անել, մանաւանդ որ դա շահաւէտ գործ էլ չէ, և սովորաբար բարեգործական հիմնարկութիւններն են, որոնք հանդիսանում են իբրև ձեռնարկողներ: Այդ հանգամանքն է ահա, որ ստիպում էր հայոց բարեգործական ընկերութիւններին՝ հազար ու մի նեղութիւններով հաւաքած սուղ միջոցներից՝ մաս հանել գրագարաններ հիմնելու համար այնպիսի թէև մեծ, բայց գրողարաններից զուրկ քաղաքներում, ինչպէս Թիֆլիզ, Ախալցխա, Շուշի, Ախալքալաք, Հին-Նախիջևան: Բարոյական անհրաժեշտ պարտականութիւն էր այդ, հանդէպ խաւարի մէջ թաղած ահագին ազգաբնակութեան, որ չունի մտքի ճրագ, որ գիրք և կարգալու տեղ չունի...

Սակայն գրատեսց կառավարութեանը այդ բոլորը թւաց շատ և կասկածաւոր, և իբրև հեռանք նրա վանդաւակն քաղաքականութեան ու խաւարամու ձրգաման, մեր առաջ կանգնած է հետևեալ ողբալի պատկերը. — 18 հազար բնակիչ ունեցող Ախալցխայում կար մի հատ գրագարան — փակեցին: 25 հազար բնակիչ ունեցող Շուշում՝ մի գրագարան — փակեցին: 10 հազար բնակիչ ունեցող Ախալքալաքում՝ մի գրա-

գարան — փակեցին: 12 հազար բնակիչ ունեցող Հին-Նախիջևանում մի գրադարան — փակեցին: Աւերջապէս 160 հազար բնակիչ ունեցող Թիֆլիզում, ուր Բարեգործական ընկերութեան նորակազմ մասենագարանը պիտի լինէր միակ լուրջ և հանրամատչելի հիմնարկութիւնը — փակեցին: Թոյլ չուին գրադարան բաց անել Ալեքսանդրօպօլում, ուր 35 հազար բնակիչ կայ, Գանձակում և Երեւանում, որոնք երկուսն էլ նահանգական քաղաքներ են և ունին իւրաքանչիւրը 30 հազարից աւելի բնակիչ, և ուրիշ շատ փոքրիկ քաղաքներում, ուր գրադարանը պիտի կազմէր միակ ճրագը՝ ընդհանուր խ աւ ա ր ի մէջ...

Այդ բոլորի տեղ մնացին՝ կնքւած դռներ և կամ մի երկու հիւժւած, կաշկանդւած ընկերութիւններ, Թիֆլիզ և Բագու, իբրև սուերներ՝ նախկին կազմակերպութեան: Սակայն դրանք էլ, թէև ենթակայ խրատագոյն կանոնների և հեռու լուրջ գործունէութիւնից, ազատ չեն անընդհատ հսկողութիւնից, յարաձուն կասկածներից: Ոստիկանները գնում են ու գալիս. դաւերը աճում են ու աճում: Եթէ կասկածելի չեն ընկերութեան ղեկավարները, կասկածելի են գրասենեկապետը, նոյն խի ծառան: Ահա մի փաստ: 1901 թւին, Թիֆլիզի ոստիկանութիւնը Հայոց Բարեգործական ընկերութեան գրասենեկի ծառային ենթարկեց խուզարկութեան և գտաւ նրա մօտ արգելւած մի թերթիկ: Ոչ մէկը և ոչ միւսը կապ չունէին ընկերութեան գործունէութեան հետ: Սակայն հակառակ դրան, հակառակ վարչութեան աւած բացատրութիւններին, ընկերութեան դռները կրնալ բացին և ամիսներ շարունակ փակ մնացին:

Իսկ 1903 թւին Բագուի «Մարդասիրական ընկերութեան» գրադարանն էր, որ փակւեց: Անսպասելի էր պատճառը: Ոչ արգելւած գիրք էին գտել, և ոչ էլ որևէ թերթիկ գրադարանապետի կամ ծառայի մօտ: Մի օր՝ երբ քաղաքի

Տրապարակի վրայ կատարուում էր սօցիալիստական ցոյց, համակիրներից մէկը մտնելով գրատուն — ուր ամեն որ ազատ է ներս գնալու՝ իբրև ընթերցող — սկսում է պատուհանից փողօց նետել յեղափոխական պրօկլամատիօններ, ի հարկէ, առանց վարչութեան գիտութեան կամ համաձայնութեան: Գրադարանի համար պատահական մի անձ էր նա, սակայն չը նախած դրան, գրադարանը փակեց և ընկերութիւնը ենթարկեց նոր կասկածների, վտանգաւոր օրեր գուշակող նոր հսկողութեան... Եւ այդ օրից, ամեն անգամ, երբ ընկերութեան ղեկավարները ստանում են „գաղտնի“ գրութիւն նահանգապետից, առաջին միտքը որ անցնում նրանց գլխով այս է՝ „Ընկերութեան փակման հրամանըն է՞ արդեօք“...

Փակելու շրջան է այս: Փակեցին դպրոցները, փակեցին բարեգործական ընկերութիւնները, փակեցին գրադարանները, երկար տարիների՝ մաշող, բազմաթիւ ձեռքեր և անսահման եռանդ պահանջող այդ կրթական օջախները: Փակած դպրոցի տխուր, սրտաճմլիկ աւերակների զիմաց՝ յանդուգն աջողութեամբ գլուխ է բարձրացնում գիներտունը, իսկ հալածական գրադարանների փոխարէն՝ աճում են զուարճարանները, հասարակացանները: Եւ ժողովուրդը, զուրկ կրթական ապաստաններից՝ գրոհ է տալիս գէպի այն վայրերը, ուր հալոււմ, չորանում և քար է կտրում մարդկային միտքը, զգացմունքը, ուր այնքան աջողութեամբ ուռչում և աճում է անասնացող ամբոխը, անասնացնող-կառավարութիւնների այդ ապահով պատանդանք...

ՊԷՅՔ ԶԵՆ ԳՐՔԵՐ

(ԻՆՆԵՐՈՐԴ ԾԱՄԱԿ)

Միամիտ յոյսերի օրեր. — Հրատարակչական ընկերութիւնը. —
21 տարւայ գործունէութիւն. — Տպագրւած գրքերի որակը եւ քա-
նակը. — Ընկերութեան վերջնական փակումը. — «Յիվիւիզացիա
եւ սիֆիւիզացիա»:

» Ինքնասփօփման սիրուն օրեր էին — այսպէս սկսեց իր
պատմութիւնը մի հայ գրող, — օրեր միամիտ ոգևո-
րութեան, պատանեկան յափշտակութեան: Հասունացած
մարդիկ՝ անցեալով ու դիրքով, գրողներ, դպրոցական աս-
պարիզում ծանօթ գործողներ բժիշկ, փաստաբան, վար-
ժուհի, ծայրայեղ մտածողներ, և չափաւորութեան աս-
պետներ, վաճառական, ծառայող, — բոլորն էլ միացած,
կապւած նոյն տենչով, վազում էին գէպի ժողով. . .
Բազմամարդ, և ազմկալի էին այդ ժողովները, — կրակոտ
ճառեր, ինքնամոռացութեան հասած պայքար, մրցումն,
վէճ, ընտրութիւններ, ծրագիրների մի ահագին կոյտ,
գրքերի ցուցակ, նախահաշիւներ: Հսկայական չէր արդիւն-
քը. ամենաշատը մի քանի հատ գրքեր, անցած գրաքննիչի
ձեռքով, ազատ յեղափոխական ոգուց, անիշխանական
ձգտումներից . . . Բայց և այնպէս՝ մի ամբողջ սերունդ,
որ իր առաջ ունէր ցաւերի մի ահագին ծով, կատա-
րելիք անթիւ պարտքեր, միամտօրէն զգում էր իրան
գոհ, գործի վրայ, պարտաճանաչութեան շաւղին կանգ-
նած: Փոքրիկ գործ, մեծ ինքնագոհութիւն: Միամիտ
օրեր, ինքնասփօփման սիրուն օրեր: Ընցան գնացին:
Կառավարութիւնը չը հասկացաւ էութիւնը, վտանգաւոր

կարծեց ժողովները, վտանգաւոր՝ ճառերը, վտանգաւոր՝ տպագրւած գրքերը“ . . .

Հրատարակչական ընկերութիւնն էր այդ որ քսանեւմէկ տարի համարեց օրինական, անվտանգ, ցանկալի, իսկ 21 տարուց յետոյ անցանկալի, վտանգաւոր, ապօրէն: Նա էլ փակեց:

Պաշտօնական կարգադրութեան մէջ, ինչպէս միշտ, ոչ մի բացատրութիւն, ոչ մի պատճառաբանող բառ, որ ուրիշ խօսքով կը նշանակի՝ վտանգը մեծ է և պետական, անյարմար հաղորդելու ՝ ի գիտութիւն հասարակութեան“:

Ահա նրա բովանդակութիւնը.

„Լսելով ներքին գործերի մինիստրի հաղորդագրութիւնը մայիսի 30-ից, 1900 թիւ, № 1270, „Հայերէն գրքերի հրատարակութեան Թիֆլիզի ընկերութեան“ փակելու մասին, մինիստրների կօմիտէն կարծիք յայտնեց, — այս առաջարկութիւնը հաստատել: Թագաւոր կայսրը, 1900 թ. յունիսի 16-ին, բարձրագոյն բարեհաճութիւն տւեց այդ որոշման“:

Ուրեմն՝

Պառաւարչապետը չարախօսեց և ներքին գործերի մինիստրը ընդունեց: Ընդունածը ներկայացրեց մինիստրների կօմիտէին, և կօմիտէն հաստատեց: Կօմիտէի որոշումը տարւեց կայսրին, և սա մտքով անգամ չանցկացրեց հարցնելու, թէ ինչո՞ւ են փակում, այլ տւեց իր բարձրագոյն հաւանութիւնը: Ուրիշ խօսքով մի ամբողջ կառավարութիւն, սկսած կովկասեան կառավարչապետից մինչև Ռուսաստանի միահեծանը, միացան և միացած ուժերով փակեցին մի փոքրիկ ընկերութիւն, որ հիմնեց օրէնքով գործեց օրէնքով և փակեց դարձեալ ՝ օրէնքով“ . . .

Ի՞նչ է, կը հարցնէք, այդ հիմնարկութեան յանցանքը, որի համար նա իր 21-ամեայ պատկառելի հասկում ենթարկեց այդօրինակ մի ծանր, անողոր,

անդարմանելի պատժի: Առաջինը այն է, որ նա գրքեր է տպագրում, երկրորդը այն, որ հայերէն գրքեր է տպագրում: Հայերէն, ո՛հ, որքան անասորժ, որքան սոսկալի է հնչում այդ բառը չինովնիկութեան և նոյն իսկ մինիստրական ու կայսերական ականջներին... Որքան դառնութիւն, որքան վտանգ կայ այդ „անիծւած“ բառի մէջ... Եւ երեւի երբ մինիստրների կօմիտեում վճռուում էր փակել ընկերութիւնը, սլավ ցեղի ժամանակակից ղեկավարները ուսերը թափ տալով՝ հարցնում էին. „Եւ ինչպէս է եղել, որ 21 տարուց ի վեր դա գոյութիւն ունի“...

Այո, 21 տարի: 1879 թւին էր, որ Թիֆլիզի գրական մի շրջանում միտք ծագեց հիմնել այդ ընկերութիւնը, որի նպատակը պիտի լինէր — տպագրել հայերէն գրքեր: Մշակեց նրա կանոնադրութիւնը և 1880 թւի յունւարի 21-ին կովկասեան նախկին փոխարքայ մեծ իշխան Միխայիլ Նիկօլայեւիչը հաստատեց նրան: Կանոնադրութեան առաջին յօդածի մէջ ասւած է.

„Հայերէն գրքերի հրատարակութեան Թիֆլիզի ընկերութիւնը“ հիմնւած է Թիֆլիզում և նպատակ ունի հրատարակել հայերէն լեզուով թէ՛ ինքնուրոյն և թէ՛ թարգմանական գրքեր: Ընկերութեան հրատարակութիւնները ենթարկուած են տպագրութեան ընդհանուր կանոնադրութիւններին“:

Աերջին պարբերութիւնը արդէն բաւական էր, որ կովկասեան նախկին փոխարքան աչքերը խփած հաստատէր այդ կանոնադրութիւնը, որովհետեւ այն բոլորը, ինչ անցնում է ուսուցանող օրի ձեռքով, երբէք, ոչ մի տեղ և ոչ մի կերպ չէ կարող լինել վտանգաւոր կամ երկիւղալի: Յենդուրան այնպիսի քուրան երից չէ... Եւ հէնց այդ պարզ պատճառով է, որ 21 տարւայ ընթացքում ընկերութիւնը չէ տպագրել կամ չէ կարողացել տպագրել և ոչ մի գրքոյկ,

նոյնիսկ ոչ մի տող, որի վրայ կարողանային մատնանիչ անել, իբրև վնասակար կամ վտանգաւոր:

Գիմենք փաստերին:

Քսանեմէկ տարւայ ընթացքում ընկերութիւնը տը-
պագրել է 187 Հատ գիրք (մի քանիսը նոյն իսկ վե-
րատպումներ): Այդ գրքերը բաժանուում են՝

Թարգմանական 133

Կոմպիլացիա 33

Ինքնուրոյն 21

Ասել է թէ՛ իբրև ի ն ք ն ու ը ը յ ն գ ը լ ա ծ ք ն ե ը ,
որոնք կառավարութեան համար պիտի ծառայեն ինչպէս
աւելի բնորոշ նիւթ, ընկերութիւնը աւել է ոչ
աւելի, քան տարեկան մի գիրք: Եւ որպէսզի
աւելի պարզ գաղափար կազմէք, թէ տարեկան մէկ
գիրքը չէր սպառնում քանդել Ռուսաստանը, բաւական
է աւելացնել, որ այդ ինքնուրոյն համարուող գրւածքները,
մեծագոյն մասամբ, ոչ այլ ինչ են, եթէ ոչ տեղագրա-
կան կամ ազգագրական նիւթեր և գլխաւորապէս հայոց
հին մատենագրութիւնից, գրաբար լեզուով, վերատպումներ,
որոնք այնքան անմեղ են, որ երևի ջնջամուկ ցեն-
զորները թողատրում էին նոյն իսկ առանց կարգալու:

Թարգմանական գրւածքները, ինչպէս և կոմպիլա-
ցիաները, աւելի քան „անվտանգ“ բաներ են — վե-
պիկներ, կենսագրութիւններ, գիտական զրոյցներ կամ
բժշկական ու առողջապահական աշխատութիւններ, ինչ-
պէս և դասագրքեր: Բացի Շէքսպիրի մի քանի գրքե-
րից, ինչպէս և մի-մի հատոր Գօդէից ու Վօպասանից,
որոնց լաւագոյն էջերը, ի հարկէ, գրաքննիչը արգելել
է, միւս բոլոր թարգմանութիւնները, քիչ բացառու-
թեամբ, առնւած են ռուսաց գրողներից և ռուսաց
գրականութիւնից: Եւ եթէ նոյն իսկ եւրոպական գը-
րողներից է, այդ էլ կատարւած է ռուսերէն թարգ-
մանութիւնների միջոցով:

Ոչ մի փաստ, ոչ մի առիթ չկայ հեռուոր կերպով անգամ պնդելու, որ ընկերութիւնը հետևել է կամ ունեցել է ուէ քաղաքական կամ ազգայնական տենդենցիա. — միակ տենդենցիան եղել է հայերէն գրքեր տպագրելը, գրքեր, որոնք յաճախ վերաբերում են ընթերցանութեան ամենաչոր ճիւղերին: Եւ թէ կայ մի երևոյթ, որ պարզ նկատելի է ընկերութեան հրատարակչական գործունէութեան ընթացքում, այն է, որ այդ հիմնարկութեան ղեկավարները ուղեցել են, որքան կարելի է, ծանօթացնել հայոց հասարակութիւնը ռուսաց գրողների և ռուս գրականութեան հետ և այդ շատ անգամ՝ ի վնաս գրքերի արժանաւորութեան: Գուցէ այս է յանցանքը . . .

Անվտանգ լինելով բովանդակութեան և տենդենցիայի կողմից, Հրատարակչական ընկերութիւնը վտանգաւոր չէր կարող համարւել և աւած գրքերի քանակութեան կողմից, եթէ մինչև անգամ նախելու լինենք այս գործունէութեանը այն „տարօրինակ“ տեսակէտից, որով ռուսաց կառավարութիւնը առհասարակ ցանկալի չէ համարում ընթերցանութիւնը: Փաստ. — 21 տարւայ ընթացքում ընկերութիւնը տպագրել է 187 գիրք, ուրեմն միջին թւով, տարեկան $8\frac{1}{2}$ գիրք:

Տարեկան $8\frac{1}{2}$ գիրք, — դրանից էլ ի՞նչ կարող է լինել աւելի համեստ, աւելի անվտանգ: Բայց գուցէ կարծողներ լինեն, թէ այդ գրքերը տպագրւել են եւրոպական գրականութեան մէջ սովորական դարձած քանակով, ամեն մէկը 20, 50 կամ 100 հազար, բազմաթիւ հրատարակութիւններով: Միամիտ ենթադրութիւն: Երկրորդ կամ երրորդ տպագրութեան արժանացել են միայն 4-5 հատ, մեծագոյն մասը տպագրւել է միջին թւով 1,200 օրինակ: Կան գրքեր, որոնք լոյս են տեսել միմիայն 500 օրինակ: 2-3 հազար օրինակ ար-

պագրել են ընդամենը 3 գերք, և 5,000 օրինակ՝ մի փոքրիկ գրքոյկ „Խօլէրա“ անուանով, որի մեծ մասը վը-
ճուած է եղել տարածել ձ Ր ի ա թ ա Ր, որովհետև այն
միջոցին այդ հիւանդութիւնը սպառնում էր կոտորած-
ներ անել կովկասեան գաւառներում: Աւերջապէս աւելի
չէր էլ կարելի տպագրել, քանի որ ընկերութեան
բիւջէն հասնում էր միջին թւով միայն 5,000
ոււրբու, այսինքն այնքան, որքան ամեն տարի գողանում
է իւրաքանչիւր „նորին գերազանցութիւն“ . . .

Ասկիծ պատճառողը միայն այն չէ, որ փակում են
մի երկու համեստ, բայց անպայման պիտանի հիմնար-
կութիւններ, այլև այն, որ այս նոր բռնութեամբ ևս
կառավարութիւնը նոր վ է ը ք բաց արաւ հայոց հա-
սարակութեան առանց այն էլ վիրաւոր սրտում:

Մինիստրութիւնը, ի հարկէ չը հրատարակեց այն
պատճառաւանուութիւնը, որի վըայ հիմնեց
իր վայրենի կարգադրութիւնը: Այդպիսի մի բան հը-
րատարակել — կը նշանակէ խայտառակել, ծաղրի ա-
ռարկայ լինել: Եւ եթէ մի օր այդ գաղանի դօկումէնտն
էլ ինչպէս շատ ուրիշները, արխիվների խորքերից գուրս
գալով՝ գառնայ ընդհանրութեան սեփականութիւն, այն
ժամանակ կը տեսնեն ամենքը, նոյն իսկ ամենաներողամիտ-
ները, թէ ինչ հրէշաւոր սուտերի և դժոխային ձգտման
զոհ է գնացել մի հիմնարկութիւն, որ սկզբից մինչև վերջ
եղել է օրինական, հեռու քաղաքական ձգտումներից,
գործել է ցենզուրական ճանկերի տակ, ենթակայ ոստի-
կանական հսկողութեան, ներշնչւած ծայրայեղ գգուշու-
թեամբ:

Եւ, յիրաւի, անմիտ է „տենդենցիա“ տեսնել այն
բանի մէջ, որ հայը հայերէն գրքեր է կարդում, կամ
որ մի ընկերութիւն ժողովրդին հասկանալի լեզուով և
նրան մատչելի տառերով սովորեցնում է, թէ ինչ
պիտի անել, երբ խօլերա է սկսւած կամ ինչ մի-

ջոցներ պիտի գործ դնել, երբ խաղողի վաղերը վարակւած են ֆիլօփտերայով, կամ որոնք են այն ձևերը, որով պիտի խնամել շերամի սերմը կամ բամբակի բոյսը: Կները կառավարութիւնը փակեց հարիւրաւոր գարոցներ, չթողեց ժողովրդի մէջ լոյսի և ոչ մի կայծ. ինքը կառավարութիւնը ոչինչ չէ տալիս միլիօնաւոր ազգաբնակութեան, որը փթում է ագիտութեան մէջ, զո՛հ գնում տարափոխիկ հիւանդութիւնների. ինքը կառավարութիւնը գանձարանից մի ուրբի չէ ծախսում ժողովրդին մի գիրք, մի բրոշուր, մի տպած թերթ տալու համար, և երբ այս նոյն հոգսը իր վրայ է վերցնում մի ընկերութիւն՝ կօպէկ-կօպէկ հաւաքած փողերով, անդամավճարներից, երեկոյթներից և նւէրներից կազմւած գումարով, — նոյն այդ կառավարութիւնը արգելում է, կնիք գնում նրա գոնների վրայ և յայտարարում փակւած, իբրև փնտսակար, վտանգաւոր . . .

Ի՞նչ անուն տալ այդպիսի մի կառավարութեան:

Բնորոշ մի յիշողութիւն: Արանից տարիներ առաջ՝ Պետերբուրգից սենատորական քննիչներ ուղարկեցին նոր նւաճւած նահանգները: Եւ փաստերը քննելուց յետոյ, երբ „գերազանցութիւններից“ մէկը պատրաստում էր իր զեկուցումը՝ թէ „ամեն ինչ կարգին է“, աւելացնելով, որ „միապետութեան և ուսաց յաղթական զօրքի շնորհիւ ցիվիլիզացիան քայլառքայլ առաջ է գնում“, միւսը՝ խղճահարւած, տարւած գէթ մի անգամ ճշմարտութիւն ասելու փափագով, համբերութիւնից դուրս եկած՝ բացականչեց. „Աւա՛ղ, մենք տարածում ենք ոչ թէ ցիվիլիզացիա, այլ սիֆիլիզացիա“ (մի բասպրօստրանիակամ նէ ցիվիլիզացիու, ա սիֆիլիզացիու): Գառն, բայց միշտ կենդանի ճշմարտութիւն: Եւ իրօք: Զինւորականութիւնը և կաշառքով յղփացած, չինօվիկութիւնը ամեն աւել, ուր նոր է ոտք դնում, ամենից

առաջ տարածում է այդ տեսակ ախտերը — Ինքը կառավարութիւնը, գրողւած „պետական տեսակէտներից“, գանձարանից ահագին փող է ծախսում նոր երկիրները մեծ թւով կանաչ ուղարկելու, որպէսզի նրանք իրենց տաք գրկի մէջ հալեցնեն այն սառնու-թիւնը, որ նւաճւած երկրների ազգաբնակութիւնը ցոյց է տալիս տիրող բռնապետութեան: Անտրո-նից բղտող առաջին հոսանքն է այդ: Եւ երբ հասարակաց աների, գինեփածառանոցների և շինօվնի-կական անբարոյականութեան միջոցով սիֆիլիսը՝ շնորհիւ „բարեխնամ կառավարութեան“, աւերմունքներ է գործում նահապետական բարբերով սնւած անկիւններում, ու այդ ընդհանուր շփոթի մէջ գուրս են գալիս ընկերութիւններ, խմբեր, որոնք բրօշուրների միջոցով — որպիսի՛ անմեղ միջոցներ — փորձում են կուլել այդ աւերիչ ախտի դէմ: հասկացնել ժողովրդին՝ թէ ինչ վտանգ է սպառնում նրան, — միահեծան կառավարութիւնը փակում է այդ հիմնարկութիւնները, իբրև վնասակար, հաստատելու համար այն խօսքը, թէ՛

„Մենք տարածում ենք ոչ թէ ցիւլիլիզացիա, այլ սիֆիլիզացիա“:

Թող տարածւի ախտը. խաւարի և ապականութեան մէջ թող ամբողջ գիւղեր և քաղաքներ փթեն, միայն թէ չորանայ վտանգի աղբիւրը — գիրքը, որի իւրաքանչիւր տառը նկատոււմ է իբրև միկրոբ, որ ձգտում է կրծել, աւերել միահեծան իշխանութեան հիմքերը, նրա հանգիստ ապագան . . .

ԹԵՄԱԿԱՆ ԴՊՐՈՑՆԵՐ

(ՏԼԱՄՆԵՐՈՐԴ ՆԸՄԱԿ)

Երկիրդ նախագագուսը. — Թեմական դպրոցների խնդիրը. —
Ինչ է ասում պատմութիւնը. — «Պօլօթենիա». — Գաղտնի կօմիտէի
ծրագիրը. — Պասկեվիչի եւ Բլուզօվի կարծիքը. — Նիկօլայ կայսեր
հրովարտակը. — Կասկածներ թեմական դպրոցների դէմ. — Արգելք
նորերը բանալու. — Ժողովրդական լուսաւորութեան մինիստրու-
թեան բացատրութիւնը. — Բաղաքական ականներ:

Անցորդը կարգում է՝

«Ն ե ը ս ի ս ե ա ն շ ա յ ո ց շ ո գ ե լ ո ր Գ պ ր ո ց»:

Եւ զարմացած նայում է թիֆլիզի ժողովրդական
փողօցներից մէկի վրայ կառուցւած անշուք, համարեա
կիսաքանդ շէնքին, որի ճակատին դրած է հայոց դրպ-
րօցի գունատ ցուցանակը: — «Միթէ այս է Ներսիսեան
դպրոցը», մրմնջում է նա: Անշուք դրսից, անշուք ներսից,
զուրկ ամենափոքրիկ յարմարութիւնից, անհրաժեշտ
դպրոցական ամեն մի հիմնարկութեան: Եւ ամեն մի հայ
իրաւամբ սպասում ու պահանջում է, որ նիւթապէս հա-
րուստ դպրոցի վարչութիւնը հոգար եթէ ոչ շքեղու-
թեան, գէթ առողջապահիկ տարրական յարմարութեան
մասին, այնքան պարտաւորական մատաղ սերնդի ֆի-
զիքական զարգացման համար: Հոգացել են և շարու-
նակում են հոգալ: Տասն տարի է ծրագիրն են կազ-
մում, նոր շէնքի տեղ և մակարդակ են պատրաստում,
անվերջ լուրեր, թէ դպրոցի վարչութիւնը շուտով նոր
շինութեան պիտի ձեռնարկի — բայց ապարդիւն: Այս

անմեղ, անվնաս խնդրի մէջ էլ աներեւոյթ արգելք կայ: Եւ իբրև հետեանք այս արգելքի, հասարակութեան մէջ պտտում են անհաւատալու չափ տարօրինակ շրջուկներ: Կաթողիկոսը՝ տեղեակ կառավարութեան տրամադրութեան, չէ թոյլատրում նոր շէնքի կառուցումը. — ստում են շատերը: Եւ ինչո՞ւ կառուցանել, քանի որ դպրոցի գոյութիւնն իսկ կասկածի և վտանգի է ենթակայ, — պատասխանում են միւսները: „Թեմական դպրոցներն էին մնացել, հիմի էլ նրանց օձիքից են բռնում“ — ահա սովորական, առօրեայ, յուսահատական խօսքերը, որ լուում են ամեն կողմից:

Թեմական դպրոցներ, — ահա հերթական զոհը:

Այն օրից, երբ անարգարութեան ներկայացուցիչները կարողացան ամենամանողորմ միջոցներով փակել տալ հայոց ծխական դպրոցները, թուով հարիւրաւոր, այդ նոյն օրից նրանք դարձրին իրենց աչքերը դէպի կանգուն մնացածները, դէպի հայոց հոգևոր դպրոցները, կամ, ինչպէս պաշտօնապէս անւանում են, դէպի „հայրուսաւորչական սեմինարիաները“: Այստեղ էլ, ինչպէս միշտ, նոյն տաքտիկը — սկզբում ակնարկ՝ թէ նրանք ոչ մի կանոնադրութեան չեն ենթարկւում, ապա կասկածներ՝ թէ նրանք հակակառավարչական են, ապա՝ եղած արածութիւնների զրկումն, և ի վերջոյ այն, որ կազմում է բռնութեան վերջնական գործողութիւնը — „Փակեցէք, թէ չէ՝ փակել կը տանք ոստիկանութեան միջոցով, զէնքի ուժով“:

Ահնարկը արդէն եղաւ:

1900 թւի դպրոցական հաշտութեան մէջ կովկասեան ուսումնարանական շրջանի հոգաբարձու Եանօվսկի ահա ինչ ասաց „հայոց սեմինարիաների“ համար:

„Չորս դպրոցական հաստատութիւններ, որոնք ենթակայ են Եջմիածնի հայ Լուսաւորչական Սինոդին, նշանաւոր են նրանով, որ միակն են ամբողջ Ռուսաստանում, որոնք գոյու-

Թիւն ունեն՝ առանց կառավարութիւնից հաստատուած կանոնադրութեան, չնայած՝ որ նրանցից ամենակրտսերը հիմնւած է 27 տարի առաջ, իսկ աւագագոյնը, Թիֆլիզի սեմինարիան, բացւած է 1821-ին, այսինքն 79 տարի առաջ՝:

Այդ խօսքերով հայոց դպրոցների 25 տարւայ երգւեալ թշնամին, ի հարկէ որոշ նպատակով, համաձայն նորագոյն հրահանգների, փորձեց հիմք դնել բացարձակ յարձակման, որի հողը նա պատրաստել էր տարիներից ի վեր՝ գաղանի զեկուցումների մէջ, ծածուկ գրադրութիւններով: Եւ սխալւած չեն նրանք, որոնք ասում են թէ այդ օրւանից արդէն հայոց թեմական դպրոցների խնդիրը սեղանի վրայ է:

Որն է այդ դպրոցների պատմութիւնը:

1836 թւին էր, որ Նիկողայ I կայսրը հրատարակեց հայոց եկեղեցու կառավարութեան հիմն կազմող օրէնագրութիւնը — „Պօլօժենիան“, որի մէջ ասւած է.

Յօդ. 112. „Առ ՚ի կրթութիւն մանկանց լուսաւորչական հայոց եկեղեցւոյ յաստուածարանական գիտութիւնս՝ հաստատին և վանս Էջմիածնի և յուրաքանչիւր լուսաւորչական հայոց վիճակս Ռուսաստանի հոգևոր դպրոցը“:

Յօդ. 113. „Հոգևոր դպրոցն, որ ՚ի վանս Էջմիածնի, կայ ընդ անմիջական տեսչութեամբ լուսաւորչական հայոց պատրիարք-կաթողիկոսին, իսկ այլ միւս դպրոցք կախին զվիճակային իշխանութեանց“:

Որպէսզի պարզ լինի այդ երկու յօդւածների ներքին իմաստը, անհրաժեշտ է մտնել մի քանի պատմական բացատրութիւնների մէջ:

Երբ Էջմիածինը վերջնականապէս ընկաւ ռուսաց տիրապետութեան տակ, Պետերբուրգի կառավարութեան գործերից մէկը եղաւ որոշ օրէնքների տակ դնել հայոց եկեղեցու վարչութիւնը: 1829 թւի մարտի 15-ին, մինիստր Բլուդով հաղորդեց Թիֆլիզ, Աովկասի կառա-

վարիչ կուս Պասկեվիչին, Նիկոլայ կայսեր ցանկութիւնը՝

„ . . . Պատրաստել հայ-լուսաւորչական եկեղեցու կանոնադրութեան մի նախագիծ՝ կարելոյն շափ պահպանելով նրա նախկին օրէնքներն ու ծէսերը, որ անշուշտ շատ թանկ են ազգի համար“:

Այդ թղթի հիման վրայ, Պասկեվիչ թիֆլիզում հաստատեց մի գ ա ղ ա ն ի կ օ մ ի տ է, որի պաշտօնը պիտի լինէր կազմել Պօլօթենիայի ն ա խ ա գ ի ծ ք: 1830 թ-ի յունւարի 8-ին՝ գաղանի կօմիտէին տւած ծածուկ հրամանագրի մէջ՝ Պասկեվիչ, ի միջի այլոց, այսպէս է նկարագրում իրերի դրութիւնը.

„Նախկին Մեծ-Հայաստանի՝ ուսաց կայսրութեան հետ միանալով՝ Էջմիածնի աթոռը և նրա հետ հայոց եկեղեցու գործերի ծայրագոյն կառավարութիւնն այժմ գտնուում են Ռուսաստանի սահմաններում: Հաւատի պաշտամանն ազատ թողալու թիւնը մեր բարերար արքաների առաջին կանոններից մէկն է: Ընդունելով իր հովանաւորութեան ներքոյ մի որևէ դաւանութիւն, կառավարութիւնը պարտաւոր է համարում՝ մտնել նաև ի տեսութիւն եկեղեցու վարչական գործերի ներկայ դրութեան:

„Հաստ լինելով հայոց եկեղեցու գործերի բնթացքին, ցաւելով տեսնում ենք, թէ որքան շեղւել է նա նախկին սահմանադրութիւններից և նախաւանդ կանոններից: Ամենքին յայտնի են այն անկարգութիւնները, որ սպրդել են հայոց հոգևոր գործերի մէջ: Այդ անկարգութիւնները առաջացել են Էջմիածնական աթոռի մահմեդականների լծի տակ նւաճելուց և այն ազդեցութիւնից, որ պարսից շահը ու Խրեանի խաները ունեցել են հայոց եկեղեցու ծայրագոյն կառավարութեան վրայ: Այդ ազդեցութիւնն էր պատճառը, որ կաթողիկոսը և Էջմիածնի Սինօդը, որ հիմնւած էր 1807 թ-ին Պանիէլ պատրիարքից, զրկւելով ունեցած իրաւունքներից, ճնշւած էին իրենց գործողութիւնների մէջ: Այդ ազդեցութիւնը, սկարայնելով հայոց հոգևորականների բարքը, նրանց մէջ երկպառակութիւններ ծագեցրեց. բարձրագոյն հոգևորականութեան անդամները կուսակցութիւնների բաժանւեցին. ներքին անհամաձայնութիւնները՝ աճելով խորամանկ անձանց թելադրութեամբ, որոնք դրա մէջ իրենց շա-

Հերն էին որոնում, տարածւեցին Հեաղհեաղե և միւս հողեւորականների մէջ: Եկեղեցական ստորին պաշտօնեաները առհասարակ յետին ազիտութեան մէջ են դանւում և նրանց թիւը այնքան բազմացել է, որ ծանրաբեռնում է ժողովրդին: Մե քանի վանքերի արեղաներ, որոնց Հեա անտանելի խտութեամբ են վարւում, պատրաստ են թողնել մենատանները և ջրւել, այն ինչ եկեղեցու արգիւնքները, որոնց քանակութեան մասին տեղեակ չեն ոչ Սինոդը և ոչ ծայրագոյն պատրիարքը, ժողովում են և վատւում ինքնակամ՝ ըստ հաճոյից և առանց հաշի, միանգամայն չժառանգելով իրենց նպատակին: Առ մ աւ ո թ ր անւանւած նւերները ժողովելիս՝ հաղարաւոր անկարգութիւններ են կատարւում. զանազան պատճառաբանութեամբ, սպառնալիքներով, բռնութեամբ, մինչև անգամ՝ բանադրանքով՝ կորզում են քաղաքների և գիւղերի խեղճ ու աշխատասէր բնակիչներին նշանաւոր գումարներ, որ գործ են դրւում ոչ թէ քրիստոնէական ձեռնարկների համար, այլ փառասէրների հաճոյքին բաւարարութիւն սալու: Տաճարները և մենատանները ամայութեան մէջ են, և անխնամ մնացած՝ փոքր առ փոքր քայքայւում են:

Քնդունելով, թէ հայոց գործերի այսօրինակ դրութիւնը չպէտք է այլևս այսպէս մնայ, քանի որ յիշեալ եկեղեցին ազատւած է անհաւատների լծից և ազդեցութիւնից, և թէ այս տեսակ խանդարմունքների շարունակելուց կարող են շատ անախորժ հեռեանքներ յառաջանալ, — ես ինձ պարտաւոր համարեցի հաղորդել օտար դաւանութիւնների մինիստրութեանը՝ այս խնդրի մասին իմ ունեցած մի քանի մտադրութիւնները, որ և մինիստր Բյուզով գեկուցել է Թագաւոր Ասյսեր: Նորին Ասյսերական Մեծութիւնը՝ 1828 թւի դեկտեմբերի 25-ին բարեհաճեց հրամայել, որ օտար դաւանութիւնների մինիստրը արտաքին գործերի մինիստրի հետ միասին կազմեն ընդհանուր կանոններ, որոնց վրայ պիտի հիմնւի զլսաւոր հոգևոր կառավարութիւնը Եջմիածնում:

„Ենթադրելով, որ այսպիսի մի վսեմ խնդիր պահանջում է, որ ջանասիրութեամբ և ուշադրութեամբ քննւի ու մըշակւի, ես կարևոր համարեցի այդ նպատակով կազմել մի առանձին դաղանի կօմիտէ“:

Հրամանագիրը եզրակացնում է այսպէս.

„Պէտք է բարոյապէս բարձրացնել հողևոր աստիճանը և

այդ եղանակով աւելացնել նրա յարգանքը ժողովրդի աշ-
քում, որպէսզի հոգևորականութիւնը կարող լինի իր սեփա-
կան օրինակով ամրապնդել բարոյականութիւնը ժողովրդի
մէջ: Գրա համար հարկաւոր է կշռադատել՝ թէ ինչ եղանա-
կով հիմնեն դպրոցներ, որ կարող լինեն պատրաստել հո-
գևոր կոչման նւիրող հայերին:

Այս քաղաքներին շատ պարզ է, թէ ինչ նպա-
տակի պիտի ծառայէին հայոց հոգևոր դպրոցները, որոնց
հիմնարկութիւնը, իբրև օրինական կարիք, մտցրած է
Պօլստենիայի մէջ և շեշտած նոյն իսկ ռուս կառա-
վարութեան կողմից:

Պօլստենիան աւելի հիմնաւոր դարձնելու համար՝
Պետերբուրգում չբաւականացան Թիֆլիզի գաղտնի կօմի-
տէի և Պասկևիչի ծրագրով, որ շատ թերի էր և վայրի-
վերոյ: Մայրաքաղաքում կազմեց մի յատուկ կօմիտէ,
որը մի քանի տարի գործ դրեց այդ ծրագիրը մշակե-
լու վրայ՝ աշխատելով, որքան կարելի է, յարմարել
հայոց եկեղեցու կարգերին և դրա հետ միասին բար-
ձրացնել Էջմիածնի և նրա կաթողիկոսի վարկը՝ „քա-
ղաքական տեսակէտով“ իսկ: Ծրագիրը ներկայացւեց
մինիստրների խորհրդի քննութեան և վերջապէս 1836
թւի մարտի 11-ին՝ Նիկօլայ կայսրի հաստատութեան:
Կայսրը այս առիթով ուղղեց կառավարիչ սենատին հե-
տևեալ հրովարտակը.

«Սյն օրից, որ Հայաստանեայց եկեղեցու ծայրագոյն
պատրիարքի և ամենայն հայոց կաթողիկոսի աթոռանիստ
եղած Էջմիածինը մեր գօրքերի ձեռքով գրաւեցինք և հայոց
աշխարհի հետ միատեղ Մեր կայսրութեան մասը դարձրինք,
հարկ համարեցինք այդ եկեղեցու գործերի և պաշտօնեա-
ների կառավարութիւնը հաստատուն և բացայայտ սկզբ-
բունքների վրայ դնել: Ուստի հրամայեցինք, որ բուն իսկ
տեղի վրայ ամբողջ Սահմանադրութեան մի նախագիծ պատ-
րաստի Հայաստանեայց եկեղեցու գործերի կառավարու-
թեան համար, և դրա հիմք լինեն նոյն եկեղեցու սեփա-

կան վաղեմի կարգադրութիւնները՝ համաձայնեցրած Մեր կայսրութեան ընդհանուր օրէնագրութեան հետ:

« Նախագիծը, պատրաստուելուց յետոյ՝ Մեր հրամանովը կազմեա՞ծ մի յատուկ ժողովի քննութեան տակ ձգուեց. յետոյ նորից էջմիածին ուղարկուեց, որպէսզի նայուի, թէ պատշաճ եւ ամբողջ է արդեօք, եւ միանգամայն նրա մի քանի յօդուածները վերաբերմամբ կաթողիկոս հայրապետի հետ խորհրդակցուի:

« Իսկ այժմ՝ նոյն Սահմանագրութիւնը Մեր կայսերական խորհրդարանի մէջ նորից քննեա՞ծ լինելով, հաստատուի ենք այն, եւ այս հրովարտակի հետ միատեղ կառավարիչ սահմանին ուղարկելով՝ հրամայուի ենք, որ հարկ եղած կարգադրութիւնները կատարուեն »:

11 Մարտ 1836

ՆԻԿՈՒՅՑ

Ս. Պետերբուրգ

1836 թւի ապրիլի 23-ին մի յատուկ գրութեամբ՝ մինիստր Բլուզով հաստատուած Պօլօժենիան ուղարկեց Կովկասի կառավարիչ Բարոն Բօլէնին՝ հասցնելու Յովհաննէս կաթողիկոսին ի գործադրութիւն, խնդրելով հաղորդել, թէ ինչպէս պիտի սկսուի գործադրութիւնը: Բարոն Բօլէն, կատարելով այդ յանձնարարութիւնը, խնդրեց կաթողիկոսից հաղորդել, թէ ինչ եղանակով է ուղում սկսել իր ձեռնարկները: Յովհաննէս կաթողիկոսը պատասխանեց և սեմինարիաների վերաբերմամբ յայտնեց հետևեալը.

« Թեմական առաջնորդներին կը յանձնուի որոշել, թէ եղած արդիւնքներով որտեղ պատշաճ կը համարեն հիմնել Պօլօժենիայի պահանջած հոգևոր սեմինարիաները, եւ կազմել թէ աւանգելիք ուսման եւ թէ ներքին վարչութեան ծրագիրը եւ այդ բոլորը ներկայացնել Սինօդին՝ ի հաստատութիւն »:

Գաննելով այդ կարծիքը համապատասխան Պօլօժենիային և ցանկալի, Բարոն Բօլէն իր կողմից, 1836 թւի հոկտեմբերի 27-ին, զեկուցեց մինիստրին՝ կրկնելով, որ „սեմինարիաներ բանալու և կանոնագրութիւնը պատ-

բաստելու հոգսը պէտք է, ըստ Պօլօթենիայի, յանձնել թեմական առաջնորդներին՝, աւելացնելով նաև որ՝

« Թեմերի միւս տեղերումն էլ կարելի կը լինի, համաձայն միջոցների եւ պահանջի, հաստատել գաւառական եւ ծխական հոգեւոր դպրոցներ: Իսկ էջմիածնում օգտակար կը լինէր բանալ բարձրագոյն հոգեւոր ուսումնարան՝ Ա. կ ա գ ե միա անունով: Ա. կ ա գ ե միայի նպատակը պիտի լինի պատարաստել հոգեւոր հովիւներ՝ բարձր պաշտօններ վարելու թէ Թեոսաստանում եւ թէ մանաւանդ արտասահմանում, ուր նրանց լուսաւորել ազդեցութիւնը այնտեղի հայերի վրայ համապատասխան կը լինէր մեր կառավարող թեան նպատակն երիւն »:

Բարօն Բօղէնի գրութեանը մինիստր Բլուզով պատասխանեց նոյն 1836 թւի դեկտեմբերի 13-ին: Համաձայնութիւն յայտնելով Բօղէնի կարծիքներին, մինիստրը իր կողմից շեշտում է.

« Թեմական առաջնորդների կարգադրութիւնները՝ սեմնարիաներ հաստատելու, ինչպէս եւ նրանց մէջ աւանդելիք ուսման շափ ու եղանակի մասին, պէտք է ներկայացուեն Սինօզին՝ ի հաստատութիւն »:

Իսկ ահագեմիայի մասին ասում է.

« Ձեր մտադրութիւնը՝ էջմիածնում Ա. կ ա գ ե միա անունով բարձրագոյն հոգեւոր վարժարան հաստատելու մասին, ըստ իր նպատակին, ի հարկէ շատ օգտակար է: Բայց իրադործել այդ միտքը, իմ կարծիքով, կարելի կը լինի միայն այն ժամանակ, երբ կը հիմնուեն եւ կարելոյն չտփ կատարելագործութեան կը հասնեն հայոց սեմնարիաներ եւ ուսումնարանները, որ գրեթէ չկան մեզանում »:

Հարցնում ենք.—

Ի՞նչ են ցոյց տալիս այս քաղաքները, այս պաշտօնական դօկումենտները: — Շատ բան, որոնց հասկանալը, տարաբախտաբար, պարտաւորական չէ արդի պօլիտիկոս-չինօֆիկներին, որոնց համար վաղուց գոյութիւն չունի ո՛չ պատմաւորութիւն եւ ո՛չ էլ պատմա-

կան տրամաբանութիւն: Բայց մի բան, որ նրանք պէտք է հասկանան, այդ այն է, որ հայոց դպրոցների և յատկապէս սեմինարիաների բացումը հայոց հոգևորականութեան „ապօրէն“ ձեռնարկը չէր, այլ հետեանք յայանի, դրական և նոյն իսկ ստիպողական որոշումների, որոնք ծառայել են թէ իբրև հիմք Պօլօժենիայի և թէ նոյն իսկ մտցրած են նրա մէջ իբրև կանոն, իբրև օրէնք, որը գործադրուած է այսբան տարի, 1836 թւականից ի վեր:

Օրէնքի համաձայն բացւած հայոց հոգևոր սեմինարիաները այժմ չորս են. — Ներսիսեան դպրոցը Թիֆլիզում, հիմնւած Ներսէս Աշտարակեցու ձեռքով՝ 1824 թւի դեկտեմբերի 1-ին, Երևանի թեմական դպրոցը՝ հիմնւած 1837 թ. սեպտեմբերի 2-ին, Շուշու կամ Ղարաբաղի թեմական դպրոցը, Նոր-Նախիջևանի հայոց սեմինարիան՝ հիմնւած 1879-ին, բացի դրանից կայ Էջմիածնի հոգևոր ձեմարանը՝ հիմնւած Գէորգ կաթողիկոսի ձեռքով 1876-ին:

Պօլօժենիայի համաձայն՝ իւրաքանչիւր թեմ պէտք է և կարող է ունենալ իր կենտրոնական, հոգևոր թեմական դպրոցը: Այդ թեմերը վեց են, — Բեսարաբիա-Նախիջևանի, Աստրախանի, Թիֆլիզի կամ Արաստանի, Երևանի, Շուշու և Շամախու թեմեր: Շամախու և Աստրախանի թեմերը մինչև այժմ էլ չունեն թեմական դպրոցներ: Աւերջինում մի քանի տարիէ արդէն, ինչ փորձեր են լինում հիմնելու հայոց սեմինարիա, սակայն դժւար թէ կառավարութեան այժմեան թշնամական տրամադրութեան ժամանակ ամողլի այդ գործը: Այդպիսի կարծիք յայանելն անհիմն չէ, որովհետև սրանից մի քանի տարի առաջ, երբ փորձ եղաւ հիմնելու Բագուում Շամախու թեմի սեմինարիան, կառավարութիւնը ոչ միայն անհամակիր եղաւ, այլև՝ քաղաքական խորհրդաւոր՝ կասկածի տակ դրեց խորէն կախկո-

պոս Ստեփանէին, որը գնացել էր Բագու՝ հանգանակութիւն սկսելու այնտեղի հայերի շրջանում յօգուտ ապագայ դպրոցի: Հսկողութիւնն ու կասկածը այնքան սաստկացան, որ հանգանակիչ եպիսկոպոսը ստիպւեց թերատ թողնել սկսած գործը, մի քանի ամիս յետոյ «բացատրութեան» ենթարկւեց կառավարչապետի պալատում և ի վերջոյ մտցրեց «կասկածելի» հայերի ցանկը . . .

Գաղանիք չէ այլևս, որ հակառակ նոյն իսկ Պօլօթե-նիայի, այսինքն հակառակ գոյութիւն ունեցող օր է ն.ք ի, կառավարութիւնը չի ուզում թոյլատրել նոր սեմինարիաների բացումը և իբրև լօգիկական շարունակութիւն այդ «բաղաբականութեան» ձգտումն է ցոյց տալիս նոյն իսկ եղածները ս ղ մ ե լ, կամ եթէ կարելի է՝ փակել, ինչպէս այդ արդէն պարզ երևում է նորագոյն փաստերից և գաղանի գրագրութիւններից:

Այդ նպատակին հասնելու բոլոր միջոցները բացարձակապէս ապօրինի են, խարդախ և նոյն իսկ բռնաւոր: Հայոց սեմինարիաները երէկ չէ, որ հիմնւած են. նրանցից մէկը արդէն տօնեց իր 75-ամեակը, միւսը՝ իր 50 ամեակը, երրորդը՝ իր 25-ամեակը: Այդքան տարիների ընթացքում նրանք ղեկավարւել են որոշ կանոնադրութիւնով՝ մշակւած թեմական առաջնորդների ձեռքով, հաստատւած Սինօդի և կաթողիկոսի կողմից և հաղորդւած բարձր կառավարութեան ի վաւերացումն: Այդ կանոնադրութիւնները հրատարակւած են և քաջ յայտնի են թէ՛ հասարակութեան և թէ՛ կառավարութեան գործակալներին: Հարց. ինչ հիման վրայ, այն՝ ինչ անկանոն և ապօրինի չէ եղել 75-50-25 տարւայ ընթացքում, այժմ, տարիների ահագին շարքեր անցնելուց յետոյ, յանկարծ դառնում է ապօրէն, անկանոն, նոյն իսկ անթոյլատրելի:

Միամիտ չլինենք: Այս բոլորի արմատը ա ն կ ա -

ն ո ն ու թ ե ա ն մէջ չէ, այլ «քաղաքականութեան»
մէջ, որի աւերիչ քամին այնքան ուժգնութեամբ է
փչում վերջին տարիներում,— մի քամի, որի ստեղծած
հոսանքը այժմ ապօրինի և անկանոն է համարում այն
բոլորը, ինչի հետ կապւած է հայոց կաթողիկոսի, Էջ-
միածնի կամ ուէ թեմակալի անունը, որ չի վարանում
քարոզելու, թէ այն, ինչ վճռւում և կարգադրում է
Էջմիածնի մէջ, ապօրինի է, անվստահելի և կասկածելի,
մոռանալով, որ նոյն այդ Էջմիածնի մէջ է հաստատւած
հռչակաւոր պրօկոլօրը — «կառավարութեան
աչքը», որ տեսնում է ամեն բան, զեկուցանում է ուր
հարկն է ամեն մի շարժւածք և դնում է իր վետօն,
երբ անցած-դարձածը դուր չէ գալիս ոչ միայն օրէն-
քին, այլ և իր քմահաճոյքին, տրամադրութեանը:

Ապօրինութիւն . . .

Գա հերեւած է, նազլ, առակ: Գա փոշի է՝ բռնու-
թիւնը ծածկելու: Սովորական միջոց այժմեան Ռուսաս-
տանում՝ պատճառաբանելու ուէ չափից դուրս անար-
դար և անխիղճ արարք: Գրան դիմում են ամենքը:
Գրան դիմեց հարիւրմէկերորդ անգամ և «Եանօվսկին
ու ընկ.», թեմական դպրոցների հարցում հրապարակ
պցելով կ ա ն ո ն ա դր ու թ ե ա ն ինդիքը: Գրան կը
հետեւեն յաջորդաբար «քաղաքական կատակերգու-
թեան» միւս գործողութիւնները, որպէսզի ամեն ինչ
կատարեալ լինի:

Այդ գործողութիւններից մէկը արդէն տեղի ունեցաւ:
Ահա թէ ինչ հաղորդեց նորերս Պետերբուրգի մամուլը:

«Ժողովրդական լուսաւորութեան մինիստրը պարզա-
բանեց, որ հայ-լուսաւորչական սեմինարիաները ևւ ճեմա-
բանը աւարտածները իրաւունք չունեն՝ 1) Գ ա ո ա տ ու
լ ի ն ե լ հ ա յ ո յ ե կ ե ղ ե ց ա կ ա ն ծ ի ս ա կ ա ն դ ը ս Վ-
ր ո ջ ն եր ու մ եւ 2) Ա զ ա տ մ ն ա լ զ ի նւ ռ ր ա-
կ ա ն ծ ա ո ա յ ու թ իւ ն ի ց »:

Գա Տրապարակական և միաժամանակ պաշտօնական մի անամօթուծիւն է, որ իրեն թոյլ է տալիս մինիստրութիւնը: Այո՛, անամօթուծիւն: Որո՞նք են այն եկեղեցական-ծխական դպրոցները, որտեղ իբրև թէ դասատու պիտի լինեն Տայոց թեմական դպրոցներից և ճեմարանից աւարտողները: Նրանք փակւած են դեռ 1897 թւին, նոյն մինիստրութեան գիտութեամբ և հաւանութեամբ: Իսկ այն մի քանի կիսակենդան ուսումնարանները, որոնք վերաբացւեցին, արդէն կատարելապէս ենթարկուում են կառավարչական իշխանութեան, և ոչ մի մարդ չէ կարող այնտեղ ուսուցիչ լինել՝ առանց ուսումնարանական շրջանի հոգաբարձուի համաձայնութեան, առանց որոշ ցենզի, որը ձեռք բերելու համար սեմնարիա աւարտողները պէտք է յատուկ քննութիւն տան ուսաց դպրոցներում: Ի՞նչ միտք ունի ուրեմն այս ուշացած „պարզաբանութիւնը“, մինիստրական այս ստախօսութիւնը:

Մնացել էր միւս արտօնութիւնը — զինւորական ծառայութեան արտօնութիւնը: Քիչ յետոյ այդ էլ ոչնչացրւեց: — Երբ 1887 թւին կոկկասը ենթարկւեց զինւորագրութեան, Տայոց թեմական դպրոցները և ճեմարանը, իբրև միջնակարգ դպրոցներ, յատուկ օրէնսդրութեամբ ստացան նոյն արտօնութիւնը, ինչ որ ուսաց սեմնարիաները, կաթոլիկ հոգևոր դպրոցները և միջնակարգ պետական վարժարանները, — այն է՝ այդ հիմնարկութիւններն աւարտողները իրաւունք ունեն ծառայելու ոչ թէ հինգ տարի, այլ միայն 2 տարի: Այդ օրէնսդրութիւնը հրատարակելուց հազիւ 13 տարի անցած, կառավարութիւնը՝ Տայոց սեմնարիաներին վերջին հարւածը տալու համար՝ զրկում է նրանց այդ իրաւունքից ևս:

Գարձնել թեմական դպրոցները ա ն ն պ ա տ ա կ ու զուրկ արտօնութիւններից և այդպիսով ստի-


պել ժողովուրդին չգիմել դէպի այդ հիմնարկութիւնները,
— ահա այդ բռնաւոր խարդախութեան նպատակը:

„Ահանը լաւ փորելու“ համար՝ կ ա ս կ ա ծ ն եր
յարուցանելու գործն էլ չէ մոռացւած: Քանի մի տարի
առաջ, երբ Շերեմետեւ մեռած էր և կառավարչապետի
պաշտօնը ժամանակաւորապէս վարում էր իշխան Ամի-
լախովարի, վրացի զօրապետը, յայտնի շրջաններում յար-
մար ժամանակ համարեցին մի քանի հարւածներ ևս
տալ, լաւ համոզւած, որ իշխան Ամիլախովարի՝ ան-
տեղեակ գործերին, պիտի ստորագրի... Եւ ահա մի օր՝
իշխան Ամիլախովարի ստորագրութեամբ հրաման է գա-
լիս Թիֆլիզի Ներսիսեան դպրոցի վարչութեան՝ անմի-
ջապէս արձակել երկու ուսուցիչ՝ աւարտած ուսաց
համալսարանում, իբրև քաղաքականապէս անվստահելի
մարդիկ: Հրամանը խկոյն կատարւեց: Սարքոյները հըրձ-
ւանքի մէջ էին: Երկու հարւած մի անգամից. — նախ
մի ապացոյց, որ թեմական դպրոցներից մէկը անվստա-
հելի ուսուցիչներ է պահում, և երկրորդ՝ մի հարւած
կաթողիկոսին, որ իրեն „երևակայում է“ թեմական
դպրոցների լիազօր տէր և պատասխանատու... Արձակ-
ւած ուսուցիչները, սրտաբեկ, յուսահատ մտածում էին՝
„Ինչո՞ւ համար, ի՞նչ ենք արել“: Աչդից ոչ մի բա-
ցատրութիւն: Եւ ահա մի օր նրանցից մէկը, յոյս դրած
պաշտօնականութեան վրայ, գիմում է իշխան Ամի-
լախովարիին խնդրելով՝ բացատրել իր յանցանքը: — „Ես
ինքս էլ չգիտեմ“, պատասխանում է բարեմիտ ծերու-
նին՝ յուզւած մի այսպիսի խիստ կարգադրութիւնից, որի
պատճառը իրեն բոլորովին յայտնի չէր, թէ և կրում էր իր
ստորագրութիւնը: — „Ես կը հարցնեմ Միգիկովիչին, դիւա-
նատան կառավարչին“, աւելացնում է նա: Եւ երևի հար-
ցրեց ու նրան պատասխանեցին, որ „այդպէս պիտի լի-
նէր“... Աւ ծերունին խոնարհւեց „հայրենիքի պաշտպան-
ների“ անբացատրելի բացատրութեան առաջ...

Այդ փաստը միակը չէ: Ուսուցիչներ հեռացնելու կամ չընդունելու ուրիշ շատ դէպքեր են եղել: Մէկին չեն թող տալիս ուսուցիչ կարգել, որովհետեւ Եւրոպա է ուսում առել. միւսին առաջարկում են չընդունել, որովհետեւ ոստիկանութիւնը լաւ կարծիք չունի նրա մասին. մի ուրիշը չէ կարող դասեր տալ, որովհետեւ ուսանող ժամանակ „ազատ մտքեր“ է դաւանել և այլ հազար ու մի պատուականք: Կասկածելի է նոյն իսկ աշխարհական տեսուչ նշանակելը: Վստահութիւն չկայ ոչ միայն դէպի ուսուցիչները, այլ և սովորող պատանիները: „Հայոց սեմինարիան է աւարտել“, տկնարկում է բաղմախորհուրդ կերպով ոստիկանը: Կասկածելի է մինչև իսկ — ո՛հ, որքան դժւար է հաւատալ — դպրոցական նոր շինութիւն կառուցանելը:

Կառավարութիւնը միջամտում, արգելում է ամեն ինչ, իսկ օրէնքի մէջ շարունակում է գոյութիւն ունենալ այն դատարկ խօսքը, թէ թեմական դպրոցների կամ ճեմարանների տէրը և պատասխանատուն հայոց կաթողիկոսն է կամ հոգևոր իշխանութիւնը... մինչև որ կը հասնի բացարձակ հարւածի ժամը, երբ ներքին գործերի մինիստրը կը յայտարարէ. „Հրատարակւած է նոր ծրագիր հայոց թեմական դպրոցների համար. — այդ ծրագրով բոլոր առարկաները պիտի աւանդւեն ուսերէն, բացի լուսաւորչական կրօնը և հայոց լեզուն“: Եւ մի քիչ յետոյ մի ուրիշ հրաման՝ ուղղած ոստիկանութեան. „Փակել հայոց թեմական դպրոցները՝ նոր ծրագիրը չգործադրելու պատճառով“...

Հեռու են արդեօք այդ օրերը:



ԿԱԹՈՂԻԿՈՍՈՒԹԵԱՆ ԾՈՒՐԶԸ

(ՏԱՄՆՄԷԿԵՐՈՐԴ ՆԱՄԱԿ)

Դարերի կոթողը . — Գրո՛ն մանմեղական տիրապետութեան դէմ . — Ներսէս Աշտարակեցու դիմումը հայութեան . — Էջմիածնի համակրանքը դէպի ոռւսաց տիրապետութիւնը . — Թիւրքահայերի քաղաքական արժէքը . — Մատթէոս եւ Գէորգ կաթողիկոսների շրջանը . — Հարւածներ Էջմիածնի իրաւասութեան . — Փաստներ . — Բարօն Նիկօլայի գաղտնի զեկուցագիրը:

Ճամբորդի աչքերը ուղղած են դէպի Մասիս, դէպի վեհապանծ, գեղանի լերան բարձր գագաթը:

— Հրէ՛ն է . . .

Եւ նա դարձնում է աչքերը դէպի ներքեւ, նայում է դէպի առաջ, ուր, հեռաւորութեան աղօտի մէջ, նկարուած են սրածայր գմբէթներ, կարծէք, օգի մէջ հաստատւած:

Եւ գեղջուկը խաչակնքում է երեսը:

Մասիսի դարևոր ընկերն է դա, Էջմիածինը: Հին-հին դարերի ժառանգ, արիւնով ու կրակով շաղախուած մի հնութիւն, որ հաւատացեալ հօտին այնքա՛ն դժբախտութեան հետ միասին՝ կրօնական պայքարի այնպիսի խորունկ ուժ ներշնչեց, մնաց դիմացկուն, համբերատար բիւրաւոր փոթորիկների դիմաց, յաճախ անզգայ՝ ինչպէս ձիւնապատ կատարը հարեան հսկայի . . .

Տասնեհինգ դարու պատմութիւն կայ այդ աղքատ «քրիստոնեայ» գիւղերի, այդ վանքապատ վայրերի շուրջը: Ահա աւերակներ, ուր, թերևս, հեթանոս Հայաս-

տանը ողբաց իր կործանումը՝ ընկած նորաբողբոյ, բայց մոլեգին վարդապետութեան հարւածներից: Ահա վանքեր, ուր մանուկ քրիստոնէութեան կրակով բռնւած օրիորդներ՝ Շողակաթ, Հռիփսիմէ՝ իրենց անձը դրեցին նրա սեղանի վրայ: Ահա մի ցեխոտ, աղքատ գիւղ — Աղաբաշապատ է դրա անունը, — որ երբեմն հայկական անկախ թագաւորութեան մայրաքաղաքն էր: Ահա քիչ հեռու՝ ինքն այն տաճարը, ուր նորագարձ հօտի բորբուած երեւակայութիւնը հեղինակեց Միածնի Էջըր, կանգուն արձանը այն ատուր պատմութեան, որ կոչւում է քրիստոնէութեան պայքար մահմեդականութեան դէմ...

Արքայն զարհուրելի, որքան կսկծալի էր այդ պայքարը: Գարեր շարունակեց նա, դարերի պատմութիւն կազմեց, դարեր լքցրեց իր արիւնով ու սոսկումներով, իր աներով ու ողբով: Եւ երբ, 19-րդ դարի սկզբին, բորբուած վրիժառու հսկայական կռիւր՝ շափազանց առաջացած մահմեդականութեան դէմ, մի կռիւ, որի առաջապահները կանգնած էին մի կողմից յունական կղզիների վրայ և միւս կողմից Կովկասեան լեռների սահմաններում, բազմատանջ հայկական եկեղեցիին, գլխուս առած իր կենտրոնը — Էջմիածինը — նոյնպէս նեւեց այդ կռւի մէջ:

Եւ այն օրերին, ռուսական զօրքը՝ իբր զօշակակիր ռուս ժողովրդի ցասման՝ ընդդէմ մահմեդական տիրապետութեան, առաջ խաղաց դէպի Կովկաս: Քրիստոնեայ Արաստանի հետ միասին, քրիստոնեայ Արարատեան երկիրն էլ հասած համարեց փրկութեան ժամը: Հայութիւնը իր վրայ առաւ ուղեցոյցի դերը մի երկրի մէջ, որ իր քրախնքով էր ողողւած, բայց որը անձանօթ էր եկւոր տիրապետողին: Արաստանում այդ կատարեց զինասէր ազնւականութիւնը, Հայաստանում՝ խաչակիր հոգեւորականութիւնը, որ

գերիշխող ուժն էր կրօնական պայքարի այդ շրջանում. . . Եւ ժամանակի հայկական ամենաքաջ գործողը, միաժամանակ ամենատաղանդաւոր քաղաքագէտը իր ժողովրդի մէջ, Ներսէս Աշտարակեցին՝ իր ձեռքն առաւ շարժման դրօշը: Երևացին հայ կամաւորների խմբեր: Եւ ոգևորւած Ներսէսը 1826-ին այսպիսի կոչ ուղղեց իր հօտին.

« Հայե՛ր,

Հասնում է ժամը Արարատեան երկրի ևւ հայ ժողովրդի ազատութեան. հասնում է ժամը, երբ նախաթոռ Էջմիածինը պիտի վերականգնէ իր նախկին անկախութիւնը: Ոտի կանգնեցէք, ապստամբեցէք, քաջարի հայեր, թօթափեցէք պարսկական լուծը, ցնծացրէք ալեղարդ Մասիսը, արեամբ ողողեցէք մայրենի երկիրը, ապա ապրեցէք ընդմիշտ ազատ եւ անկախ:

Ժամ է, ժամանակ:

Առաջ. այժմ կամ երբէ՛ք » . . .

Արաքսի սգազգեաց ասերին արթնացող հայութիւնը քաջութիւններ գործեց և ուսսական տիրապետութեան համար իր անձնւիրութեան անջնջելի սպացոյցներ դրօշմեց այն հողի վրայ, ուր պարսիկ աշխարհը օրհասական գալարումներ էր կատարում՝ նահանջի շենթարիւկութեամբ: Երազի օրեր էին: Ներսէսը, իր ոգևորութեան աղբիւր էր շինել այն խոստումները, պաշտօնական և գաղանի, որ տրւում էին Պետերբուրգից, յանուն հայկական ինքնավարութեան Արարատեան երկրում, որը լեցւում էր, շնորհիւ քաղաքագէտ վեղարաւորի, հայ գաղթականներով, եկած պարսկահպատակ վայրերից:

Հայկական ինքնավար նահանգներ, ազատւած եկեղեցի, մահմեդականութիւնից փրկւած Էջմիածին, քրիստոնեայ հովանաւորութիւն, — ո՛հ, որքա՛ն գեղեցիկ թւացին այդ խօսքերը, և որքա՛ն հրապուրիչ՝ ապագայ հեռանկարը . . .

Արարատեան նահանգի տիրապետութիւնից մի քանի տարի միայն անցած, 1837-ին, Նիկողայ I կայսրը այցելեց Էջմիածինը, նորանւաճ երկրի „սիրար“, և „սըրբազան“ ընդ: Նա անցաւ Ախալցխայի վրայով: Այդ փոքրիկ, թիւրքաց ըծից նոր ազատուած քաղաքում՝ կայսրին ներկայացաւ հայկական գաղթականութեան նշանաւոր ղեկավար Կարապետ արքեպիսկոպոսը, և մօնարքի այն խօսքին՝ „Յայտնեցէք, ի՞նչ կը կամենայիք ինձանից“, պատասխանեց.

« Այս մի բուն հայ ժողովուրդը պաշտպանեցի իմ թոյլ ուժերով մահմեդական երկում, մինչ բերի քո հզօր թեւերի տակ: Այսուհետեւ, մեծ արքայ, դու եզիր նոցա հայրը և պաշտպանը: Իմ հայ ազգը քեզ և՛ յանձնում և քեզ—Աստծուն »:

Հազիւ մի ամիս էր անցած, երբ Նիկողայ I հասաւ հայոց կրօնական կենտրոնը: Յովհաննէս կաթողիկոսը, Նիկողային ուղղած ողջոյն-ուղերձի մէջ, ի միջի այլոց, այս խօսքերն է ասում.

« . . . Վերջապէս կատարեցաւ ակնկալութիւն Քեւ փրկեալ Հայաստանի: Ահա կաս արդէն առ սեղանաւ տաճարիս, յորում ի տարուց անտի հանդերձեալ է Քեզ օրհնութիւն երկնից: Ահա տեսանեմք զամենասիրելի թագաւորն մեր եկեալ կատարելագործել զհաստատութիւն՝ զոր պարգեւեալ է ասուածային տաճարիս . . . Յայսմ միաբանական տօնախմբութեան մերում, վասն այցելութեան Քոյ հինաւուրց տաճարիս այսմիկ սրբոյ, եկեղեցիս մեր սուրբ՝ մատչի առաջի Քոյ սիրալիր յարգութեամբ: Ի տաճարիս այսմիկ ընդառաջ ելանէ գրկախառն, և ինքնին իսկ արկանի առ Քեզ անձընծայութեամբ և ազերսանօք, որպէսզի ընկալցիս զնա յարքայական զիրկ քոյ » . . .

Այդ տեսակ խօսքեր, իբրև արտայայտութիւն ընդհանուր արամազրութեան, երբեմն նոյն իսկ ծայրայեղ շէշտով, ուսական տիրապետութեան սկզբներում յաճախ լուսեցին հայ ժողովրդի հոգևոր ներկայացուցիչներ.

րից եկեղեցիներում, հանրային դիմուժների մէջ, կոն-
գակներում, հանդիսաւոր ժողովների մէջ: Եւ այդ բո-
լորին ուստաց գահի պետերը պատասխանեցին նոյնպիսի
գրաւիչ ոճերով: «իրենց սրտին» շատ մօտիկ յայտա-
րարելով Հայկեան ազգը, նրա շահերը, նրա խաղա-
ղութեան և ազատութեան խնդիրը...

Սակայն երբ — ասենք ժողովրդական գարձաւածքով —
«ոտը ամբացաւ», երբ միապետական իշխանութիւնը
այլևս կարիք չունէր ո՛չ հայ հոգևորականութեան և ո՛չ էլ
հայ ժողովրդի «առաջամարտիկ» ուժերին՝ մահամետական
գրոհը ջարդելու համար, հովերը փոխւեցին, լուեցին
այլ խօսքեր և շուտով այլ սպառնալիքներ:

Միշտ այն մոլորման մէջ, որ հայ ազգաբնակչութեան
տրամագրութեան և շարժման զեկը հոգևորական դասի
ձեռքն է, և հետևաբար գլխաւոր զսպանակը՝ Էջմիած-
նում, այնքա՛ն կարևոր իր անցեալով, Պետերբուրգի
իշխանութիւնը յաճախ ծայրայեղ միջոցներով, երբ կով-
կասեան փոխարքայի պաշտօնը կատարում էր մի «քա-
րասիրտ» մարդ, և երբեմն չափաւոր միջոցներով, երբ
այդ պաշտօնը գտնւում էր հանգիստ ձեռքերում, սկսեց
հարւածներ տալ Էջմիածնի գահակալութեան, դեռ Գե-
որգ կաթողիկոսի կենդանութեան օրերում: Այդ ժա-
մանակ էր, որ երևան եկան կաթողիկոսի իր աւա-
ս ու թ ե ա ն խնդիրներ, վանքի արտօնութեան հարցեր,
կալւածական խնդիր, դպրոցական հսկողութեան հար-
ցեր... Եւ կարճ ժամանակում, նախկին անջատ, ըստ
երևոյթին միմեանց հետ ներքին կապ չունեցող պա-
հանջները փոխարկւեցին յայտնի ս ի ս ա ե մ ի, և Էջ-
միածինը քաղաքական շղթայով կապելու ատենչը մտաւ
պետական ծրագիրների շարքը:

Սկսած 60-ական թւականներից մինչև 90-ական
թւականները, այդ ծրագիրը իրագործւեց չափաւոր եղա-
նակով, զգուշօրէն, նոյն իսկ «զինագաղարով»:

Գառնէր իր պատճառը:

Կովկասն ու Անդրկովկասը, ճշմարիտ է, խաղաղացրուած էին, կամ աւելի ճիշտ՝ հպատակեցրած վերջնականապէս: Թիւրքիայի կողմից ռուսական տիրապետութեան վտանգ չէր սպառնում.— սուլթանները այլ ցաւեր ունէին, ցաւեր՝ աւելի խոր և աւելի վտանգաւոր: Պարսկաստանը՝ ջարդուած, ոչ միայն վտանգաւոր թշնամի չէր, այլ և „հաւատարիմ“ հարեան: Կերսը — Կովկասի բոլոր կէտերում՝ մարած էին ապստամբութեան վերջին նշանները, ազատութեան կրակը հանգած նոյն իսկ լեռների ծերպերին: Վերջինը Շամիլն էր, նա էլ արդէն քաւում էր իր ազատասէր մեղքերը հեռու, շատ հեռու իր պաշտած լեռներից . . . Սակայն, այդ բոլոր ներքին „աջողութիւնների“ հետ միասին, գեռ գոյութիւն ունէր մի այլ խնդիր, քաղաքական մի կարևոր ծրագիր, — դա թիւրքաց Հայաստանի և դրա հետ միասին փոքր-Ասիայի ծանօթ ծրագիրն էր: Չմերային պաշտում գեռ մինչև այսօր էլ կանգուն է սլավ վեհապետութեան այն կտակը, թէ ռուսաց միապետութեան է պատկանում Ստամբուլը՝ իր ս. Սօֆիայի գմբէթով, և Պարսից ծոցը՝ ովկիանոսի նման լայն քաղաքական շահերով: Իսկ Հայաստանը մի բանալի է, անխուսափելի շաւիղ դէպի վերջինը, դէպի այդ կարևոր ծրագրի իրականացումը:

Գէպի Պօլիս արշաւելու համար՝ Բալկանի փոքրիկ ազգութիւնների համակրանքը վայելել, իսկ փոքր-Ասիական ծրագիրների համար՝ թիւրքահայ ժողովրդի սէրը — սա եղաւ կառավարութեան քաղաքական „հեռատեսութեան“ հիմքը: Իսկ այդ համակրանքը ձեռք բերելու, ուրիշ խօսքով, երկրի տիրապետութիւնը՝ հարկաւոր բողբէին՝ աւելի հեշտ դարձնելու համար, նոյն կառավարութեան կարծիքով, միշտ պէտք էր իր կողմն ունենալ Էջմիածնի, իբրև կրօնական ազգեցիկ կենտրոնի

աջակցութիւնը, և ահա թէ ինչու նա ջանք չինայեց բարձր պահելու կաթողիկոսի հեղինակութիւնը և հըմայքը թիւրքահայերի վրայ:

Թիւրքաց կառավարութիւնը, ընդհակառակը, ջանաց, կատարելապէս հասկանալի պատճառով, չքացնել այդ հեղինակութիւնը: Գա մի մրցումն էր երկու բռնասպտութիւնների մէջ: Պետերբուրգը միշտ ձգտեց Էջմիածնի գահի վրայ ունենալ այնպիսի գահակալներ, որոնք թեքւած էին դէպի Ռուսաստանը: Կ. Պոլիսը՝ հակառակը: Սուլթանի կառավարութիւնը շատ անգամ փորձեց բարձրացնել Սիսը և Աղթամարը, մանաւանդ առաջինը, որ իր աշխարհագրական դիրքի պատճառով ազատ է ռուսական ազդեցութեան երկիւղից, որպէսզի ջլատի Էջմիածնի գերիշխանութիւնը և մի պատ գնի թիւրքահայերի և Արարատեան կրօնական աթոռի յարաբերութեան մէջ: Բայց անաջող:

Անցեալը և կրօնական հմայքը շատ զօրեղ նեցուկ եղան Էջմիածնի ազդեցութեան, մանաւանդ որ ռուսաց կառավարութիւնը իր կողմից քայլ առ քայլ ձգտելով նսեմացնել ամենայն հայոց կաթողիկոսի ազդեցութեան սահմանները Կովկասի հայերի նկատմամբ, միաժամանակ ձգտեց նրա իշխանութիւնը, գոնէ անւանական, զօրաւոր պահել այն հայերի վրայ, որոնք իր սահմանների միւս կողմն էին ապրում... Բ. Գուռը յաճախ միջոցներ ձեռք առաւ խզելու Կ. Պոլիսի հայոց պարիարքների յարաբերութիւնը Էջմիածնի հետ, նրան վերագրելով քաղաքական վտանգաւոր նպատակներ. իսկ Պետերբուրգի բարձր կառավարութիւնը, ընդհակառակը, միշտ ջանալով պահպանել տալ այդ յարաբերութիւնը՝ յօգուտ Էջմիածնի գահակալութեան, միաժամանակ միջոցներ որոնեց, որպէսզի ամեն մի կարևոր գրագրութիւն և դիմումն արտասահման՝ լինի իր գիտութեամբ, իր միջոցով, հետևաբար՝ իր հաւանութեամբ: Ահա այդ

պատճառով է, որ Լ՛ջմիածնի գահակալը պարտաւորւած է իր բոլոր արտաքին դիմումները անել ռուսաց արտաքին գործերի մինիստրի միջոցով, և բոլոր այն թղթերը, գրագրութիւնները, կոնդակները, որոնք գնացել են արտասահման ծածուկ, կողմնակի կերպով, առանց մինիստրութեան միջնորդութեան, համարել են հակահառավարչական ձգտումների արդիւնք... Իւ եթէ այդպէս չեն համարւել կամ յանդիմանութեան չեն ենթարկւել, երևի միայն այն պատճառով, որ կարևոր չեն եղել, կամ ա՛նյարմար է դատւել աղմուկ յարուցանել այդ առիթով: Կան չարիքներ, որոնք մատնուում են անուշագրութեան, աւելի մեծ չարիքներ չստեղծելու համար...

Բայց այն օրից, երբ հայկական կոտորածների և 95-ի մեմօրանդումի անկման պատճառով՝ թիւրքահայերի խնդիրը կորցրեց իր նախկին «վտանգաւոր» կերպարանքը, երբ թոյլատրւած ջարդերից յետոյ՝ Պետերբուրգի կառավարութիւնը համողւեց, որ հայ տարրը, թիւրքահայկական յարաբերութիւնների խիստ թշնամացման պատճառով, այլևս անկարող է խաղալ քաղաքական այն խոշոր դերը, որ վերագրուում էր նրան մինչև 80-90-ական թւականները, այդ օրից միապետութեան դիրքը դարձաւ վճռական, վերաբերմունքը՝ խիստ, յարաբերութիւնը՝ անսանձ, ծրագիրը՝ դժոխային:

Գէորգ կաթողիկոսի մահից յետոյ, նախ քան նրա յաջորդի ընտրութեան ձեռնարկելը, Պետերբուրգի կառավարութիւնը յանձնեց բարօն Նիկօլայիին կազմել մի զեկուցում՝ կաթողիկոսական խնդրի մասին: Բարօն Նիկօլայի, կովկասեան փոխարքայի դիւանատան նախկին կառավարիչ, երբեմն մինիստր ժողովրդական լուսաւորութեան, կովկասեան գործերին տեղեակ համարող մի անձ, աւելի խորամանկ՝ քան խելօք «պետական գոր-

ծիչ“, ձեռնարկեց այդ գործին և 1883-ին ներկայացրեց ներքին գործերի մինիստրութեան մի գաղտնի զեկուցագիր: Պատահամբ թէ „սերտ կապերի“ շնորհիւ՝ այդ կարևոր „դոկումենտը“ պետական պահարաններից անցաւ անհանգիստ մարդոց ձեռքը և հրապարակ եկաւ (Տես երես 153):

Ներքին գործերի մինիստրութիւնը, հարկաւ, հրահանգներ տւեց՝ հիմնւած այդ զեկուցագրի վրայ: Այդ հրահանգներով կառավարութեան ներկայացուցիչը գնաց Էջմիածին՝ ներկայ լինելու 1884-ի ընտրութեան: Ընտրուեց անմոռանալի Ներսէս, որ Բերլինի դաշնագրից յետոյ, իբրև մէկը 61-րդ յօդուածի հեղինակներից, դարձել էր հայ ժողովրդի սիրելին, նրա յոյսերի մարմնացումը: Սակայն նախ քան Կ. Պօլսից Էջմիածին մեկնելը՝ Վարժապետեան մի քանի առաջադրութիւններ արեց ուսաց կառավարութեան, իբրև անհրաժեշտ պայմաններ իր կաթողիկոսութեան: Կառավարութիւնը մերժեց: Ներսէս հրաժարուեց այլ պայմաններով կաթողիկոսական ծիրանի հագնել, և քիչ անցած՝ Պետերբուրգից յայտարարուեց, որ պէտք է նոր ընտրուած թիւն անել, պատճառաբանելով՝ թէ 1884-ի ընտրութեան ժամանակ տեղի են ունեցել անկանոնութիւններ: Խաղը աչկարայ էր: Անկանոնութիւնների մասին խօսք չկար. երբ յոյս ունէին Ներսէսին ընկձել սակայն երբ այդ անկարելի եղաւ, ստեղծեցին ապօրինու թիւններ՝ ընտրութիւնը բեկանելու նպատակով, մոռացած այն պարզ փաստը, որ կառավարութեան պաշտօնական ներկայացուցիչը ինքը՝ ճանաչել էր ընտրութեան ամբողջ գործողութիւնը ճիշտ ու կանոնաւոր և տւել իր վաւերացումը:

Հասաւ 1885 թւականը, նոր ընտրութեան տարին: Էջմիածին գնաց, ինչպէս միշտ, կառավարական պաշտօնեայ, բայց այս անգամ շատ վճռական, շատ կտրուկ

Տրահանգով — դիմադրել ուէ թիւ քաճայ եպիսկոպոսի թեկնածութեան: Այդ Տրահանգի իրագործման զօրեղ „նեցուկներից“ մէկն էլ, պէտք է խոստովանել մի ճայ եպիսկոպոս էր, ըստ երեւոյթին շատ սիրող ճայոց կրօնական աթոռը, երգւած՝ Տաւատարիմ „սպասուոր“ լինելու նրա պետին և նրա շահերին . . . Իբրև առաջին թեկնածու՝ Տանդէս բերեց Մելքիսեդեկ Մուրադեան, առաջնորդ Չմիւռնիայի, կովկասեցի, Տեղինակ „եկեղեցական պատուութեան“, և յետոյ Տեոացած Ռուսաստանից և ձանաչւած՝ շնորհիւ իր գրքի, իբրև „Տակաուսական“ մարդ: Առաւարութեան ներկայացուցիչը ոչ մի ձայն չճանեց այդ թեկնածութեան դէմ: Պէտք էր արտարուստ վարւող լինել, ինչպէս ասում է գաղտնի զեկուցագիրը, „ձեւերի մէջ փափուկ“: Բայց ներքուստ՝ յամառութեամբ, նախօրօք տեղի ունեցած „պատրաստութեան“ Տամաձայն՝ առաջ մղեց Մակար եպիսկոպոսը, իբրև երկրորդ թեկնածու: Աշխարհական պատգամաւորները և նրանց Տեա ժողովրդական զգացմունքների կողմնակից մի խումբ Տոգևորականներ, գլխաւորապէս թեմական առաջնորդներ, ջանք գործ գրեցին, եռանդուն ջանքեր, ընտրելու իբրև երկրորդ թեկնածու՝ Խրիմեանին: Բայց անաջող: Նրանց խաբեցին Մակարի թեկնածութեան նախապատրաստւած կողմնակիցները, Էջմիածնի „սեպուրի“ մականւանեալները:

Օրօրներ կարգալով միամիտ աշխարհականներին, մի քանի վաճառւած վեղարաւորների թեւադրութեամբ՝ Տոգևորականների մի խումբ, գիշերով — ընտրութեան նախօր գիշերը — ժողով գումարեցին, ի Տարկէ՝ գաղտնի և վճռեցին ձայն տալ Մակարին: Առաւարութեան ներկայացուցիչը այդ լաւ գիտէր, նախապատրաստել էր . . . Միւս օրը տեղի ունեցաւ անսպասելի բան, — երկրորդ թեկնածու՝ Խրիմեանի փոխարէն՝ Տանդէս եկաւ:

Մակար, որի անժողովրդական անւան մասին, նոյն իսկ „դաղանի“ կողմնակիցները չէին համարձակուում հրապարակով խօսք բանալ. . . „Վարձկանները“ յաղթանակը տարան, և այդ րոպէից արգէն գիտէին, որ միամտութիւն է կարծել, թէ առաջին թեկնածուն՝ թէև ընտրուած միաձայն, համարեա երկու անգամ աւելի ձայներով քան երկրորդը, կարող է արժանանալ կայսերական հաստատութեան: Եւ պատմում են, որ „դաւաղիրների“ պարագլուխ եպիսկոպոսը, ընտրութիւնից մի քանի օր յետոյ, Երևանից դէպի Թիֆլիզ անցնելիս՝ բարձրաձայն ասաց իր բարեկամ քահանային. „Տէր հայր, երեք ամսից յետոյ կը վերադառնամ Մակարի հետ“:

Եւ Մակարի հետ վերադարձան նրանք բոլորը, և նրանց հետ՝ տխուր օրեր Էջմիածնի համար: Պառաւաքութեան առաջին հարուածը աջողած էր: Ընտրութեան անկախութիւնը բեկանւած, ոչնչացրուած: Գժէար չէր բեկանել նոյն իսկ կաթողիկոսին և անել տալ ինչ ուզում էին: Եւ արեցին: Ու այդ օրից խեղճ ծերունին, որի մասին ամբողջ Արարատեան նահանգը մինչև այսօր էլ երգում է՝

Մակար քանդեց ազգի տունը

փոխանակ լինելու իր հօտի իրաւունքների և ցանկութիւնների արտայայտիչ, եղաւ նախ՝ լսող, ապա՝ աղերսող, խնդրող, կարեկցութիւն հայցող: Նա այլևս չէր պահանջում, չէր բողոքում, այլ միմիայն աղերսում էր կարեկցել, չղնել իրեն ծանր, անելանելի վիճակի մէջ ազգի առաջ. . . „Վերջապէս ձեր նշանակածն եմ“ — ահա նրա անուղղակի դիմումների հոգեբանութիւնը: Եւ կառավարութիւնը համաձայնեց յիրաւի, որ շատ էլ „ծանր վիճակի մէջ չպէտքէ դնել“ իր նշանակածին: Ահա թէ ինչու, օրինակ, փակելով հայոց դպրոցները 1885-ին, նոյն կառավարութիւնը, իբրև ա ն ձ ն ա կ ա ն

չն որ հ իր թեկնածուն, թողարեց վերաբանալ գարոցները 1886-ին, արտօնելով Մակարին շարունակել նրանց ղեկավարութիւնը, ի հարկէ որոշ պ ա յ մ ա ն ն եր ո վ յ մինչև վեց տարի: Նենգ և մութ յարաբերութիւնների տարիներ...

Եկաւ Խրիմեան 1893-ին: Եւ երբ լռեցին ոգևորութեան աղաղակները և հանգան հրավառութեան կանթեղները, Էջմիածնի կիսախարխուլ տաճարի շուրջը վերակսեցին, և այս անգամ տասնապատիկ խստութեամբ, կաթողիկոսական իրաւունքների խորտակման ծանր խաղերը: Մահմանի միւս կողմում ծովացել էր մի ամբողջ ժողովրդի արիւն: Յարմար բոպէն էր ուրեմն հարւածը ուժգնապէս կրկնելու: Եւ կրկնեցին: Եւ երեք-կնեցին: Ի՞նչ մնաց կաթողիկոսի ձեռքում, ի՞նչ իրաւունք և ի՞նչ արտօնութիւն: Ոչինչ, կամ համարեա ոչինչ:

Կար ժամանակ, որ նոյն իսկ „թուլակամ“ Գեորգ սպառնալիքներ էր անում: Էլ չենք խօսում այն հըսկ ա յ ա կ ա ն սպառնալիքների մասին, որ անում էին Ներսէս Աշտարակեցի, Մատթէոս Այդ տեսակ սպառնալիքների կամ զիմուսների մասին այլևս գաղափար չունէին Էջմիածնում 90-ական թւականներից յետոյ: Մակար եղաւ հլու կատարող: Իսկ մեծանուն Խրիմեանը — իրաւագործ վանահայր, որ մի իրաւունք միայն ունի, ճամբայ ելնել ուր ուզում է, և երբ ուզում է, միշտ աննկատ, միշտ առանց կարեորութեան...

Տարիները բոլորեցին, և ոչ մի իրաւունք չմնաց անձեռնմխելի, իր ուժի մէջ: Եւ այժմ կաթողիկոսը իրաւագործ, կաշկանդւած, անկարող է նշանակել իր ցանկացած հոգևորականին առաջնորդ, սինօդի անգամ, նոյն իսկ յաջորդ: Երկու թեկնածու ընտրելու սիստեմը միշտ գոյութիւն ունէր, բայց առաջին թեկնածուն համարում էր կաթողիկոսի ցանկացածը և յարգւում: Այժմ այդ էլ չկայ: Նա անզօր է նոյն իսկ ցանկացած մար-

դուն քահանայ ձեռնադրել: Ամուսնական խնդիրները մեծ չափով հանուած են իր իրաւասութիւնից: Գարոցական հարցը, երբեմն կաթողիկոսի ժողովրդականութեան գլխաւոր կուսնը, այլևս գոյութիւն չունի: Նսայդ ասպարիզում չքացած է: Նրա կարծիքը չեն հարցնում նոյն իսկ այն դէպքում, երբ նշանակում են մի պրօկուրօր կամ ուէ ստորին պաշտօնեայ Սինօդի համար: Նրա և վեհարանի շուրջը նշանակում են լրտեսներ, բացարձակ, առանց քաշելու: Հեռացնում են վանքից ում կամենում են, աքսորում են, երբ կամենում են: Նրա կարգադրութիւնները մնում են անկատար, խնդիրները՝ անհետեանք: Նոյն իսկ մի աննշան պաշտօնական ամսագիր՝ „Արարատ“, որ երեսուն տարուց ի վեր հրատարակում էր Էջմիածին՝ կաթողիկոսների թողտուութեամբ, առանց գրաքննիչի, խլեց նրա ձեռքից և յանձնեց Թիֆլիզի գրաքննութեան:

Փաստերին թիւ չկայ: Գիմումն արեց՝ մէկին ճեմարանում ուսուցիչ պահելու — մերժում: Խնդրեց գաղթականների համար — մերժում: Ուզեց կայսեր մի խնդիր ուղղել — մերժում: Պետերբուրգ կամեցաւ գնալ — մերժում: Ուրիշին ուզեց ուղարկել — դարձեալ մերժում: Գիմեց հանգանակութեան համար — մերժում: Խնդիրք՝ գարոցական շէնք կառուցանելու — մերժում: Միջնորդութիւն մի քանի անձանց համար — մերժում: Ո՞ր մէկը յիշատակել: Փաստերը թիւ չունեն:

Նպատակը շատ որոշ է:

Կաթողիկոսին իրաւազուրկ դարձնել: Վճուած խնդիր է դա, բայց ի հարկէ ոչ յօգուտ ժողովրդի, այլ դարձեալ յօգուտ կենտրօնական իշխանութեան: Տարիների ընթացքում, երբ մամուլի և հասարակութեան մէջ հնչեցին ձայներ՝ չափաւորել Էջմիածնի իրաւունքները և ընդլայնել ծխական-խնքնաւարական արտօնութիւնները, կառավարութիւնը այդ համար ձակ

բերաններին սանձ դրեց: Երբ կաթողիկոսի դիմաց ժողովուրդն է, միապետութիւնը կաթողիկոսի կողմն է: Գրանից դուրս՝ նա իր հակառակորդն է, անպայման կենտրոնացման խախտողը: Եւ իբրև այդպիսին՝ նա հալածուում է, ենթարկուում մերժումների, և զրկուում իր „անձեռնմխելի“ իրաւունքներից, ինչպէս չորացող ծառը իր տերէններից . . .

ԳԱՂՏՆԻ ՁԵԿՈՒՅԱԳԻՐ

Ահա բարձր նիկոլայիի դաղանի զեկուցումը, ներկայացրած ներքին գործերի մինիստրութեան: Այս պատճէնը ամբողջական է. պակասում են մի քանի նախադասութիւններ միայն, որոնք նշանակւած են բազմակէտերով:

„Ամենայն հայոց կաթողիկոսի մահը 1882 թւի ղեկաւմբեր 6-ին և այս դէպքի պատճառով ամենայն հայոց հայրապետի մօտ ապագայում կատարելիք ընտրութիւնը, անհրաժեշտ է կացուցանուում հասուն քննութեան ենթարկել՝ պետական բարձր շրջանների մէջ՝ հետևեալ երկու շատ կարևոր խնդիրները.

ա) Թէ գործողութեան ի՞նչ եղանակի պէտք է հետևի մեր կառավարութիւնը կաթողիկոսական առաջիկայ նոր ընտրութեան ժամանակ:

բ) Որպիսի դիրք պէտք է բռնէ մեր կառավարութիւնը նոր կաթողիկոսի վերաբերմամբ՝ նրա հաստատելուց և իր բարձր պաշտօնավարութեան մէջ մտնելուց յետոյ:

„Այս երկու խնդիրների նախօրօք քննութեան և լուծման ստիպողական հարկը այն հանգամանքից է առաջ գալիս, որ 1857-ին, երբ Ներսէս կաթողիկոսի մահից յետոյ՝ մի նոր հայրապետ պիտի ընտրուէր, մեր կառավարութիւնը պէտք համարեց հետևել մի նոր, մինչև այն ժամանակ ի կիր չառնւած քաղաքականութեան:

„Այս քաղաքականութիւնը արտայայտեց առաւել Թիւր-
քիայի քան թէ Ռուսաստանի հայոց բարձր հոգևորական-
ների դասից կաթողիկոս ընտրելու գաղափարին ընծայ-
ած նախամեծարութեան մէջ, որի նպատակն է՝ գրաւել
առաւել ժիր մասնակցութիւն կաթողիկոսի ընտրու-
թեան գործում թիւրքահայ հասարակութեան կողմից:
Այս կերպ գործելու առիթ տւողը՝ այն ենթադրու-
թիւնն էր, թէ հայ-լուսաւորչական եկեղեցու հովա-
պետի ընտրելը թիւրքահայ հոգևորականների դասից՝
կը նպաստէր ամրապնդելու Էջմիածնի աթոռի և Թիւր-
քիայի բազմութիւ հայ ժողովուրդի կապերը, վերականգ-
նելու այս աթոռի գլխաւորութիւնը օտար աշխարհի
հոգևոր վիճակների վրայ, որ շատ նւազել էր վերջերում,
և այսպիսով զօրացնելու մեր քաղաքական ազդեցու-
թիւնը Թիւրքիայի հայերի վրայ: Այն ժամանակ այս
ենթադրութիւնների իրագործումը հաւանական էր
թւում այն պատճառով, որ Էջմիածնի աթոռի նա-
խընթաց պատմութիւնը չէր տալիս նիւթեր՝ այդ-
պիսի մի խնդիր վճռելու համար՝ հիմնւել իրական
փորձի վրայ: Այժմ, 25 տարի անցնելուց յետոյ, երբ
հայրապետական աթոռի վրայ երկու անգամ բազմե-
ցին Թիւրքիայի հայ հոգևորականութեան պատկանող
անձինք, մենք կատարեալ միջոց ունենք վերստին քննե-
լու այդ հարցը և արդէն ոչ թէ կարծիքական յոյսերի
վրայ յենւելով, այլ կանգնած իրական հողի վրայ, և
միւս կողմից կշռելով՝ թէ մինչև որ աստիճան արդա-
րացան 1857 թւի յոյսերը, և թէ Էջմիածնի աթոռի
վրայ թիւրքահայատակ հոգևոր պետերի բազմելը ինչ
ազդեցութեւն ունեցաւ նրա յարաբերութեան վրայ
դէպի մեր գահը և դէպի մեր հոգևորականութիւնը,
նամանաւանդ դէպի մեր ներքին քաղաքականութիւնը
ուսաստանների նկատմամբ:

„Այս գործը լիովին լուսաբանելու համար՝ աւելորդ

„Նի լինի առաջ բերել մի համառօտ պատմական նկարագիր այն հանգամանքների, որոնց մէջ կատարւած էր վերջին երկու կաթողիկոսների ընտրութիւնը:

„Հայ-լուսաւորչական եկեղեցու կառավարութեան Օրէնքի-Պօլօժենիայի յօդ. 915, 916, 917 և 919 հիման վրայ (Ա. մաս Բ. հատոր Օրէնքների հաւաքածուի, հրատ. 1857 թ.), կաթողիկոսական ընտրութիւնը կատարուած է ամբողջ Հայկազեան ազգից, ս. Էջմիածնի տաճարում, ի ձեռն երկու երկու պատգամաւորների ամեն մի թեմից՝ թէ ուսական և թէ օտարերկրեայ, Էջմիածնի սինօդի անդամների և եօթն աւագագոյն եպիսկոպոսների, որոնք ներկայ կը լինեն այն ժամանակ Էջմիածնի մէջ:

„Մինչև 1857 թիւը, օտարերկրեայ պատգամաւորների մասնակցութիւնը անւանական էր և լինում էր սովորաբար գրաւոր յայտարարութեամբ՝ թէ նրանք կանխաւ հպատակուած են Էջմիածնում կատարելիք ամեն մի ընտրութեան: Թիւրքիայի հայերը՝ իրենց յետքաշելը ընտրութիւնների իսկական մասնակցութիւնից՝ բացատրում էին թիւրքաց կառավարութեան կողմից դժւարութիւն յարուցանելու երկիւղով, և գրա գործնական հետեանքը այն էր, որ կաթողիկոսի ընտրութիւնը լիովին կախւած էր ուսաստանակ հայերի հոգևոր և աշխարհական ներկայացուցիչներից, կամ, որ գրեթէ միևնոյնն է, ուսաց կառավարութիւնից:

„1857-ին, Ներսէս կաթողիկոսի մահից յետոյ, Կովկասի նախկին կուսակալ՝ հանգուցեալ Փէլլգմարէշալ իշխան Բարիատինսկին, իր ծանուցագրով՝ յանուն կովկասեան կօմիտէի, կարծիք յայանեց, թէ ցանկալի էր Թիւրքիայի բարձրաստիճան հայ հոգևորականներից մէկի վրայ ուղղել կաթողիկոսական ընտրութիւնը, որպէսզի գրանսով Էջմիածնի աթոռի ազգեցութիւնը հաստատուի թիւրքահայ եկեղեցու վրայ, և գրա միջո-

„ցով նաև թրքահայտակ հայերի վրայ առհասարակ
„իշխան Բարիատինսկին թէև չէր թագցնում, որ ընտ-
„րութիւնը կարող էր ընկնիլ դէպի մեզ ոչ հակամէտ
„մի անձի վրայ, որը գուցէ չէր համաձայնի ռուսական
„հպատակութեան երդումն տալ և մեր սահմանների
„մէջ մանել, սակայն այս երկիւղը նրա աչքում փա-
„րատուում էր հետևեալ նկատումով՝

Թէ ձայների մեծամասնութիւնը կաթողիկոսական ընտ-
րութեան ժամանակ իբր թէ մեր հպատակներից է բաղկանուս.

Թէ հայերը առհասարակ անձնէր են դէպի մեզ և քաղաքական գործերի միջամտութիւնից խորշոյ՛:

„Կովկասի գլխաւոր իշխանութեան այս կարծիքը հա-
„ւանութիւն գտաւ ներքին գործերի մինիստրութեան
„կողմից և ապա ներկայացուեց բարձրագոյն հա-
„ճութեան:

„Ուստի ոչ թէ միայն Կ. Պոլսի մեր դեսպանութեան
„և կովկասեան իշխանութեան բոլոր գործողութիւնները
„այդ ուղղութիւնը ստացան, ապա և նոյն իսկ Էջմիածնի
„Սինոդը, իրեն արեած ազդարարութիւնների համեմատ՝
„որոշ ցանկութիւն յայտնեց, մի գրութեամբ՝ ուղղած
„Կ. Պոլսի հայոց պատրիարքին, որ Էջմիածնի հայրա-
„պետական աթոռի վրայ բազմի թիւրքիայի լուսաւոր-
„չական բարձրաստիճան հայ հոգևորականներից մէկը:
„Մեր կառավարութեան այսպիսի մի բացարձակ յայ-
„տարարութիւնը և թիւրք կառավարութեան կարծես
„այն ժամանակ ցոյց տւած յօժարութիւնը՝ որ իր հը-
„պատակներն էլ մասնակցէին կաթողիկոսական ընտրու-
„թեան, այն հետևանքն ունեցաւ, որ 1858 թւին Էջ-
„միածնի մէջ կատարւած ընտրութեան ժամանակ՝ առա-
„ջին անգամ երևացին նաև Կ. Պոլսի հայոց պատգա-
„մաւորները: Պատգամաւորները այս անգամ գեռ թիւր-
„քահպատակ հայեր չէին, այլ մեր հպատակ իշխան

« Թումանով և Գուրգէն-Բէկով, որոնք յանձնա-
« րարութիւն էին ընդունել և Պոլսի Ազգային Ժողովից
« ներկայացնել 90 ընտրողական քուէ՝ ի դիմաց 45
« վիճակների: Այս երկու պատգամաւորներին տրւած
« հաւատարմագրի մէջ՝ յիշատակւած էին Թիւրքիայի
« հայ հոգևորականների դասից չորս եպիսկոպոսներ,
« իբրև կանգիտատ կաթողիկոսական աթոռի:

« Արդիւնքն եղաւ՝ և Պոլսի նախկին պատրիարք Մատ-
« Թէոսի ընտրւելն ի գահ հայրապետական: Ընտրողական
« ցանկում ամբողջ հայ ազգի քուէները, հաշւելով պարս-
« կական երկու վիճակների չորս պատգամաւորներին ևս,
« արտայայտեցին 115 թւի մէջ, որոնցից 90 քուէ
« գալիս էր Թիւրքիայի 45 վիճակներից, և սրանով բա-
« ւական ազգու կերպով հերքւում էր իշխան Բարիա-
« տինսկու կարծիքը, իբր թէ ձայների մեծամասնութիւն
« կաղմողը մեր հպատակ հայերն են:

« Մատթէոսի գործունէութիւնը՝ վերաբերմամբ այն
« նպատակների, որ ունէր մեր կառավարութիւնը՝ բա-
« ցարձակ նպաստելով մի օտարահպատակ հոգևորականի
« կանգիտատութեան, աննման և որոշակի սահմանւած է
« և Պոլսի մեր նախկին դեսպանի հեռագրի հետևեալ
« հատւածի մէջ, 16/28 սեպտեմբերի 1865.

L'exemple de Monseigneur Mathéos nous a laissé un enseignement dont il est bon de conserver le souvenir. Patronné par nous et dévoué à nos intérêts, comme il passait pour l'être, ce prélat s'est cependant bien vite détourné de nous pour laisser éclater à la fin de ses jours des dispositions hostiles à notre égard.

(Թարգմ. — Մատթէոս կաթողիկոսի օրինակը մեզ տւեց մի դաս, որը յիշել օգտակար է մեզ: Հովանաւորւած մեր կողմից և ներկւած մեր շահերին, ինչպէս կարծում էին նրա մասին, այս բարձրաստիճան հոգևորականը այնուամենայնիւ շատ շուտ երես դարձրեց մեզանից, և իր կեանքի վերջում մեր վերաբերմամբ ցոյց տւեց թշնամական տրամադրութիւններ:)

„Մատթէոս կաթողիկոսի դէպի մեր կառավարութիւնը
„ցոյց տւած անբարեկամութեան ապացոյցներից մէկն էր
„նրա յօրինած նախագիծը՝ „նոր կանոնադրութիւն յաղագս
„կառավարութեան հայ-լուսաւորչական եկեղեցւոյ“, որով նա
„մտադիր էր բոլորովին անջատել կաթողիկոսական իշ-
„խանութիւնը մեր կառավարութեան կախումից, զլանա-
„լով մինչև անգամ բարձրագոյն իշխանութեան իրա-
„ւունքը՝ կաթողիկոս հաստատելու, և տալով իշխա-
„նութիւն կաթողիկոսին՝ վիճակաւոր առաջնորդներ կար-
„գելու, առանց կայսերական հաստատութեան: Այս
„ծրագիրը, բարեբախտաբար, ընթացք չստացաւ, իր հե-
„ղինակի մահուան պատճառով:

„Մատթէոսի մեռնելուց յետոյ, Էջմիածնի գահակալի
„նոր ընտրութեան ժամանակ, մեր կառավարութիւնը
„մտադիր էր չունենալ ոչ մի ուղղակի մասնակցութիւն
„և թողնել այդ գործը ընտրողների ազատ կամքին:
„Թիւրքահայատակ և բոլոր միւս հայերի ձայների վերև
„յիշած թւական յարաբերութիւնները ըստ բաւականին
„ցոյց են տալիս, որ ազատ ընտրութիւնը հաւասար է
„կաթողիկոսի ընտրութեան միմիայն թիւրքահայատակ-
„ների կողմից, ուստի շատ բնական էր, որ Ա. Պօլսի
„մեր դեսպանատունը չը պիտի կարողանար անփոյթ
„առնել կաթողիկոսական աթոռի այն թեկնածուները,
„որոնք երևան էին գալիս թիւրքահայ հոգևորականների
„միջից: Նրա անկողմնակի միջամտութեանը ընտրութեան
„գործի մէջ՝ առիթ էին տալիս, բացի դրանից, այն
„ժամանակ Ա. Պօլսի հայ հասարակութեան մէջ պա-
„տահած քրիստոնէականութիւնները՝ Սիսում մի ջոկ կա-
„թողիկոսի աթոռ հաստատելու պատճառով, և վերջապէս
„օսմանեան կառավարութեան մօտ ուղարկւած մեր
„ներկայացուցիչների զգացած յարատև անհրաժեշտու-
„թիւնը՝ դիմադրելու դէպի մեզ եղած թշնամական ազ-

„դեցութեան, որ այլևայլ դեսպանատներ ունեն Կ. Պօլսի
„հայ ժողովրդի վրայ:

„Այն ժամանակեայ մեր զիտումներին և շահերին
„աւելի յարմար և իր կրօնակիցների մէջ առաւել
„վարկ վայելող կանգիտատը Էջմիածնի աթոռի համար՝
„թուում էր լինել Պրուսայի նախկին վիճակաւոր առաջ-
„նորդ Գէորգ: Մեր դեսպանատունը այսպէս էր բնորո-
„շում նրան՝ „Էնտարւի է էնտրիգան“ (ուսեալ և բան-
„տարկու): Աւերջին նշանագիծը վերին աստիճանի ճիշտ
„գուրս եկաւ:

„1866 թ. սեպտեմբերին, Էջմիածնի մէջ կատարուելիք
„ընտրութիւններին մասնակցելու համար՝ պատգամաւոր
„եկան, այն էլ ուղղակի Կ. Պօլսից, մի հոգեւորական և
„մի աշխարհական անձ: Նրանց գալուց առաջ՝ Կ. Պօլսի
„Պողոս պատրիարքը զեկուցանում էր գրով Էջմիածնի
„Սինօդին՝ թէ Թիւրքիայի հայոց վիճակները արդէն 65
„էին, որով թիւրքահայերի քուէների թիւը մինչև 130
„պիտի աճէր: Սակայն այս զեկուցումը չընդունեցաւ,
„թէպէտ թիւրքացի պատգամաւորները Էջմիածնում
„պահանջում էին՝ ճանաչել իրենց ձայների այդ թիւը,
„սպառնալով՝ որ անհամաձայնութեան դէպքում իրենք
„յետ կը վերագառնան: Սակայն Կովկասի գլխաւոր վար-
„չութիւնը այս սպառնալիքից չը խաբւեցաւ: Պէտք է
„նկատել, որ թիւրքահայ ձայների այս կերպ աճեցնելը,
„որ կամենում էին վայելել Կ. Պօլսից եկած պատգա-
„մաւորները, իրական նշանակութիւն չը պիտի ունենար,
„որովհետև առանց դրան էլ՝ Թիւրքիայի ձայների մե-
„ծամասնութիւնը արդէն ճնշողական էր:

„Գէորգ կաթողիկոսի, ինչպէս և Մատթէոսի ընտրու-
„թիւնը՝ կատարուեց միութեամբ ձայների: Այս անգամ
„մեր կառավարութիւնը այնպէս բացարձակ հրապարակ
„չեկաւ ի նպաստ իր կանգիտատի, ինչպէս որ արել էր

„1857-ին, բայց և այնպէս յայնի էր, որ նա Գէորգ
„թեկնածութեան կուսակից է:

„Նոր կաթողիկոսը՝ ինչպէս իր ընտրելուց անմիջա-
„պէս յետոյ՝ Կ. Պօլսում, այնպէս և իր առաջին ան-
„գամ՝ Թիֆլիզ եկած միջոցին, չը զլացաւ խոստումներ
„շռայլել՝ իր անպայման հաւատարմութեան մասին դէպի
„ուսաց կառավարութիւնը, իր հաստատ դիտաւորու-
„թեան մասին՝ առաջնորդելու իր պաշտօնի մէջ կա-
„ռավարութեան ցուցմունքներով և գործելու լիովին
„նրա դիտումների համաձայն:

„Գժբախտաբար, Գէորգ կաթողիկոսի այդ բարի
„դիտաւորութիւնները նոյն ճակատագիրն ունեցան, ինչ-
„պէս իր նախորդից՝ դէպի մեր շահերը ակնկալած
„անձնւիրութիւնը:

„Կովկասի նախկին փոխարքայի գլխաւոր կառավա-
„րութեան, ինչպէս և ներքին գործերի մինիստրութեան
„գործերից կարելի է բաւականին համոզուել, թէ որ-
„չնի՞ դժւար էր կովկասեան վարչութեանը՝ յարաբե-
„րութիւններ ունենալ հանգուցեալ Գէորգ կաթողի-
„կոսի հետ, և որքա՞ն թեքւած էր այդ կաթողիկոսը
„թօթափել ամեն մի կախումն մեր կառավարութիւնից՝
„առանց կասելու բացարձակ արհամարհանքից դէպի
„մեր զրական օրէնքները, ինչպէս և աննպատակ դի-
„մադրութիւնից՝ մեր վարչական հրահանգներին: Իբրև
„ապացոյց կարող էին ծառայել՝ կաթողիկոսի վճռական
„հրահարումը՝ հեռացնելու հոգևորական կոչումից մի
„հայ քահանայ, որ քրէական ոճրի համար դատա-
„բանի բարձրագոյն հաստատած վճռով՝ զրկւած էր բո-
„լոր առանձնակի և անձնական իրաւունքներից, և նրա
„անհամաձայնութիւնը ճանաչելու՝ ուսումնարանական
„իշխանութեան վերահսկողութիւնը հայոց ծխական վար-
„ժարանների վրայ, պատճառ բերելով թէ զրանք հո-
„գևոր դպրոցների կարգին են պատկանում: Ղերջին

երկու կաթողիկոսների ամբողջ գործունէութեան եղա-
նակը միշտ ունեցել է մի նպատակ, այն է՝ տալ կա-
թողիկոսական իշխանութեան ոչ միայն բարձրա-
գոյն հոգևոր, ապա և աշխարհիկ ազգային գերա-
գահութեան տիպար հայոց ազգի վրայ, ըստ կարելի-
ւոյն՝ կատարեալ անկախութեամբ մեր կառավարու-
թիւնից: Այսպիսի յաւակնութեան բացատրութիւնը,
ի բաց թողնելով հոգևոր իշխաններին յատուկ փա-
ռասիրութիւնը, կարելի է ըստ երևոյթին գտնել այն
դիրքի մեջ, որ բռնում է հայոց պատրիարքը և Պօլ-
սում, ուր նրա հոգևոր և աշխարհական նշանակու-
թիւնը բաւական խոռոչած են և ուր պատրիարքը
հանդէս է գալիս թիւրք կառավարութեան առջև՝
իրբև միջնորդ, ոչ միայն եկեղեցական, այլ և ազգային
խնդիրների նկատմամբ: Իսկ և Պօլսի պատրիարքի Բ.
Գրան առջև ցոյց տւած խոնարհութեան տարբերու-
թիւնը այն ամբարտաւանութիւնից, որ յաճախ երևան
էին հանում Մատթէոս և Գէորգ կաթողիկոսները իրենց
յարաբերութիւնների մէջ՝ բարձրագոյն իշխանութեան
ներկայացուցիչների հետ կովկասում, բացատրելի է
առաջին դէպքում՝ թիւրքաց կառավարութիւնից ու-
նեցած երկիւղով. երկրորդում՝ այն ծայրայեղ
զգուշութեամբ, որ մեր կենտրոնական իշխանութիւն-
ները պատահրում էին պահպանել Էջմիածնի աթոռի
հետ բանակցելիս, զգուշութիւն, որ առաւել քծնու-
թեան ձև ունէր, քան թէ վերահսկողութեան:

Եթէ դառնանք այն յարաբերութիւններին, որ հաս-
տատւած են դրսից եկած կաթողիկոսների և Էջմիածնի
Սինօզի մէջ, ինչպէս և այն ազգեցութեան, որ ունեցել
են թիւրքահայ կաթողիկոսները մեր հայոց հոգևորա-
կանների բարոյական մակերևոյթի բարձրացման վրայ,
ապա առաջին դէպքում տեսնում ենք, որ այդ յա-
րաբերութիւնները շատ լարւած էին և անմտերմական:

„Մատթէոս և Վէորգ կաթողիկոսները, թիւբքական
„բռնակալական բնազդներով լցւած՝ վճռաբար էին
„վարւում Սինօզի անդամների հետ, և ամենայն կերպ
„ճգնում էին հեռացնել նրանց՝ հայոց եկեղեցու վար-
„չութեան մէջ մաս ունենալուց: Այդ ընթացքը միւս
„կողմից յուզում էր սինօզականների զայրոյթը, որ թէև
„մեծ մասամբ թագնւած էր լինում, բայց և այնպէս
„մի անգամ հրապարակով երևան եկաւ՝ Մատթէոս
„կաթողիկոսի օրով, մի քանի անդամների բողոքագրի
„մէջ, ուղղւած մի քանի նշանաւոր հայերի, ուր նրանք
„մի առ մի յիշատակում էին կաթողիկոսի իբր թէ գոր-
„ծած զեղծումները: Մատթէոսն էլ, Վէորգն էլ բերել
„էին թիւբքիայից իրենց արբանեակները, որոնք գերա-
„կշռող ազդեցութիւն ունէին Էջմիածնի վանքի ներքին
„կեանքի վրայ: — Առաջինը ի դէմս մի ոմն Անդրէասի,
„որ ամենակարճ միջոցում արքեպիսկոպոսական աստի-
„ճանի էր բարձրացել և մեզ բացարձակ թշնամի էր.
„ապացոյց՝ այն հանգամանքը, որ նա իր հովանաւորի
„վախճանելուց անմիջապէս յետոյ Վ. Պօլիս վերադառ-
„նալով, մասնակից եղաւ այնտեղ կամայօրէն կազմւած
„մի ինչ որ մասնաթողովի, որը 1836-ին Պօլսօսենիայի
„փոխարէն՝ մշակել էր մի նոր կանոնադրութեան նա-
„խագիծ՝ Ռուսաստանի հայոց եկեղեցու կառավարու-
„թեան համար, որի զօրութեամբ Էջմիածնի աթոռը
„ստանալու էր մի տեսակ ՚՚հպատակութիւնից ազատու-
„թիւն“ (էկատերրիտօրիալիտէ) ռուսաց կայսրութեան
„սահմանների մէջ: Վէորգին սատար կամ արբանեակ
„հանգիսացաւ Մանկունի անուն մէկը, որի եպերելի
„գործերը ստիպեցին կովկասեան վարչութեանը՝ արտաք-
„սել նրան մեր սահմաններից, որ սակայն արգելք չեղաւ
„իրեն՝ կամայօրէն և հակառակ արգելքի՝ վերադառնալ
„Էջմիածին և բնակւել դրա պարիսպների հովանու տակ,
„կաթողիկոսական պալատի մէջ: Այս երկու անձինք ոչ

„սակաւ նպաստեցին լարելու կաթողիկոսի և սինօդա-
„կան անդամների յարաբերութիւնները:

„Իսկ գալով վերջին երկու կաթողիկոսների վաստակ-
„ներին՝ հայ հոգևորականների բարոյական վիճակի բար-
„ւորման նկատմամբ, հարկ է դժբախտաբար, բոլորովին
„բացասական համարել: Ա. Պօլսից եկած այդ երկու հոգևոր
„վեհապետներն էլ, լինելով թերուս և սովոր տաճկա-
„կան կաշառակերութեան և շողոքորթութեան, ս. Գրի-
„գորի սրբավայրը փոխադրեցին այն աղտերը, որոնցով
„ինքեանք տոգորւած էին: Հանգուցեալ Գէորգ կաթո-
„ղիկոսը հռչակում էր՝ իբրև երախտիքի գործ հայ եկե-
„ղեցու առջև և իր ուսումնասիրական ջանքերի ապա-
„ցոյց՝ հոգևոր ձեմարանի հաստատումը Էջմիածնի մէջ:
„Բայց թէ ինչպիսի ուսումնարան է ծածկւած այդ շքեղ
„անւան տակ, — տակաւին գաղտնիք է կառավարութեան
„համար:

„Եթէ դրանից յետոյ աչքէ անցնելու լինենք այն
„աղղեցութիւնը, որ վերջի երկու հայրապետների գոր-
„ծունէութեան եղանակը ունեցել է անդրկովկասեցի
„աշխարհական հայ հասարակութեան վրայ, ապա ան-
„կարելի կը լինի չընդունել, որ նրանք իրենց նպատա-
„կին չհասան, այն է, հայ հասարակութիւնը իրենց
„աղղեցութեան ենթարկել չկարողացան: Լուսաւորչական
„հայերի գիւղաբնակ բազմութիւնը սակաւ է համակ-
„րում իր հոգևոր իշխանների տեսական խորհուրդներին,
„բայց և այնպէս այդ ժողովուրդը պահուում էր մի գոց
„աղղային շրջանակի մէջ, հոգևորականութեան ջանքով,
„որը ձգտում էր պատսպարել նրան ուսուցիչ գարոցի
„աղղեցութիւնից: Իսկ քաղաքաբնակ՝ առաւել կրթւած
„հայ հասարակութիւնը, որի պարագլուխը հարկաւ
„թիֆլիզի հայ ժողովուրդն է, այնքան տոգորւած է
„արդի դրական ուղղութեամբ և այնքան քիչ յարգանք
„էր գգում դէպի իր եկեղեցու իշխանների անձնաւո-

„բութիւնը, որ չէր կարող նպաստել Էջմիածնի քա-
„հանայապետների փառամուր գիտումներին: Սակայն
„այս հասարակութեան մէջ էլ սակաւ չէին զարգա-
„ցել ազգային ինքնուրոյնութեան միտումը և ուս-
„ագգութեան տարրի մէջ լուծելու չկամութիւնը: Այս
„տեսակէտից՝ նա համերաշխ էր հանդիսանում կաթո-
„ղիկոսների հետ, համակրելով նրանց ճիգերին՝ իրենց
„անկախութիւնը հաստատելու, և նեցուկ գտնելով նրանց
„մէջ՝ ազգային անջատման (սեպարատիզմ) համար:
„Թէև այս ուղղութիւնը չէր արտայայտուում ոչ մի
„ապօրինի գործողութեան մէջ և չէր ներկայացնում ոչ
„մի քաղաքական վտանգ, այսու հանդերձ չէ կարող
„համապատասխանել մեր կառավարութեան ընդհանուր
„նպատակներին:

„Հայոց եկեղեցու և մեր սահմանների մէջ ապրող
„հայ ազգաբնակչութեան վերաբերմամբ՝ նախկին թիւր-
„քահպատակ կաթողիկոսների հայրապետութեան ար-
„դիւնքները այդպէս էին: Այստեղ գծագրուած պատ-
„կերը գծար թէ անստոյգ երևի անաչառ քննողին:
„Սակայն մեր կառավարութիւնը յայանապէս նպաստե-
„լով Մատթէոսի ընտրութեանը և ծածուկ համակրե-
„լով Քէօրգի բազմելուն ս. Քրիստոսի աթոռի վրայ,
„առաւելապէս հետևում էր արտաքին քաղաքականու-
„թեան նպատակների, — նա յոյս ունէր՝ այդ եղանակով
„վերահաստատել Էջմիածնի թուլացած ազգեցութիւնը
„Թիւրքիայի հայ եկեղեցու վրայ և սրա միջնորդու-
„թեամբ զօրացնել մեր քաղաքական նշանակութիւնը
„օսմանեան կայսրութեան մէջ ապրող հայ բնակիչների
„շրջանում: Արդեօք իրագործուած է որևէ չափով յիշեալ
„նպատակը: Հարկաւ այդ առաւել յայտնի պիտի լինի
„արտաքին գործերի մինիստրութեան: Սակայն Առվկասի
„նախկին փոխարքայի գլխաւոր դիւանատան մէջ գրտ-
„նուած տեղեկութիւններին նայելով՝ հազիւ թէ կարելի

լինի գրական պատասխան տալ: Տարակոյս չկայ, որ կաթողիկոսները կամենում և ձգտում էին իրենց իշխանութեան ենթարկել Թիւրքիայի հայ լուսաւորչական թեմերը, բայց և այդպէս վարւելով՝ նրանք հարկաւ ի նկատի չունէին ծառայութիւն մատուցանել մեր քաղաքական շահերին, այլ բացառապէս հետևում էին իրենց փառամոլ գահասիրութեան շահերին: Նրանք ոչ թէ ուզում էին գործիք դառնալ մեր կառավարութեան ձեռքում, այլ դրանից անկախ և թերևս դրան ներհակ՝ տնօրէններ Թիւրքիայում բնակւող իրենց հօտի ճակատագրի: Նրանց փորձերը այդ ուղղութեամբ՝ երևան ելան, ի միջի այլոց, Գէորգի ջանքերի մէջ՝ Կ. Պոլսում Էջմիածնի աթոռի փոխանորդութիւն (վիկարիա) հաստատելու մասին: Սակայն յայտնի է, որ այս գործում նա յաջողութիւն չունեցաւ, պատճառ որ օսմանեան գուռը հակառակեց այդ ձգտման, և բացի գրանից՝ Կ. Պոլսի հայ հոգևորականութիւնը ոչ մի համակրութիւն չբնծայեց նրան: Ի նկատի առնելով այն պայմանները, որոնց մէջ գտնւում է այսօր Կ. Պոլսի հայոց ազգային վարչութիւնը, հազիւ թէ կարելի լինի սպասել, որ Կ. Պոլսի պատրիարքութիւնը կամաւ հրաժարւի իր՝ հնութեամբ նւիրագործւած իրական անկախութիւնից Էջմիածնի աթոռից, և աշխարհական դասն էլ կամենայ ենթարկւել Ռուսաստանի սահմանների մէջ բազմող հոգևոր պետի ազդեցութեան:

„Գեռ 1865 թւին, Գէորգի ընտրութիւնից առաջ՝ ներքին գործերի մինիստրը կարծիք յայտնեց թէ՝ „Մեր կառավարութեանը հարկ էր ուշադրութիւն դարձնել ոչ այնքան Կ. Պոլսի հայերի վրայ, քանի որ նրանք ենթարկւում են այլ և այլ՝ մեզ թշնամի ազդեցութիւնների, որոնց դէմ մաքառել մեզ դժւար է, ինչքան Ասիական Թիւրքիայի հայ ազգաբնակչութեան վրայ“:

„Ըստ երևոյթին՝ միանգամայն ճշմարիտ, բայց դժւար

իրագործելի միտք: Միայն Կ. Պօլսի հայ հասարակու-
թիւնն է, որ անւանապէս գլուխ ունենալով պատրիար-
քին, կազմում է մի տեսակ առանձին մարմին, որի
վրայ ազգելն հնարաւոր է. իսկ Ասիական Թիւրքիայի
հայ ժողովուրդը՝ ի հոգեւոր մասին՝ թեմերի, իսկ աշ-
խարհական մասին՝ օսմանեան կառավարութիւնից սահ-
մանւած վարչական բաժանմունքների տրոհւած լինելով,
ոչ այլ ինչ է, բայց եթէ առանձնական անհատների
գումարումն, զուրկ ըլէ քաղաքական անկախութիւնից
և միութիւնից Բայց որ այդ ժողովուրդը՝ իր
ինքնապահուածութեան առօրեայ հոգսերի մէջ՝ աչք դար-
ձնէր դէպի Էջմիածնի կաթողիկոսը, համարելով նրան
իր հովանաւոր, պաշտպան կամ մխիթարիչ, — դժւար
թէ այդ ստուգւէր որեւէ հաւանականութեամբ: Ասս-
կածելի է մինչև անգամ, որ այդ ժողովուրդի ոչ սակաւ
մասը մի բան գիտենար Էջմիածնի գոյութեան մասին
և այն նշանակութեան մասին, որ նա ունի հայոց եկե-
ղեցու պատմութեան մէջ: Բայց ամենակարևորն այն է,
որ նոյն իսկ այդ ժողովուրդին ազգակից և կրօնակից
Կ. Պօլսի հայ հասարակութիւնը միանգամայն զլանում
է նրա իրաւունքը՝ մասնակցելու կաթողիկոսի ընտրու-
թեան, կամայօրէն իրեն է սեփականում բոլոր թեմերի
թէ իրական, թէ շինծու քուէները, և այս քուէներով
անարգել յաղթանակ է տալիս իր կանգիտատներին:
Այս մտքի ճշմարտութիւնը ստուգւում է վկայու-
թեամբ մեր գործակալների Փոքր-Ասիայում: Օրինակի
համար, Էրզրումի մեր հիւպատոսի հաղորդագրութեան
մէջ, ուղղած կայսերական դեսպանատան՝ Կ. Պօլիս, 1866,
սուած է թէ հոգեւորական և աշխարհական հայ
մարդիկ, Էրզրումի, Մուշի, Վանի մէջ և այլ ուրեք,
գանգատում էին թէ Կ. Պօլսի հայերը բացառապէս
իրենց էին սեփականել ամբողջ ազգի անունով գոր-
ծելու իրաւունքը՝ առանց նրանցից խորհուրդ հարցնե-

լու: Եթէ այդպէս չը լինէր, ասում էին նրանք, մենք կաթողիկոսական ընտրութիւնը ուսաց կառավարութեան կը յանձնէինք:

Ներքին է մտածել, թէ հանգուցեալ Ֆէլդմարէշալ իշխան Բարխատինսկու 1857 թւին յայտնած կարծիքը, թէ Էջմիածնի հայրապետական աթոռը ունենալով թիւրքիայի հայ հոգևորական դասից ելած գահակալ կարող էր մի յենակէտ դառնալ մեր քաղաքական ազդեցութեան համար Արևելքում, — ոչ այլ ինչ էր, թայց եթէ մի ցաւալի մոլորութիւն, թէ այն պատճառով, որ յիշեալ աթոռը՝ այդպիսի պայմանների մէջ՝ երբէք չի լինի մի հլու գործիք մեր ձեռքում, և թէ այն պատճառով, որ Փոքր-Ասիայի հայերի միտումը դէպի մեզ՝ ոչ այնքան առ Էջմիածինն ունեցած կրօնական հակամարտ է պահպանուում, ինչքան լոկ աշխարհական յոյսերով՝ հզօր հովանաւորութեան վրայ... Տառապեալ հայոց աչքերը ոչ թէ դէպի Էջմիածին են ուղղուում, այլ դէպի քաղաքական զօրութիւնը:

Գալով միւս նպատակին, որ նկատի էր առնւած 1857-թւին, այսինքն վերահաստատութիւն Էջմիածնի աթոռի նւազած ազդեցութեան թիւրքիայի հայ եկեղեցու վրայ, — 25 տարւայ փորձը հաղիւ թէ ցոյց տայ մի որևէ աջոգութիւն այդ կողմից: Սիսի կաթողիկոսական աթոռի անկախութեան առիթով ծագած և Մատթէոսի վասճանելուց յետոյ տաք տաք շարունակւած վէճը տեղի ունեցաւ Վ. Պօլսի և Սիսի միջև, մեկուսի թողնելով Էջմիածինը: Վ. Պօլսի պատրիարքները ընտրուում, հաստատուում և արձակուում են առանց որևէ մասնակցութեան կաթողիկոսի, և եթէ սրանունն յիշատակելիս էլ լինի հայ եկեղեցիների մէջ, — պատմական աւանդութիւններին ընծայւած մեծարանքի այդ պատօնական յարկն է, կարծում ենք, այն միակ արդիւնքը, որ ստանում է կաթողիկոսը

„Հասել է ժամանակը, երբ անհրաժեշտ է սահմանել որևէ որոշ ուղղութիւն մեր ապագայ գործունէութեան եղանակի նկատմամբ: Ահներև է, որ մեր կառավարութիւնը չէ կարող շեղել ընտրութեան չմիջամտելու սկզբունքից, որ հռչակած էր Էջմիածնի վերջին ընտրութիւնների ժամանակ, և անհրաժեշտ է յարգել ընտրութեան այն ազատութիւնը, որ սրբագործւած է մեր իսկ պետութեամբ: Ամեն մի բացառյալ խտրում այդ սկզբունքից, արդար տեղիք կը տար գանգատելու՝ ոչ միայն օտարահպատակ, ապա և մեր հայ ժողովրդին: Այսպիսի մի միջամտութիւն չէ արգելում հարկաւ, որ Կ. Պոլսի մեր դեսպանատունը և մեր բոլոր գործակալները թիւրքիայում արժուն կերպով դիտեն հայ հասարակութեան մտքերի տրամադրութիւնը՝ նոր կաթողիկոսի ընտրութեան վերաբերմամբ: Բայց ամենագլխաւորը մեզ համար այն խնդիրն է, թէ արդեօք պէտք է մեզ կուրօրէն համաձայնել, որ Էջմիածնում կատարելիք առաջիկայ ընտրութեան մեջ էլ Կ. Պոլսի հայ ժողովուրդը թիւրքական հայ թեմերի բոլոր քուէները յափշտակէ:

„Բացայայտ է, որ քանի հանդուրժւի այսպիսի մի կարգ, ամենայն հայոց կաթողիկոսի ընտրութիւնը ոչ թէ Էջմիածնում կը կատարւի, այլ Կ. պոլսում: Միակ ղէնքը, որով սպառազինւած է մնում մեր կառավարութիւնը՝ բարձրագոյն իշխանութիւնների այն իրաւունքն է, որով նա կարող է չհաստատել այդպէս ընտրւած կաթողիկոսին: Մակայն այդ ղէնքի գործադրութիւնն էլ փոքր ինչ անյարմար է:

„Կ. Պոլսի հայերը իրենց քուէարկութեան իրաւունքը յանուն թիւրքիայի բոլոր թեմերի — լինէին զրանք 90, ինչպէս ասւած էր 1858-ին, կամ 130, ինչպէս նրանք պահանջում էին 1866-ին — այն փաստի վրայ են հիմնուած, որ Կ. Պոլսի պատրիարքը իբր թէ

«Թիւրքիայի ամբողջ հայ եկեղեցու գլուխն է, իսկ
«Վ. Պօլսի Ազգային ժողովը՝ բոլոր Թիւրքիաբնակ հայ
«ազգի ներկայացուցիչը: Արդեօք որ աստիճանի օրի-
«նական հիմք ունի այդ յաւակնութիւնը՝ նոյն ինքն
«օսմանեան կայսրութեան վերաբերմամբ, — յայտնի
«է. սակայն դժւար թէ դա ընդունելի նկատուի
«կաթողիկոսի ընտրութեան գործում: Այս ընտրու-
«թեան եղանակը սահմանուած է մեր օրէնքներով, որոնք
«հրաւիրում են ամբողջ հայ ազգի մասնակցութիւնը
«այդ գործի մէջ, համաձայն թեմերի թւին. իւրա-
«քանչիւր թեմ՝ իրաւունք ունի պատգամաւոր ուղար-
«կել, որոնցից մէկը՝ այն է հոգևորականը՝ կամ ինքը
«վիճակաւոր առաջնորդը պիտի լինի, կամ նրա պատուի-
«րակը. իսկ աշխարհական պատգամաւորը պէտք է նը-
«շանակուի ազատ ընտրութեամբ այն գասակարգերի,
«որոնք իրաւունք ունեն առ այդ՝ հայոց եկեղեցու հնա-
«ւանդ սովորութեամբ: Այս կարգը խստիւ պահպանուում
«է մեր սահմանների մէջ և պահանջելի է, որ միւս
«երկիրների ընտրողների համար էլ պարտաւորիչ լինէր:

«Թէ Վ. Պօլսի հայոց պատրիարքը այն աստիճանի
«գլուխ է հայ եկեղեցու, որ նրա գլխաւորութեան մէջ
«բոլոր թեմերն էլ միանում են, ապա ուրեմն էջմիած-
«նում կատարելիք ընտրութեան ժամանակ, Թիւրքիայի
«հայ եկեղեցին պարտ է ներկայանալ որպէս մի թեմ,
«ունենալով մի հոգևոր և մի աշխարհական ձայն. իսկ
«եթէ Թիւրքիայի մէջ՝ թեմական առաջնորդները, թէև
«Վ. Պօլսի պատրիարքին ենթարկուող, վայելում են այն
«ինքնուրոյնութիւնը, որ սահմանուած է հայոց եկեղեցու
«կանոնական օրէնքներով, — հետևաբար նրանք ունեն
«իրաւունք և պարտականութիւն մասնակցելու ամենայն
«հայոց կաթողիկոսի ընտրութեանը՝ կամ անձամբ կամ
«պատուիրակների միջնորդութեամբ: — Նոյնն ասելի է և
«աշխարհական պատգամաւորների մասին: Իսկ Վ. Պօլսի

„Թեմը ոչ մի բացառիկ արտօնութեան և լիազօրութեան
„իրաւունք չունի, թէև դա անմիջապէս առաջնորդում
„է պատրիարքի տիտղոս կրող մարդու ձեռքով:

„Շատ ցաւալի է անշուշտ, որ Թիւրքիայի բոլոր քուէ-
„ների ինքնակամ սեփականացնելը Վ. Պօլսի հայերի կող-
„մից՝ սրբագործւած էր մեր լուութեամբ, վերջին երկու
„ընտրութիւնների միջոցին: Այդ նրանով է մեկնում, որ
„Մատթէոս կաթողիկոսի ընտրութեան ժամանակ՝ մեր
„կառավարութիւնը բացարձակ նպաստելով Թիւրքիայի
„կանդիտատին, երեւի հարկաւոր չհամարեց ուշադրու-
„թեան առնել այդպիսի մի հանգամանք, որ ոչ մի նը-
„շանակութիւն չունէր այն միջոցին, նախատաճած և
„մեծ յոյսեր խոստացող նպատակին հասնելու համար:
„Իսկ 1866 թւի ընտրութեան ժամանակ՝ թէպէտ ոչ
„մի ուղղակի ազդեցութիւն չէր գործւած դրանց հե-
„տեանքի վրայ, բայց և այնպէս, այն միջոցին էլ թէ
„մեր և թէ Վ. Պօլսի հայ հասարակութեան կողմից
„ցանկացած կանդիտատն էր հանգուցեալ Գէորգ կա-
„թողիկոսը, որի բազմելը հայրապետական աթոռի վրայ
„երկուստեք էլ ցանկալի էր: Հնութեան այս իրաւունքը,
„որ մեր կառավարութեան յընդ յօժարութեամբ՝ ըն-
„դունւած էր, բաւական գժւարացնում է հետեւել մի
„որևէ որոշ ուղղութեան, որ ցանկալի է տալ թիւր-
„քական թեմերի մասնակցութեանը ընտրութեան գոր-
„ծում: Սակայն այս կէտի վերաբերմամբ խնդիր
„յարուցանելու առիթ կարող էր համարուել, կարծես,
„այն անհրաժեշտ պէտքը, որ զգացւում է, Թիւրքական
„թեմերի իսկականութիւնը որոշելու տեսակէտից, այն
„տարաձայնութեան պատճառով՝ որ առաջ էր եկել
„դրանց քանակի վերաբերմամբ, վերջին երկու ընտրու-
„թիւնների ժամանակ: Յանկալի էր, որ քուէի իրաւունք
„ունեցող ճանաչւէին իսկապէս հոգևոր-վարչական շըր-
„ջանները և ոչ թէ անգոյ, կեղծ (ֆիկտիֆ) թեմերը

«միայն մի վանքով, ուր որ նստում է մի եպիսկոպոս
«կամ արքեպիսկոպոս: Յայտնի է որ մեր անդրկովկասեան
«երկիրների մէջ էլ՝ Ռուսաստանի հետ միանալուց առաջ
«և մասամբ մինչև նոր ժամանակներս, կային բազմաթիւ
«եպիսկոպոսական աթոռանիստ տեղեր, որոնք բոլորովին
«տարբեր էին այն գաղափարից, որ տրւում է թեմերին,
«իբրև հոգևոր վարչական հողային բաժանմունքների:
«Այս առանձին եպիսկոպոսանիստ աթոռները հետզհետե
«անհետացան. մնացին միայն չորս թեմեր, և այս ամ-
«բողջ երկիրը՝ գրեթէ իր մէկ միլիօն հայ ազգաբնա-
«կութեամբ՝ միայն չորս աշխարհական ձայն ունի կա-
«թողիկոսի ընտրութեան ժամանակ. իսկ ամբողջ ուսաց
«կայսրութեան մէջ՝ միայն վեց այդպիսի ձայն: Պարսկաս-
«տանը, որ շնդկաստանի մէջ բնակող հայերի հետ միասին
«միայն երկու թեմ է կազմում, ուղարկում է Էջմիա-
«ծին միայն երկու աշխարհական պատգամաւոր: Այն
«ինչ Թիւրքիայի հայերը պահանջում էին և յաջողե-
«ցան էլ ընդունել տալ վերջին երկու ընտրութիւնների
«ժամանակ՝ 45 միայն աշխարհական ձայներ: Այդպիսի
«մի ակնյայտի անպատեհութիւն և անհաւասարութիւն
«միայն նրանով կարելի է բացատրել, որ Թիւրքիայի
«մէջ, ըստ հին սովորութեան, երևի անմիջապէս
«պատրիարքարանից կախած արքեպիսկոպոսներ կամ
«եպիսկոպոսներ կան, որոնցից սակայն ամենաչնչին մասն
«է կառավարում մի թեմ, բառիս բուն առմամբ: Այս
«ինդրի լուսաբանութիւնը կարծես թէ շատ անհրաժեշտ
«պիտի լինէր ձայների թւական յարաբերութիւնը ճիշտ
«կանոնաւորելու համար, ձայների, որ պիտի ունենայ
«ուսաց կայսրութեան սահմանների մէջ բնակող հայ
«ազգի մի մասը՝ համեմատութեամբ այն մասի, որ ապ-
«րում է օսմանեան պետութեան մէջ: Յարաբերու-
«թիւնը 6 առ 45՝ բնաւ կարող չէ կազմել մի ար-
«դար յարաբերութիւն, եթէ հիմք առնենք ազգայ-

„նակութեան թիւը մէկ և միւս կայսրութեան մէջ
„Այս խնդրի յարուցանելը և պարզելը ցանկալի է
„ցանկալի է որ այդ բանը կատարւէր մերձակայ ապա-
„գայում, առաջ քան թէ լրանար մտտակայ ընտրու-
„թեան համար սահմանւած տարեկան ժամանակամիջոցը:
„Տարակոյս չը կայ որ Ա. Պօլսի մեր ղեսպանատունը
„կարող է մեր հիւպատոսների միջնորդութեամբ ձեռք
„բերել կարի ստոյգ տեղեկութիւններ՝ Թիւրքիայում
„եղած հայոց իսկական թեմերի թւի մասին: Այսպիսի
„պարագաներում միմիայն Ա. Պօլսի պատրիարքութեան
„ցուցմունքներին ապաւինելը չէ կարող պարտաւորիչ
„լինել, մանաւանդ որ այդ տարբեր ցուցմունքներին
„նայելով՝ հնարաւոր է եղել 20 նոր թեմերի ծագումն
„1858 թւականից մինչև 1866 թւականը: Յայնապէս
„տարօրինակ երևոյթ:

„Միւս՝ լիակատար ուշադրութեան արժանի և յոյժ
„կարեւոր նշանակութիւն ունեցող խնդիրը՝ յարաբերու-
„թեան այն եղանակն է, որին հետևում է Էջմիածնի
„Սինօզը, կաթողիկոսի մահը Թիւրքիայի վիճակներին
„ծանուցանելիս և նոր ընտրութեան մասնակցելու հրա-
„ւիրելիս: Ընդունւած սովորութեան համեմատ՝ Էջմիածնի
„Սինօզը ուղարկում էր Թիւրքիա՝ Աովկասի գլխաւոր
„վարչութեան և արտաքին գործերի մինիստրութեան
„միջնորդութեամբ՝ միայն երկու ղեկուցական և հրաւի-
„րական հրովարտակներ, յանուն Ա. Պօլսի պատրիարքի:
„Այս եղանակը հաղիւ թէ պատշաճաւոր է և հաղիւ
„թէ յարմարեցրած նոյն իսկ այն հայեացքին, որին
„պարտ ենք հետևել Էջմիածնի աթոռի յարաբերութիւն-
„ների նկատմամբ՝ Թիւրքիայի թեմերի հետ: Թէպէտ,
„դժբախտաբար, այդ բոլոր թեմերը իսկապէս ոչ մի
„ուղղակի կախում չունեն կաթողիկոսից, որովհետև
„ամբողջապէս ենթարկւած են Ա. Պօլսի պատրիարքին,
„սակայն հայոց եկեղեցու հին կարգերի ոգուն նայելով,

„այս եկեղեցու բոլոր թեմական առաջնորդները պար-
„աւոր են Էջմիածնի մէջ ձեռնադրութիւն ստանալ և
„կաթողիկոսին ենթարկել: Ս. Գրիգորի աթոռի և նրա
„Փոքր-Վսիական հոգևոր հօտի միջև գէթ որևէ յա-
„րաբերութեան վերականգնումը՝ թէ եկեղեցու աւան-
„դութիւններին համապատասխան կը լինէր և թէ մեր
„քաղաքական շահերին: Այս նպատակին հասնելու հա-
„մար՝ օգտակար կը լինէր գուցէ սովորութիւն հաստա-
„տել, որ հայրապետի մահէան դէպքում Էջմիածնի
„Սինօզը առանձին հրաւիրական թղթեր ուղարկէր
„թիւրքական ամեն թեմ: Այս կարգը լիովին համաձայն
„կը լինէր մեր օրէնքին, որի մէջ (յօդ. 916, Ա. մաս,
„Վ. հատոր, Կանոնագիրք կառավարութեան հայ-լուսա-
„ւորչական եկեղեցու) դրականապէս ասւած է, թէ
„Սինօզը ուղարկում է կաթողիկոսի մահը ծանուցանող
„ղեկուցագիր թէ Ռուսաստանի և թէ արտաքոյ նրա
„սահմանների գտնուող ամեն մի հայ-լուսաւորչա-
„կան թեմին: Այս գրերը միևնոյն ժամանակ և կաթո-
„ղիկոսի ընտրութեանը մասնակցելու հրաւէր յայտնող
„պաշտօնագրեր են: Էրզրումի հիւպատոսի՝ 1866-ին
„հաղորդած վերոյիշեալ տեղեկութիւնները իրաւունք են
„տալիս ենթադրելու թէ Սինօզի այդ օրինակ դիմումն
„առ ամեն մի վիճակ՝ համակրութեամբ կ'ընդունէր
„թիւրքիայի գաւառներում՝ թէ հոգևոր և թէ աշխար-
„հական հայ ազգաբնակչութիւնից, և դա համաձայն կը
„լինէր ներքին գործերի մինիստրութեան 1865 թւի
„արտայայտած մտքին,— թէ մեր կառավարութեանը հարկ
„էր ուշադրութիւն դարձնել ոչ այնքան Վ. Պոլսի հա-
„յերի, որոնք ենթակայ են այլևայլ մեզ թշնամի և
„մեզ համար դժւար դիմադրելի ազդեցութիւնների,
„որքան Վսիական-թիւրքիայի հայ ժողովրդի վրայ:

„Այս շատ ճշմարիտ գաղափարի իրագործման միակ
„միջոցը, որքան որ դա վերաբերում է Էջմիածնի

„Ինչքին, այն կը լինէր, որ կաթողիկոսի ընտրութեան
„ուղղակի մասնակցելու հնար տրւէր այդ ժողովոյին:
„Կարելի է հաստատ յուսալ, թէ այդ մասնակցու-
„թիւնը չի արտայայտւի մեր դիտումներին և շահերին
„հակառակ գործողութիւնների մէջ: Այսպիսի մի նորա-
„ձեութիւն, անտարակոյս, դժգոհութիւն, թերւս և բա-
„ցարձակ բողոք կը յարուցանէ Կ. Պօլսի հայ հաս-
„րակութեան կողմից. բայց կասկած չկայ, որ երբ յիշ-
„եալ նորաձեութիւնը կարողանայ անդամալուծել այդ
„հասարակութեան վճռող ազդեցութիւնը կաթողիկոսի
„ընտրութեան գործում և վերահաստատել մի որեւէ ուղ-
„ղակի կապ Էջմիածնի և Փոքր-Ասիայի թեմերի միջև
„— այն ժամանակ եթէ Կ. Պօլսի հայերն հրաժարւնին
„անգամ մասնակցել Էջմիածնի կաթողիկոսի ընտրու-
„թեան, դա մեզ փոյթ չէր լինիր: Չէ կարելի անտես
„թողնել, որ կաթողիկոսի ազդեցութեան վերականգ-
„նումը Փոքր-Ասիայի հայերի վրայ՝ միայն նրանով է հնա-
„րաւոր, որ նա անմիջական հաղորդակցութիւններ ու-
„նենայ հայերի հետ: Իսկ այդպիսի հաղորդակցութիւն
„այն ժամանակ միայն առաջ կը գայ, երբ նրա ընտրու-
„թեան մէջ ևս մաս ունենան այդ երկրի հոգևոր և
„աշխարհական դասակարգերը: Քանի որ Էջմիածնի և
„մեզ սահմանակից գաւառների հայ ազգաբնակչութեան
„միջև կանգնած կը լինեն Կ. Պօլսի պատրիարքը և Կ. Պօլսի
„հայ հասարակութիւնը, — ունայն կ'անցնեն մեր բո-
„լոր ջանքերը՝ վերահաստատելու ամբողջ հայ ազգի
„աչքում ս. Գրիգորի աթոռի գերակշռող նշանակու-
„թիւնը, և մենք՝ ընկնելով սուերի ետեւից, առաւել և
„առաւել կը վնասենք մեր ներքին շահերին և կը
„մասնենք դրանց մեզ թշնամի ուժերի ձեռքը:
„Վերջիշեալ բոլոր կշռադատութիւնների հիման
„վրայ, կարծես անհրաժեշտ պիտի թւէր՝
„Այժմէն իսկ յանձնել Կ. Պօլսի մեր գեսպանութեան

որ նա պահանջէր՝ Կ. Պօլսի հայոց պատրիարքից ճիշտ տեղեկութիւններ՝ օսմանեան պետութեան մէջ եղած հայ լուսաւորչական թեմերի մասին, իւրաքանչիւր թեմի հողային տարածութեան որոշումով հանդերձ. իսկ ըստացելիք տեղեկութիւնները վերաստուգելու համար, եթէ հարկ լինի, դիմել մեր հիւպատոսներին և հարցնել թէ քանի՞ հատ են յատկապէս այն թեմերը, որոնք կազմում են որոշ քանակութեամբ բնակիչ բովանդակող հոգևոր վարչական միութիւններ:

Աթողիկոսի ընտրութեան մասնակցելու իրաւունք ունեցող ճանաչել միայն այնպիսի թեմեր, որոնց մէջ կարող է ընտրուել մի անկախ աշխարհական պատգամաւոր.

Յատկացնել Կ. Պօլսի ժողովին միայն մի աշխարհական պատգամաւոր ունենալու իրաւունք՝ Եջմիածնի ընտրութեան գործում, և պահանջել, որ իւրաքանչիւր թեմ կամ իր աշխարհական պատգամաւորն ընտրէ, կամ թէ գրաւոր կարծիք յայանէ՝ իր ցանկութեան յիշատակութեամբ հանդերձ.

Թիւրքիայի մէջ եղած իսկական թեմերի որքանութեան մասին տեղեկութիւն ստանալուց յետոյ՝ առաջարկել Եջմիածնի Արհմիութեան, որ նա՝ ընդհանուր սահմանած կարգով՝ հրաւիրական թղթեր ուղարկէ առանձնապէս ամեն մի թեմի, և դրանցից ամեն մէկին դարձեալ առանձնակի զեկուցում տալ ընտրութեան պայմանաժամի մասին: Եթէ պատահի որ պատասխան չգայ, համարել այդպիսի թեմը ընտրութեան ոչ մասնակցող և ձայն տալու իրաւունք չունեցող.

Իրաւունք տալ իւրաքանչիւր թեմական առաջնորդի Թիւրքիայում—համաձայն յօդ. 917, Անտոնագիբը կառավարութեան լուսաւորչական-հայոց եկեղեցու Ռուսաստանում, — կամ անձամբ գալ Եջմիածին՝ կաթողի-

„կոսի ընտրութեան համար, կամ թէ մի հոգևոր նւի-
„րակ նշանակել իր կողմից.

„Ընտրութեան մասնակցելու համար՝ Վ. Պօլսի պատ-
„րիաբքից ուղարկեաժ հոգևոր անձին համարել միայն
„մի թեմի ներկայացուցիչ, եթէ նա չունենայ առանձին
„յանձնարարականներ՝ ուրիշ թեմական առաջնորդ-
„ներից.

„Բոլոր այդ կարգադրութիւնները, ըստ կարելոյն,
„զանց չառնել հրապարակել հայոց լեզուով՝ պարբերա-
„կան թերթերի միջոցով, թէ մեր սահմանների մէջ և
„թէ միւս երկրներում.

„Այլևս բնաւ չհամաձայնել որ թիւրքական թեմերի
„բոլոր ձայները Վ. Պօլսի հայերը գրաւէին, եթէ այս
„պատճառով նրանք հրաժարւելու անգամ լինէին առա-
„ջիկայ ընտրութիւններից, և չմոռնալ՝ որ առաւել վաս-
„կացութիւն, քան թէ այն, որ ստեղծւել էր 1858 և
„1866 թւականների ընտրութիւններով, կարող չէ
„առաջ գալ:

„Յիշեալ միջոցների ընդունելութիւնն և գործադրու-
„թիւնը ամենայն հաւանականութեամբ այն հետևանքը
„կունենայ, որ ամենայն հայոց հայրապետի ընտրու-
„թիւնը մի անգամ ընդ միշտ բոլորովին օրինական և
„մեր շահերին համապատասխան հիմքի վրայ կը հաս-
„տատւէր: Այդ միջոցները, անշուշտ, համակրութեամբ
„կ'ընդունուէին Թիւրքիայի ամբողջ հայ ժողովրդի կող-
„մից՝ ի բաց առեալ միայն Վ. Պօլսի հայերը, և եթէ
„վերջինները ազգելով օսմանեան կառավարութեան
„վրայ՝ յաջողէին գրան էլ համոզել, որ պաշտպան
„կանգնէր իրենց անհիմն պահանջներին և արգելէր ջոկ
„ջոկ պատգամաւորներ ուղարկելը Էջմիածին՝ Թիւրքիայի
„թեմերից, — դարձեալ այդ էլ չէր խափանի մեզ՝ պըն-
„դելու մեր այն լիովին օրինական սկզբունքի վրայ, որ
„մեր գործողութիւնների հիմքը պիտի լինի:

„Տարակոյս չկայ, որ եթէ այսպիսի կարգ պահպանե-
լու լինենք, նոր կաթողիկոսի ընտրութիւնը՝ ներկայ
թուականի (1883) վերջն կամ յաջորդ տարւայ
սկզբին, ամենայն հաւանականութեամբ, մեր կառավա-
րութեան կամքի համեմատ կը կատարուի: Եջմիածնի
մէջ շատ աւելի հեշտ կը լինի առանձին թիւրքական
թեմերի պատգամաւորներու ձայները մեզ հաճելի անձ-
նաւորութեան վրայ ուղղել, քան թէ դէպի մեզ հան-
գուցանել և Պոլսի հայերին, եթէ նրանց ընտրելին
կարող չը լինէր հաւանութիւն գտնել մեր կառավա-
րութեան կողմից: Անհնարին է չխոստովանել, որ այս
անգամ մեր հոգևորականների դասից մի անձի բար-
ձրանալը կաթողիկոսական աթոռի վրայ, շատ ցանկալի
կը լինէր, որպէսզի թէ մեր լուսաւորչական հայ հո-
գևորականութիւնը իրեն իսպառ մերժած չհամարէր
այդ աթոռից, — ինչ որ շատ դառն և լքող տպաւո-
րութիւն կը գործէր նրա վրայ, — և թէ մանաւանդ
նոր կաթողիկոսը մեր կառավարութեան անմիջական
ազդեցութեան տակ գտնէր, աւելի շատ և աւելի
լաւ անձնէր լինելով իր եկեղեցու և հօտի այն շա-
հերին, որոնք իր գլխաւոր պարտաւորութիւնն են կազ-
մում, և որոնք, զժբախտաբար, քիչ էին ձանաչած
վերջին երկու հայրապետներից:

„Հարկաւ, դժւար է մեր բարձրաստիճան լուսաւոր-
չական հայ հոգևորականների շրջանում մասնացոյց
անել մի այնպիսի անձնաւորութեան վրայ, որը իր կրթ-
ութեամբ և բարոյական արժանիքներով՝ համապա-
տասխան հանդիսանար այն գործին, որ սպասում է իր
պետից՝ հոգևոր և բարոյական նկատմամբ՝ տառապեալ
հայ եկեղեցին: Մական, 25 տարւայ տխուր փորձը շատ
բացորոշ կերպով ապացուցեց, որ Թիւրքիայի հայ
հոգևորականութիւնն էլ ապիկար է դուրս բերելու
իր շարքերից այդ իդէալին մերձեցող մի կաթողիկոս:

„Ռուսաստանի Հայ հոգևորականների դասից ընտրելի
„հայրապետը գոնէ չի մտցնի Էջմիածնի մէջ այն աղե-
„տալի ազդեցութիւնները, որոնք գալիս են Բոսփորի
„ափերից:

„Բայց որովհետեւ, չնայելով ոչ մի զգուշութեան՝
„վերջ իվերջոյ դարձեալ Թիւրքիայի լուսաւորչական հայ
„հոգևորականներից մէկը կարող է նստել հայրապե-
„տական աթոռի վրայ, որ կը խաբէր մեր յոյսերը,
„ինչպէս որ խաբեցին հանգուցեալ Մատթէոսն և Գէորգը,
„— ուստի աւելորդ չի լինի ժամ առաջ որոշել մեր
„գործողութեան եղանակի այն էական հիմքերը, որոնց
„որ հետևելու է մեր կառավարութիւնը, Էջմիածնի աթոռի
„հետ ունենալիք իր յարաբերութիւնների մէջ: Գործու-
„ղութեան այդ եղանակը սահմանուած էր Ա. Պոլսի մեր
„նախկին դեսպանից, նրա հեռագրի մէջ 7/19 յու-
„նիսի, հետևեալ խօսքերով:

*Il serait opportun que l'administration du Caucase eût
soin d'agir, dès l'installation du nouveau patriarche, afin
de le maintenir dans des dispositions correctes.*

(Թարգմ. — Նպատակայարմար է, որ Կովկասի վարչութիւնը
չանք գործ դնէր, կաթողիկոսի հաստատուելուն պէս, ուղիղ տրա-
մադրութիւնների մէջ պահելու նրան):

„Կովկասի գլխաւոր վարչութիւնը ընդունեց գործու-
„ղութեան այդ հիմնագիրը և հետևում էր զրան,
„առանց երբէք շեղելու յարգութեան և ակնածու-
„թեան այն ձևերից, որոնք պահանջուում էին կաթո-
„ղիկոսի կոչումը կրող անձնաւորութեան հետ բանակ-
„ցելիս. բայց և այնպէս նա հարկ էր դատում ազգու-
„կերպով դիմագրել նրա բոլոր ձգտումներին՝ ազատ-
„ւելու մեր օրէնքների և մեր կառավարչական հրա-
„հանգների հնազանդութիւնից: Այս մասին բաւական
„վկայութիւն կարող են տալ Կովկասեան նախկին փո-
„խարքայի գլխաւոր վարչութեան բանակցութիւնները

ներքին գործերի մինիստրութեան հետ մեր վար-
չութիւնը անպատեհ էր համարում զիջողութիւններ
բանեցնել վարչական ծանրակշիռ նշանակութիւն ու-
նեցող կարևոր խնդիրների մէջ: Սակայն այս տեսա-
կէտը նեցուկ չէր գտնում կենտրոնական բարձր կա-
ռավարութեան կողմից: Այս վերջինը, կարծես, առաւել
կարևոր էր դատում յամենայն դէպս հաշտ ընթացքի
հետեւել հանգուցեալ հայրապետի հետ հաղորդակ-
ցելիս՝ առանց պնդելու, որ նա անպայման կատարէր
օրէնքի պահանջները, — այն յուսով անշուշտ, թէ
այդպիսի եղանակով կաթողիկոսի յամառութիւնը կ'ա-
մոքէր, և երկիւղ կրելով թերևս, թէ նա՝ բուռն
վարմունքից՝ մի անհաճոյ թշնամական քայլ գործելու
կըստիպէր: Սակայն հետեանքները այդ յոյսը չար-
դարացրին, իսկ երկիւղները հազիւ թէ հիմնաւոր էին:
Հանգուցեալ Գէորգ կաթողիկոսը, իրաւ, ասում էր
զայրացման ժամանակ, թէ կը թողնէ Էջմիածինը
և թիւրքիա կ'երթայ սակայն դժւար թէ հարկ լինէր
կարևորութիւն ընծայել այդ սպառնալիքներին, մի
կողմից այն պատճառով, որ նա չէր հրաժարուիլ Էջ-
միածնի վանքի մէջ վայելած նիւթական օգուտներից,
միւս կողմից էլ այն պատճառով, որ նա չէր կարող
չը գիտենալ թէ վերջ իվերջոյ առաւել մեծ նշանակու-
թիւնը հաւանօրէն կը մնար սեփականութիւն ոչ թէ
կաթողիկոսի կոչումը կրող անձին, այլ նրա կեցու-
թեան տեղին, որ գտնուում է ս. Գրիգորի գերեզմանի
վրայ: Յամենայն դէպս՝ ոչ մեր կառավարութեան ար-
ժանապատուութիւնը, ոչ էլ մեր ներքին քաղաքակա-
նութեան շահերը չեն թոյլ տալիս, որ կաթողիկոսը
մոռանար, թէ նա ուստաց կայսեր հպատակն է և
և ուստաց օրէնքներին ենթակայ: Նրա մէջ այս համոզ-
մունքի հաստատելը՝ վարչողութեան պատշաճի ձևերը
լիովին յարգելով, թերևս աւելի կարևոր և էական է,

„քան թէ առաւել կամ նւազ յոյսեր դնելը նրա մտ-
„նակցութեան վրայ՝ ի նպաստ մեր արտաքին քաղաքա-
„կանութեան շահերին: Ամենայն հայոց ապագայ կա-
„թողիկոսի հետ՝ մեր կառավարութեան ունենալիք յա-
„րաբերութիւնների իբրև նշանաբան պէտք է ըն-
„դունել՝ Ս ու ա վ ե թ եր ի ն մ օ դ օ, Փ օ ր ա ե թ ե ր
„ի ն ր է (ձևերի մէջ փափուկ եղիր, գործի մէջ՝
„անհաշտ):

ՐԱՐՕՆ ՆՆԿՕՒԱՅՈՒ

Կառավարիչ կովկասեան նախկին փոխարքայի դիւանատան

Քսան տարի է անցել՝ դրա շարադրութեան օրից:
Եւ որպիսի՜ փոփոխութիւններ: Չը մնաց այլևս ոչ
թիւրքահայերի վրայ ազդելու ծրագիր, ոչ էլ «ձևերի
մէջ փափուկ լինելու» խնդիր: Այժմ մի նպատակ միայն
կայ, — զրկել կաթողիկոսին նրա բոլոր իրաւունքներից:
Իրաւազուրկ կաթողիկոս, և եթէ կարելի է՝ նոյն իսկ
ոչ մի կաթողիկոս, — ահա արդի ծրագիրը, փայփայած
նպատակը կենտրոնաձիգ միապետութեան:

Դ Ա Ի — Վ Ա Ր Պ Ե Տ Ն Ե Ր Ը

(Տ Ա Մ Ն Ե Ր Կ Ո Ւ Ե Ր Ո Ր Դ Ն Ա Մ Ա Կ)

Գններալական նշանաբանը. — «Եթէ չը կան, պէտք է ստեղծել». — Դաւազորոճների գունդը. — «Հայերի գաղտնի ժողովները» եւ նահանգապետի հրամանը. — Շալիկով եւ Տիգնհաուզէն. — Գններալ Փրէզէ եւ հայկական ցոյց Էջմիածնում. — «Հայերը քանդում են ոռոսաց եկեղեցին». — Կեղծ պրօկլամասիօնը. — Կիպիանի եւ վրաց ապստամբութիւնը. — Հայկական ցոյց Արծրունու թաղման ժամանակ. — Զրօր՝նէքի շարժումը. — Եպիսկոպոսական արտօրը. — Մեծ դաւադրութիւնը եւ գաւեշտական վախճան. — Զինօվսիկութեան Աստուածը:

Վինում է չի լինում՝ մի գեներալ: Գլխով ալևոր, հոգևով՝ աւելի: Առասպելական չէր նա, այլ իրօք, բազմած թիֆլիզի ժանդարմական վարչութեան մէջ, հպարտ իր անցեալով, վստահ՝ ապագայի վրայ: Խելքով փոքրիկ, բայց դիրքով՝ մեծ: Պետ՝ մի ամբողջ վարչութեան, նա էր ծրագիրներ կազմողը, գործեր ստեղծողը, ինչպէս և գործեր թաղողը:

— Չերդ գերազանցութիւն, ուշի ուշով քննեցի բոլորը, բայց ոչ մի գործ չը գտայ, դաւեր չը կան, — զեկուցեց համեստ պաշտօնեան:

— Եթէ չը կան, պէտք է ստեղծել, հրամայաբար շեշտեց նորին գերազանցութիւնը, աչքերը յառելով իր ստորագրեալի վրայ: Գնացէք և ստեղծեցէք: Հասկանում էք:

Եւ գնացին ու ստեղծեցին: Վարպետները անպակաս են: Զինօվսիկների հսկայական գունդը, որի արշաւանքին ենթակայ է այս երկիրը, ուրիշ՝ աւելի

կարևոր գործ չունի, բայց եթէ խնդիրներ յարուցանել, դաւեր ստեղծել, մանաւանդ ա զ գ ա յ ն ա կ ա ն դաւեր: Գաւագործների թագաւորութիւն է այս:

Այդ է պատճառը, որ երբ Աովկասում նշանակուում է ուէ պաշտօնեայ, առաջին հարցը, որ տրուում է, այն է՝ թէ ինչպէս է վերաբերուում նա ա զ գ ա յ ն ա կ ա ն խնդիրներին: Նոյնն է և աւելի բարձր պաշտօնեաների համար: Երբ հեռագիրը լուր է բերում, թէ կայսրը ներքին գործերի մինիստր նշանակեց, — Աովկասում, ինչպէս և Ահաստանում կամ Ֆինլանդիայում, առաջին հարցը, որ ծագում է «հաստակ» ազգերի գլխում, այն է՝ թէ ինչպէս է նայում նոր մինիստրը այս կամ այն ազգութեան:

Գա քաջածանօթ երևոյթ է, յայտնի ոչ միայն մեծ-մեծ քաղաքներում, այլ նոյն իսկ յետ ընկած գիւղերում, ամենատգէտ գիւղական հասարակութեան մէջ: Գիցուք, Անդրկովկասի ուէ յետին գաւառում — Նոր-Բայազէթ, Զանգէզուր կամ Հին-Նախիջևան — նշանակուում է գաւառապետ կամ աւելի ստոր պաշտօնեայ՝ պրիստա մէ: Անմիջապէս ամբողջ գաւառում այն հարցն է զարթնում, թէ արդեօք նոր պրիստավը հ ա յ ա տ ե ա ց է թէ թ ր ք ա ս է ր, կաշառակեր թէ օրինաւոր: Օրէնքով արգելւած է կաշառակերութիւնը. օրէնքով թոյլ չէ տրուում հ ա յ ի ն հալածել նրա համար, որ նա հայ է, կամ վրացուն ու թուրքին պաշտպանել միմիայն նրա համար, որ նա վրացի կամ թ ու ր ք է. — բայց ո՞վ է օրէնքին նայողը:

Եւ այն դժբախտ օրերից, երբ պաշտօնեայի ընտրութեան գործում՝ առաջին տեղը բռնեց ազգայնական-քաղաքական տեսակետը, — այն օրից դաւագործները դարձան աներկիւղ, և ապականութիւնը՝ ընդհանուր:

Առանց ուէ դրա կ ա ն հետազօտութեան՝ կառավարութիւնը վճռեց, որ Աովկասում կառավարչական բոլոր պաշտօնները պիտի տալ ուսաներին, և իբրև

Տեւեանք՝ այժմ տեղական ազմինիստրացիայի գլխաւոր տարրը կազմում են ուսու ազգութեան պատկանողները: Նրանք չգիտեն տեղական ոչ մի լեզու. ծանօթ չեն ժողովրդի կեանքին, տեղական պայմաններին և այդ պատճառով եթէ երբեմն օրինաւոր մարդիկ էլ են, իրօք լաւ պաշտօնեայ չեն: Շրջապատողները նրանց խաղաղը են շինում իրանց ձեռքում: Տեղացիներին պաշտօններ չեն տալիս կամ շատ քիչ: Արացուն եթէ ոչ միշտ՝ գոնէ մեծ մասամբ ուղարկում են այնտեղ, որտեղ ազգաբնակութիւնը հայ է, յուսով, որ վրացին հայի հետ չի միանայ, այլ թշնամական դիրք կը բռնի: Աւելի ներողամիտ են դէպի թիւրքերը. բայց դժբախտաբար, շնորհիւ ընդհանուր ապականութեան, փոքր իշատեղարգացած, օրինաւոր թիւրքերը չեն, որ պաշտօնի են հրաւիրուում, այլ մեծ մասամբ բոլորովին ագէտ, բայց ճարպիկ կերպով ուսու «մեծաւորին» կաշառողները:

Անհամեմատ աւելի խիստ են դէպի հայերը, որոնց, ինչպէս յայտնի է, պաշտօններ չեն տալիս: Զինւորականին այժմ ուղարկում են Ահմատան կամ հիւսիսային նահանգները ու Վիրի: Նոյն իսկ հայ զինւորներին սկսել են ձամբայ դնել ներքին նահանգները: Ազմինիստրացիայի քիչ-շատ պատասխանատու պաշտօնի մէջ այժմ համարեա հայ չկայ: Ոչ մի հայ-նահանգապետ: Նոյն իսկ ոչ մի հայ-ոստիկանապետ: Առաւելարութիւնը կասկածում է, որ նրանք կը միանան «հայկական շարժման»: Մինչև անգամ այնպիսի անմեղ պաշտօններ, ինչպէս է փօստային ծառայութիւնը, աղցի դասիին պաշտօնը, հարկային տեսչութիւնը և ի վերջոյ դատաստանական պրիստավի աննշան պաշտօնը՝ սխտէմատիկաբար խլում են հայերից կամ եթէ չեն խլում, այդ պաշտօնները վարող հայերին ուղարկում են այնպիսի տեղեր, ուր ապրում են վրացիներ, թիւրքեր, ուսներ, լեռնականներ: Նոյն իսկ պե-

տական բանկում հային պաշտօն չեն ուղում տալ։ Հաղարից մէկը։ Մի ֆինանսիստ հայ երիտասարդ, մինչև իսկ կապերով, պաշտօն է խնդրում պետական բանկի կովկասեան ճիւղերից մէկում։ Պետերբուրգում չեն ամաչում գրաւոր կերպով նրան պատասխանել, որ սիրով նրան, իբր լաւ ֆինանսիստի, պաշտօն կրտան, որտեղ կամենայ, միմիայն ոչ... Կովկասում։ Հայերին հեռացնում են մանաւանդ Թիւրքիայի սահմանագծից, որպէսզի սահմանագլխի կէտերում ոչ մի կառավարչական պաշտօն՝ տանջւող թիւրքահայերի ազգակիցների ձեռքում չը լինի...

Շատ տրամաբանական է եղբակացնել, որ կովկասեան վարչութեան կազմը՝ դրւած այդ աստիճան անբնական և անմիտ հիմքերի վրայ, լաւ լինել չէ կարող նա ապականւած է։ Ոչ միայն տեղական օրինաւոր ուժերը, այլև լաւ ուսաները տեղ չեն գտնում նրա մէջ, որովհետև տեղ թուսաստանից մեծ մասամբ այն տեսակ ուսաներ են համաձայնում թողնել իրենց մայր հայրենիքը և գնալ հեռու Կովկաս — որ երկար ժամանակ արտօրի վայր էր — որոնք արժէք, պաշտօն, ապագայ չունեն և գնում են ապրուստ որոնելու այնտեղ, որտեղ ուսուցիչները ունենալը՝ արդէն մի գրաւական է շահաւէտ պաշտօններ ստանալու...

Ընդհանուր է այս «երեոյթի» քաղաքական կողմը։ Տարւած ընդհանուր հոսանքով, ոգևորւած արագ առաջ գնալու տենչով, ուժիկի և շքանշանի ստրուկները չեն ձանաչում ոչ չափ, ոչ սահման, ոչ օրէնք և ոչ էլ պատասխանատուութեան երկիւղ։ Հնարում են դաւեր դաւերի ետեից, մէկը միւսից աւելի վտանգաւոր։

Ըհա մի քանիսը դրանցից։

1895-96 թիւն էր, ճիշտ այն ժամանակ երբ թիւրքահայերի խնդիրը սուր կերպարանք էր ստացել և Կովկասում ամեն մի շինովնիկ պարտք էր համարում

„Տայկական դաւադրութիւններ“ գտնել: Մի ուղղափառ գաւառապետ, հոսանքից տարւած, սկսեց մէկը միւսի ետեւից զեկուցումներ ուղարկել նահանգապետին՝ կրկնելով որ քաղաքի մէջ „հայերը գաղտնի պատրաստութիւններ են տեսնում, ղէնքեր են գնում և ուղարկում, գիշերային գաղտնի ժողովներ են կազմակերպում“... Եւ միշտ վերջացնում էր նրանով, որ խոնարհաբար թողլուութիւն էր խնդրում „աքսորելու ղեկավարներին՝ գաւառի խաղաղութիւնը ապահովելու համար“... Նահանգապետը, որ երկար ժամանակ ոչ մի պատասխան չէր տալիս այդ „քաղաքական ղեկուցագրերին“, յոգնած այդ բոլորից՝ յանկարծ հեռագրով իր մօտ կանչեց գաւառապետին: Հաւաքելով իր բոլոր փաստերը, գաւառապետը ճանապարհ ընկաւ նահանգական քաղաքը: Նա արդէն վաղօրօք վայելում էր այն քաղցր ըրպէները, երբ մեծաւորը լսելով ղեկուցումները, կը սեղմի իր ձեռքը և անմիջապէս կ'առաջադրի նոր շքանշանի, „ի վարձատրութիւն նրա արթուն հսկողութեան“: Հասաւ տեսակցութեան օրը: — „Պատմեցէք բերանացի, ինչ որ գիտէք“: — Եւ գաւառապետը սկսեց... անլուր առասպելներ: Հէնց այն ըրպէին, երբ նա յաղթական ժպիտով աւարտեց իր պատմութիւնը, ծերունի նահանգապետը վեր թռաւ տեղից և որոտաց. „Վերադարձէք այսօր և եթ. մի կողմ թողէք այդ բոլոր յիմար պատմութիւնները, որոնք միայն ձեր գլխում գոյութիւն ունեն, և կուեցէք մի բանի դէմ — թիւրք աւաղակների դէմ, որոնք քարուքանդ են անում գաւառը: Իսկ ինչ վերաբերում է հայերին՝ նրանց համար ես եմ երաշխաւոր: Հասկացա՞ք“: Այդ օրից սկսած՝ ամեն ինչ փոխեց ու գաւառապետի ղեկուցումները միշտ վերջանում էին այս խօսքերով՝ „Հայերը կատարելապէս խաղաղ են և օրինապահ“:

Խաղաղ էր Երեւանը, ինչպէս ինքն Արարատ, որի

Տովանու տակ նա ապրում է այսբան դարեր: Մարդիկ իրենց գործին էին գնում, խօսում այն, ինչ թող էր աւած, և կարգում այն՝ ինչ ցենզօրն էր հաւանել: Բայց ահա փշեցին նոր քամիներ: Եւ ութսունական թւականներին, երբ Երեւանի նահանգը կառավարում էր գեներալ Շալիկով — որ համ ինքը վատ էր տրամադրւած դէպի հայերը, համ էլ շրջապատւած էր այնպիսի ռուս «քաղաքագէտներով», որոնք միշտ նրա ականջի տակ փսփսում էին, թէ պէտք է խտօրէն հսկել հայերի կենտրոնին՝ Արարատեան դաշտին, — ամբողջ Երեւանի նահանգում ծլել-ծաղկեցին դաւեր, սեպարատիզմ և անհնազանգութիւններ: Իբրև հեռւեանք՝ խուզարկութիւն, բանտ, նոյն իսկ պստր: «Վտանգը» այնքան մեծ էր, որ ստեղծեցին կռիւ թիւրքերի և հայերի մէջ, գ ա ղ տ ն ի ք ն եր ի մանալու համար: Նահանգի կենտրոնական քաղաքը դարձրին երկիւղի, անհանգստութեան և լրտեսների բուն . . . Բայց հէնց որ նոյն «հայկական» նահանգում նշանակեց մի ուրիշ նահանգապետ, կոմս Տիղենհաուզէն, համեմատաբար աւելի արդար և տակտով մի մարդ, թուրքերն էլ դադարեցին կռւել հայերի հետ, ձերբակալութիւններ և խուզարկութիւններն էլ քչացան, թէև դա թիւրքահայերի շարժման ամենատաք ժամանակն էր, պետական վտանգն էլ օգը ցնդեց . . .

1890 թւին՝ Մակար կաթողիկոսի օրով, Էջմիածնում կատարւում էր միւռօնի օրհնութիւն: Կրօնական այդ հանդէսը գրաւել էր Կովկասի բոլոր կողմերից մեծ բազմութիւն: Բոլորովին պատահամբ՝ նոյն միջոցին Էջմիածին էր գնացել մի շատ ականաւոր հայ գործող: Դաւազործները աչքերը յառեցին դէպի Մասիսի ստորոտը և սկսեցին լուրեր տարածել թէ Էջմիածնում պատրաստւում է քաղաքական երկու մեծ ցոյց, մէկը՝ Մակարի

գէմ, միւսը՝ յօգուտ թիւքահասցայերի. երկուսն էլ՝ ղեկա-
վարութեամբ յիշեալ նշանաւոր հայի: Երևանի օստիկա-
նութիւնը սկսեց շարժուել և կրակի վրայ իւղ ածեց:
Միւսօնորհնութիւնից երկու օր առաջ կառավարչապետ
Շերեմետեւ ստանում է Երևանի այն ժամանակեայ
նահանգապետ գեներալ Ֆրէզէից մի հեռագիր, որով
նա՝ իբրև «քաղաքական նշանաւոր գիւտ»՝ հաղորդում
է, թէ Էջմիածնում պատրաստուում է ժողովրդական ցոյց՝
ղեկավարութեամբ . . . (հաղորդած է անունը), թոյլ-
աւութիւն խնդրելով խիստ միջոցներ ձեռք առնել, այն
է՝ 24 ժամում հեռացնել ղեկավարին Երևանի նա-
հանգից և մի գունդ զօրք ուղարկել Էջմիածին՝ կարգ
պահպանելու համար: Կառավարչապետ Շերեմետեւ
տատանուում է: Նա սիրահար չէր «հարցեր ստեղծելու»,
համոզած, որ այդպիսի միջոցներ ձեռք առնելով՝ կարելի
է չեղած տեղից բարդութիւններ ստեղծել: Եւ կարգազ-
րում է ոչ մի արտասույժը միջոցի չգիմել . . . Միւսօնորհ-
նութեան ամբողջ օրը, նա անհամբեր և բաւական ան-
հանգիստ սպասում էր տեղեկութիւնների Էջմիածնից:
Եւ հեռագիրը լուր բերեց, որ ամեն ինչ անցաւ խա-
ղաղ անվրդով . . . Գժւար չէ երևակայել՝ թէ ինչ ծանր
հետևանքներ կարող էին տեղի ունենալ, եթէ գեներալ
Ֆրէզէին յաջողէր զօրք ուղարկել՝ պաշարման վիճա-
կի մէջ դնելու Էջմիածինը և ահագին բազմութիւնը:
Մասնաւոր մի կռիւ, ունէ պատահական աղմուկ կարող
էր թւալ զօրապետին իբր «ազդանշան», և ահա պիտի
հօսէր մարդկային արիւնը, ստեղծելով հայկական ապրս-
տամբութեան նոր հարցեր Էջմիածնի շուրջը . . .

Երևանի նահանգում կայ խեղճ ու խաղաղ մի գա-
ւառ, որ կրում է Մուրմալու անունը: Հազիւ ապահով
ասճմանագլխի քրդական արշաւանքներից, տուած առ-
օրեայ ծանր աշխատանքներին, հայ ժողովուրդը վա-

րում է այնտեղ մի չարքաշ կեանք, նոյնքան հեռու քաղաքական ծրագիրներին, որքան երկիրնքը երկրին: Բայց բախտի թէ կասկածոտ մի նահանգապետի շնորհիւ՝ բոլոր գրեց այնտեղ մի „Նաշխարհիկ“ գաւառապետ՝ Բագուսլափսկի, — հայատեաց, սիրահար պատմութիւնների, կուրացած շքանշանների տննչով: Եւ երբ, տարիներ շարունակ, անկարող եղաւ մի շօշափելի փաստ գտնել հայերին մեղադրելու, սկսեց ղեկուցագրել, թէ հայերը դէմ են ռուսաց եկեղեցու կառուցման: Բաւական չէր ասել՝ դէմ են, պէտք էր համոզիչ, ակներև փաստ: Աւ ահա մի առաւօտ, երբ խաղաղ բնակիչները՝ հազիւ դուրս եկած տներին, գնում էին ամեն մէկը իր գործին, տարածւեց վրդովեցուցիչ մի լուր, — հայերը գիշերը քանդել են նորաշէն ռուս եկեղեցու պատը և քարերը թափել գետին: Սրբապղծութիւն էր այդ, դաւ ուղղափառ իշխանութեան դէմ: Սկսեց գործ, հալածանք... Եւ տանջանքների մի ահագին պատմութիւնից յետոյ միայն, շատ ուշ, պարզւեց, որ եկեղեցու պատը քանդել աւողը և ծրագրողինքը գաւառապետն է եղել, օրէնքի ներկայացուցիչը: Ելի ուրիշ շատ բաներ պարզեցին, բայց գաւառի կառավարիչը շարունակեց մնալ իր պաշտօնում: Չէ որ՝ „Եթէ դաւեր չը կան, պէտք է ստեղծել“ իսկ ըստեղծելու համար՝ ստեղծողն եր են հարկաւոր...

Գա տեղի ունեցաւ գաւառի կենտրոնում:

Նւազ պախարակելի չէ նահանգի կենտրոնում պատահածը: Ժանդարմների պատը՝ վաղուց ատամներ էր կրճատցնում քաղաքացիներից մէկի դէմ — վտանգաւոր է անունը յիշատակել: Բայց փաստ չը կար: Յանկարծ երևան եկաւ քաղաքական մի գործ, ուղղած մի խումբ հայերի դէմ, իրրև մասնակցողներ թիւրքաց հայերի շարժման: 1894 թւին էր այդ: Աչքի տակ առնւած քաղաքացին մեղա-

գրւողների թւում չէր: Ինչ անել: Եւ մի օր, երբ ըզգոյշ քաղաքացին իր գործին էր գնացել, նրա տունը շրջապատեցին, ենթարկեցին խուզարկութեան, բռբրեցին ներքնայարկը, և ո՛հ սարսափ, գտան մի գաղտնի պրօկլամատիօն, շատ վտանգաւոր բովանդակութեամբ . . . Տանտէրը ափշեց: Շատ յետոյ միայն, երբ անմեղ մեղադրւածը բանտում գլուխ էր կտարում լուսաբանելու անցած-դարձածը, յայտնուեց, որ պրօկլամատիօնը նետւած է եղել նրա տան ներքնայարկը՝ փողոցի կողմից՝ մի ոստիկանի ձեռքով, համաձայն յանձնարարութեան և հրամանի ժանդարմների պետի . . . Հակառակ դրան, դաւերի վարպետը էլի երկար տարիներ մնաց իր փառաւոր պաշտօնի մէջ՝ ուրիշ անմեղներին կրակի մէջ գցելու համար . . .

1887 թիւն էր: Արաց ամբողջ հասարակութիւնը սգաւոր, խոցը սրտումը հետեւում էր մի ախուր դագաղի, որի մէջ հանգստանում էր պատկառելի հայրենասէրը, դո՛հ ողբերգական մի մահի, ստոր սպանութեան: Գիմիտրի Աիպիանին էր դա, աքսորւած իր սիրած Արաստանից՝ մի պարզ ճշմարտութեան համար, որ նա համարձակուեց ասել թիֆլիզի ռուս եկզարխին, իբրև արձագանք վրացիական արդար ցասման: Նա իր աքսորավայրից Պետերբուրգ էր ուզում գնալ՝ բողոք տալու: Բայց այդ անախորժ բողոքը լուեցնելու նպատակով՝ բարւոր համարեցին նրան լուեցնել — մի գիշեր նրան սպանած գտան իր սենեակում՝ գաղտնի ձանկերով . . . Եւ երբ ախուր գնացքը անցնում էր Գօլովինսկի պրօսպեկտով, ոստիկանութիւնը յարմար առիթ գտաւ դարձեալ պատմութիւն ստեղծելու: Նա պահանջեց դէպի այլ փողոց դարձնել յուզարկաւորութիւնը, որ նա համարում էր ցոյց կառավարութեան դէմ: Ոստիկանութեան սրերի դէմ իշխանների սրեր մերկացան. հազիւ դժբախտ դա-

գաղը ազատ մնաց անմեղ արիւնով ներկւելուց: Ոստիկանութիւնը տեղի տւեց, բայց ժանդարմների վարչութիւնը ստեղծեց մի ամբողջ գործ, վրացիական շարժման մի ահագին պատմութիւն, թղթերի մի ամբողջ արխիւ . . .

Արացիներից աւելի դժբախտ եղան հայերը:

1892 թւի դեկտեմբերի 27-ին, թիֆլիզում տեղի ունեցաւ Գրիգոր Արծրունու թաղումը, չբացնուած շուքով: Համազգային սուգ էր դա — բազմաթիւ պատգամաւորութիւններ՝ եկած Կովկասի և Ռուսաստանի զանազան կողմերից, աւելի քան 350 պսակ, 50 հազար ժողովուրդ՝ խոնկած թանգագին դիակի շուքը: Կորուսար անսպասելի և մեծ էր: Եւ հայութեան բոլոր խաւերում բռնկւած սուգը՝ բնական արտայայտութիւն էր նրա վշտի, նրա հոգեկան դառնութեան, բեկւած յոյսերի: Սակայն հայկական սուգն էլ դուր չեկաւ իշխանութեան հայատեաց ներկայացուցիչներին: Եւ եկեղեցուց դուրս գալուց յետոյ, երբ հանդէսը պիտի անցնէր պալատական փողոցով, որտեղ գտնուում է Արծրունիների սոհմական շքեղ տունը, և որի առաջ ըստ եկեղեցական սովորութեան՝ ուզում էին հոգեհանգիստ կատարել, ոստիկանութիւնը կանգնեցրեց յուղարկւորութիւնը: Սուրը ցցւեց խաչի դէմ. պօլիցիականի սառը դէմքը՝ այլայլւած ամբոխի դէմ. . . Փորձեցին դէպի մի երկրորդական փողոց դարձնել ժողովրդական ալիքները: Բայց ուշ էր արդէն: Տխրասիրտ բազմութիւնը ականջ չդրեց: Տեղի ունեցաւ անխուսափելի ընդհարում ոստիկանութեան և սգաւոր հայերի մէջ: Ոստիկանութիւնը դիմեց զէնքի, փորձեց խլել հոգեւորականութեան ձեռքից խաչվառը — հաւատի դրօշակը: Ամբոխը, կրօնամօլ՝ մանաւանդ թաղման հանդէսներին, բռնկեց և գրոհ տւեց: Եւ եթէ «Փառքի Տաճարի» սալայատակները չը ներ-

կւեցին մարդկային արիւնով, այդ այն պատճառով միայն՝ որ զինւորական ուժը չը դիմացաւ ժողովրդի գրոհին... Մի օր չանցած, երբ ամբողջ քաղաքը դեռ սուգի մէջ էր, սկսեցին խուզարկութիւններ և ձերբակալութիւններ: Մի քանի ժամւայ մէջ դէպի բանտ և դէպի պօլիցիական բաժինները քշեցին ամեն դասակարգի մարդիկ, իբրև դրդիչներ „Տայկական շարժման“: Գաղտնի գործակալները հաղորդել էին, որ թաղման առիթով հայերը ուզում էին մեծ ցոյց անել կառավարութեան դէմ, փոխարքայի պալատի դիմաց... Սկսեց քաղաքական փոթորիկ: Եւ եթէ բանտարկեալների թիւը մնաց մօտ 25-ի վրայ և 100-ի չհասաւ, այդ շնորհիւ միայն այն հանգամանքի, որ տեսան թէ շատ հեռու են գնացել: Ժանդարմների վարչութեան մէջ այդ դէպքը այնուամենայնիւ աւելացրեց մի նոր գլուխ „Տայկական գործին“: Եւ այդ օրից՝ թաղումն էլ անցաւ վտանգաւոր ցոյցերի շարքը...

Բայց դրանով չվերջացաւ կասկածը:

Տասն օրից յետոյ, երբ տեղի պիտի ունենար հայերի կրօնական համախմբումը՝ Ջրօրհնէքի աօնի առիթով — դարևոր սովորութիւն, որ կատարւում է ամեն տարի, — բորբօրած չինօվիկները շշուկ բարձրացրին, թէ այդ նոր համախմբման ժամանակ էլ հայերը ուզում են նոր ցոյց անել, իբրև վրէժ և շարունակութիւն Արծրունու թաղման ցոյցի: „Ուզում են“ —ը դարձաւ „կարող են“, „կարող են“ —ը՝ „վճռել են“, և ահա պատրաստ էր Ջրօրհնէքի ապստամբութեան ծրագիրը: Հայերի գէմ կատաղած „չինօվիկները“ ոչ մի միջոց չը խնայեցին գրգռելու իշխանութիւնը: Կուր պատեց մինչև անգամ, որ վճռւած է հանդէսին ներկայ եղող ուսւ զինւորներին բաժանել սովորական՝ այդ օրւայ համար ընդունւած իլրատ փամփուշտների հետ նաև գնդակաւոր

փամփուշաներ, իսկ հայ զինւորներին՝ միմիայն խլամներ։ Ահսեցին միջոցներ ձեռք առնել։ Երևացին հսկող գրնդեր։ Եւ այդ ընդհանուր շիտթի մէջ գանւեց միանմէկը՝ տեղացի զինւորների գնդապետը, որ բողոքեց այդ ծրագրի դէմ ասելով. «Ես կասկած չունեմ իմ զինւորների վրայ, և եթէ զօրքի վրայ էլ սկսենք կասկածել, էլ ո՞ւմ վրայ պիտի յոյս գնենք»։

Զգուշութեան քարոզը այս անգամ յաղթող հանդիսացաւ։ Աչ մի շարժում, ի հարկէ, տեղի չունեցաւ, բացի այն շարժումից, որ հայերը գործեցին դէպի սառած քուռը՝ խաչը ջուրը գցելու համար, ճիշտ այնպէս ինչպէս ուսնները, վրացիք։ Արդ, ինչ կարող էր տեղի ունենալ, եթէ հազարաւոր ամբոխը շրջապատէր զինւորներով և ոստիկաններով, բոլորն էլ գրգուռած ցնորամիտ կասկածներով։ Երևակայելը դժւար չէ . . .

Ահա և էջմիածնական աքսորը։

Մի երեկոյ — 1893 թւին էր այդ — երբ վանականները վերջացրած միապաղաղ աղօթքը, վայելում էին բամբասանքի սրտագրաւ ժամերը, անխուսափելի՝ արեղայական կեանքի մէջ, յանկարծ զինւորները շրջապատեցին վանքի մուտքերը. անկիւններում փայլեցին սուրիներ, խուցերի առաջ համազգեստաներ, և երկիւղաբեր խստութեան մէջ կատարեցին ձերբակալութիւններ։ Ո՞վքեր էին. — երկու եպիսկոպոս՝ Մուքիաս և Ներսէս, յայտնի իրենց տիրասիրութեամբ։ Յոյզ, իրարանցում հայոց հասարակութեան մէջ, հազար ու մի ենթագրութիւններ, լուրեր նոյն իսկ, որ հայոց կրօնականների կենտրոնը լի է զէնքերով։ Եւ այդ բոլորից յետոյ, դեռ տարին չլրացած, երկու եպիսկոպոսները յետ բերւեցին աքսորից. պարզեց՝ որ նրանք արժանի չէին իսկ այդքան աղմուկի, և իբրև վարձատրութիւն՝ մէկը նշանակեց թեմական առաջնորդ Բեսարաբիա,

խկ միւսը Երևանի թեմակալ, նոյնպէս բարձրագոյն
հաւանութեամբ: Եւ այժմ կաբինէտի խորքերում
գաղտնի տեղեկագրեր գրող պաշտօնեան քթի տակ
մրմնջում է անկասկած՝ «Արժէր միթէ» . . .

Գարձեալ մի դաւ, փոքր ինչ կօմիքական:

1897 թիւին էր: Աշնան մի մուսլ օր, երբ երևի տրա-
մադրութիւններն էլ մուսլ էին, Թիֆլիզի ոստիկանա-
տանը ստացում է մի անօնիմ նամակ: Իրարանցում:
Ոստիկանապետը վաղում է նահանգապետի մօտ, նա-
հանգապետը՝ կառավարչապետի օգնականի մօտ, օգնա-
կանը՝ կառավարչապետի մօտ: Ո՛հ, սարսափ. հայերը
ապստամբում են: Ապստամբութիւն կովկասի մայրա-
քաղաքում, բարձր իշխանութեան քթի տակ: Ապացոյց:
Ապացոյցները շատ են, բայց ահա նրանցից ամենատա-
ջինը, ամենամեծը, ամենայայտնին, — «Զիու»: Ի՞նչ: Այո,
մի աննշանակ, խորհրդաւոր, նորաստեղծ բառ, որ պիտի
ծառայէր հայերին իբրև ազգանշան՝ յարձակելու
այն տների վրայ, որոնց ձակապին գրւած է «Զիու»:
Ոստիկանութիւնը սկսում է փնտրել այդպիսի տներ:
Մեծ է նրանց թիւը, և համարեա քաղաքի բոլոր մա-
սերում: Ճիշտ է, ոստիկանութիւնը սեփական աչքով
տեսաւ, որ «Զիու» գրւած է ոչ միայն այնպիսի տների
վրայ, ուր ապրում են վրացի, ռուս, գերմանացի, թիւրք,
այլև այնպիսի տների վրայ, ուր բնակւում են հայեր,
նոյն իսկ հայ «հայրենասէրներ» — բայց ոչինչ: «Այդ-
արևել է իշխանութիւնը խաբելու համար» — վճռեցին
խելօք ազմինիստրատօրները: Եւ ահա սկսեցին խոր-
հրդակցութիւններ նահանգապետի մօտ, կառավարչա-
պետի պալատում — գաղտնի, սոսկալի, ծանր խորհրդ-
ակցութիւններ: Պէտք էր վճռել. — ի՞նչ անել: Արդեօք
պաշարման մէջ գնել ամբողջ քաղաքը, թէ պաշարել
միմիայն «ղեկավարների» բնակարանները և կալանա-

ւորել բոլորին . . . Մի օր ևս՝ և գուցէ քաղաքի վրայ
կը պայթէր մի անսովոր ողբերգական զժբախտութիւն:
Բայց — փանք պատահումներին — գեռ խիստ միջոցներին
զիմելու վճիռը չկայացած՝ ոստիկանապետը իմացաւ
գաղտնիքը: Ռուս մի շինօլիսկի որդին հօրից փող է
խնդրում: — Ինչու, ինչ պիտի անես, հարցնում է հայրը:
— Կաւիճ՝ պէտք է առնեմ, որ „Չիու“ գրեմ, ինչպէս
ընկերներս են գրում . . . Ո՛հ, սարսափ. ուսս շինօլիսկի
որդին, հօր հաւատարիմ յաջորդը՝ „Չիու“ պիտի գրէ . . .
Սկսեց հարց ու փորձ: Եւ ո՛վ խայտառակութիւն՝ ապրու-
տամբութեան գաղտնիքը բացւած է: Ոստիկանապետը
տեղեկացած եղելութեան՝ վազում է կառավարչապետի
մօտ և քրտինքի մէջ խեղդւած, կարմրած, հեւալով՝
պարզում այդ խորհրդաւոր „Չիու“, հայկական ապրու-
տամբութեան սոսկալի՛ ազգանշանը, ուրիշ խօսքով՝ —
աշակերտական այդ հանաքը: Այո՛, ոչ աւելի, ոչ պա-
կաս — սո՛սկ աշակերտական հանաք: Երկրորդ գիմնա-
զիօնի աշակերտները, կատաղած իրենց մի ուսուցչի գէմ,
վրդովւած նրա խստութիւններից, վճռում են նրան
խայտառակել. տալիս են նրան շինծու մի անուն, „Չիու“
և որոշում՝ ոչ թէ միայն գիմնազիօնի մէջ, այլ ամբողջ
քաղաքում՝ փողոցներում, հրապարակների, սիւների,
վերջապէս աների պատերի վրայ, ուր որ այդ հնար է՝
կաւիճով գրել „Չիու“, որպէսզի ուսուցիչը՝ ուր էլ
աչք դարձնի, միայն այդ խօսքը՝ „Չիու, Չիու, Չիու“
կարդայ, և ինչպէս ուումը՝ կատաղութիւնից տրաքի: — Որ-
պիսի՛ կատակ: Եւ այն միջոցին, երբ չարածճի գիմնա-
զիստները կ աւիճ էին առնում իրենց յարձակումները
ատելի ուսուցչի վրայ համատարած դարձնելու, Թիֆլիզի
ուսս իշխանութիւնը զօրք և զէնք էր պատրաստում
„կաւճեայ ապստամբութիւնը“ արմատախիլ անելու, թա-
ղելու նոր անմեղներ արեան մէջ կամ բանտային խու-
ցերում . . .

Որտեղ կը լինի կարծել, որ „կաւճեայ ապստամբութեան“ բախտաւոր վախճանը ուրախացրեց բոլոր չինոյններին: Եղան ուրախացողներ, անտարակոյս: Բայց մեծ մասը խոժոռեցին իրենց դէմքերը, երբ տեսան, որ դարձեալ մի անգամ առիթը ձեռքից փախաւ „մեծ ծառայութիւններ մատուցանելու հայրենիքին“ կամ պարզ ասած՝ նոր շքանշաններ և աստիճաններ ստանալու:

Շքանշան և աստիճան, — դա է որ անյագ և անխիղճ բիւրօկրատիային եռանդ, սիրտ, ուժ է տալիս: Ընարդ սիստէմի լրացուցիչն է այդ: Նրա հաւատամբը, նրա իդէալը, նրա Աստուածը . . .

Իւ տեսնում էք, թէ որպիսի ոճիրներ են կատարուում այդ Աստուծու անունով . . .



ԿԱԾԱՌՔԻ ԱԾԽԱՐՅՈՒՍ

(ՏԱՄՆԵՐՆԵՆՐՈՐԳ ԿԱՄԱԿ)

Անկաշառ ձեռքը. — Դատարանի նախագահի սիստեմը.
Դիրեկտորական սխրագործութիւն. — Յենզորական կաշառակերու-
թեան եղանակը. — Կաշառադատ գեղջուկ. — Տուրք ոստիկանու-
թեան. — «Երկու չափ, երկու կշիռ». — Ռուս-պաշտօնեայ եւ չա-
պաշտօնեայ. — Ժողովրդական մտածողութիւն:

Երբեմն ապրում էր թիֆլիզում ի ն ա ե ն դ ա ն ա-
ն երի վարչութեան մի պետ ի հարկէ, Նորին Գերա-
զանցութիւն, աստեղազարդ, ուժեղ, յարգւած: Անունը
չտանք, մեռած է նա... Ռուս-թիւրքական պատերազմի
ժամանակ էր — այն ժամանակ, երբ օֆիցերական խըն-
ջոյքներում շամպայնը հոսում էր նոյնքան առատ, որ-
քան նահատակ ուս զինւորների արիւնը Ղարսի ժայ-
ռերի վրայ, այն երանելի ժամանակը, երբ դրամատեր,
չինօյնիկ, զինւորական լողում էին պետական գանձա-
րանից հոսող «թղթագրամի հեղեղի» մէջ, ինչպէս ձուկը
ջրում: Կապայների ոսկի դարն էր, և մեծ-ինտենդանտի
առանձնասենեակը առաւօտից երեկոյ ներս ու դուրս
էին անում հարուստ կապալաուուները:

— Հարիւր հազարով պակաս կը վերցնեմ, Չերդ
Գերազանցութիւն, ուրեմն մի խոշոր օգուտ գանձարա-
նին և յետոյ... Իբրև արտայայտութիւն իմ յարգանքի
դէպի ձեզ, մի փոքրիկ նւէր...

— Գուք գիտէք, որ ես ձեզ չեմ մերժել երբէք, եր-
բէք կանեմ, ինչ հնարաւոր է. իսկ ինչ վերաբերում է
ձեր նւէրին, ես այդ վերցնել չեմ կարող. դա դէմ է

իմ ամենաթանկագին սկզբունքներին. երգւել եմ. երբէք
իմ այս ձեռքը — ցոյց տալով իր փափիկի թաթը —
կաշառք չէ վերցրել . . .

Կապալառուն գիտէր, թէ ինչ է նշանակում „երբէք
իմ ձեռքը կաշառք չէ վերցրել“. Հանեց ծոցից նախօ-
րօք պատրաստած 50 հազարը և գրեց սեղանի վրայ,
Նորին Գերազանցութեան առջև:

— Երբէք, երբէք իմ ձեռքը կաշառք չէ վերցրել,
ասաց գեներալը՝ յետ ընկնելով բաղկաթուի մէջքի վրայ
և կամացուկ բանալով սեղանի արկղը: Եւ այն միջոցին,
երբ նա անվզողով կրկնում էր անընդհատ „երբէք,
երբէք“, գրամատէրը՝ վազուց ծանօթ Նորին Գերա-
զանցութեան „սխառէմին“, փոքր առ փոքր հրեց դրամի
կապոցը, մինչև որ նա, առանց դիպչելու գեներալական
ձեռքին, ընկաւ արկղը . . . Արկղը փակեց: Երկուսն էլ
ժպտադէմ ուրի կանգնեցին: Կապալի գործը հարթւած
էր: Եւ յետոյ էլ, ինչպէս և առաջ, այդպէս էին հար-
թուում և միւս կապալները, զուգընթաց ծանօթ երգ-
ման հետ, որ „երբէք ձեռքը կաշառքին չէ դիպում“:

Ո՞վ չէ ճանաչում Ռուսաստանում Նորին Գերազան-
ցութեան այդ տիպը. նա նստած է մինիստրութիւն-
ների մէջ, նահանգապետի առանձնասենեակում, զինու-
թական շտաբում, սահմանի վրայ և մայրաքաղաքում ու
կլանում է ահագին գումարներ, նոյն իսկ իր պաշտօ-
նական պարտաւորութիւնները կատարելիս, իհարկէ,
առանց իր „ձեռքը կաշառքին դիպնելու“:

Գ ա տ ա ր ա ն է այս շքեղ շինութիւնը: Հ ա ս տ ա -
պ ա տ առանձնասենեակում բազմած է նախագահը: Մտա-
խոհ է նա: Ի՞նչ է նրան զբաղեցնում. դժբախտ բան-
տարիկալի վիճակը, որին կէս ժամ առաջ նա արսորի դա-
տապարտեց, թէ մի այլ խնդիր, որ դուրս էր դատա-
բանի պատերից . . . Գուռը բաղխեցին. ներս մտնողը մի

կին է: Ծառայողները նրան լաւ են ճանաչում, և կարող են չճանաչել իրենց նախագահի կնոջը:

— Ի՞նչ կայ, կիսավախով հարցրեց ամուսինը:

— Եղբայրը եկաւ և 10 հազարը բերեց, շէնչաց կինը, դիւական ծիծաղը երեսին:

— Անհնարին է, անկարելի. մեղադրական փաստերը սարսափելի են. պրօկուրօրը ոչինչ չէ զիջում, մտածում եմ, մտածում և ոչինչ չեմ կարող անել:

— Ինչ ուզում ես արա. ես արդէն խոստացել եմ և փողը վերցրել...

... Եւ կինը շարունակում էր փողեր վերցնել, երբեմն ուղղակի, երբեմն պարտամուրհակի ձևով, յաճախ էլ իր ջահէլ ազժկայ աջակցութեամբ, յօգուտ այն անսանձ ծախսերի, որի մէջ խրեած էր այդ „բարձր“ ընտանիքը: Ամենքը գիտէին այդ, սակայն յանցաւորը մնաց անպատիժ և իբրև դատաւոր շարունակում էր յանուն օրէնքի բանտ ուղարկել՝ կաշառակերութեան մէջ մեղադրուող խղճուկ գրագիրներին և ոստիկանական ծառայողներին: Չարագործ էր նա, բայց դատում էր, բազմած նախագահական ակթողին, ձեռքը յենած օրինագրքի վրայ, միշտ երգւող, որ „իր ձեռքը կաշառքի չէ դիպչել“...

Ահա, ամենահին գիմնազիօնի դիրեկտօրի գրասենեակը: Նա էլ աստեղազարդ է, յարգւած, ազդեցիկ, շատ լաւ ծանօթ թիֆլիզցիներին. վաղուց մտածում էր պաշտօնը թողնել, հէնց որ կը լրանար ծառայութեան թոշակաժամը: Եւ ինչու չթողնել արդէն կապիտալիստ է՝ ապահով անհոգ: Բայց գիտէր, ինչ ճանապարհով:

— Ասա՛ հայրիկիդ, որ վաղը ինձ մօտ անցնի, դիմեց նա հարուստ աշակերտներից մէկին, նախասենեակով անցնելիս: Հայրիկը եկաւ:

— Գիտէ՞ք, Գրիգորի Մինաիչ, փոքրիկի համար պէտք է մէկ առանձին ուսուցիչ վերցնէք, ուսերէնի և լատիներէնի:

— Ուրախութեամբ, միայն թէ կը խնդրէի մատնանիշ անել մէկին, աւելացրեց „միամիտ ձեացող“ հայրիկը, որ վաղուց գիտէր, թէ դասատուները, գիրեկտորի հովանաւորեա՞ծներից, արդէն պատրաստ են:

— Միամիտ եղէք. վեց ամսում ձեր որդին քննութեան համար բոլորովին պատրաստ կը լինի:

— Գժեարանում եմ հաւատալ, շատ է ծոյր:

— Գժեարանում էք, բացականչեց գիրեկտորը, գրագիր կարող եմ գտր:

— Մէկին երկու, միայն թէ կասկածում եմ:

... Գրագը վերջացաւ, մի նւէր հազար բուբլիանոց և մի խնջոյք՝ արտաքին վայելչութեան համար:

Այսպէս էին փոխուում աշակերտները իրենց դասատուներ, այդպէս էր հարստանում գիրեկտորը, միշտ երգումը բերանին, որ „երբէք ձեռքը կաշառքին չի գիպչել“:

Ահա մի այլ պատկեր:

„Բագուի գիմնադիօնի վերատեսուչ Պլյելի,— պատում է լաւատեղեակ նամակագիրը,— շարունակ հարրած, գիշերները թղթախաղի նւիրած, ցերեկները հազիւ ժամանակ ունի քնելու եւ իր հրէշաւոր ծախսերի համար ազրիւրներ գտնելու մասին մտածելու: Թէ որքան ճիշտ են այս խօսքերը,— այդ կարելի է եզրակացնել նրանից, որ տարին մի քանի անգամ հազիւ գնալով դասի, նա այնքան քիչ է ճանաչում աշակերտներին, որ եռամսեակի թւանըչաններ գնելիս՝ անկարող է լինում այդ անել անձամբ եւ իր առարկաներից թւանչան գնելը յանձնում է դասարանական վերակայուներին:

„Գժբախտ է այդ գիմնադիօնը՝ իր հազարից աւելի աշակերտներով, գժբախտ ոչ միայն նրանով, որ պատանիները չեն կարող այդտեղ մի բան սովորել, այլ մանաւանդ նրանով, որ կարիք էլ չկայ սովորելու: Այնտեղ կարելի է գրամ սով վկայական ստանալ. գրամով են ընդունում նոր

աշակերտներ: Անբարոյականացած է ոչ միայն վերասե-
սուչը, այլ ևւ ամբողջ ուսուցչական մարմինը:

«Բագուեցի միլիօնատէր X-ի որդին, բէպական գրպ-
րոցից յևսոյ՝ մինիստրական վականսիայով (այսինքն առանց
քննութեան, մինիստրութիւնից նշանակելով) մտել էր Պե-
տերբուրգի տեխնիքիական ինստիտուտը, բայց անկարող
լինելով կուրսից կուրս անցնելու համար քննութիւն տալ,
հեռացուել էր ինստիտուտից: Նա մտածում էր համարա-
բան մտնել, ինկատի առնելով, որ գիմնազիօնի վկայական
Բագում կարող է ստանալ առանց քննութիւնների,
իսկ համարարանում իւրաքանչիւր դասընթացքում կարելի
է նստել ոչ պակաս քան երկու տարի: Ծնորհիւ Պ-ցեւի
այդ ծրագիրը այսօր աջողած է կատարելագոյն: Վերասե-
սուչը ստանալով երիտասարդի հարուստ հօրից մի կլօր
գումար, տալիս է նրան գիմնազիօնի ատտեստատ, ուր
պահպանւած են բոլոր կարեւոր ձեւակերպութիւնները ...

«Եթէ մէկը ուզում է իր որդուն, ազգականին կամ
ծանօթին Բագուի արական գիմնազիօնը մտցնել, կարիք չը
կայ հոգալ նրան լաւ պատրաստելու մասին: Գնացէք ան-
ձամբ վերասեսուչ Պ-ցեւի մօտ, տեսնեցէք հետը ևւ սօ-
վորական խնդիրը տալուց յևսոյ՝ «Նւիրեցէք» մի շօշափելի
գումար յօգուտ «աշակերտական ամարային կօլօնիայի»,
որի ղեկավարը ինքը Պ-ցեւն է: Լաւ կ'անէք, որ նւէրը
նոյն իսկ չարձանագրէք «կօլօնիայի» համար ժողովուրդ
նւիրատութիւնների ցուցակում: Կը նշանակէք թէ ոչ,
յամենայն դէպս գա երկրորդական ձեւականութիւն է:
Նւէրը տալով կարող էք համոզւած լինել, որ ձեր խնդիրքի
հետեւանքը կը լինի «չատ յաջող քննութիւն»:

«Տարւայ ընթացքում Պ-ցեւն իր մուտքը աւելցնե-
լու համար գործագրում է հետեւեալ խորամանկ միջոցը:
Նրա բազմամարդ գիմնազիօնում շատ կան հարուստ ընտա-
նիքի զաւակներ: Երբ իրեն փող է լինում հարկաւոր, նա
գրում է մուրճակներ ևւ ուղարկում է այս կամ այն աշա-
կերտի ծնողին՝ խնդրելով իրեն պարաք տալ մի որոշ գու-
մար: Ծնողները իմանալով, որ եթէ դրամ չտան, իրենց որ-
դիքը պիտի մնան միեւնոյն գասարաններում, վճարում են
մուրճակների գինը ևւ պահում են այդ մուրճակները՝ մինչև
իրենց որդիք փոխում են գասարանները: Դրանից յևսոյ

չատերը ոչնչացնում են Պ֊ցեվի մուրհակները մինչև հետեւեալ տարին, մինչև նոր մուրհակներ . . .

«Ուսուցչական մարմնից մինչև այժմ չէ լուել բողոքի ձայն վերատեսչի և նրա անթիւ զեղծումների դէմ: Հեշտ է ուրեմն երեւակայել, թէ ինչ արարածներ են գրանք և իրենց կողմից ինչեր են անում: Նրանք լուել և լուում են նոյն իսկ այն ժամանակ, երբ անսանձ վերատեսուչը մի քանի ամիսներով իւրացնում է նրանց ոտձիկները: Ինչո՞ւ և ինչից են ստիպւած լուել . . . Մտածեցէք»:

Ահա և ցենզորի գրասենեակը: Յենզօր: Կրագիրների կարանքները առաջը թափած, աչքերը յառած կարմիր թանաքին, նա խաղում, կտրատում է, յանուն երկրի շահերի, յանուն «ընդհանուր ապահովութեան»: Բայց «ընդհանուր ապահովութեան» ցնորքների մէջ՝ նա չէ մոռանում և սեփական ապահովութիւնը: «Զէ՞ որ ես էլ մարդ եմ»: Սակայն ո՞ւմից կաշառք վերցնի, նրա դործը գրամատերերի հետ չէ, այլ անապահով չարքաշ խմբագիրների և գրողների, անվարժ կաշառատութեան: Սակայն գաղտնիքների, նենգամտութեան ելլէջների վարժ ցենզորը դրա միջոցը գտել է: Եւ նախ քան լրագրի համարի հրատարակութեան թոյլատուութիւնը, մի պստիկ տոմսակի վրայ նա հետեւեալ բառերն է շարագրում ուղղած հրատարակչին կամ խմբագրին.

Մեծարգոյ

Ուղարկեցէք ինձ, խնդրում եմ, փոխարինաբար 300 բուրլի, որը հնորակալութեամբ կը վերադարձնեմ շատ շուտով: Թերթը պատրաստ կը լինի մի ժամից. ձեր գրքերը կարող է վերցնել:

Միշտ պատրաստ ծառայելու՝

Բ օվ

«Փոխարինաբար և շատ շուտով» խօսքերը՝ կրկնւած այդ դէպքում՝ վաղուց լու ծանօթ են խմբագրին: Տարիների փորձառութեամբ նա եկել է այն եզրակացութեան, որ միամտութիւն է թշնամացնել գրաքննիչին և

աւելի մեծ միամտութիւն՝ յոյս դնել բողոքի կամ բարձր
ատեանի վրայ: Նա ուղարկում է կաշառքը, թէև ուրիշ
անւան տակ, և իբրև մսիթարանք՝ կցում նրան մի քանի
յօղւածներ, որոնք այլ դէպքում չէին թոյլատրւի . . .
Իսկ պարտաճանաչ ցենցօրը շարունակում է ջըն-
ջել, տոմսակներ գրել, շքանշաններ ստանալ և վայե-
լել այս ննարգ կառավարութեան մէջ բարեխիղճ, իր
գործը ճանաչող պաշտօնեայի անուն, որի «ձեռքը երբէք
կաշառքի չի դիպում»:

Անցնենք ուրիշ «առանձնասենեակներ»:

Աովկասեան մայրաքաղաքի «անմատչելի» շրջաննե-
րում ո՞վ չէ լսել այն բարձրագիւր տիկնոջ անունը,
որը փոխառութիւն էր անում, սալօնի կնոջ բոլոր վա-
յելչականութեամբ, սակայն երբէք չվճարելու պայմա-
նով, այլ միայն այն պայմանով, որ խնդրատուի գործին
ընթացք տրուի: Ո՞վ չէ լսել առասպելական կաշառքի
այն փաստերի մասին, որոնք հարիւրներով նախշում են
զինւորագրական ատեանները, ուր նորակոչ զինւորի
«կուրծքը նեղացնելու», «հեռատեսը կարճատես գար-
ձնելու», կամ «տաջին կարգի արտօնութեան իրա-
ւունքի» վարձատրութեան չափը սահմանւած է այն-
քան խիստ ճշտապահութեամբ և միաժամանակ ծած-
կւած այնքան ապահով ճարպիկութեամբ: Այս այն
հրէշաւոր մեքենայութիւնների մասին, որոնք կռու-
կուհուում են դրամի ուժով, հոգևորական-կօնսիստօրիա-
կան հիմնարկութիւններում, ուր ասուածայժ փողը
գարձնում է չհասը՝ հաս, բարոյականը՝ անբարոյական,
անժառանգը՝ ժառանգաւոր: Եւ այդ բոլորը «անձուէր»
զինւորականների և «ասուածընտիր» սրբազանների հո-
վանու տակ, որոնց ձեռքը, իհարկէ, «երբէք կաշառքի
չէ դիպում» . . .

Սակայն այս բոլորը կաշառակերութեան մի սիստէմն

է միայն, ընդունւած մ ե ծ ա մ ե ծ ն ե ր ի շրջաններում,
վարագուրւած քաղաքավարութեան շղարշով: Քայց կայ
և ուրիշ ս ի ս ա է մ, տարածւած վարչական ստորին
շրջաններում, անողջք և սոսկալի:

Ահա քայլում է գիւղացին: Գէպի քաղաք է գնում:
Եսասուլի միջոցով հրաման է ստացել: Գաշտ և գործ
թողած, դռնէ դուռ ընկած, 50 մանկուով հազիւ 25
մանէթ է գտել և այդ 25 մանէթով գնում է ար-
գարանալու, „թէ ինչու է անտառից փայտ կտրել“:
Գրկիցները եկան ճամբայ դնելու և մի հարց միայն
տւին. „Ինչքան ես տանում“: Այդ „ինչքան“ -ի մէջն
է ամիտուած օրէնքը, դասը, յոյսը . . . Հինգ օր է
արդէն՝ գիւղացին գաւառական ատեանի շէմքում է:
Սպասելուց աչքը ջուր կտրեց: Նրանից 50 մանէթ են
պահանջում: „Պակաս չի լինի“, յայտարարեցին: Գիմում
է գրագրին, ղիւանապետին, „աղապրիտուին“ — գա-
ւառապետի բարձրութեան երբէք չի հասնի — և ամեն
տեղ՝ նոյն պատասխանը՝ „Պակաս չի լինի“: Եւ ինչպէս
պակաս լինի. 25 մանէթը միայն գաւառապետին պիտի
հասնի, իսկ մնացածները, անյագների այդ ահագին
բազմութիւնը . . .

Փաստերը թիւ, սահման չունեն: Ստիկանական կա-
շառակերութեան նկարագիրը տալու համար դուցէ նոյն-
քան պէտք է գրել, որքան ինքը ռոտիկանութիւնն է գրում
անմեղ „հպատակների“ դէմ: Բաւականանանք մի նա-
մակով, որը թէև ստացւած Բագրի նահանգից, անպա-
ճոյճ նկարագիրն է այն բոլոր վայրերի, ուր տիրում է
պօլիցիական ամենազօր իշխանութիւնը: Ահա թէ ինչ է
ստում ականատես նամակագիրը.

„Նոր տարուն և Զատիկին՝ իւրաքանչիւր գրասենեակ
Բալախանիում և Սև քաղաքում (նաւթահարերի և գործա-
րանների կենտրոնավայրերում) ուղարկում է ստիկանապե-

տին մի յայանի գումար (25-50-100 ռուբլի) հեռեւեալ կերպով շարագրւած նամակի հետ (առւերէն)։

„Ուղարկելով ընդ սին... ռուբլի, խոնարհաբար խնդրում եմ Ձեզ՝ ռաժանել այդ փողը Ձեր բարեծնողութեան ննթակայ ստորին պաշտօնեաների մէջ“։

(Ստորագրութիւն կառավարչի)

„Սա ընդունւած ձե է, որով գրում են համարեա բոլոր գրասենեակները, և այդ նամակների պատճէնները պահւում են գրասենեակների պաշտօնական գրքերում։ Ազարկեող գրամը բացարձակ կաշառք է ստիկանութեան, և միանգամայն անհրաժեշտ է համարւում՝ սանիտարական, տեխնիքական և այլ բազմաթիւ պահանջների վերաբերմամբ՝ ստիկանական սեւէ անխորժ միջամտութեան առաջն առնելու համար։ Սակայն այդ կարգի առաքումներով չէ վերջանում գործարանների կամ նութահանքերի վճարը։ Թէև գրամը, ինչպէս սուրում է նամակներում, ուղարկւում է ստիկանապետին՝ իր ստորագրեալներին բաժանելու համար, բայց դա գրաւոր դօկումէնտներում անմեղութիւն պահպանելու մի ձե է—ուրիշ ոչինչ։ Խրօք՝ գրամը ամբողջապէս իւրացնում են ստիկանապետը կամ պրիտաւար, իսկ իրենց ստորագրեալներին նրանք ուղարկում են գործարանները՝ անձամբ շնորհատրութիւններ անելու և իրենց մասերը ստանալու համար։ Եւ գիտւած է, որ երբ սեւէ գրասենեակ հրատարւում է այդ ապօրինի տուրքերը ճշտութեամբ վճարելու, իսկոյն ստիկանութեան այս կամ այն գործակալը գալիս է գործարան՝ մի անկարգութիւն նկատելու և պատշաճ արձանագրութիւն կազմելու համար։ Մի երիտասարդ կառավարիչ, Սե. քաղաքում՝ պատմում էր, որ նոր պաշտօնի մտած՝ իր ծառայութեան հէնց երկրորդ օրը, նա արժանանում է մի թաղական վերահսկողին (օկոյոզօշնի նաղգիրատել) այցելութեան։ Երբ գործարանի փորձած ծառայողները հասկացնում են անփորձ կառավարչին պարսնի այցելութեան նպատակը, նա մերժում է կօպէկ անգամ վճարելու, վրդովւած այդ անպատկառ ապօրինութիւնից։ Նոյնը կրկնւում է նաև հետեւեալ օրը, մինչև շուտով երիտասարդ կառավարիչը մի օր տեսնում է գործարանի բակում միևնոյն վերահսկողին՝ արձանագրութիւն կազմելիս, թէ գործարանի բակը շատ կեղտոտ է և թէ գրոսի մի պատը քանդւած է՝ ստաց. քաղաքային վարչութեան թոյլտուութիւնը ունենալու։ Առավարիչը պիտի ամբողջ շաբաթ-

ներ և զուցէ ամիսներ դէս ու դէն քարշ զար այդ մեղադրանքները ջնջելու համար և ով գիտէ՝ որքան ծախսերի պիտի ենթարկուէր: Նախօրհարհուում է իր ստորագրեալ փոքր ձեռագրերի խորհրդի առաջ և ստիկանութեան պաշտօնեային իր առանձնասենեակը հրաւիրելով՝ վճարում է նրան քսան ռուբլի, արձանագրութիւնը առնում ձեռքից, պատուում: — «Շատ շնորհակալ եմ, պ. կառավարիչ, որ խնդիրը վերջացրիք այսպէս, սովորական ձևով... Ինչ անենք, ուժիկ քիչ ենք ստանում, իսկ ծախսերս շատ են: Արկին շնորհակալութիւն: Ատաս հղէք ամեն կերպ ինձ վրայ» — ասում է թաղական վերահսկիչը, հեռանալով գործարանից:

«Այս բնդունւած, բնդհանրացած, բողբոխ յայտնի ձեւերից դուրս, իւրաքանչիւր պաշտօնեայի սրամտութիւնից է կախած եկամուտի նորանոր աղբիւններ գտնել իր համար: Բայախանիի ստիկանապետ Խ. Իցիկի, օրինակ, որ եղել է կաթողիկ կռէնձ (լեհացի քահանայ) և որը օրթօգօքսութիւն բնդունելով՝ նւիրել է իրեն ստիկանական կարիերի, իր մի որդուն, որ չէ ծառայում ոչ մի տեղ, գրել է տւել երեք նաւթահանքերում, իբրև գրասենեակի ծառայող՝ 50-ից մինչև 70 ռուբլի ամսականով, իւրաքանչիւր հանքում: Ամեն ամիս երիտասարդը դալիս է այդ հանքերը, և ստորագրելով գրասենեակներում պատշաճ ստացագրեր, ստանում իր համար նշանակւած թոշակը: Արիտաւունքը մինչև անգամ յատուկ ոճ են ստեղծել իրենց գծգոհութիւնը արտայայտելու համար, երբ կամ նրանց քիչ է կաշառք ուղարկւում կամ ժամանակին չէ ուղարկւում: Նրանք հեռախօսով կանչում են կառավարիչներին և ասում: — «Գուք, պպ. ինժենէրներդ, շատ լաւ էք սովորել թւաբանական առաջին երեք գործողութիւնները, բայց բաժանման մէջ շատ թող էք... Հասկանում էք՝ ինչ ինկատի ունեմ»...»

«Սակայն կրկնակի անտանելի ձև է ստանում ստիկանական կաշառակերութիւնը, երբ արտայայտւում է ամենօրեայ գէպերում այն համերաշխութեան մէջ, որ վաղուց գոյութիւն ունի աւագակների և ստիկանութեան մէջ: Օր չէ անցնում համարեա, որ Բայախանիում և Բագւում, ինչպէս և ուրիշ տեղեր, սպանութիւն չպատահի և երբէք չեն գտնում յանցաւորներին: Բաւական է, որ աւագակը բաժին հանէ ստիկանին և նա աներկիւղ կարող է իր տանը նստել, իսկ նրա տեղ կը ձերբակալւի սպանողի առաջին պատահած անմեղ

Հարեանք: «Աստուծան ընկերութեան» գանձապետի սպանման գործում օրինակ, բոլոր ձերբակալուածներին մէջ նոյնիսկ զինւորական տեսանք չկարողացաւ մեղադրել և ոչ մէկին: Բաւականում յայտնի էին իրենց ոճիրներով երկու աւազակապեաներ—Քամիա և Շիշի, որո՞ք երկար տարիներ ա՛հ ո գողի մէջ էին պահում բոլոր Հանքերը: Աւազակ Քամիան անձամբ պատմում է իր ծանօթներին, որ երբէք չէ տուժել ոստիկանութիւնից, երբ կատարում էր անլերջ սպանութիւններ և գողութիւններ: Բայց Հէնց որ մի քանի տարի առաջ թողնեց իր արհեստը, ոստիկանապետը նրան անմիջապէս բռնել աւեց, իբր արդէն անօգուտ մարդու . . .

Էւ այդպէս ամեն տեղ, ամեն անկիւնում:

Այս անարգ միջոցներով հազարգլխեան «վիշապը» ծծում, արիւնսքամ է անում ժողովուրդը. նրա ձեռքում տանջում, կեղեքում է գիւղացին, ամբողջ գիւղը, ամբողջ գաւառը. թոյլը՝ եսասուլի ձեռքով, աւելի ուժեղը՝ պրիտաւի կամ գաւառապետի դիւանում: մէկը զինւորական տեսնում, միւսը մաքսային վարչութեան մէջ, իսկ աւելի զօրեղները՝ նահանգական քաղաքներում և դրանից աւելի բարձր վարչութիւններում. . . Ընդհանուր համատարած կեղեքումն է սա, օրինաւորւած աւազակութիւն, որ կատարում է չէ թէ ամայի ճանապարհների վրայ, մութ գիշերներին, այլ հանրային դիւանատներում, զարդարւած գեղեցիկ ցուցանակներով, դէպ ուր քարչ է գալիս սգէտ, երկիւղի մէջ սնած, դժբախտ ժողովուրդը՝ արգարութիւն գտնելու . . . :

Էւ շնորհիւ այդ ապականւած դասակարգի, սնւած և զօրացած վարչական անպէտք սիստէմների ու սօցիալական անարգար միջոցորտում, Աովկասում ծնունդ է աւնում մի նոր երևոյթ: Աովկասեցին, որ սկզբում այնքա՛ն համակիր էր ռուսական տիրապետութեան տարածման, ներկայումս արտայայտում է խոր հիասթափութիւն և վտանգաւոր պտուղներ խոստացող հակակրանք: Ժողովուրդի մէջ չմնաց հաւատ դէպի պետական արդի կար-

գերը, դէպի այդ կարգերի ներկայացուցիչը: Սխտէմի պակասութիւնները լրացաւ գործադրողների պակասութեամբ: Եւ դա սկիզբն է ռուսական տիրապետութեան սնանկութեան կոպկասուամ. . .

Այդ տխուր հիասթափման նպաստեց և այն հանգամանքը, որ անբարեխիղճ, անընդունակ, անբարոյական, կաշառքի համար ամեն բան ոտի տակ տուող չինովնիկութիւնը պատժելիս, կառավարութիւնը մտցրեց դարձեալ ա զ գ ա յ ն ա կ ան տեսակէտը: Անբարոյական, կաշառակեր հ ա յ չինովնիկին պատժողը ներում է անբարոյական, կաշառակեր ռ ո ս չինովնիկին: Այն՝ ինչ ներում է մոսկւացուն, չի ներում երևանցուն. վրացին կամ լեհացին կարող չէ անել այն, ինչ անում է իր ռուս պաշտօնակիցը: Սա իհարկէ, անբացառիկ երևոյթ չէ, բայց դարձել է մի տեսակէտ, որ քանի գնում՝ աճում և թեւաւորում է:

Մի կենդանի ապացոյց:

Թիֆլիզում ապրում է մի պաշտօնեայ, ռուս, ուղղափառ և անկասկած՝ միապետական. Ա-իչ է նրա անունը, անդամ դատաստանական պալատի: Գատարանը շատ քիչ է տեսել այդպիսի ծայրահեղ մի ոչնչութիւն. կաշառակեր, այն էլ ամենավիւլգէր տեսակի, արբեցող, անդամ ամենազգլիր խմբերի, անբարոյական, մշտական հերոս հասարակաց աների. . . Ո՞վ չէ ճանաչում նրան և ո՞վ չգիտէ, որ շատ անգամ գիշերային օրգիաներից ուղղակի դատարան է գալիս այդ յընտանիքի հայրը՝, անդամակցելու կամ նախագահելու գատավարութեան, վճիռ արձակելու յանուն արդարութեան, որի հետքերն անգամ չեն մնացել նրա գինովցած գլխում և յըղփացած մարմնի մէջ:

Բայց նա չէ վունդւում:

Թիֆլիզում կար և մի այլ պաշտօնեայ, նոյնպէս դատարանական, դատախազի օգնական, ծագումով հայ,

Օ-ի ազգանունով: Վարուժ էր նա իր պաշտօնը, ինչպէս շատերը՝ ամսի 20-ին ոտճիկ ստանալու համար, և իբրև ոչ անարժան՝ բարձրանում էր իր աստիճանների մէջ: Եւ յանկարծ մի օր, կանչւած աւագ-դատախազի առանձնասենեակը, առաջարկուեթիւն ստացաւ անմիջապէս հրաժարել պաշտօնից: — «Ինչո՞ւ», մրմնջաց յանկարծակիի եկած մեղադրւողը: Մեղադրողը բացեց բերանը. «Գուք անարատ չէք ձեր ընտանեկան կեանքի մէջ և անհաւատարիմ ձեր կնոջ՝ կենակցում էք տիկին . . . ի հետ: Հասարակութիւնը գիտէ այդ: Գուք արատաւորում էք արդարութեան տաճարը»:

Եւ նա վռնդւեց:

Վերաբերմունքի այդ «երկու շափ, երկու կշիռն» է, որ ցնցեց և ցնցում է արդարութեան ու վստահութեան գաղափարի հիմքը կովկասեան ժողովրդի մէջ, հասցնելով երբեմն նրա կասկածոտութիւնը և հիասթափմունքը առասպելներին: «Փող տո՛ւր, ևս օրինագիրքը կը փոխեմ» — ահա ժողովրդական փիլիսոփայութեան բանաձևը՝ գրած ամեն մէկի գլխին, իբրև խոր համոզմունք: Եւ երբ, ազատ խօսքից զուրկ այս երկրում լուր է պտտում, ի հարկէ շշուկի ձևով, թէ այս ինչ մինիստրը, մեծ իշխանը կամ պալատական կարևոր պաշտօնեան կաշառւել, ծախել է, ժողովրդական փիլիսոփայութիւնը սառնասիրտ կերպով տրամաբանում է՝ «Ի՞նչ կայ զարմանալու»:

Եւ ոչ որ չէ զարմանում: Եւ ոչ որ չէ բողոքում: Պատմում են հետաքրքիր մի զրոյց, բնորոշ՝ ժողովրդական մտածողութեան տեսակէտից, կատարւած մի հայի և ուստի մէջ. հայը՝ գեռ կիսահիասթափ, իսկ ուսը բողոքովին հիասթափւած:

— Տեսնես, թագաւորն էլ կաշառք կ'ուտի, հարցրեց հայը իր մտերիմ ուստին:

— Ար տան, լա՛ւ, պատասխանեց ուսը սրտի խորքից . . .

ՀԱՆԱԾԱԿԱՆ ԼԵԶՈՒՆԵՐ

(ՏՐԱՆՉՈՐՄԵՐՈՐԴ ՆԱՄԱԿ)

„Գիտէք արդե՞ք տեղական լեզուն“ . — Ռուսերէնը Կովկասում . — Տխուր տեսարաններ դատարանում եւ գիւղի մէջ . — Զինուորակոչական ատեանը . — Կեղծ թարգմանութիւններ . — Լեզուական տանջանք . — Բիւրօկրատիական մանկավարժութիւնը .
Հալածանք մեռածների դէմ . — Գեսլերեան գլխարկները :

Մի օր — Հազւագիւտ են այգպիտի գեղեցիկ օրեր —
Լեհաստանի մայրաքաղաքի կառավարիչը, իր ստորադրբեալների հանդիսաւոր ընդունելութեան միջոցին, շքեղ համազգեստների մէջ ձգւած աստիճանաւորներին այս անսպասելի հարցը ուղղեց .

— Գիտէք արդե՞ք տեղական լեզուն :

Ոչ մի շրթունք չչարժւեց : Եւ „այո“ բառը, այնքան սովորական ցարերի ծառայողների բերանում, այդ անգամ չլուեց խոնարհ շրթունքներից :

— Ի՞նչ է պատահել, հարցնում էին միմեանց յանկարծակիի եկած պաշտօնեաները, մի քանի օր շարունակ դիւանատան միջանցքներում կամ փողոցում հանդիպելիս : Պատասխանի փոխարէն ուսեր էին վեր քաշում : Եւ նրանցից ամենահամարձակները — թէեւ շատ հազւագիւտ — վճռեցին, իրենց սրտի խորքում ի հարկէ, որ „նորին գերազանցութիւնը երևի շուտով պետական խորհրդի անգամ կը նշանակուի, շատ ծեր է“ . . .

Իրաւունք ունէին : Այդ օրինակ „խելառ“ հարցեր տալու համար միապետութեան մէջ կամ պիտի լինել

չատ «Չահիլ» — համանիշը՝ անդգուշութեան և աղա-
տամտութեան, և կամ շատ «ծեր» — համանիշը թու-
լութեան կամ տխմարութեան... «Չահիլ» թէ «ծեր»
էր Վարչաւայի նորեկ կառավարիչը՝ — դա մի հարց է,
մութ մնացած...

Մութ չէ միայն այն, որ այդպիսի «Չահիլ» կամ
«ծեր» երբէք չէ անցել Աովկասեան լեռնաշղթան, և
կազմէկի ու Մասիսի ստորոտների դարևոր տարեգրու-
թեան մէջ ոչ որ չէ յիշում — անկարելի է յիշել մի
բան, որ տեղի չէ ունեցել — որևիցէ մի պաշտօնեայ՝
կառավարչապետ թէ նահանգապետ, դատարանի նա-
խագահ թէ փոստային վերահսկիչ, որ իր ստորագրեալնե-
րին ընդունելիս հարցնէր՝ «Գիտէ՞ք արդեօք հայոց կամ
վրաց լեզուն»: Կարող է արդեօք այդպիսի մի հարց
տեղ գտնել աստիճանաւորի ամրածող գլխում, որը մի
բան է ուսել և մի բան միայն գիտէ, այն՝ որ աշխարհի
երեսին մի լեզու միայն կայ, ուսաց լեզուն — ոչ ի հարկէ
կարամղինի կամ Պուշկինի լեզուն, այլ ուրիադնիկի և
կնոտի լեզուն, — որով ամենքը պիտի խօսեն: Այլ գիտէ՞
նա կը խօսի, ով չգիտէ՞ թող լռի... Եւ ինչո՞ւ խօսել
քանի որ ամենալաւ հ պ ա տ ա կ ը նա է, որ լուռ է
և այն էլ միշտ...

Եւ լուռ մ են: Լուռ մ են, որովհետև, հակառակ ուս-
սական դարևոր տիրապետութեան, այդ լեզուով խօսող-
ները կազմում են ամենափոքրիկ տոկոս, աննշան և չնչին՝
ահագին ազգաբնակչութեան թւի առջև: Ընտեղեակ և
մոլորած են նրանք, որոնք միամտութիւն ունին կարծե-
լու, թէ հարիւր տարւայ ընթացքում ուսաց լեզուն
այնքան տարածւել և այնքան ժողովրդականացել է կով-
կասեան ազգերի մէջ, որ կարելի է այդ լեզուով խօսել
ժողովրդի հետ, կառավարել, դատել, այդ լեզուով
օրէնք գործադրել, ցաւեր իմանալ: Երբէք: Զօրանոցները,
իհարկէ լեզու չը տարածեցին և ոչ էլ ոստիկանական

պահանջները: Ապայի և աստիճանաւորի ետեւից չեկաւ ուսուցիչը՝ իբրև տարածող գրագիտութեան և լեզւի: Զօրանոցին չը յաջորդեց դպրոցը: Ահա թէ ինչու, այժմ էլ, գաւառների ազգաբնակչութիւնը նախկին Արաստանում կամ Հայկական նախկին նահանգներում — վրացիներ, հայեր, թիւրքեր — դեռ ևս շատ անզ մի խօսք անգամ չգիտէ այն լեզւից, որով մի դար է հրամայում են . . . Իւր եթէ մի օր, իբրև անսպասելի մի պատահար, ապստամբ Աովկասը թօթափէր միապետութեան լուծը, թերևս երեք օրւայ մէջ անհետ լինէին դարևոր տիրապետութեան վերջին նշանները և գուցէ ուրիշ ոչինչ չը մնար, բայց եթէ զօրանոցների հաստ պատերը և ուղղափառ տաճարների ոսկեզօծ գմբէթները . . .

Արկնակի է գժբախտութիւնը: Խոնարհ, երբեմն ուսական համակրանքներով յափշտակած ժողովուրդին շուքորեցրին այն լեզուն, որով վճռում և հրամայում է կառավարութիւնը. և ոչ էլ կառավարութեան ներկայացուցիչները պարտականութիւն յանձն առան ծանօթանալու այն լեզուներին — գէթ գրանցից մէկին, որոնցով իր ցաւերն ու կարիքներն է արտայայտում մի ամբողջ երկիր, մի քանի ազգերի հաւաքական, ահագին մարմինը:

Յնորք է, իհարկէ, երևակայել անգամ, որ երբեիցէ ուսաց գահի ժառանգը, այն երկար տարիների ընթացքում, երբ նա ինամբօով մարզութիւններ է անում, թէ ինչպէս պէտք է ձեռք տալ, պագնել կամ պարել, երբ ամիսներով վարժուում է գեղեցիկ կերպով իր անունը ստորագրելու „պետական պարտաւորութեան“ մէջ, — ցնորք է, ասում ենք, երևակայել, որ նա մտածէր գէթ մի քանի ժամ նւիրելու պետական կազմի մէջ մանող միւս ազգերի լեզւի ուսումնասիրութեան, եթէ ոչ իբրև արքայական պարտաւորութիւն — արքաները պարտաւո-

րութիւն չեն ճանաչում — գէթ իբրև յարգանք դէպի այն հպատակ ազգութիւնները, որոնք խօսում են այդ լեզուներով, որոնք „կազմում են ռուսական թագի մարգարիաները“: Ներկայ օրերում, այո, ցնորք է այդ: Ցնորք է և այն գուցէ, որ մինիստրի վրայ պարտք դրէր ծանօթ լինելու պետութեան ծայրերում հաստատուած գլխաւոր ազգութիւնների լեզուներին, հարկաւոր դէպքում նրանց դարձնել անմիջապէս լսելու և հասկանալու համար: Բայց մի՞թէ ցնորք պիտի մնայ և այն տարրական միտքը, որ կռաւարչապետ, որ պալատից հազիւ է ոտքը դուրս գնում, գոնէ նահանգապետը, գաւառի կառավարիչը, դատաւորը, ոստիկանապետը, որոնց պարտաւորութիւնը ամեն օր նրանց կանգնեցնում է երես առ երես երկրի ժողովրդի հետ, խմանային այն ժողովրդի լեզուն, որին ուղարկած են կառավարելու, չենք ասում ծառայելու, որովհետև Ռուսաստանում պաշտօնեան չէ, որ ծառայում է ժողովրդին, այլ ժողովուրդը՝ պաշտօնեային: Սակայն այդ տարրական կարծիքն ևս մնաց և մնում է ցնորք ներքին շրջանում, և այն էլ՝ վրտանգաւոր ցնորքների: Երևանի նահանգապետը, կառավարիչ հայկական շրջանի, մի խօսք չգիտէ հայերէն: Բութայիսի նահանգի պետը, որ ամեն օր և ամեն ժամ դործ ունի վրացի ազգաբնակութեան հետ, չի էլ հասկանում նրա մայրենի լեզուն: Այդպէս են և միւս նահանգներում. այդպէս են և միւս պաշտօնեաները: Եւ ի՞նչ բիւրաւոր չարիքներ չը ծագեցին այդ դժբախտ կացութիւնից:

Ահա գատարանումն ենք:

Գահլիճի մէջ միջանցքներում խոնւած է ժողովուրդը, — լեռնական վրացիներ, գիւղերից եկած հայեր, սարերից իջած թիւրքեր: Գլխափաթաթ կանայք, սպի-

տակահեր ծերունիներ՝ նահապետական միամտութիւնը երեսներին, մատաղ երեսխաներ՝ երկչոտ, անհանգիստ հայեացքներով: Ամենքն էլ կուչ են եկել: Գողը բոլորի սրտումն է: Ապաստում են ժամեր, օրեր: Նրանց մի սենեակից միւսն են քշում, մի միջանցքից մի այլը: Տւած հարցերին ոչ որ չէ պատասխանում: Նրանց ոչ որ չէ ուզում հասկանալ: Ահա և դատաւորները՝ կամ քնաթաթախ աչքերով ամբողջ գիշերւայ թղթախաղից, կամ կատաղի՝ ինչպէս տանջւած գայլը, սլ գիտէ, ընտանեկան ինչ դրամայից . . . Շարւած են խեղճերը իրենց դատաւորների առաջ: Մահւան և կեանքի խնդիր է: Ասկայն նրանք մի բառ անգամ չեն հասկանում: Տգէտ, անուս թարգմանը թարգմանում է, ինչպէս և ինչ կամենում է: Եւ ահա մի ժամից յայտարարում են՝ «Բոլորն էլ ճանաչւած են մեղաւոր — աքսոր Սիրիր»: Վճիռը նոյնպէս պէտք է թարգմանել: Եւ դեռ թարգմանութիւնը չարած, դեերի նման բուսնում են զինւորները, քշում են անխօս, անլեզու մեղադրւածներին, ինչպէս անասուններ: Ուր — նրանք էլ չգիտեն . . . Եւ ինչու համար: «Իշխանութեանը գիմադրութիւն ցոյց տալու համար» — ստում է թարգմանը: Գիմադրութիւն իշխանութեան: Ուր, երբ . . .

Գիւղումն ենք:

Շինականները դողի մէջ են. փողոցներից մարդիկ փախուստ են տալիս, ինչպէս մօտալուտ փոթորկից. միայն մեկիքն է երեւում, գունատ, շշկլւած, ահը երեսին, նշանը վրին: — Ի՞նչ է պատահել: Ապաստում են գաւառապետին: Ահա և նա, գաւառի ցարը: Վէս ժամից՝ «հարայհարցը» գիւղն է աիրել: Տեսարանը պարսիկ խաների կամ թիւրք փաշաների գալուստն է յիշեցնում: Եւ աւառւն երբ՝ կօզակների հետ գիւղն ընկած՝ հաւեր են հաւաքում, իւղ են պահանջում, լաւ գինի են որո-

նում. . . Եւ եթէ ձրի չեն տալիս, կամ քիչ են տալիս, մտրակը պատրաստ է: Ծեծ, հայհոյանք, կռիւ: Մեղքը փորձում է գանգատել: Գաւառապետը չհասկանալու է դնում: Ահա յանկարծ մի սրտակտոր ձիչ, — պառազեղջիւհուն՝ կատաղութիւնը դէմքին, հրացայտ աչքերով, դէպի մեծաւորն է վազում: Գանգատ ունի, — եասառւնները նրա հարսի պատիւն են վիրաւորել: Նա գոչում է, նա շանթեր է արձակում. . .

— Հաւերս էլ, կովս էլ, սաղ տունս էլ թող տանեն, թագաւորին զուրբան, բայց հարսիս հետ ինչ գործ ունեն այդ անհաւատ, գետին մտածները. Աստու կըրակը դրանց գլխին . . .

— Ի՞նչ է ասում, որտաց սենեակից գաւառապետը:

— Հաւի փող է ուղում, բացատրում է խորամանկ թարգմանը:

Արդարագատ գաւառապետը մեծահոգութեամբ քան կոպէկ շարտեց գանգատաւորի առաջ՝ գոչելով.

— „Աւեցրէք“: Եւ մտրակները լսեցրին բողբոջին: Վիրաւոր կինը յետ մղեց, կապտած մարմնով գողգոջին: Ամենազօր մտրակը խաղաղացրեց վրդոված, բողբոջ հոգին . . .

Զինւորակոչ է:

Գիւղի ահագին հրապարակի վրայ ծովացած է ամբոխը: Մէջտեղը, մի պատւանդանի վրայ, կանգնած է գաւառապետը: Զինւորագրութեան սկիզբի տարիներն են, և նա, յանուն „արդար օրէնքի“, բացատրում է ժողովրդին՝ թէ ինչպէս պէտք է վիճակ հանել և ով է զինւոր գնում: Ժողովուրդը ալեկոծւած է. անվստահութիւնը թափանցել է մինչև նրա հոգու խորքը: Նա չէ հաւատում, նա կասկածներ է տանում: Եկեղեցու բակում, ջրի ճանապարհին առասպելներ են պատում: Եւ ինչու չպատմեն: Նոր օրէնքը ոչ ոք չը բացատրեց,

յուզիչ լուրերի առաջը ոչ որ չը կամեցաւ առնել:

— Ա՛հա այսպէս—կրկնում է գաւառապետը ամբոխին—ամեն մէկը ձեռքը կը կոխի այս արկղի մէջ և կը հանի մի տպած համար (պէչատնի նօմէր):

— Ազան ասում է որ — թարգմանում է թարգմանը — ամեն մարդ ձեռքը կը տանի և կը հանի փէչատած թուղթը*:

— Ո՛ւր է, ո՛ւր փէչատած թուղթը — գտում են մի քանի կողմից, — փէչատած չէ, խարում էք, բաց է:

Գաւառապետը՝ չը հասկացած յուզման պատճառը, զայրոյթի նշաններ է ցոյց տալիս: Զայրոյթը աւելի է յուզում ամբոխը: Թիւրիմացութիւնը ամբոխի աչքում դառնում է չարամիտ խար, իսկ ժողովրդական զայրոյթը՝ իշխանութեան աչքում՝ վասնգաւոր անկարգութիւն, դիմադրութիւն: Զուզմունքը վերջանում է խիստ մտրակահարութեամբ:

Կառավարչապետի պտոյան է:

Գաւառները տակն ու վրայ են. նահանգապետը քուն չունի, գաւառապետները՝ շփոթւած: Արտեղով պիտի անցի — ոչ որ չգիտէ: Կամուրջները նորոգում, ճանապարհները կարգի են բերում: Ա՛հա և նա ինքը գաւառական փոքրիկ քաղաքում: Ծերունի է, կորացած. թոյլ՝ մարմնով, բայց ուժեղ՝ իրաւունքներով: Եւ կանգնած հրապարակի վրայ, շրջապատւած նահանգի բոլոր մեծերով, ժողովրդի ցաւն ու դարձը, գանգաւան ու աննշն է ուզում իմանալ: Արպիտի բացառիկ երջանկութիւն: Սակայն ամբոխը լարւած է... Լսում են յուզւած ձայներ, բացականչութիւններ.

* «Փէչատած»՝ ժողովրդի հասկացողութեամբ նշանակում է «կնքած», մինչդեռ խօսքը տպած (պէչատնի) թուահամարի մասին է, որ ինքը թարգմանը չէ հասկանում:

— Չենք ուզում: մեր նաչալնիկը (գաւառապետ) մեր տունը քանդեց, չենք ուզում կաշառք տալով մեր հոգին ելաւ. չենք ուզում...

— Ի՞նչ են ասում:

Գաւառապետը առաջ եկաւ, նայեց թարգմանին, աչքերը գցեց նահանգապետի աչքերին և պատւի կանգնելով կառավարչապետի առջև, հանդիսաւոր կերպով արտասանեց.

— Չերդ պայծառափայլութիւն, ասում են, որ դպրոց չենք ուզում, փող չունենք, ծախքը չենք կարող հոգալ...

— Ի՞նչպէս, դպրոց չեն ուզում. ես հրամայում եմ: մինչև վեց ամիս շինութիւնը պատրաստ պիտի լինի: Յայտարարեցէք, — ասաց, առաջ անցաւ, նստեց կտորը ձեղքեց ամբոխը և սլացաւ... Ու թիֆլիզ դարձած, նա շտապեցրեց դէպի Պետերբուրգ իր զեկուց ումը, որ վերջանում էր այս խօսքերով «Անձամբ և տեղնուտեղը ուսումնասիրելով ազգաբնակութեան կարիքները... և այլն»:

Հարունակութիւնը գրագիրներն էլ անգիր գիտեն...

«Ահլաւկան տանջանքները» — դա մի ոճէ՛ յատուկ միայն կովկասին — հանգիստ չեն տալիս տեղական ազգաբնակութեան և՛ հիմնարկութիւններից դուրս, առօրեայ կեանքի ամեն մի քայլի վրայ: Ահա գիւղացի հայրը նամակ ունի ուղարկելու իր որդուն, որ Բաթում է: Նա իրաւունք չունի հայերէն գրել: պիտի թողնի գործը, մի օրւայ ձանապարհ անցնի, քաղաք գայ, դիմի մի ծանօթ կամ անծանօթի, աղերսի, որ նրա նամակի հասցէն ուսերէն գրեն: Մի հասցէի համար՝ մի ամբողջ օրւայ կորուստ... — Պառաւ, որդու կարօտ մայրը բանտ է եկել տեսնելու որդուն: Նրա սիրտը տապալկուում է, նա առաջ է վազում, որ մի խօսք ասի, մի խօսք լսի զաւակից: Բայց պահապանի կոշտ ձեռքը նրան յետ է հրում: «Ուսերէն

խօսեցէք: Եւ խեղճ՝ մայր ու որդին, անասունի նման անխօս, ստիպւած են աչքերով խօսել, լռութեան մէջ որոնել իրենց կարօտը, յոյզերը . . . — Գիմնագիտօնում երեխան հարց ու փորձի է կանչւած. տեսուչը սպառնում է նրա „վարքը“ պահասեցնել: Ինչո՞ւ: Տեղեկացել է, որ մի քանի հոգի հայերէն կամ թիւրքերէն են խօսում իրար մէջ: — Հաղիւ քո „եանցի“ խնդիրը վերջացաւ, հիմի էլ հայերէն ես խօսում — նկատում է վրդովւած տեսուչը:

Ինչ „եանցի“ խնդիր է, կը հարցնէք: Հայկական ազգանունների վերջաւորութիւնն է դա, որ, յիրաւի, դարձել է մի պետական խնդիր քաղաքականութեան սիրահարների համար: Գպրոցներում մանաւանդ — էլ չենք ասում վարչական հաստատութիւններում — ստիպում են գործ չածել „եանց“, այլ դրա տեղ „օլ“, հակառակ ազգանւան տիրոջ ցանկութեան: Գրա պատճառով է որ նոյն անունը, որ հայոց շրջաններում Տէր-Պետրոսեան է, գիմնագիտօնում դառնում է Տէր-Պետրուզով, Կարապետեանը՝ Կարպով, Գրիգորեանը՝ Գրիկուրով: Ծաղը չէ այս և ոչ էլ կատակ: — „Եանցի“ խնդիրը դեռ իր ամենաեռուն շրջանումն է և թէև ծնունդ 19-րդ դարի, պիտի զբաղեցնի միապետութեան գործակալներին և ներկայ դարում . . .

Հատ տարիներ առաջ, ուսական տիրապետութեան նախկին շրջանում, երբ ամբողջ նահանգներ զուրկ էին մի հատիկ ուսերէն իմացողից անգամ և երբ դեռ չէին փչում նորագոյն հովերը, կառավարչական կարգադրութիւն եղաւ պաշտօնական թղթերը գրել, բացի ուսերէնից, նոյնպէս և վրացերէն, հայերէն ու թիւրքերէն լեզուներով: Սակայն դա միշտ մնաց և մանաւանդ այժմ մնում է իբրև մեռելածին մի ձև, թաղւած անգործագրութեան փոշու տակ: Քաղաքային ինքնավարութիւններն իսկ, որոնք համարւում են աւելի հասարակական քան

ուտիկանական հիմնարկութիւններ, չեն արտօնւած խօսելու, գրելու այն լեզուով, որով խօսում և գրում է նրան կազմող և ընտրող ժողովուրդը:

Այս քաղաքականութեան նպատակն է, իհարկէ, և այն, որ ըստ կարելոյն շուտով և արագօրէն ոչնչացնել տեղական լեզուների նշանակութիւնը և աշխարայ դարձնել նրանց կատարեալ անկարևորութիւնը: Եւ իրօք: Պ ա շ ա ո ն ա կ ա ն տեսակէտից, կովկասեան ոչ մի լեզու արժէք չունի: Հայրկամ վրացին իրենց լեզուն սիրել կարող են միայն պլատօնական, վերացական սիրով: Գործնական կեանքի մէջ նա անարժէք է: Նրան հալածում, նրան ծաղրում, նրան անպէտք են համարում: Ինչքան էլ գիտնական լինէք հայոց կամ վրաց լեզւի մէջ, և ինչքան էլ կատարելագործւած այդ լեզուներում, ձեզ չեն թող տայ մի քայլ անգամ անել դատարանում, փօստում կամ ուէ վարչատան մէջ: Տեղական լեզու իմացող պաշտօնեաներին արգելւած է խօսել այդ լեզուներով և եթէ մէկը խօսում է, նրա վրայ „ծուռ աչքով“ են նայում: Շատ կան հայ պաշտօնեաներ, որոնք ոչ միայն իրենց „եանցը“ դարձրել են „օվ“, այլև ամենայն եռանդով աշխատում են ցոյց տալ, որ նրանք չգիտեն իրենց մ ա յ ր ե ն ի լեզուն, չեն կարդում հայերէն լրագիր կամ գիրք: Եթէ „մեծը“ իմանայ, որ ստորադրեալ հայ պաշտօնեան իր որդուն կամ աղջկան տւել է հայոց դպրոց — նրա մասին լաւ կարծիք չի տալ իշխանութեան: Ղաճառականը կամ արհեստաւորը ազատ չեն իրենց խանութի ցուցանակը գրել այն լեզուով, որ ուզում են: Հայ հարուստը կամ վրացի ազնւականը, եթէ ուէ կապ ունի կառավարչական հիմնարկութիւնների հետ, ստիպւած է՝ ուէ ազգային հիմնարկութեան նւէր արած միջոցին, մի բան էլ նւիրել, օրինակ, „Ուղղափառութիւն տարածող“ ընկերութեան կամ ոււս եկեղեցու կառուցման, որպէսզի խ է թ հայեացքների առարկայ չդառնայ:

1892 թւին թիֆլիզում մի հայ պաշտօնեայ կառուցեց տուն և, կամենալով քարուցելուի մէջ էլ ցոյց տալ իր հաւատարմութիւնը, տան ճակատին ահագին տառերով գրեց՝ «Տէր, պահե՛ա՛ զկայսրն մեր» . . . Եւ իբրև վարձատրութիւն՝ նրա տունը թանկ գնով վարձեցին նահանգական վարչութեան համար: Զազիր, անբարոյականացուցիչ միջոցներ, որոնք վարժեցնում են ամբողջ սերունդը քծնելու, ստորանալու արհեստին—մի սերունդ, որ առանց այն էլ լի է բարոյական արատներով:

Իսկ այդ սերունդների կրթարանները, — դպրոցները, միապետական քարոզների օջախ դարձած, զարգացնում են «հալածական» լեզուների դէմ սկսած արշաւանքը՝ կրկնակի ուժով, կատաղօրէն: Գիմնազիօններում գոյութիւն չունի վրաց կամ հայկական լեզու: Գանձարանը, շատ հաղւապիւտ բացառութեամբ, դրամ չէ բաց թողնում նրանց դասատուութեան համար: Պարտաւորական չէ նրանց սովորելը, այլ ենթակայ արհամարհանքի: Եւ շքնորհիւ այդ կարգերի՝ անմեղ, առողջ ուղղութեան կարօտ ուսուցիչներին, դեռ մանկութեան օրերից վարժւում է արհամարհելը, քնտես առնել, նոյն իսկ ատել այն՝ ինչ ուսուսական չէ, այլ տեղական, յատուկ երկրի բնիկ աղգութիւններին:

Հալածանքը գնում է աւելի հեռու: Կովկասեցի երեսխան, հաղիւ գրագէտ, դեռ սկսնակ, ստիպւած է, շնորհիւ այն դասագրքերի՝ որոնք տրւում են իր ձեռքը, չը յարգել, չը սիրել այն, ինչ պատկանում իր ծննդավայրին, հայրենի երկրին, և սիրել միայն այն, ինչ որ հեռու է, նոյնիսկ անծանօթ: Չը ճանաչած Իմերէթի կամ Սիւնեաց երկրի գեղջուկին, նրա խրճիթը, նիստուկացը, նրա կենցաղը, նա՛ ստիպողաբար առաջնորդւում է սերտել և պատմել, թէ ինչպէս է ապրում ուսուցիչը գեղջուկը Արխանգելի, Պսկովի նահանգներում, ինչ ձև ունի նրա

տնակը և կամ որոնք են նրա կենցաղի ձևերը: Ան-
ծանօթ կովկասին, նրա կեանքին, բանաստեղծու-
թեան, նա անգիր է անում կայցօվ կամ Գօգօլ: Երե-
ւակայութեամբ տարած գէպի Մայր-Վօլգայի ափերը
կամ ռուսական անձայր „ստեպ“ ներք, կովկասեցի փոք-
րիկները շեն ներշնչում սիրով, որ և՛ բնական է, և՛
կրթիչ, գէպի վեհատեսիլ Մասիսը, գեղանի կաղբերը,
կամ այն գեղեցիկ դաշտերն ու ձորերը, որ կարում
անցնում են Մայր-Վրաքսն ու կուրը, գէպի բնութեան
այն սքանչելիքները, որոնք կազմում են սարուկ երկրի
անվիճելի հրաշալիքը, հրապոյրն և հմայքը... Անտեղի,
անմիտ թշնամանք գէպի այն բոլորը, ինչ պիտի կրթի
ճաշակ, երևակայութիւն, սէր գէպի բնութիւնը:

Եւ աւելի ուշ, երբ պատանեկան երևակայութիւնը սա-
ւառնում է գէպի աւելի բարձր, գէպի փաստերի անցեալն
և ապագան — նրան շեն ներշնչում որևէ համակրանք
գէպի գերմարդկային այն ցաւերը, որոնք կազմում են
կովկասեան ազգերի արիւնոտ, բայց հերոսական անցեալը
և կամ գէպի նրանց քաղաքակրթական ապագան, որ
այնքան սիրելի է Նեոների հայրենիքին: Միապետական
մանկավարժի համար չը կայ հայկական կամ վրացական
պատմութիւն, հայկական կամ վրացական բանաստեղ-
ծութիւն. նրա գիտողական ուսումը՝ կովկասից
գուրս է, նրա բնտրած նիւթերը՝ հեռու այդ երկրից:
Ռուսական բանաստեղծութեան և ռուս ժողովրդի սի-
րով յայիշտակած պատանին՝ իրաւունք չունի սիրել
մի այլ բանաստեղծութիւն, որ յօրինւած է իր երկրի
մէջ, մի այլ ժողովուրդ, որի հարազատ զաւակն է
ինքը, մի լեզու, որով խօսել են իր ծնողները, որը
բնտանի է իր ականջին, իր կոկորդին, իր զարգացման
կանոնաւոր բնթացքին...

Մանկավարժական մի նոր մեթօդ է այդ, բովան-
դիւրօկրատիական գիւնատներում, գուցէ և զինւորա-

կան շտաբների մասնակցութեամբ, — մեթօզ, որ ունի իր սեփական օրէնքները, իրեն յատուկ սկզբունքներ, անձանօթ գիտութեան, անյայտ մանկավարժական նորագոյն սիստէմների մեծանուն հեղինակներին . . .

Հալածաշունչ հողմերից ազատ չեն և մեռածները, որոնց երախտապարտ հայրենիքը կուզենար յարգանքի մի նշան ցոյց տալ արձանով կամ մի այլ յիշատակարանով: Արգելում է, օրինակ, քաղաքի որևէ փողոցին տալ մի նշանաւոր վրացի կամ հայ գործիչի անուն, կամ գրադարան հիմնել տեղացի ականաւորի անւամբ: Թիֆլիզում կան Պուշկինի, Գրիբօեդովի, Արիլովի անուն նւիրւած փողոցներ, բայց և ոչ մի փողոց՝ կովկասեցի մի գործողի կամ մտածողի անւամբ: Երևանեան նահանգի գիւղերից մէկում ուղեցին բանալ մի գրադարան, նւիրւած Գրիգոր Արծրունու անւան: Արգելեցին: Ստիպեցին ընտրել Պուշկինի անունը, — թոյլ տւեցին: Իհարկէ, ոչ այն պատճառով, որ անմահ Պուշկինը — որի անունը այդ գիւղում, տարաբախտաբար, առաջին անգամ էին լսում — սիրելի էր հակապուշկինեան նահանգապետին, այլ այն պատճառով, որ „յամենայն դէպս“ նա ուսու է . . . Կորած-մոլորած Պարսկաստանի մէջ գրադարաններ են հիմնւած Նազարեանի, Բաթթիի, Արծրունու և Պատկանեանի անւամբ, իսկ կովկասում, ուր այդ մարդիկը ապրել, գործել են և որին նրանք ծառայել են իրենց ամբողջ ուժով, անկարելի է դրանց անունը դնել մի համեստ, կառավարչական հսկողութեան ենթակայ ընթերցարանի ճակատին: Այդ է պատճառը, որ ոչ զքի մտքով անգամ մինչև այժմ էլ չէ անցնում, օրինակ, խօսք բանալ Թիֆլիզի, Երևանի կամ Բագուի ուէ հրապարակի վրայ մէկ արձան կառուցանելու կովկասեան այնպիսի գործողների յիշատակին, որոնց անունը միշտ պիտի կազմէ այդ գեղեցիկ երկրի վշտալի պատմութեան պարծանքը: Գա կը համարւի

ցոյց կառավարութեան դէմ. դա կը նկատուի յեղափոխական փորձ . . .

Ըմբոստացած այդ տարրական արդարութեան դէմ, բռնի ուժի հաւատարիմ հովանաւորները երևի մօտիկ ապագայում կովկասեան քաղաքների հրապարակները կըսկսեն զարգարել այնպիսի գեներալներ և կառավարիչներ արձաններով, որոնց միակ մեծութիւնը եղել է կամ արիւն թափել կամ սարկացներ, որոնց անունը կովկասեցին կը ծածկէր, եթէ ազատ լինէր, միմիայն անարգանքով և ատելութեամբ:

Ար բարձրացնեն զեսլերեան գլխարկները և կըստիպեն ժողովրդին գլուխ խոնարհեցնել:

Հելվեցիան Ախլճէլմ՝ Տէլլ ծնեց՝ այդ անարգ գլխարկը ռաի տակ տալու համար:

Ար ծնւի արգեօք մի նոր Ախլճէլմ՝ Տէլլ այն վիթխարի լեռների ստորոտում, ուր ըմբոստ Պրօմէթէօսը երկնքի կրակը խլեց . . .

„Յ Ե Ն Ձ Օ Ր“

(ՏԱՄՆԵԻՆՆԻԿԵՐՈՐԻ ՆԱՄԱԿ)

Բնաւորի պատգամը . — Մտքի ուստիկանութիւնը . — Տպագրական գործերի գլխաւոր վարչութիւն . — Յննգօրական կօմիտէներ . — Գրաքննական կանոնագիրք . — Օրէնքը դատարկ ճշիւն է . — Փաստեր . — Առասպելական խտուածիւններ . — Ներսը եւ դուրսը . — Պարբերական հրատարակութիւնների վիճակը . — Ի՞նչ է կատարում Կովկասում . — Փաստերի փոքրիկ շարան . — Յննգօրական „մարգարիտներ“ . — Խեղճ գրականութիւն:

Եւ ասաց բնաւորը՝

— „Չը լինի խօսքի ազատութիւն“:

Եւ չ'եղաւ խօսքի ազատութիւն:

— „Գնացէք և կատարեցէք իմ կամքը“:

Եւ առաքեալները գնացին:

Պարգևատուած ց ե ն զ օ Ր տիտղոսով, համազգեստը հագին, կրծքին պսպղուն նշաններ, բռնկւած խտագոյն ատելութեամբ դէպի այն բոլորը, ինչ արտացոլում է մարդկային գլխից և մտքից, բռնութեան առաքեալները ատեան կազմած՝ սկսեցին իրենց աւերող, կաշկանդիչ, սև աշխատանքը . . .

Պետերբուրգ է նրանց կենտրոնը, Նեվայի ափերին: Եւ հազիւ թէ Պետրոսակերտում գտնւի գրչի մի հատիկ զինւոր անգամ, որ չը ճանաչէր այն հիմնարկութիւնը, որի ճակատին դրօշմած է՝ „Գլաւնօէ ուսարավլնիէ պօ դէլամ պեչատի“ (Տպագրական գործերի գլխաւոր վարչութիւն) խօսքերը, խօսքեր այնքա՛ն խորհրդաւոր և երկիւղաբեր, այնքա՛ն անխորժ գրողի ականջին:

Ինչ է դա: — Գա մ տ ա ծ ո ղ Ռուսաստանի ոստիկանութիւնն է, ոստիկանութիւն մտքի և գաղափարի, դա՛հի՛ճ գրականութեան և մամուլի:

Յենզորական կանոնագիրքը ասում է՝

„Գրաբնական գործերի և առհասարակ մամուլի ղեկավարութիւնը, Պետութեան և Աւհական թագաւորութեան սահմաններում, կենտրոնանում է ներքին գործերի մինիստրութեան մէջ, մինիստրի բարձրագոյն հսկողութեան տակ, Տպագրական գործերի գլխաւոր վարչութեան ձեռքում“:

Համաձայն այդ օրէնքի տարօրինակ տրամաբանութեան, գրականութիւնն ու մամուլը այժմեան Ռուսաստանում չէ հա՛ւարւում լ ու ս աւ ո թ ու թ ե ա ն գործօն: Ապա թէ ոչ՝ ինչպէս բացատրել այն փաստը, որ Տպագրական գործերի գլխաւոր վարչութիւնը, որի ձեռքումն է ամբողջ մամուլի և գրականութեան ղեկը, չէ կնթարկւում ժողովրդական լուսաւորութեան մինիստրութեան, որը այսպէս թէ այնպէս կոչւած է հսկելու պետական լուսաւորութեան գործին, այլ ներքին գործերի մինիստրութեան, որից կախումն ունեն այնպիսի մարմիններ, ինչպէս են, օրինակ, ոստիկանութեան և ժանդարմների վարչութիւնը: Բնականաբար, ներքին գործերի մինիստրութեան ձեռքում՝ „մտքի կարգապահութեան“ վերաբերմամբ՝ Տպագրական գործերի գլխաւոր վարչութիւնը նոյն դերն է կատարում, ինչ որ „ընդհանուր կարգապահութեան“ վերաբերմամբ՝ ոստիկանը և ժանդարմը: Ասել է թէ՛ մեծանուն և երկիւղալի այդ վարչութիւնը մ տ ա ծ ո ղ Ռուսաստանի ոստիկանութիւն անւանելը՝ բառախաղ չէ, այլ հետևողական եզրակացութիւն, իրականութեան անպաճօյճ արտայայտութիւն:

„Տպագրական գործերի գլխաւոր վարչութիւնը“, ինչպէս և մայրաքաղաքում բազմած այլ կենտրոնական կազմակերպութիւնները, մի շատ բարդ մարմին է, — նախագահով,

փոխանախազահով, անգամներով, քարտուղարներով և ծառայողների մի ամբողջ լեգեօնով: Պետերբուրգից դուրս նա ունի ստորագրեալ ճիւղաւորութիւններ, որոնք կըլուժեն «Յենդորական կոմիտէներ»՝ բաղկացած մի խումբ «կարեօր» պաշտօնեաներից և մի քանի «հասարակ» ծառայողներից, ուրեմն էլի մի ամբողջ մարմին, որի պահպանութիւնը ամեն տարի պետական գանձարանից պահանջուժ է մեծամեծ ծախքեր:

Ամբողջ կովկասի համար գոյութիւն ունի մի միայն մէկ հատ ցենդորական կոմիտէ, որ գտնուժ է Թիֆլիզում և պարտաւորութիւն ունի ի միջի այլոց՝

- 1) Գրաբնէլ կովկասեան երկրի սահմաններում լոյս տեսնող ամսագիրները, լրագիրները և այլ տեսակ հրատարակութիւններ.
- 2) Քննել արասահմանից այդ երկիրը բերուող գրեւծքները՝ ուռներէն կամ եւրոպական լեզուներով.
- 3) Քննել արտասահմանից պետութեան սահմանները մտնող հրատարակութիւնները՝ վրաց, հայոց և արևելեան այլ լեզուներով:

Կովկասեան միւս քաղաքներում, նոյնիսկ նահանգական, կոմիտէներ չկան, այլ կայ, ինչպէս օրինակ Բագու, մի ցենդոր, որ նահանգական վարչութեան պաշտօնեայ է, շատ անգամ նոյնիսկ նահանգապետի օգնական, որի վրայ պարտք է գրեւծ քննելու այնտեղ լոյս տեսնող լրագիրները: Եթէ կովկասեան ուրիշ քաղաքներում կան մարզիկ, որոնք ուզում են գիրք տպագրել, պէտք է ուղարկեն Թիֆլիզի կոմիտէին. տեղական ցենդորը իրաւունք չունի գրքեր նայելու: Գրքեր արգելելու պատիւը թողնուած է կենտրօնին . . .

Գա է, համառօտակի պատմած, այն մէքենան, որի «ատամների» մէջ սղմուած է տպագրական խօսքը, գիրքը:

Ահա և նրա պատմութիւնը:

Գրաքննութիւնը բռնութեան առաջնակն է: Նորագոյն ձևով նա իր սկիզբը առաւ կաթողիկ եկե-

ղեցու ծոցում: Ալեքսանդր VI պապը (1492—1503) հրատարակեց մի «Յուցակ արգելւած գրքերի» և դրանով գրաքննական տեսանի հիմք դրեց: Այնուհետև եւրոպական գանազան երկրներում ծնունդ առաւ և ա շ ի ս ր հ ա կ ա ն գրաքննութիւնը, թէև շատ աւելի թոյլ և կարճատե՛քան հոգեորականը, և կազմակերպւեց նրա վատթարագոյն տեսակը — նախնական գրաքննութիւնը: Նա մուտք գտաւ նոյնիսկ Անգլիա, ուր ոչ մի գիրք չէր կարող լոյս տեսնել առանց կառավարութեան թոյլաութեան: Ֆրանսիայում նրա վիճակը շատ փոփոխական էր: Մեծ յեղափոխութիւնից յետոյ սկսած յետադիմական շարժումը ծանր պայմանների մէջ դրեց տպագրական խօսքը: 1795 թւի հալածանքներին՝ Նապօլէօն I աւելացրեց նորանոր խստութիւններ: 1818-ին, ճշմարիտ է, հրատարակեց աւելի ազատամիտ օրէնք մամուլի վերաբերմամբ, բայց այդ շարգելեց Նապօլէօն-ֆոքրիկին՝ նոյնիսկ 48-ի յեղափոխութիւնից յետոյ՝ 1868-ի օրէնքով վերականգնեցնել նախնական գրաքննութիւնը և սկսել մի ամօթալի հալածանք դէպի այն բոլորը, ինչ գլուխ չէր ծռում կայսրութեան առաջ:

Մտքի կապանքների ոչնչացման պատիւը պատկանում է ամենից առաջ Անգլիային: Ֆրանսիայում մամուլի ազատութիւնը յաղթանակեց Եւրոպոյ շանրապետութեան օրով: Նա այժմ համատարած է ամբողջ Արևմտեան Եւրոպայում, ուր ընդհանրապէս այլևս գոյութիւն չունի նախնական և ոչ էլ քաղաքական գրաքննութիւն: — Մամուլը ենթակայ է ընդհանուր դատարանին և նրա դէմ ուղղւած հալածանքը՝ այլևս քաղաքական հայեացքների առիթով չէ, այլ հետևանք՝ մասնաւոր, անհատական գանգատների: Խօսքի ազատութեան մեծ գաղափարը իր յաղթանակը տարածեց և այնպիսի երկրներում, ինչպէս Բայկաննան փոքրիկ պետութիւններն են, որոնք քիչ

առաջ, [Թիւրքական լծի տակ, ենթակայ էին գրաքննութեան ամենասոսկալի տեսակին — գերեզմանական լուծեան:

Եւրոպային կից երկու երկիր միայն մնաց, ուր չկայ խօսքի ազատութիւն — Թիւրքիան և Ռուսաստանը:

Որպիսի՞ ամօթալի ներդաշնակութիւն . . .

Հատ հին և շատ տխուր է գրաքննութեան պատմութիւնը սլավ միապետութեան մէջ: Գեո. Պետրոս 1-ի օրով (1682-1725), ռուսական տպագրութեան մանկական շրջանում, լոյս տեսաւ կառավարչական կարգագրութիւն, որով հրամայուամ էր սինօզին՝ գրաքննել բոլոր տպագրութիւնները, թէև առանձին կարիք էլ չկար, որովհետև երկար, շատ երկար ժամանակ, Ռուսաստանում գիրք տպագրելը մի արտօնութիւն էր՝ յատուկ միմիայն կառավարութեան: Չը կային մասնաւոր տըպարաններ: Կառավարութիւնն էր մտածողը, տպագրողը և տարածողը: 1783-ին էր, որ լոյս տեսաւ այն նշանաւոր ուկազը, որով թոյլ էր տրուում բանալ մ'ա ս'ն աւ որ տպարաններ: Ռուսաց գրականութեան պատմութեան մէջ յիշատակելի տարի է դա: Կա եղաւ եռանդուն գործունէութեան սկիզբ . . .

Սակայն նորաբողբօջ շարժումը խորտակեց, կանգ առաւ շատ շուտով, երբ ֆրանսիական մեծ յեղափոխութեան ալիքները բաղխեցին ցարերի թագաւորութեան սահմանագլուխը: Յետագիմական ուժերը լաւ առիթ գտան փականքի տակ դնելու տպագրական խօսքը, իբրև „աղբիւր բոլոր չարիքների“: 1796-ին, Եկատերինէ կայսրուհու օրով, հրատարակեց մի նոր կարգագրութիւն — փակել բոլոր մասնաւոր տպարանները: Գրաքննութիւնը կրկնապատկեց իր եռանդը: „Ըմեն վտանգ Ըրեւմտքից է գալիս“ — այդ եղաւ սլավ միապետականների եղբակացութիւնը: Եւ 1880 թւի ապրիլ 18-ին հրատարակեց կայսերական ուկազը՝

„Ի նկատի ունենալով, որ արտասահմանից բերուող գանազան գրքերի միջոցով ազականութիւն է մտցնուած կրօնի, քաղաքացիական օրէնքների և բարոյականութեան մէջ, հրամայուած ենք՝ թոյլ չը տալ, որ սրանից յետոյ արտասահմանից մեր երկիրը մուտք գործեն ամեն տեսակ գրքեր, ինչ լեզուով էլ լինեն, նոյնպէս և երաժշտական նօտեր“:

Եւ թոյլ չէին տալիս:

Տասնիններորդ դարու սկզբից, երբ գահ բարձրացաւ Ալեքսանդր I (1801-1825), հին կարգադրութիւնները ճիշտ է, վերացեցին, բայց քիչ անցած՝ խստութեան գաղափարը նորից յաղթանակեց: 1803-ին միտք ծագեց կազմակերպել „ցենզուրան“ իբրև մի ամբողջական, անկախ մարմին, որոչ լիազօրութիւններով, կից ժողովրդական լուսաւորութեան մինիստրութեան: Արպիսի „նախնն-ձելի“ անցեալ: Այն ժամանակ գրականութիւնը և նրա վրայ հսկող մարմինը համարուած էր լուսաւորութեան գործօն, և այդ պատճառով ենթակայ լուսաւորութեան մինիստրութեան, մինչդեռ 1863 թւից՝ նա ներքին գործերի մինիստրութեան օրգան է, ժանդարմական վարչութեան հետ միասին:

1826-ին հրատարակեց „Ցենզուրական կանոնադրութիւնը“: Տարիների ընթացքում նրան աւելացան նոր կարգադրութիւններ, մէկը միւսից աւելի խիստ, աւելի ձևական: Նախնական գրաքննութիւնը՝ անպայման էր: 1865-ի օրէնքը մի փոքրիկ թեթևութիւն մտցրեց, — ազատեց նախնական գրաքննութիւններից երկու մայրաքաղաքներում լոյս տեսնող ինքնուրոյն աշխատութիւնները, բայց ոչ պակաս 10 տպագրական թերթից, և թարգմանականները՝ ոչ պակաս 20 տպագրական թերթից: Բայց դրա հետ միասին իրաւունք տրեց կառավարութեան, անհրաժեշտ դատած դէպքում՝ գրաւել բոլոր գրքերը և այրել, մինչև իսկ դատաստանական հալածանքի ենթարկել հեղինակին և հրատարակչին: Նոյն օրէնքով նախնական գրաքննութիւնից ազատուել կարող

են Պետերբուրգի և Մոսկվայի պարբերական հրատարակութիւնները: Մայրաքաղաքներից դուրս՝ մամուլը այդ արտօնութիւնը չունի: Մի քանի տարուց ի վեր Աիեվի մի լրագիր, շատ անգոյն և „վստահելի“ — ստացաւ այդ արտօնութիւնը, իբրև չը տեսնուած բացառութիւն: Գրանից դուրս ամեն ինչ ենթակայ է գրաքննութեան, և անանց ցենզորի նախնական թոյլտուութեան ոչ մի տպարան չի համարձակուի մի տող, մի գիծ, մի ծաղրանկար անգամ տպագրել: Հակառակ դէպքում — անողին սպառում է տուգանք, բանտ, արքոր . . .

Եկան տարբեր օրեր: 1880-ին Պետերբուրգում կազմեց մի յանձնաժողով, կոմս Վալուեվի նախագահութեամբ, մամուլի օրէնքները թեթեւացնելու նպատակով: Տրամադրութիւնը այնքան լաւ էր, որ խորհրդակցութեան էին կանչուում նոյնիսկ մամուլի և գրականութեան ներկայացուցիչներ — մի երևոյթ, որ հազուադիւս է չինօթիկութեան աշխարհում: Սակայն 1881 թւի արքայասպանութիւնից յետոյ՝ յանձնաժողովի աշխատանքները ընդհատեցին: Քամին փոխեց: Եւ բարեօրման փոխարէն՝ 1882 թւի օգոստոսի 27-ին հրատարակեցին խ ս տ ա գ ո յ ն կ ա ն ո ն ն եր մամուլի դէմ, գրած „ժամանակաւոր“ բառի տակ, մտքերը հանգստացնելու նպատակով: Եւ „ժամանակաւոր“ կանոնները, ինչպէս շատ ուրիշ „ժամանակաւոր կարգադրութիւններ“, ոչ միայն շարունակեցին գոյութիւն ունենալ, այլ և մտան Օրէնքների ծողովածուի մէջ ու դարձան մ շ տ ա տ եւ, հաստատուն:

Եւ այդ օրից, գրաքննութիւնը ստացաւ նոր „թուիչք“, նոր ուժ, չը տեսնուած համարձակութիւն: Գրեւծ օրէնքն անգամ մնաց մեռած տառ, և հրապարակի վրայ՝ իր ամբողջ ուժով՝ թագաւորեց ցենզորի կամայականութիւնը, միացած այն անթիւ ու անհամար գաղտնի հրահանգներին, որ ամեն օր փոստը Պետերբուրգից տարածում է դէպի Ռուսաստանի բոլոր ծայրերը . . .

Յենզօրական կանոնագրութեան՝ նայելով, գրաքննիչը պիտի արգելի այն գրւածքները միայն, որոնք

1) խախտում են ուղղափառ եկեղեցու ուսմանը և առհասարակ քրիստոնէական հաւատի ճշմարտութիւնն ու վարդապետութիւնը. 2) Շօշափում են բարձրագոյն իշխանութեան անձեռնմխելութիւնը, կայսերական տան պատիւը և կամ ընդդէմ են պետական հիմնական կարգադրութիւններին:

Ոչ որ Ռուսաստանում, լեզու գրականութեան մէջ, չի էլ փորձում քննադատել միապետին, կայսերական ընտանիքը և կամ խախտել կրօնի հիմնական վարդապետութիւնը՝ քաջ գիտնալով, որ ոչ միայն այդպիսի ձեռնարկութիւն, այլ և նոյնիսկ մտադրութիւն՝ մի հետեանք միայն կ'ունենայ — բանտ կամ աքսոր: Գա ոչ լեզու գրականութեան գործն է: Եւ պէտք է ենթադրել ուրեմն, որ, նոյնիսկ օրէնքի զօրութեամբ, այն, ինչ որ չէ շօշափում այդ հիմնական խնդիրները, թոյլատրելի է և ազատ արգելքներից: Բոլորովին ոչ: Յենզօրական արհեստը, — եթէ միայն առհասարակ անունը կարելի է տալ միտք սպանող այդ հիմնարկութեան — այն աստիճան առաջ է գնացել, որ հնարաւոր և անհրաժեշտ է համարում խափանել, ջնջել և ոչնչացնել այն բոլորը, ինչ որ նոր է, թարմ, ինչ որ կարող է միտք շարժել, հետաքրքրութիւն յարուցանել, աչք բաց անել . . .

Եւ կաշկանդւած, այլանդակող ճանկերի ենթակայ միտքը անկարող դիմանալու, ապաստանում է արտասահման, այն վայրերը, ուր „հպատակներին“ թոյլ է տրւած ազատ կերպով, առանց անմիջական վտանգի, երգելու իրենց այրւած սրտի ցաւերը, դժբախտ երկրի անյատակ վշտերը: Այնտեղ են փախչում բողոքողները: Նա է ժամագրութեան վայր՝ դժգոհների համար:

Զգոյշ կառավարութիւնը պետութեան սահմանների վրայ կանգնեցրեց չինական պատեր, անթափանց,

անանցանելի, պահպանուած ցենզորների և պահպան-
ների ամուր շղթաներով: Եւ որքան դժւար, վտանգա-
ւոր է մի բան անցկացնել այդ պահպանների միջով. . .
Լօնդօն, ժընեյի Պարիզ, Բերլին տպուած գրքերը, յաճախ
անմեղ, բռնուում և ոչնչացնուում են հէնց միայն այն
պատճառով, որ հրատարակուած են արտասահման: Քա-
ղաքական գրուածքները ոչ միայն արգելուած են, այլ և
ստացողը ենթակայ է խիստ պատժի: Եթէ մէկի մօտ
գտնուի մի բրօշուր կամ մի համար „Իսկրա“ — ուսու սօցի-
ալ-դեմօկրատների օրգանը, կամ „Բեվօլիւցիօննայա Բօս-
սիա“ — սօցիալիստ-յեղափոխականների օրգանը, մինչև
իսկ „Օսվօբօժփենիէ“, որ արտայայտիչն է ուսաց սահ-
մանագրական շրջանների, — նրա տեղը բանտն է: Ար-
տասահման քչուած ուսու գործողների անուներ չէ կարելի
տալ, ուր մնաց նրանց գրուածքները կարդալ:

Երկար ժամանակ արգելուած էր տալ Վերցենի անուներ
այժմ թէև կարելի է անուներ յիշատակել, բայց նրա
աշխատութիւնների լիակատար ժողովածուն, տպագրուած
Վերմանիա, ստանալ չէ կարելի: Վերցենի „Վօլօկօլը“ թէև
վաղուց դադարած, այն հրատարակութիւնների թւին է
պատկանում, որոնց անուներ շշուկով միայն կարելի է
արտասանել: Նոյնը պէտք է ասել և Լալրօվի մասին,
որ վախճանեց Պարիզում, ինչպէս նաև Բակունինի կամ
Կրապօտկինի վերաբերմամբ: Արտասահմանում պէտք է
որոնել ոչ միայն մեռած թէ կենդանի, նշանաւոր թէ
աննշան՝ ուսու յեղափոխական հեղինակների գրուածքները,
այլև շատ երկեր այնպիսի գրողների, որոնք կազմում են
ուսաց լեզալ գրականութեան փառքը և որոնցից շա-
տերի կենսագրութիւնը աւանդուում է կառավարչա-
կան դպրոցներում: Այդպէս, օրինակ, Տուրգենեւի, Չեր-
նիշեւսկի, Նեկրասով, Տօլստօյ գրուածքներ ունեն, որոնք
աղա ա են միմիայն սահմանի այն կողմը: Մինչև իսկ
Պուշկինի և Լերմօնտօվի գրչի տակից դուրս եկած բա-

ներ կան, որոնք մինչև այժմ էլ արգելւած են, թէև այդ հեղինակների ծննդեան վրայից արդէն դար է անցել և նրանց արձաններով Ռուսաստանը պարծենում է . . . Երիտասարդ գրողները իրենց նախորդներից աւելի բախտաւոր չեն, — Գօրկիյ, Չեխով, Միխայլովսկի, Կորալենկօ և ուրիշ շատեր, թէև պետութեան մէջ ապրող, ստիպւած են կամ լռել, կամ ազատ խօսք ասելու համար՝ դիմել այնտեղ, ուր չէ հասնում գրաքննութեան բազուկը . . .

Գէպի ուսւ գրողները ցոյց տրւած այդ խտուածիւնը բացատրւում է այն անհիմն „քաղաքական“ տեսակէտով, որ նրանք կամ անձամբ „կասկածելի“ են եղել, կամ իրենց գրւածքների մէջ՝ թէև անուղղակի՝ ուսուսաց կառավարութիւնն են ի նկատի ունեցել: Նւազ խիստ չեն, տարաբախտաբար, և դէպի եւրոպական գրականութիւնը, որը ծառայում է իբրև գլխաւոր, եթէ չասենք միակ ազբիւրը ուսուսաց գրականութեան համար:

Խօսք լինել չէ կարող, իհարկէ, վտանգաւոր, յեղափոխող գրւածքների և վարդապետութեան մասին: Գրանք հալածական են անպայման: Սակայն խտուածիւնը տարածւում է բոլոր ճիւղերի վրայ: Գարվինի մի քանի աշխատութիւնները երկար ժամանակ արգելւած էին Ռուսաստանում: Ամ մօտ գտնւէին Կարլ Մարքսի „Կապիտալը“, նրա տեղը բանան էր: Նոյն իսկ պրօֆէսոր Շէֆֆլէի անվտանգ բրօշուրը սօցիալիզմի մասին՝ արգելւած էր: Լուի Բլանի, Բլանկիի, Պրուդօնի, Բարեօֆի, Սէն Սիմօնի, Լասալի, Էնգէլսի մասին կարելի էր խօսել միայն շշուկով խիստ միակողմանութեամբ: Միշտ է և Տէն յաճախ վռնդւել են գրադարաններից: Բէնանի մի քանի աշխատութիւնները Ռուսաստանում միայն անունով են յայտնի: Սպէնսէր արգելւած շատ կտորներ ունի: Եթէ մենք ուղենանք ամբողջութեամբ կարգալ նոյնիսկ Վօլտեր, Վիկտոր Հիլգօ կամ Զօլա, պէտք է սահմանագրուելը

անց կենանք: „Թշառները“ մի քանի անգամ արգելեցին, համարելով վերջին հատորները „ամենամեծ սակարուզողութեան“: Կան ցենզորներ, որոնք կարելի են համարում կտորներ ջնջել նոյնիսկ Շէքսպիրից, Բայրօնից, Շիլլէրից կամ մինչև իսկ Կանտից կամ շեգելից: Միամտութիւն կը լինի կարծել, որ ռուս ցենզորների մէջ չկան այնպիսիները, որոնք հանգիստ խղճով կարմիր թանաքով գծեր կը քաշեն Գանտէի ամենագեղեցիկ էջերի վրայ, իբրև փնասակար ու վտանգաւոր, և մկրատի կ'ենթարկեն այնպիսի բանաստեղծական կտորներ, որոնց վրայ հանգստանում է եւրոպացի ընթերցողի միտքն ու հոգին:

Աւելի լաւ վիճակի չեն արժանանում եւրոպական նորագոյն գրողներն ու պուբլիցիստները — Իբսէն, Զուգերման, Լնատոյ Ֆրանս, Ժօրէս, Պրէսանսէ, Միրբօ, Իէկլիւ, Բրանդէս, Բեբել, Բերնշտէյն, Կաուցկի: Անուններ կան, որոնց յաճախ կրկնելն իսկ անղգուշութիւն է: Սահմանն անցնելու բախտին չեն արժանանում եւրոպական բազմաթիւ լրագիրներ, ամսագիրներ, բրօշուրներ և գրքեր, թէև այս բոլորը, սկսած բանաստեղծութիւնից մինչև հրապարակախօսութիւնը և գիտութիւնից մինչև պատմութիւնն ու վիպասանութիւնը, ոչինչ առնչութիւն չունի „միապետութեան ներքին ասպահովութեան“ հետ: ^ա _ա

Գարձեալ մի գիծ:

„Ցենզորական կանոնադրութեամբ“ չէ արգելում քննադատելու օտար կառավարութիւնների գործերն ու քաղաքականութիւնը, և գրաքննիչը ոչ մի իրաւունք չունի ուրիշ երկրի մասին գրած մի պատկաման կամ գոլասանքի տակ՝ յետին միտք տեսնել և ենթադրել, որ դա ռուսական կարգերի անուղղակի քննադատութիւն է: Սակայն չնայած դրան, գրաքննութիւնը յաճախ թոյլ չէ տալիս ոչ օտար գրածքների թարգմանութիւն և ոչ օտար երկրների քննադատութիւն կամ

գովասանք: Երբեմն մի ցենզոր, Բիրուկով, արգելեց Շիլ-
լէրի «Խօաննա դ'Արկի» թարգմանութիւնը, յայանելով,
որ «դա նսեմացնում է թագաւորի վարկը»: Մի ուրիշը
չը թոյլատրեց Գէօթէի «Էգմօնաի» ներկայացումը՝ այս-
պիսի պատճառաբանութեամբ՝ «Այդ պիէսի մէջ յա-
ճախ վէճ՝ կայ այն իրաւունքի մասին, որ թագաւոր-
ները ունին երևնց հպատակների վրայ», և ուրեմն վնա-
սակար է: Նապօլէօնի մասին գովասանք չէին թոյլ տա-
լիս՝ ասելով՝ «Նա Ռուսաստանի թշնամի էր»: Չէին
թոյլատրում և յարձակումներ՝ նկատելով՝ «Բայց և
այնպէս նա կայր էր»: Պատմագրողը ուզում է խօսել
Փրանսիական հանրապետութեան կարգերի մասին, նրան
արգելում են. «Գուք ուզում էք ասել, որ հանրապե-
տութիւնը աւելի լաւ է քան միապետութիւնը»: Պուր-
լիցիսար յարձակում է թիւրքաց սուլթանի վրայ, նրան
ասում են. «Իրաւունք չունէք. նա էլ միապետ է. քննա-
դատել նրան կը նշանակէ անուղղակի կերպով քննա-
դատել մեր միապետին»: Տնտեսագէտը ուզում է վեր-
լուծել եւրօպական անտեսական կարգերը կամ կանգ
առնել ունէ բանւորական շարժման վրայ. «Ներեցէք —
նկատում է ցենզորը՝ կարմիր գիծը քաշելով — դա վատ
մտքեր կը ներշնչէ մեր երիտասարդութեան»: Լրագիր-
ները գովում են անգլիացուն, արգելում են — «Ան-
գլիան Ռուսաստանի հակառակորդն է». յարձակում են
գործում Փրանսիական հանրապետութեան նախագահի
մի ամօթաբեր արարքի վրայ — դիցուք այն, որ նա շը-
քանշաններ է ստանում Մեծ-Մարդասպանից — կանգ-
նեցնում են՝ «Փրանսիան մեր բարեկամն է»:

Պայ և վատթարագոյնը:

«Հպատակը» ուզում է մի լրագիր կամ ամսագիր հրա-
տարակել: «Ցենզորական կանոնագրութիւնը» ըստ երևոյ-
թին մեծ դժւարութիւն չէ յարուցանում դրա դէմ: Պէտք

է խնդիրք գրել — մարկան փակցրած — տալ ցենզորա-
կան կօմիտէին, որը և ուղարկում է Պետերբուրգ՝ Տպա-
գրական գործերի գլխաւոր վարչութեան, նա էլ իր
կողմից ներկայացնում է ներքին գործերի մինիստրու-
թեան, և խնդրատուն ստանում է պատասխանը —
այսինքն մ ե ր ժ ու մ ն. [Թոյլաւութիւն՝ շատ քիչ դէպ-
քում: Այդ պատասխանը տեւում է հինգ-վեց ամիս,
երբեմն տարի և էլ աւելի: Հէնց այդտեղ է գաղտնիքը
և պատմութիւնը . . .

Հետաքրքրական է մի փոքր կանգ առնել այդ „պատ-
մութեան“ վրայ: Վիցուք Պետերբուրգում խնդիրք են
ստանում [Թիֆլիզաւանակ ուէ պարոնից, որը [Թոյլաւու-
թիւն է ուզում լրագիր հրատարակելու: Նախ այդ խըն-
դիրքի մէջ նշանակեաժ պիտի լինի՝ [Թէ արդեօք լրա-
գիրը միայն գրական պիտի լինի [Թէ գրական և քաղա-
քական, ամենօրեայ [Թէ երկօրեայ, մանրամասն բոլոր
բաժինները, գինը, նոյնիսկ մեծութիւնը, հետը կցած
„ղօհումեաների“ մի ամբողջ կապոց [ամբարի կամ՝ հրա-
տարակչի անձի մասին — նրա ծնունդը, կրօնը, ազգու-
թիւնը, ուսման աստիճանը, զբաղմունքը, գիրքը . . .

Ստանալով այսպիսի խնդիր, Պետերբուրգից երեք
հարց են տալիս կովկասեան իշխանութեան, — առա-
ջինը՝ ցենզորական կօմիտէին, երկրորդը՝ ժանդարմների
վարչութեան և երրորդը՝ ոստիկանութեան: ցենզորական
կօմիտէն կարծիք պիտի յայտնէ՝ [Թէ արդեօք ինքը այդ-
պիսի մի լրագիր հարկաւոր է գտնում և առաջարկեաժ
[ամբարի անձը յարմար է: Ժանդարմների վարչութիւնը
պիտի տեղեկացնէ, [Թէ [ամբարի [թեկնածուն կասկա-
ծից դուրս է [Թէ կասկածի տակ: Եւ վերջապէս ոստի-
կանութիւնն իր կողմից պիտի հարոյրէ, [Թէ արդեօք
ուէ է բանում [ստանեաժ չէ եղել առաջարկեաժ
[թեկնածուն: Եւ ահա այս տեղեկութիւնները հաւա-
քելու համար սկսում են քրքրել ժանդարմական ար-

խիւները, գաղտնի ոստիկանութեան մատենաները և նոյն իսկ ստորին ոստիկանների յիշատեարերը: Եւ եթէ առաջարկեա՞ծ խմբագիրը երբեւիցէ, տարիներ առաջ, չնչին մի առիթով, ընդհարումն է ունեցել ոստիկանութեան հետ, նոյնիսկ քաղաքական կամ հասարակական բնաւորութիւն կրող հարցերից գուրս, կամ իր կեանքում մի այնպիսի յօգւած է գրել և մի այնպիսի օրգանի է աշխատակցել, որ հաճելի չէ ուէ ցենզորի — պրծաւ... մերժումը պատրաստ է:

Ահա այդ է պատճառը որ՝ շատ հազուագիւտ բացառութեամբ՝ Բուսաստանում խմբագրի պաշտօնը յանձնւում է միայն անգոյն, անընդունակ և իհարկէ ուէ «կասկածներից» կատարելապէս ազատ անձանց: Նա այլևս գրող, խմբագրող չէ, այլ մի ձևական, պաշտօնապէս պատասխանատու անձն, որ շատ անգամ ստիպւած է դատարան գնալ և բանտ նստել այնպիսի գրւածքների համար, որ ոչ գրել է, ոչ կարդացել տպելուց առաջ և ոչ էլ համակրում է: Պետերբուրգում այդպիսի խմբագիրների համար նոյնիսկ յատուկ անուն կայ — «բանտային խմբագիր»...

Սակայն, ընդունենք, որ վերև յիշած բոլոր երեք հիմնարկութիւններն էլ խմբագրի անձի մասին լաւ կարծիք յայտնեցին — օ՛հ, դրա համար պէտք է շատ դռներ բաղխել, շատ «մարդկանց տեսնել», — բայց էլի մի բարձր ատեն կայ: Գա կովկասեան կառավարչապետն է: Նա էլ իր կողմից պէտք է յայտնէ, որ ոչինչ չունի նոր լրագրի թոյլաու՞թեան դէմ, որովհետև կարող է պատահել, որ բոլոր երեք հիմնարկութիւններն էլ նպաստաւոր կարծիք տան, բայց և այնպէս կառավարչապետը ուէ պատճառով գտնէ, որ առհասարակ նոր լրագիրը աւելորդ է: Այդպիսի բան կարող է պատահել և պատահում է: Բայց այս էլ վերջինը չէ: Նոյնը կարող է կրկնւել և Պետերբուրգ: Գիցուք կառավարչապետն էլ կարծիք յայտնեց, որ ցանկալի

է նոր լրագրի թոյլտուութիւնը, այնուամենայնիւ Պետերբուրգ — ներքին գործերի մինիստրի դիւանում կամ Տպագրական գործերի գլխաւոր վարչութեան մէջ մի չինօթիկի «անհասանելի բարձր տեսակէտների» շնորհիւ — կարող են գտնել, որ նպատակայարմար չէ նոր օրգանի թոյլտուութիւնը, և ուրեմն դարձեալ . . մերժում:

Նւազ բարգ չէ հրատարակչի խնդիրը:

Հին օրէնքով՝ լրագրի կամ ամսագրի տէրը կարող էր իր հրատարակութիւնը, իբրև ս ե փ ա կ ա ն ու թ ի լ ը ն, ծախել ում կամենայ, երբ ուզենայ: Տեսնելով, որ պարբերական զանազան հրատարակութիւններ այդպիսով անցնում են այն տեսակ գրողների ձեռքը, որոնք ցանկալի չեն և որոնք հրաւիրելով «բանտային» խրմբագիր՝ իրենք են ուղղութիւն տալիս օրգանին, կառավարութիւնը 1897-ին փոխեց եղած օրէնքը և հաստատեց մի նորը, որի զօրութեամբ, ոչ մի հրատարակիչ չէ կարող ի ն ք ն ա գ լ ու խ և ազատօրէն վաճառել իր լրագիրը կամ ամսագիրը: Առաջ այդ կատարում էր պարզ կերպով, — արածնատէրը հաղորդում էր Տպագրական գործերի գլխաւոր վարչութեան, որ ինքը ծախում է իր լրագիրը այսինչ մարդուն, նոր հրատարակիչն էլ հաղորդում էր, որ ինքը առնում է: Ստանալով երկու կողմից այդ տեղեկութիւնը՝ Տպագրական գործերի գլխաւոր վարչութիւնը անմիջապէս ուղարկում էր հրատարակչու թեան տոմսակ՝ այսինքն սեփականութեան մի պաշտօնագիր՝ նորի անունով, և դրանով էլ վերջանում էր ամբողջ գործը: «Նոր օրէնքը» միանգամայն վերացրեց այդ ազատութիւնը: Այժմ բւաւական չէ միայն հ ա ղ ո Ր Ղ Ե Լ ի տ ե Ղ Ե Կ ու Թ ի լ ը ն հրատարակչի փոփոխութեան մասին, այլ պէտք է ստանալ և թ ո յ լ տ ու թ ի լ ը ն, այսինքն՝ Պետերբուրգից պէտք է հարց առաջարկել տեղական իշխանութիւններին՝ թէ արդեօք այս ինչ անձը, որ ուղում է գնել

Տրատարակութիւնը, յարմար է թէ ոչ, ուրիշ խօսքով՝ կրկնու՞մ է այն, ինչ որ անու՞մ է խմբագրի հաստատութեան գործում: Եւ միայն գրական պատասխան ստացած դէպքում թոյլ է տրու՞մ ծախել Տրատարակութիւնը, ուրիշ խօսքով՝ փոխել Տրատարակիչը: Գուք անսնու՞մ էք, որ այս նոր սահմանափակումը նշանակու՞մ է պարզապէս, որ Տրատարակիչը, թէև սեփականատէր, այլևս իր սեփականութեան տէրը չէ: Այդ անարդար և նոյնիսկ պետական հիմնական օրէնքներին հակասող կարգադրութեամբ, կառավարութիւնը հասաւ իր գլխաւոր նպատակին — թոյլ չտալ որ «անցանկալի» մարդիկ օրգանների տէր դառնան և ուղղութիւն տան . . .

1897 թւին, երբ հաստատուեց այդ օրէնքը, «Ռուս գրողների դաշնակցութիւնը» ժողով գումարեց և վճուեց դիմել ներքին գործերի մինիստրութեան ու՝ բացատրելով նոր օրէնքի ամբողջ անարդարութիւնը, խնդրել վերացնել նրան: Խնդիրը պատճառաբանուեց շատ հիմնօրէն, և չնայած, որ նա մայրաքաղաքի համարեա բոլոր ուսուցողների կողմից էր ու վայելու՞մ էր ամբողջ մտածող Ռուսաստանի համակրութիւնը, — կառավարութիւնը այնուամենայնիւ չյարգեց, այլ բացէ իբաց մերժեց . . .

Եւ այդ օրից սկսած՝ նոր օրգանի թոյլտուութիւն ըստանալը կամ արդէն եղած օրգանի տէր լինելը դարձել է մի անսովոր դժուարութիւն, որին յաղթելու համար պէտք է կամ գերբնական «բախտ» ունենալ կամ մինիստր բարեկամ: Իսկ ցենզորների հայրենիքում օրինաւոր գրողը ոչ այս ունի, ոչ այն: Աւստի և ասպարէզը մնում է Շէրգրիւնի այն հերոսներին, որոնց տաղանդաւոր երգիծաբանը անւանեց՝ «Ինչ կը հրամայէք» . . .

Ծանրագոյն են պայմանները բուն Կովկասում — քաղաքական կրկնակի հալածանքների երկրի մէջ:

Իշխան Վօրօնցօվի փոխարքայութեան ժամանակ էր, քառասնական թուականների վերջերին, որ պարբերական մամուլէ հիմքը դրեց կովկասեան մայրաքաղաքում— Թիֆլիզ: Կոյն այդ միջոցին էր, որ հրատարակեալ ռուսահայերի մէջ առաջին հայերէն լրագիրը: Գա այն ժամանակ էր, երբ կովկասը հազիւ անցած պատերազմական շրջանը, պատրաստուած էր ոտք դնելու երկրորդ՝ այն է խաղաղ զարգացման շրջանի մէջ: Փոխարքան, իբրև հեռատես մարդ՝ շատ լաւ էր հասկանում, որ ռուսաց լեզւին կատարելապէս անծանօթ տեղական ժողովրդի մէջ՝ մայրենի լեզուով տպագրուող լրագիրը և գիրքը մի անհրաժեշտ միջոց է թէ քաղաքակրթական խաղաղացնող մաքեր տարածելու և թէ երկիրը ամբողջ պետութեան հետ կապելու համար: Դե նա ոչ միայն թոյլ տուց, այլ ջերմապէս քաջալերեց այդ գործը: Վօրօնցօվի գպրոցին պատկանող մարդիկ այնքան լայն հայեացքներ գուցէ չունէին, որ խոստովանէին՝ թէ կուլտուրական մի այնպիսի ազգ, ինչպէս է հայոց ազգը, ամենայն իրաւամբ կարող է ունենալ իր մայրենի գրական լեզուն և յատուկ գրականութիւն այդ լեզուով, բայց նրանք այնքան հեռատես ազմի նիստրատօրներ էին, որ լաւ ըմբռնում էին, թէ քանի ռուսաց լեզուն չէ տարածել երկրի մէջ, տեղական լեզուները պէտք է դարձնել այն միջոցը, որով տարածուած է թէ պետական և թէ քաղաքակրթական ուէ գաղափար:

Սակայն այդպէս չէ նայում իրերին՝ նորագոյն ժամանակների արդիւնք ռուս բուրօկրատիան, որի կարծիքով աւելի լաւ է, որ ժողովուրդը՝ անծանօթ ռուսաց լեզւին, առհասարակ ոչինչ չկարգայ՝ քան թէ կարգայ մայրենի լեզուով: Ահա ինչու վերջին տասն տարւայ ընթացքում կառավարչական շրջաններում, սիրահար յուզիչ ծրագիրների, մի քանի անգամ արծարծուել է այն հարցը՝

Թէ արդեօք աւելի „օգտակար“ չէր լինի աղատել անղական լեզուներով տպագրւող հրատարակութիւններինց: Եւ կովկասեան ցենզօրական կօմիտէի նախագահը, համաձայն իրեն արւած յանձնարարութեան, 1896 թւին պատրաստել էր այսպիսի մի կարծիք. „Հայերը և վրացիները արդէն բաւական գիտեն ուսերէն լեզուն, և ուրեմն կարիք չկայ վրացերէն կամ հայերէն գրքեր ու լրագիրներ տպագրել. թող կարդան ուսերէն“: „Պետական գործիչները“ մուտքեղ էին, որ եթէ գլխաւոր քաղաքներում ինտէլիգենտ հասարակութիւնը, չնչին մասը բնակչութեան, խօսում է ուսերէն, այդ բողոքովին չէ նշանակում, թէ ժողովուրդը, մանաւանդ գաւառական աղգաբնակութիւնը, նոյնպէս գիտէ այդ լեզուն: Վիճակագրական փաստերով ապացուցեց, որ ուսերէն իմացողները կազմում են աղգաբնակութեան 3-4 տոկոսը միայն և շնորհիւ այդ հանգամանքի՝ պէտք և հնարաւոր համարեց առժամանակ յետաձգել այդ „պետական ծրագիրը“: Զետաձգեց, ճշմարիտ է, բայց և այնպէս վճռեց թող չտար, որ աւելի բազմամասն հայերէն և վրացերէն լրագիրները:

Եղածներն էլ շատ են համարում:

Ճիշտ է արդեօք այդ կարծիքը: Թող թւերը խօսեն:

Հայերի թիւը կովկասում մէկուկէս միլիօն է: Նրանք ունին այժմ Թիֆլիզում ամենօրեայ՝ „Մշակ“ լրագիրը, սկսած 1872 թւից, և „Նոր-Պար“ 1884 թւից. ամսագիրներ՝ „Մուրճ“ 1889-ից, „Աղբիւր“, մանկական, 1883-ից, և նրա պատկերազարդ յաւելւած „Տարազը“ 1890-ից. մի կրօնական ամսագիր՝ „Արարատ“ 1868-ից, որ հրատարակւում է Էջմիածնում, իբր կաթողիկոսի պաշտօնական օրգան: Աւրիշ պարբերական հրատարակութիւններ չկան, եթէ չհաշուենք մի քանի ժողովածուները, որոնք պատահական են:

Վրացիները թւով մէկ միլիօն վեց հարիւր հազար

են: Աւնին Թիֆլիզում ամենօրեայ լրագիրներ՝
„Իվերիա“ և „Յնօրիս Պուրցելի“ . ամսագիրն էր՝
„Մօսմբէ“, Զեջիլի՝՝ մանկական, իր շաբաթական պատ-
կերազարգ յաւելածով՝ „Ավալի“: Աւրեմն նոյնը, ինչ
և հայերը: Բացի դրանից վրացերէն լեզուով գոյութիւն
ունեն երկու շաբաթաթերթեր էլ. մէկը՝ կրօնական
„Մցղեմսի“, որ լոյս է տեսնում Ավիերիլի, միւսը՝ գիւ-
ղատնտեսական „Մէուրնէ“, որ տպագրւում է քութայիս,
և մի երկու ժողովածուներ, որոնք նոյնպէս պատահա-
կան են, զուրկ կարեւորութիւնից:

Թիւրքերը, որոնք կազմում են կովկասեան ազ-
գաբնակութեան աչքի ընկնող, խոշոր մասը, համարեա
ոչինչ չունեն: Մրանից մի քանի տարի առաջ Թիֆլիզում
լոյս տեսաւ Թիւրքերէն մի շաբաթաթերթ, „Քէշկիւլ“,
որը այժմ գոյութիւն չունի: Նորերս սկսվեց հրատա-
րակել մի այլ լրագիր՝ „Շարքի Ռուս“, շաբաթը երեք
անգամ, ինչպէս երևում է՝ կառավարութեան նպատակով
և գլխաւորապէս քաղաքական նպատակով. նրա կատա-
րելիք գերը առանձին յոյսեր չէ ներշնչում:

Պատկերը լրացնելու համար յիշենք և ուսերէնները:
Այժմ Թիֆլիզում կայ երեք ամենօրեայ ուսերէն լրա-
գիր — „Աւիկազ“, որ կառավարութեան պաշտօնական
օրգանն է, հիմնւած 1847-ին, „Նօյօէ-Աբաղրէնիէ“,
հիմնւած 1883-ին և „Տիֆլիսակի Լիստօկ“: Բագում
„Ասպի“ և նորերս սկսած երկու թերթեր՝ „Բագու“
և „Բակինսկիյա Իզվեստիա“, և Բաթում մի հատ լրա-
գիր՝ „Չերնօմօրսկիյ Վեսանիկ“: Մեծ մասը „փողոցային“
բնաւորութեամբ, հիմնւած յայտարարութիւնների յոյ-
սով կամ ակնկալող կառավարչական նպատակի*:

* Թիֆլիզի պաշտօնական լրագիրը լոյս է տեսնում կառավար-
ութեան նպատակով. միւս երկու ուսերէն լրագիրները պատկանում
են հայերի. Բագուի մի լրագիրը՝ Թիւրքի, միւսը՝ մի խումբ հայ
հրատարակիչների: Ուսերէն լրագիրների համար բուն կովկասում

Երեան, Գանձակ կամ Ալեքսանդրապօլ չէ թոյլա-
տրւած և ոչ մի պարբերական հրատարակութիւն:

ԳժԼար է թոյլտուութիւնը:

Բայց աւելի գժԼար՝ թոյլտրւածի վիճակը:

Ահա լրագիրը: Ահսուում է աշխատանքը, յանուն գաղա-
փարների, յանուն լուսաւորութեան: Բայց որքան գաղա-
նութիւններ, որպիսի յուսահատեցնող տանջանք: Գրա-
կան, հասարակական գործունէութիւն չէ այդ, այլ
դժոխք, ուր տապալուում, այրուում է միտքը: Ահա մի
ճշտապատում պատկեր, նկարագրւած կովկասեան մա-
մուլին լաւ ծանօթ մի անձի ձեռքով:

«Սովորաբար լրագիրը ուղարկուում է գրաքննիչին երե-
կոյեան 8 ժամին: Գինչև այդ՝ մի կողմից նիւթն է շարուում
սպարանում, իսկ միւս կողմից՝ խմբագիրը վազում է գրաքնն-
չական ատեան՝ լսելու նորանոր հրամաններ, թէ ինչ բանի
մասին է արգելում գրել: Սովորաբար նախօրօք գրաքննիչը
ոչինչ չէ ասում: Գիտէ՞ք ինչու, — որպէսզի առիթ սենեայ
շարւած նիւթերից աւելի շատ բան բռնելու և միւս օրը
գրաքննական ատեանին ներկայացնելու, իբրև շօշափելի փաստ
իր եռանդի կամ, աւելի լաւ է ասել, իբրև նշան իր արժանա-
ւորութեան ունէ շքանշանի: Երեկոյ է. շարւածքը տանում
են գրաքննիչին: Ինքը տանը չէ: Նրա ծառան — սէ, յենգօրի
ծառան էլ մեծ մարդ է — հրամայում է սպասել: Եւ սպասում

դեռ գոյութիւն չունի ընթերցողների մի այնպիսի լայն շրջան, որ
կարողանար ապահովել նրանց գոյութիւնը՝ բաժանորդագրութեամբ:
Բացի դրանից՝ յայտնի է, որ ուսերէն լեզուով հրատարակող լրա-
գիրների բաժանորդների ահագին մեծամասնութիւնն էլ տեղա-
ցինք են: Թիֆլիզում հիմնւել են եւ ուրիշ լրագիրներ ու
ամսագիրներ ուսերէն լեզուով, բայց բոլորն էլ ստիպւած են
եղել դադարել բաժանորդների քուլթեան պատճառով, ինչպէս
օրինակ, «Արգօր», «Տիֆլիսկի Վեստնիկ», «Կավկասկի Վեստ-
նիկ», մինչդեռ տեղական վրաց եւ հայոց լեզուներով երբեք
հիմնւած ուրիշ օրգաններ, որոնց այժմ գոյութիւն չունեն, դադարել
են գլխաւորապէս ոչ թէ այն պատճառով, որ բաժանորդներ չեն
ունեցել, այլ այն պատճառով, որ կամ նրանց խափանել են
ուղղակի կերպով, կամ ստիպել են խափանել են ընթարկելով
նրանց գրաքննական առանձնակի խտութիւնների:

են: Խմբագրատանը արդէն իրարանցում կայ Տպարանից դա-
լիս շտապեցնում են, որովհետեւ եթէ շատ ուշանայ, տպագ-
րութիւնը չեն կարող վերջացնել վաղ առաւօտեան, հետեւա-
բար լրագիրը փոստին չի հասնի. իսկ փոստին չհասցնել՝ կը
նշանակէ բաժանորդներին գանգատների առիթ տալ: Խրմ-
բագրատանից նոր մարդ է վազում ցենզորի բնակարանը: Բայց
էլի հրամայում են—հրամայողը միշտ ծառան է—սպասել:
Ինչո՞ւ:—Շատ պարզ պատճառով: Ցենզորը կամ քնած է—
եթէ քնած է, չէ կարելի նրան զարթեցնել,—կամ հիւր է
գնացել և կամ ինքը հիւրեր ունի, որոնց հետ գեռ չէ վեր-
ջացրել թղթախաղը: Սպասում են խմբագրատանը, սպասում
են տպարանում, միայն ժամանակն է, որ չէ սպասում: Շտա-
պում են բոլորեքեան, միայն ցենզորն է, որ չէ շտապում:

Վերջապէս ժամը 1(1-1)-ին՝ նա մտաբերում է լրա-
գիրը: Սոսկալի է նրա տրամադրութիւնը... Ո՛հ, ցենզորական
ամենագոր տրամադրութիւն, ինչեր չես բերում գու խեղճ
գրականութեան գլխին: Եւ ի՞նչ անեն, ի՞նչ միջոց գտնեն
այդ անբախտ գրողներն ու խմբագիրները՝ ցենզորի աճե-
ն ա գ օ ր տ ր ա մ ա գ ր ու թ ր ւ ը թ ր ւ ը թ ր ւ ը թ ր ւ ը թ ր ւ ը
պահելու համար: Մի օր կինն է կապրիզուտ, միւս օր պաշտօ-
նակիցն է աստիճան սասնում, իսկ ինքը ոչ, յաջորդ օրը որ-
դու գպրոցական քննութիւններն են վատ անցնում, մի այլ
անգամ նախագահն է գէմքը խոժոռում և կամ յաճախ թըղ-
թախաղն է անյաջող գնում... և ա՛հա՛ կարմիր թանաքը աջ
ու ձախ գծեր է քաշում, իսկ մկրատը վերեւից ներքև շար-
ւածքն է ձևում: Երեսուէն սիւնակ նիւթ ուղարկեցին, մի եր-
րորդ մասը հազիւ վերագարծաւ: Գարձեալ վազում է խրմ-
բագիրը: Բաղաարութիւն, աղերանք, վէճ, — բայց բոլորը
տպարգիւն: Ո՛չ մի զիջում, ո՛չ մի փոփոխութիւն: Շատ ան-
գամ չի էլ ընդունում: Երամադրութիւնը շատ վատ է...
Իսկ համարը պէտք է հրատարակել ոչ միայն այն պատճառով,
որ բաժանորդները սպասում են, այլև այն պատճառով, որ եթէ
մի քանի անգամ համարը լոյս չտեսնի և լուր տարածւի, որ
գ ա ց ե ն ղ օ ր ա կ ա ն կամ, ինչպէս ընդունւած է Առկա-
սում ասել, «խմբագրութիւնից անկախ պատճառով» է, այն
ժամանակ ցենզորական վարչութիւնը այդ կը համարի մի
ց ո յ ց ի ր գ է մ և ի ս կ ո յ ն «խիստ միջոցների» կը դիմի...

«Համարը լոյս հանել հէշտ է ասել, բայց ինչպէ՞ս հիւ-
թը պահասում է: Ս պ ի տ ա կ տեղ թողնել չէ կարելի: Գա

արգելւած է, որովհետեւ եթէ այդպիսի բան պատահի՝ հասարակութիւնը կ'իմանայ, որ ցենզօրն է ջնջել, մինչդեռ այդպիսի բան հասարակութիւնը չպիտի իմանայ: Ինչո՞վ էք ցնել ուրեմն:— Ինչով ուզում էք, անհամ և կատարելապէս անտեղի թղթակցութիւններով ու յօդւածներով, որոնց համար ոչ գիշերը պէտք է դարձեալ թոյլտուութիւն ստանալ և կամ յ ա յ ա տ ր ա ր ու թ ի լ ն ն ե ր ո Վ: Բայց կարելի է արդեօք ամեն տեսակ յայտարարութիւններ տպագրել: Իհարկէ, ոչ: Ամեն մի յայտարարութեան համար էլ յատուկ թոյլտուութիւն պէտք է ստանալ: Եթէ դրբի յայտարարութիւն է, պէտք է ուղարկէք ցենզօրին. եթէ զարոցի կամ առհասարակ դասատուութեան վերաբերեալ յայտարարութիւն է— ուսումնարանական իշխանութեան. եթէ շուն է կորել կամ մի հին քուրք է ծախուում, պէտք է ուղարկէք ոստիկանապետին: Այնպիսի մեռելի յայտարարութիւնը չէք կարող տպագրել խուսնց ոստիկանութեան: Խեղճ երկիր, մարգիկ մեռնելուց յետոյ էլ ազատ չեն՝...

Միամտութիւն է տրամաբանութիւն որոնել այդ տեսակ պաշտօնավարութեան մէջ: Եւ այդ պատճառով նրանց գործունէութեան գծերը բնորոշելու համար՝ կարիք չը կայ զիմել մանրամասն, հետևողական քննադատութեան, այլ բաւական է առաջ բերել մի ամբողջ շղթայ իրական փաստերի, որոնք իրենց անեկդօտային կերպարանքով հանդերձ՝ միջոց կըտան ընթերցողին անխալ գաղափար կազմելու այն դահիճների մասին, որոնք կրծում են ազատ միտքը և ազատ խօսքը մեր անբախտ երկրի մէջ:

Յետ անենք «ցենզօրական կծիկը»:

Մի հայ ֆելիետօնիստ ընտրում է իր համար կեղծանուն՝ Անկախեան: Երբ յօդւածը տանում են գրաքննիչին, նա ջնջում է «Ան» նախաւանկը, և կեղծանունը դառնում է «Կախեան»: Արդովւած ֆելիետօնիստը վաղում է ցենզօրին:— «Ռուսաստանում չկայ անկախեան, փրփրած բացականչում է գրաքննիչը, ամեն մարդ կախում ունի կայսրից, որը եթէ ու-

զենայ, կարող է կ ա խ ե լ ամենքին, ինձ էլ ձեզ հետ“... .

Ութսունական թւականներին, երբ Թիֆլիզում գրաքննիչի պաշտօն ստացաւ մի նախկին մանկավարժ, որ „Տօր կողմից ուսու էր, մօր կողմից հայ“ և ծանօթ իր առասպելական խստութիւններով, հայկական լրագրութեան մէջ միանգամայն անհետացաւ հ ա յ ո ց ա զ գ բառը և նրա տեղ բռնեց՝ հ ա յ ո ց հ ա ս ա ր ա կ ու թ իւ լ ն խօսքը: Մի առժամանակ ամենքը այդ համարում էին պատահական, բայց յետոյ պարզւեց, որ գրաքննիչի համար դա մի սխտէմ էր և նա նախորոշ դիտաւորութեամբ ջնջում է ա զ գ բառը և տեղը դնում հ ա ս ա ր ա կ ու թ իւ լ ն: „Ազգը“ վտանգաւոր էր, նրա կարծիքով: Եւ շատ անգամ էլ, երբ, դիցուք, կարդում էր՝ հայ-ուսուցիչ, հայ-գիւղացի, հայ-վաճառական, „հայը“ ջնջում էր և պահում՝ ուսուցիչ, գիւղացի, վաճառական: Երբ հարցնում էին այդ վարմունքի շարժառիթները, նա հպարտօրէն պատասխանում էր. „Հայերը այժմ ա զ գ չեն և չպիտի լինին. և թէ կառավարութիւնը բարեհաճէր իմ խոնարհ կարծիքը հարցնել՝ խորհուրդ կը տայի վերացնել Ռուսաստանում ապրող բոլոր ազգերի անունները և գործածել երկուսն միայն՝ — ուսներ և ոչ-ուսներ“... .

Մի այլ գրաքննիչ, որ իր եռանդի համար „նորին գերազանցութիւն“ տիտղոսին հասաւ, արգելել սկսեց նոյնիսկ պատմական-աշխարհագրական անունները: Երբ լրագիրները գրում էին „Գանձակ“, նա ջնջում շինում էր „Ելիսավետօպոլ“ . չէր թող տալիս „Հրազդան“ կամ „Ախուրեան“ հայկական անունները նոյնիսկ ոտանաւորներին մէջ և ստիպում էր խեղճ հեղինակին յարմարեցնել բանաստեղծութեան ոտները՝ „Չանկի“ և „Արփաջայ“ թիւքերէն անուններին, մտածելով երևի, որ

Թիւրքերէն Տնչիւնը այնքան վտանգաւոր չէ, որքան Տայերէնը: Իսկ ինքը Թիւրք չէր, այլ Տայ . . .

Ամառային մի շոգ օր, խմբագիրը հեռագիր է ստանում, որ երեխան ծանր հիւանդ է ամարանոցում և պէտք է շուտով օգնութեան հասնել: Ինչպէս վարել: Համարը դեռ պատրաստ չէ: Արոշում է հետևեալը. — տպարան ուղարկել կատարելապէս անմեղ լուրեր և յօդուածներ՝ փողոցների մաքրութեան, առողջարար ջրի, մրգաբուծութեան և վերջապէս — զանազանակերպ լինելու համար — կանանց հարցի մասին, և ապա կարգադրում է՝ երեսները կապել և տպել առանց գրաքննիչին սպասելու, ապահով, որ նա ոչինչ չունի ջնջելու: Երբ երեսները կապում են և սկսում տպագրել՝ ահա գալիս է գրաքննական Թերթը, և ո՛հ, որբալի տեսարան. գրաքննիչը ջնջել է գիւղատնտեսական յօդուածից ահա Թէ ինչ:

«Ահաստարակ անհրաժեշտ է յեղափոխութիւն մտցնել մեր գիւղատնտեսութեան պարագլու՜քների ամբողջ եղանակի մէջ. առանց այդ հիմնական յեղափոխութեան՝ մեր գիւղատնտեսութիւնը առաջ չի գնայ» . . .

Կանգնեցնել մեքենան, քանդել երեսները, ոչնչացնել արդէն տպագրած երեսները — այդ կը լինի դժոխային աշխատանք: Բազմատանջ խմբագիրը՝ հիւանդ երեխային գնալու փոխարէն՝ գրաքննիչին է գնում, աղերսելու: — «Ես չեմ սիրում յեղափոխութիւն բառը և կը խնդրեմ նոյնիսկ գիւղատնտեսական յօդուածներում գործ չածել: Գրեցէք մի այլ բառ, օրինակ՝ բարեփոխութիւն, և ես կը թոյլատրեմ» . . .

Բայց միայն «յեղափոխութիւն» կամ «ազգը» չէ, որ գրգռում է գրաքննիչին, այլ ամեն բան, մինչև իսկ երկօտանի հաւը . . . Լսեցէք: Օրերից մեկում լրագիրները ուզում են տպագրել րեպօրտեօրի այս լուրը.

„Թիֆլիզի Աւերա թաղում հաւերի մէջ երեւցել է մի հիւանդութիւն, որ մի քանի ժամում սպանում է նրանց: Զգուշացնում ենք քաղաքի բնակիչներին այդ տեսակ հաւերի միտք ուսելու“:

Լուրը արգելում է հետեւեալ մակագրութեամբ՝
„Ուղարկել բժշկական վարչութեան“: „Այստեղ մի յետին միտք կարող է լինել“ — մտածել է զգոյշ պաշտօնեան:

Թղթակիցներից մէկը գրում է.

„Նախիջևանի գաւառը հսոյ ունի, բայց ջուր չունի, մինչդեռ հարևան Զանգեզուրի գաւառը հարուստ է ջրերով: Յանկալի է, որ այդպէսակութիւնը մտածէր ջուր անցկացնել այդ գաւառից՝ անջրդի հողերը մշակելու համար“:

Յենջօրը այդ վերացական ցանկութիւնն էլ է արգելում, այսպիսի մակագրութեամբ՝ „Գրա համար նախ պէտք է երկու գաւառների իշխանութեան թոյլտուութիւնը“ . . .

Բաժանորդները, այնքան համբերատար այս երկրում, սկսում են տրտնջալ, որ լրագիրը կամ շատ ուշ է լոյս տեսնում, կամ յաճախ բոլորովին լոյս չէ տեսնում: Աերջապէս դիմում են խմբագրութեան՝ բացատրութիւն խնդրելով: Յայտնուում է, որ ցենզօրը յաճախ գործ է գնում հետեւեալ միջոցը. — թերթը իր մօտ պահում է մինչև գիշերուայ մէկ կամ երկու ժամը, որպէսզի աւելի լաւ ուսուցանաս իր և լաւ թափանցի յօդւածների ոգու խորքը: Եւ ուշ վերադարձնելով, տպագրութիւնն էլ, բնականաբար, վերջանում էր միւս օրը ուշ: Բայց յաճախ էլ նոյնիսկ գիշերուայ մէկ ժամին վերադարձնելով թերթը, քիչ անցած, երբ արդէն սկսում են տպագրել, յանկարծ գիշերուայ ժամը 2-ին կամ 3-ին, նա՛ ինչպէս կիսախելագար, աղմուկով ներս էր վազում և բացականչում. „Անգնեցրէք, մի տպագրէք, մի բան պէտք է հանեմ“: Կրարանցում,

դժգոհութիւն, աղմուկ: Տպագրիչները իմաց են տալիս տպարանատիրոջ, տպարանատէրը՝ խմբագրին: Գալիս է նա, և ահա մի ձանձրալի վէճ՝ խմբագրի և ցենզորի մէջ: Ո՞ւմն է իրաւունքը: — „Իրաւունք չունէք, քանի որ արդէն թողլատրել էք“, կրկնում է խմբագիրը: — „Իրաւունք ունիմ, քանի որ ցենզոր եմ“, պատասխանում է միւսը: Վերջ իվերջոյ մէքենայից հանել է տալիս երեսները և դուրս գցում իր ուղած կտորը. . . Միւս օրը լրագիրը լոյս չէ տեսնում, և խմբագիրը գնում է ցենզուրական կօմիտէ՝ գանգատելու այդ գիշերային կամայականութեան դէմ. Եւ ցենզորը միշտ արդարանում էր կրկնելով. „Միայն պապն է անխալական. ուշ գիշերը միայն հասկացայ, որ սխալւել եմ, և գնացի տպարան՝ իմ սխալը ուղղելու“ — արգելելու. . .

1889-ին Ալեքսանդր III պիտի գնար Թիֆլիզ: Ոստիկանութիւնը, ամբողջովին ոտքի վրայ, քաղաքից դուրս էր քշում անվստահելի անձանց, նախագգուշութեան միջոցները վերջ չունէին: Այդ միջոցին վրաց գերասանական խումբը, ազդուելով քանքարաւոր մի ողբերգակի Թիֆլիզ գալուց, վճռում է ներկայացնել Շէքսպիրի „Համլէտը“, որ մինչև այդ՝ վրաց բեմի վրայ չէր խաղացած, թէև արդէն շատ անգամ ներկայացւած էր ռուսաց կամ հայոց թատրօններում: Պիեսի թարգմանութիւնը տանում են վրաց ցենզորին: Նշանակած ժամին գալիս են յետ ստանալու: Ո՞հ, զարմանք. ցենզորը յայտարարում է, որ թողլատրել չէ կարող: — Ի՞նչպէս, „Համլէտը“ արգելւած: — Այո՛, արգելւած, սառնարիւն պատասխանում է ծերունի գրաքննիչը: Ոչ մի բացատրութիւն չէ ազդում: Գերասանական խումբը գանգատ է ներկայացնում կօմիտէին: Կօմիտէի նախագահը, բաւական զարմացած, յաջորդ ժողովին խնդրում է ցենզորին բացատրել, թէ ինչո՞ւ է արգելում վրաց բեմի

Համար „Համլէտը“, — մի այդպիսի հանրածանօթ պիէս, թոյլատրւած բոլոր լեզուներով և բոլոր բեմերի համար: Էւ „փորձւած“ պաշտօնեան, նստած իր բազկաթոռի վրայ, յաղթական շեշտով՝ հետևեալ խորիմաստ բացատրութիւնն է տալիս ժողովին. „Ինչպէս գիտէք, յարգոյ պաշտօնակիցներ, „Համլէտի“ մէջ է այն տեսարանը, ուր տեղի է ունենում արքայասպանութիւն: Արքայասպանութիւն, այժմ, երբ շուտով Թիֆլիզ պիտի ժամանի՝ Նորին կայսերական Մեծութիւն թագաւոր կայսր Ալեքսանդր Ալեքսանդրովիչը — մի գայթակղեցուցիչ դէպք է, որի առաջը պիտի առնել, և ահա այդ պարզ նպատակով, ես, իբրև հաւատարիմ հպատակ և իբրև ցենզօր, արգելեցի „Համլէտի“ ներկայացումը“ . . .

Ամենքին տիրեց արշուճութիւն: Էւ ոչ մի բացատրութիւն բաւական չեղաւ համոզելու „հաւատարիմ հպատակին“, թէ նա սխալում է, այնպէս որ համբերութիւնից հանւած նախագահը յայտարարեց. „Որովհետև դուք չէք ուզում թոյլատրել, ուստի ես եմ թոյլատրում“ իմ պատասխանատուութեամբ“ . . . Էւ ասում են, որ դեռ շատ օրեր „հաւատարիմ հպատակը“ սպասում էր, որ անհեռատես, անփորձ նախագահը կը պատժւի իր անզգոյշ „պատասխանատուութեան“ համար, բայց աւանդ, նրա երկիւղը չիրագործւեց, որովհետև „Համլէտի“ ներկայացումից յետոյ անգամ ոչ մի վրացի, որ ներկայ էր խաղին, մտքովն անգամ չանցկացրեց արքայասպանութիւն գործել, — փորձ անել Ալեքսանդր III-ի կեանքի դէմ . . .

Թիֆլիզի „Ուղղափառութիւն տարածող ընկերութիւնը“ լրագիրներին ուղարկում է իր նւիրատուների անունները՝ տպագրելու: Մի անգամ նւիրատուներն էին՝ թագաժառանգ Գեօրգի իշխանը, որ նւիրել էր 500 ռուբլի, և բազւեցի թիւրք գրամատէր Թաղիեփը, որ

նոյնպէս նւիրել էր 500 ըուրլի: Թիֆլիզի լրագիրներէց մի քանիսի մէջ լոյս տեսաւ այդ լուրը, բայց երկու լրագիր, որ քննում էր միեւնոյն ցենզօրը, անկարող եղան տպագրելը: Հարցրին պատճառը և յայտնեց, որ ցենզօրը չէ թոյլ տւել՝ ասելով: «Ի՞նչպէս կարելի է թագաժառանգի անւան մօտ դնել մի որևէ հպատակի անուն»: — Բայց դա ընկերութեան ուղարկած ցուցակն է և երկուսն էլ 500-ական ըուրլի են տւել, նկատել է խմբագիրը: — «Այդ միեւնոյն է, չեմ թոյլ տակ թէ ուզում էք՝ թագաժառանգի անունը տպագրեցէք այսօր, իսկ միւսինը պահէք վաղը»...

Երբեմն ապրում էր մի ցենզօր — Արասովսկի, տիպը միապետական գրաքննիչի: Մի օր նրան բերեցին փոքրիկ յօդւած՝ «Սունկերի միասակարութիւնը» վերնագրով: Նա արգելեց յօդւածը՝ այդպիսի մակագրութեամբ: «Սունկը — ուղղափառների պատւայ կերակուրն է, և գրել նրա միասակարութեան մասին, կը նշանակէ խախտել կրօնը և տարածել անհաւատութիւն»: Արասովսկի մեռաւ, բայց նրա դպրոցը մնաց կենդանի: Եկան ուրիշները, յաճախ աւելի յիմար: — Գրանցից մէկն էլ Թիֆլիզ էր: Քանի մի տարի առաջ նրան ուղարկեցին մի յօդւած՝ «Մրգերի արտահանութեան» մասին: Յուլիս ամիսն էր: Արգելեց: «Մրգերի արտահանութիւնը տեղի է ունենում սեպտեմբերին, — նկատում է նա — եթէ մի յետին միտք չը կայ դրա մէջ, ինչո՞ւ էք այժմ գրում»:

Մի այլ անգամ վրաց լրագիրների ցենզօրը, տգէտ հայոց լեզւի մէջ, ջնջում է հետևեալ լուրը:

«Հարկաւոր եւք համարում հաղորդել, որ ցեխը միացած սասկած կենդանիների մնացորդներին, թաղաւորում է մեր քաղաքի փողոցներում»:

Ջնջում է, պատճառաբանելով՝ «Հաղորդելը կրօնական մեծ արարողութիւն է, և կապել այդ բոլոր ցեխի ու սասկած կենդանիների հետ՝ կը նշանակէ

վերաւորել կրօնը: Բացի դրանից առաջարկում է այդ տեսակ լուրերի մէջ չը գործածել թ ա գ աւ ո թ բառը:

Մի ուրիշը ջնջում էր յօդւածներ՝ մակագրելով «Անգուն վատ է», կամ «բազմակէտեր շատ կան», — Տիմնւած երևի գրաքննական այն իրաւունքի վրայ, որով ցենզօրը պիտի հսկէ լեզւի մաքրութեանը և թոյլ չպիտի տայ շատ բազմակէտեր. ամենաշատը՝ երեք կէտ:

— Վերջապէս, ինչի մասին գրենք, որ չը ջնջէք, հարցնում է մի հրապարակասօս գրաքննիչին:

— Ես ինքս էլ չգիտեմ, պատասխանում է՝ շատ քիչ անգամ անկեղծ խօսող ցենզօրը. այն էլ, ինչ այսօր եմ թոյլ տալիս, վաղը առաւօտեան կարող եմ արգելել. դա կախւած է այն հրահանգից, որ այս գիշեր կարող եմ ստանալ:

Եւ հրահանգներն ու գաղտնի շրջաբերականները գալիս են ու գալիս: Քանի մի նմուշներ. —

1897 թիւն Բուսաստանում տեղի ունեցաւ մի օրեւայ ժողովը դագերու թիւն: Բնական է կարծել, որ կառավարութիւնը պիտի ցանկանար, որ մամուլը հող պարաստէր տգէտ ժողովրդի մէջ՝ այդ կարևոր ձեռնարկութեան համար: Բայց բոլորովին հակառակը: Գեռնոր էին սկսել գրել երբ առանձին հեռագրով խօսիւարգելեց կովկասեան մամուլին՝ միտող անգամ տպել միօրեայ ժողովրդագրութեան մասին: Պատճառները գաղտնի են: Տգէտ ժողովուրդը, վախեցած, շատ բան թագցրեց, և շատ ուշ միայն հասկացաւ կառավարութիւնը իր գործած սխալը, անմիտ կարգադրութեան հետեանքները:

Սկսեց «դուխօբութենի» եղեռնը: Խաղաղ Ախալքալաքի ամբողջ գաւառը տակնուվրայ եղաւ. աքսոր, ձերբակալութիւններ, ծեծ, մարակ, նոյն իսկ սպանութիւն: Հաղարաւոր մարդիկ թողեցին երկիրը, — մի ամբողջ գաղթականութիւն: Ոչ միայն մի գաւառում, այլ

ամբողջ նահանգում, երկու տարի շարունակ, դա այրող յուզիչ հարց էր: Առասպելական լուրեր էին պատում երկրի մէջ: Փորձեցին ձայն հանել, բայց ահա հասարակելող հեռագիրը ու մամուլի մէջ և ոչ մի խօսք, նոյն իսկ յիշատակութիւն «դուխօբուր» անւան. — կարճէք այդ գէպքը պատահած լինէր ոչ թէ Արվկասում, այլ ուէ գեռ չգտնւած մոլորակի վրայ...

Խօլերա է — ամենառատ բանը քաղցած ու տգէտ երկրի մէջ: Մամուլը փորձում է զգուշացնել, ուշագրութիւն հրաւիրել: Գարձեալ հեռագիր. — «Խստիւ արգելում է գրել խօլերայի մասին»: Համաճարակը կոտորածներ է անում, ազգաբնակչութիւնը սարսափած փախչում է. փողոցներում ամբոխը ցոյցեր է անում ոստիկանութեան հասցէին, նոյնիսկ բժիշկներին դէմ: Հիււանդանոցներից փախչում են ինչպէս մարդկային սպանդանոցից. բայց էլի ոչ մի խօսք: Եւ ամիսներ միայն անցած, երբ Պետերբուրգում կազմւում է ուէ «խօլերային կոմիտէ», այսինքն կառավարչական մարմին, որի գլխաւոր պաշտօնն է թագցնել աղէտի մեծ մասը, այն ժամանակ միայն լրագիրներին իրաւունք է տրւում տրւ պագրել տեղեկութիւններ, այսինքն այն, ինչ որ նրանց կը հաղորդէ պաշտօնական կոմիտէն: Գրանից դուրս՝ ոչ մի փաստ: Այսպէս եղաւ 1892-ի խօլերայի ժամանակ. այսպէս է եղել և ուրիշ գէպքերում:

Գործադուլ է: Քաղաքի մէջ կանգ է առել կեանքը, և աշխատանքի երգի տեղ՝ հնչում է ապրտամբ աշխատաւորի սպառնալիքը: Գործարանները չեն բանում. շուկայում ուտելիղէն չը կայ. քաղաքը զուրկ է լոյսից: Աննգ է առել երթևեկութիւնը: Օդի մէջ տիրում է երկիւզ մտքերը անհանգիստ են... Սուիններ են փայլում աշխատաւորի դէմ: Մարդիկ՝ հարցական նշան կտրած, վաղում, որոնում, տեղեկութիւն են ուզում:

Ահա լոյս է տեսնում լրագիրը, բայց ոչ մի խօսք գործադուլի մասին, ոչ մի տառ ահաբեկի դէպքերի վերաբերմամբ: Կարժէք ոչինչ չէ պատահել . .

1903 թւի յուլիսեան գործադուլի պատճառով Քագլի երկաթուղու գնացքները մի քանի օր կանգ առան: Կանգ էր առել և ամբողջ յարաբերութիւնը՝ հարեան քաղաքներէ: Ապառնական լուրեր էին պտտում գծի վրայ տեղի ունեցած բանւորական ընհարումների մասին: Գարձեալ ոչ մի խօսք, ոչ մի տող ամբողջ լրագրութեան մէջ: Եւ Թիֆլիզի լրագիրներից մէկը՝ փաստի փոխարէն՝ աջողեց տպագրել հետեւեալ «միամիտ» ակնարկը՝

«Երէկ երկաթուղային վարչութեան գլխաւորը՝ Իվանովսկի, Թիֆլիզից ճանապարհ ընկաւ Քագու իմանալու, թէ ինչու երկու օրից ի վեր այնտեղից դնացքներ չեն գալիս»:

Գործադուլները յաջորդում են գործադուլներին. փողոցներում և գործարանների շուրջը արիւն է հոսում. փակում են զպրոցները. մարդիկ՝ քաջածանօթ քաղաքին՝ բանտ են ուղարկւում: տեղի են ունենում կարեւորագոյն ակտեր՝ ինչպէս հայ-լուսաւորչական եկեղեցու կալածքների խլումը կամ քաղաքներում պաշարման վիճակ յայտարարելը. կատարում են բիւրաւոր բարձրագոյն անարդարութիւններ պաշտօնեաների ձեռքով — և այդ ամենի մասին՝ ոչ մի ակնարկ, ոչ մի խօսք, ոչ մի կարծիք: Խօսքի փոխարէն՝ շշուկ, կարծիքի փոխարէն՝ լռութիւն, լռութիւն համատարած, գերեզմանային:

Իսկ լրագիրները շարունակում են լոյս տեսնել . .

«Պաշտօնական արգելքները» այժմ կրկնապատկեւել են և մէկի տեղ պահանջւում է երկուսի, շատ անգամ երեքի թոյլտուութիւնը: Օրինակ. եթէ լրագիրը ուզում է տպագրել տեղեկութիւն դուրմաների մասին, պէտք է բացի ցենզորից՝ ստանայ նաև նահանգապետի համաձայնութիւնը: Արիշ օրինակ: Մէկը ուզում է տպագրել ուէ

բ ժ շ կ ա կ ա ն գիրք: Յենզորի թոյլաուութիւնը բաւա-
կան չէ. նա պէտք է ստանայ և բժշկական վարչութեան
թոյլաուութիւնը: Մի ուրիշը գիտաւորութիւն ունի տը-
պագրել քննադատութիւն՝ դ պ ր ո յ ա կ ա ն հարցի մա-
սին. բացի ցենզորից՝ անհրաժեշտ է և ուսումնարա-
նական վարչութեան համաձայնութիւնը, որը երբէք
չի ստացոււմ, որովհետև Ռուսաստանում չկայ մի վար-
չութիւն, որը կամենայ քննադատութեան ենթարկել:
Կամ, գիցուք, մի ասուածաբան պատրաստում է մի գիրք
ուէ եկեղեցական հարցի մասին. դարձեալ՝ բացի ցեն-
զորից պահանջում է և հոգևոր իշխանութեան առան-
ձին թոյլաուութիւնը, որ ուրիշ խօսքով կը նշանակի՝
ա ն ո գ ու տ կերպով ամիսներով թափառել «հոգևոր»
պետի անմատչելի դռների մօտ... Մի օրինակ ևս:
Միապետը կամ նրա որդին վճռել է դուրս գալ իր
պալատից՝ ճանապարհորդելու համար: Ոչ մի լրագիր չէ
կարող տպագրել այդ: Հասարակութեան մէջ լուրեր
են պատում, մարդիկ միմեանց հարց ու փորձ են անում,
գիտեն, որ կայսրը ճանապարհորդելու է, — բայց տպա-
գրել չէ կարելի և ոչ մի խօսք: Պօլիցիան օտի վրայ
է. քաղաքի փողոցները մաքրում են, հին պատերը ներ-
կել են տալիս. — բայց մամուլի մէջ դարձեալ ոչ մի
խօսք: Գիտէք ինչու: «Որպէսզի նախօրօք չիմացի և
ուէ դաւադրութիւն չպատրաստւի», փաստաբանում են
չինովնիկները: Վերջապէս գալիս է կայսրը. ամբողջ քա-
ղաքը օտի վրայ է, լրագիրը իր պարտքն է համարում
ծախք անել, թղթակիցներ ուղարկել, հեռագիրներ ըս-
տանալ, որպէսզի հասարակութեան հետաքրքրութեան
լիութիւն տայ: Բայց ի զուր: Ոչ մի խօսք: Ըմեն մի
լուրի համար պէտք է ստանալ կամ պալատական մի-
նիստրի յատուկ թոյլաուութիւնը, կամ պետի սպասել
որ «պաշտօնական» լրագիրը տպագրի «պաշտօնական»

նկարագրութիւնը, որտեղից և միւս լրագիրները կարող են արտասպելը:

Պ ա շ տ օ ն ա կ ա ն ա ց ն ե լ լ ը՝ պատահական բան չէ, այլ մի նախամտածւած, մշակւած սիսեմ, որ յղացել և մշակել է Ալեքսանդր և Նիկօլայ կայսրների կառավարութեան ամենաուժեղ ղեկավարը: Ո՞վ է դա:—Պօբեդօնօսցեւի, պաշտօնով սինօդի օբեր-պրօկուրօր, միապետութեան մեծ-ինկվիզիտօրը, պօլիցիական ոգու մարմնացումը, քուրմ անշարժութեան, աղբիւր բոլոր խաւար ծրագիրների: Բազմաթիւ ծրագիրներ յղացաւ նա և դրանցից մէկն էլ մամուլին է վերաբերում:

Ի՞նչ է այդ ծրագիրը:—Վերացնել անկախ, մասնաւոր մամուլը և նրա տեղ հաստատել կառավարչական մամուլը: Բոլոր լրագիրները, ինչպէս այժմ պաշտօնական թերթերը, պէտք է ունենան կառավարութեան կողմից նշանակւած խմբագիրներ, կամ այլ խօսքով՝ խմբագիրը ուրիշ բան չպէտք է լինի, եթէ ոչ մի չի նօվնիկ, նշանակւած կառավարութեան ձեռքով, որը անմիջապէս կ'արտաքուսի իր պաշտօնից, հէնց որ կը շեղւի իր համար նախագծած ճանապարհից: Այդ նենգամիտ առաջարկով Պօբեդօնօսցեւի միտք ունէր երկու նպատակի միանգամից հասնել.— թէ մամուլ ունենալ, որպէսզի չասեն՝ թէ կառավարութիւնը այն աստիճանի վայրենութեան է հասել, որ ոչնչացնում է տպագրական խօսքը, թէ աղատել քննադատութեան նոյնիսկ այն վերջին նշոյլներից, որոնք երբեմն-երբեմն, ինչպէս անսպասելի կայծեր, ցայտում են մամուլի էջերից... Սակայն այդ առաջարկը, թէև սկզբունքով դուր եկաւ յետադիմութեան շրջապատին, բայց և այնպէս չը գործադրուեց, և այդ ոչ այն պատճառով, որ օգտակար չէր, այլ միմիայն նրա համար, որ դա կը համարուէր պետական մի «սկանդալ», ամբողջ աշխարհի ծիծաղը գրգռող մի ապուշութիւն...

— „Ինչո՞ւ ոչնչացնել, ինչո՞ւ սագերին գրգռել, ասաց
„միջին տեղը“ բռնող մինիստրներից մէկը, Պօքեդօնօս-
ցեվի ծրագիրները քննելիս, — քանի որ մենք կարող ենք
ունենալ ա՛ն կ ա խ մամուլ՝ բայց միշտ ցենզորը գլխին,
զէ մ ս ա վ օ՝ բայց առանց իրաւունքի, դ ու մ ա՝ առանց
ինքնավարութեան: „Այդպիսով համ ոչխարները սաղ կը
մնան, համ գայլերը կուշտ կը լինեն“ . . .

Այդպէս էլ արեցին, այդպէս էլ անում են . . .

Իբրև հեռանալ այդ „սիստէմի“ Տպագրական գոր-
ծերի գլխաւոր վարչութիւնը և ցենզորական կոմիտէները
լքցած են ապիկար պաշտօնեաներով, որոնց այլանդա-
կութիւնը յաճախ հրէշութեան է հասնում: Քանի մի
տարի առաջ Տպագրական գործերի գլխաւոր վարչու-
թեան պետ նշանակեց Սօլօվիւով, տկարամիտ, անպէտք
մի ծերունի, մտքերով խաւար՝ ինչպէս գիշերը, ցան-
կութիւններով ամուլ՝ ինչպէս քար: Փրփուրը բերանին,
այդ ծերուկը իրեն դիմողին մի բան գիտէր ասել՝ „Ի՞նչ
նոր լրագիր, եղածներն էլ դեռ շատ են, թոյլ չեմ տայ“:

„Մի օր — պատմում էր մի կովկասեցի — Պետեր-
բուրգ գալով և ամբողջ շաբաթ ունկնդրութեան ըս-
պասելով, հազիւ պատիւ ունեցայ ընդունելու Սօլօվի-
ւովի կարինետում:

— Նստեցէք:

Նստում եմ:

— Չեր անունը:

Ատում եմ:

— Ի՞նչ էք ուզում:

„Ես պատմեցի, որ եօթ ամիս է խնդիրք եմ տւել
բժշկական մի շաբաթաթերթ հրատարակելու համար, բայց
ոչ մի պատասխան չկայ, և խնդրեցի մի կարգադրու-
թիւն անել:

— „Իմ կարգադրութիւնը — սեղանին խփելով պա-
տասխանեց ծերունին — մերժումն է: Եթէ ուզում էք

բժշկական գիտութիւններ տարածել, տպագրեցէք այդ բոլորը արմանախների մէջ, օրացոյցների ետեւը. կարիք չկայ առանձին թերթ Տիմնելու: Թերթեր, թերթեր, անվերջ թերթեր: Գուք ձեր կովկասում առանց այդ էլ շատ ունէք, և դեռ սրպիտները, — թերթեր, որոնք աղատամտութիւններ էլ են անում, ազգերի հաւասարութիւն, գէմստիւններ, ինքնավարութիւն և չգիտեմ ուրիշ ինչ յիմարութիւններ ասէք, որ չեն գրում: Ես նրանց ցոյց կը տամ: Այ, այստեղ էլ մենք քիչ չունենք այդ լիբերալներից — բացականչեց ծերունին՝ խփելով սեղանի վրայ գրած „սօփոստի“ մի համարին, — ջճուդական աղատամտութեան բուն: Ես գրանց աղատամտութիւն կ'ուսուցանեմ: Գնաք բարով, ձեր խնդիրքի պատասխանը կըստանաք: Գնաք բարով“ . . .

Պատասխանը ստացաւ — մ ե թ ու մ . . .

Եթէ այդպէս են ղեկավարները, երեւկայեցէք ինչ կը լինեն տեղի և պաշտօնի համար սողունացած ստորագրեալները: Եւ տխուր ապացոյցները քիչ չեն: Կովկասեան ցենզորական կօմիտէի մէջ երկար տարիներ աւագ գրաքննիչի պաշտօնը վարեց մի ուսու, որ երբեմն Թաւրիզի ուսուց ընդհանուր հիւպատոս էր և վնդուց այդ պաշտօնից այն „անմեղ“ պատճառով, որ թէև հիւպատոս, բայց կողոպտել տւեց ուսուց փոստը՝ վարձու աւաղակների ձեռքով: Եւ չնայած այդ աւաղակութեան՝ ցենզոր եղաւ, այն էլ գեներալի աստիճանով. . . Մի ուրիշը, որ ամբողջ քսան տարի ցենզորի պաշտօն կատարեց, նոյնպէս գեներալի աստիճանով, այնքան անարգ էր, որ պաշտօնից դուրս գալուց յետոյ, ուրիշ ոչ մի գործ չստացաւ և սկսեց . . . լրտեսութեամբ պարապելը Թիֆլիզում յայտնի են կաշառակերութեան բազմաթիւ դէպքեր, կատարած գրաքննիչների ձեռքով. . . Կար մէկը, որ միաժամանակ և՛ ցենզոր էր, և գաղտնի ոստիկանութեան

անգամ ու վտանգաւոր լրտես: Լրտեսութիւնը, առհասարակ, պետական առարինութիւն է ցենզորական աշխարհում: Ազգով: Հայ մի պաշտօնեայի յանձնեց ցենզորի պաշտօնը այն պայմանով, որ նա գաղտնի զեկուցումներ տայ հայկական գործերի մասին: Եւ այդ զեկուցագրերով, իբրև ապահով սանգուխքներով, նա բարձրանում էր դէպի գեներալութիւն . . . — Մի օր յայանեց, որ մի «չինովնիկ» իր դահլիճի պատերը զարգարում է թանկագին նկարներով, որոնք ստացւած էին արտասահմանից և յանձնւած նրա քննութեան: Այդ գողը՝ մի ցենզոր էր:

Եւ այդպէս տասնեակներ, տասն տասնեակներ . . .

Բաժակը լքցւած էր:

Հարկաւոր էր մի բողոք, գանգափ որևէ ցոյց, գէթ ամենափոքրիկ նշան դժգոհութեան: Բայց, աւա՛ղ, ոստիկանների թագաւորութեան մէջ այդ օրինակ երազները հազւագիւտ են: Եւ ահա՛ բողոքի ու գանգափի փոխարէն, ռուսաց գրողները՝ բազկացած զանազան ուղղութեան և տարբեր բանակի ներկայացուցիչներից, «համարձակութիւն» ունեցան՝ ուղղելու նիկօլայ կայսրին ա մ ե ն ա խ ո ռ ն ա ր Տ մի խնդիրը, տարւած այն յոյսերով, որ երբեմն ներշնչում էին երիտասարդ գահակալի հրովարտակները կամ նրանց մէջ սպրդած գեղեցիկ խօսքերը:

Թ ա գ աւ ո ր ,

« Չեր ոլորմած մանիֆեստի մէջ, նոյեմբեր 15-ից, մենք,
« Չեր հպատակներս, բերիրութեամբ նկատեցինք, որ Չեր
« կայսերական Մեծութիւնը համարում էք «արդարութիւնը
« թողալրդական բարեկեցութեան հիմք »:

« Այդ խօսքերը համարձակութիւն են ապիս մեզ՝ զբա-
« ղեցնելու Չեր ուշադրութիւնը մեր ամենահպատակ խն-
« դիրքով:

« Թագաւոր, Չեր հպատակների կազմի մէջ կայ մի ամ-
« բողջ պրօֆեսսիա, որ դուրս է Արդարութիւնից, — գա-
« զրողների պրօֆեսսիան է: Մենք, գրողներս, կամ բոլո-

րովին զրկւած ենք մամուլի միջոցով մեր Հայրենիքին
ճառայելու հնարաւորութիւնից, ինչպէս այդ թեւադրում
է խիղճն ու պարտականութիւնը, կամ՝ առանց օրինական
մեղադրանքի և օրինական պաշտպանութեան, առանց
քննութեան և դատարանի, ենթարկուած ենք պատիժ-
ների, որոնք հասնում են նոյնիսկ մինչև ամբողջ հրա-
տարակութիւններ դադարեցնելուն: Մոսկ ադմինիստրա-
տիվ կարգադրութիւններով՝ մամուլի քննադատութեան
ըջմանից դուրս են նետուած մեր հասարակական կեանքին
վերաբերեալ խնդիրներ, որոնք ամենից շատ կարօտ են
կանոնաւոր, բազմակողմանի քննադատութեան: Մոսկ ադ-
մինիստրատիվ կարգադրութիւններով հասարակական
գրագարաններից և ընթերցարաններից վերցնում են
այնպիսի գրքեր, որոնք գրաքննութեան կողմից թոյլա-
ւորւած են:

Մտերոջ քաղաքակիրթ աշխարհը արդէն խոստովանում է
ուսուսաց գրականութեան մեծ նշանակութիւնը: Քարեհա-
ձեցէք ուրեմն, թաղաւոր, ընդունել նրան օրէնքի հովա-
նու տակ, որպէսզի միայն օրէնքից կախւած և ցենզորա-
կան անմիջական ազդեցութիւնից օրէնքով պաշտպանւած՝
ուսուսաց տպագրական խօսքը կարողանար, իր ուժերի հա-
մեմատ, ճառայել Ռուսաստանի փառքին, ազդեցութեան
և բարեկեցութեան:

Համեստագոյն էր խնդիրը և չափաւոր: Մամուլի ազա-
տութեան կոչ չէր այդ, և կամ պահանջ՝ ոչնչացնելու
գրաքննութիւնը, այլ արդար մի ականչանք՝ տեսնել մա-
մուլը հովանաւորւած, ազատ՝ կամայականութեան բիրտ
հարւածներից:

Եւ պատասխանը հնչեց՝

— Խստացնել:

— Վերացնել, — գոչեց մի այլ ձայն, որ գալիս էր
հեռուից, խրոխտ և սպառնական: . .

ՀԱՅԿԱԿԱՆ ԹԱՐԺՈՒՄԸ

(ՏԱՄՆՂԵՑԵՐՈՐԻ ՆԱՄԱԿ)

Նախկին նմայքը. — Արեւելեան քրիստոնեաների պաշտպանը. — Պետրոս Մեծի եւ Եկատերինէ կայսրուհու տրամադրութիւնը. — Յովսէփ արքեպիսկոպոս Արղութեանի ծրագիրը. — Արարատեան Թագաւորութիւնը. — Ռուս-պարսկական պատերազմները եւ Ներսէս Աշտարակեցիին. — Հայկական զօրագունը. — Ռուսաստանը չիրագործեց իր խոստումը. — Նոր դէպքեր. — Սան-Ստէֆանոյի եւ Բերլինի դաշնագիրները. — Կովկասեան ոգեւորութիւններ. — Ռուսաց քաղաքականութեան փոխելը. — Հալածանք թիրքահայերի շարժման դէմ. — Խստութիւններ Կովկասում. — Մի քանի փաստեր. — Զաղաքական կսկիծ:

— „Պաշտպան արեւելեան քրիստոնեաների“:

Փորձեցէք մի ժողովում, կամ հասարակութեան մէջ՝ արտասանել կամ կարգալ այդ գեղեցիկ խօսքերը, և ամեն մի ուսուս, ոչ միայն սլավոնաֆիլ, այլև շատ ազատամիտ, ինքնագոհ, ժպիտը երեսին՝ կը բացականչէ „Ռուսաստանն է այդ“:

Կեղծիք չը կայ այդ բացականչութեան մէջ, գուցէ միայն մոլորութիւն: Այդ մեծահոգի գերը, աջող թէ անաջող, երկար, շատ երկար եղաւ Հիւսիսի միապետութեան նշանաբանը, ոգևորողը և դրդիչը՝ այն երկարատե, համարեա անընդհատ կուլի ընթացքում, որ մըլեց քրիստոնեայ-Ռուսաստանի և հարեան մահմեդականութեան մէջ՝ մի կատաղութեամբ, որ յատուկ է կրօնական գոյն ունեցող ճակատամարտերին:

* Պետրոս Մեծը եղաւ այդ շարժման հիմնադիրը: Հակաւած դէպի Արևմուտք, ըմբոստ-միապետը չը կարողացաւ:

ստանարին կերպով նայել հարաւի անշարժ, քարացած միապետութեան, որն, ինչպէս ժայռ, կանգնած էր ուսական արշաւանքների հանդէպ, ու դեռ 1722-ին փորձեց փշրել այդ ժայռը և ճանապարհ բանալ դէպի հարաւ՝ սլավ զօրքի, սլավ ձգտումների առջև: Հեռատես, նա խնդն նկատեց այն վիճը, որ բաժանում էր քրիստոնեայ Աովկասը՝ Պարսկաստանից և քրիստոնեայ Բալկանը՝ Թիւրքիայից: Այդ վիճը լայնացնելու նպատակով սկսեց մի ջերմ պրօպագանդ և դա եղաւ սկիզբն այն խոր համակրութեան, որ ինչպէս հողմ տարածւեց Աովկասեան լեռների վրայ և Բալկանի ճորերում:

1769-ն էր: Ռուսաց մեծաքանակ զօրքը սահում էր դէպի Թիւրքիայի սահմանները՝ Բիւզանդիոնը քրիստոնէութեան գիրկը դարձնելու երազներով հարբած. միաժամանակ դալիս էր և Եկատերինէ կայսրուհու կոչը, ուղղած Բալկանի և Աովկասի քրիստոնէութեան, — կոչ ապստամբութեան, կոչ ըմբոստացման՝ ընդդէմ սուլթանական ըէփի: Անյուսութեան մատնած ազգերի մէջ ցոլացին յուսոյ ճառագայթներ...

Հայութիւնը անմասն և քնած չը մնաց ու հանդէս եկաւ հարաւում՝ իրրեւ քաղաքական կեանքի հետամուտ: Յովսէփ արքեպիսկոպոս Արղութեան (1743—1801), ժամանակի քաղաքագէտ-հոգեւորականը, ընդունակութիւն ունեցաւ մարմնացնելու իր համազգայինների տենչը և յենւած այն բարեկամական կապերի վրայ, որ ունէր Միապետուհու հետ, ներկայացրեց ուսաց կառավարութեան հասկան ինքնավարութեան ծրագիրը: Գրա հիմքը լոկ հայկական շահերը չէին, այլ ամենից առաջ այն մեծ օգուտը, որ պիտի ունենար Ռուսաստանը՝ կազմակերպելով իր սահմանների վրայ, իբրև թումբ մահմետական հարեանների դէմ, մի այլ քրիստոնեայ երկիր, որը թիկունք ունենալով մի ուրիշ քրիստոնեայ երկիր՝ անկախ Վրաստանը, կը լինէր և կը մնար

իրբև միապետութեան առաջապահ, անձնէր պահակ երասխի ատերին:

„Արարատեան թագաւորութեան“ գաղափարը հուանութիւն գտաւ Պետերբուրգում: Մկսվեցին բանակցութիւններ երկու կողմի մէջ և կանգ առան, թէև ոչ պաշտօնապէս, հետևեալ գլխաւոր կէտերի վրայ.

- Ա) Հայկական նահանգները կազմում են առանձին թագաւորութիւն, Ռուսաստանի անմիջական հովանու տակ:
- Բ) Հայերը հարկ պիտի տան Ռուսաստանին և պատերազմի ժամանակ՝ զօրք:

Գ) Երկիրը կառավարուում է իր սեփական օրէնքներով:

Դ) Ռուսաց մի զօրաբաժին պիտի մնայ Հայկական նահանգներում, որոշ ժամանակով, թէ՛ երկիրը պաշտպանելու և թէ՛ նրա վրայ հսկելու համար:

Ե) Հայոց թագաւորի ընտրութիւնը պէտք է կատարի կայսրուհու ձեռքով: Նա պիտի ունենայ իր դեսպանը Պետերբուրգի մէջ:

Չ) Մայրաքաղաքը՝ Երևան կամ Վաղարշապատ: Ազգային դրօշակ՝ երեք գոյնով:

Ի) Երկու երկինք կապում են առևտրական դաշինք և հաստատում մաքսային օրէնքներ:

Սակայն „հայկական ծրագիրները“ իրագործման բախտին չարժանացան: Եկատերինէի մահը, 1796-ին, և դրան հետևած փոփոխութիւնները՝ վերջ դրին սկսած փորձերին, նորածիլ յոյսերին:

Գրանով, սակայն, հայկական անձնիրութիւնը չթուլացաւ, և 19-րդ դարու սկզբում գա արտայայտեց շատ գեպքերում, երբեմն նոյնիսկ չափազանցած եռանդով: Գրա ապացոյցը պէտք է համարել Ալեքսանդր I կայսեր մի հրովարտակը՝ ուղղած հայութեան, 1813 թիւին:

„Մեր սիրելեալ և հաւատարիմ հպատակ համօրէն Հայոց ազգին, որ բնակուում է Վրաստանում, և նորան բազկայնող բոլոր դասակարգի անձանց՝ Մեր կայսերական շնորհները.

„ձյմարիտ գոհունակութեամբ տեսանք Մենք Վրաս-

տանի մեր պխաւոր հրամանատարի զեկուցումից՝ մեր սրտին ախորժելի նոր վկայութիւն այն հաւատարիմ հպատակութեան Երախտագիտական զգացմունքների, որոնցով վրաստանաւնակ հայոց բոլոր հասարակութիւնները միշտ ոգևորւած են եղել դէպի մեր բարձր նովանաւորութիւնն եւ Մեր հայրական հոգատարութիւնը՝ նրանց, ինչպէս եւ այնտեղի բոլոր ժողովուրդների բարեկեցութեան համար Նոքա ապացուցին այս զգացումները բոլոր դէպքերում հաստատուն հաւատարմութեան բազմատեսակ փորձերով։ Նոքա ցոյց տւին օրինակելի հաստատամտութիւնն եւ անձնիրութիւն այն միջոցին, երբ թեթեւամտութիւնը եւ չարակամութիւնը զուրջանք էին գործ դնում սասանեցնելու վրաստանում Մեր հաստատած խաղաղութիւնը, եւ խռովայոյզ հանգամանքների մէջ՝ մնացին հաստատ եւ անսասան, զոհելով իրանց ստացւածքը եւ բոլոր միջոցները, նոյն իսկ իրանց կեանքը՝ յողուտ Մեր ծառայութեան եւ ի բարօրութիւն հասարակաց։

«Վրաստանաւնակ ամբողջ հայոց ազգի եւ նորան բոլոր դասակարգերի այդպիսի ջերմեռանդութիւնը, նոյա ծառայութիւնները եւ մեծագործութիւնները Մեզ վրայ ախորժելի պարտականութիւն են դնում՝ վկայել ամբողջ աշխարհի առաջ Մեր դէպի նոյա ունեցած արդարացի երախտագիտութիւնը եւ բարեհաճութիւնը։ Թող պահելի այս վկայութիւնը ի պատիւ եւ ի փառս նոյա եւ ի յիշատակ ապագայ սերունդների։
«Մնում ենք դէպի նոյա Մեր Կայսերական բարեհաճողութեամբ։»

Ա.Լ.ԵՍՆԻՔԻ

1813, Սեպտեմբեր 15
Տեպլից

Եկան նոր յոյսերի օրեր, նոր հանգամանքներ։ 1826-1828 թւականներն էին։ Երասխի ասիերին ռուս-պարսկական զինամրցումը պատրաստում էր վճռական քայլաներ։ Հայ ժողովուրդը՝ կանգնած երկու մրցակիցների արանքում, կարևոր դեր ունէր կատարելիք։ Վարանում սեղի չունեցաւ։ Յափշտակւած գեղեցիկ խոստումներով հարութիւնը նորից իր աչքերը դարձրեց դէպի քրիս-

տոնեայ կառավարութիւնը և իր յոյսերի արտայայտութիւնը վստահեց Ներսէս Աշտարակեցուն (1770-1857), որ այնքան տաղանդով միացրել էր քաղաքագէտի խորամտութիւնը ռազմիկի համարձակութեան հետ: Ներսէս՝ ոգևորւած հինգերորդ դարու հայ կղերի օրինակով, խաչաւորւած և զինաւորւած, անցաւ հայ կամաւորների գլուխը և ուղղեց ամբողջ հայութեան մի կոչ, կոչ կուռի, կոչ ապստամբութեան:

Բռնկեց ժողովրդական ոգևորութիւնը. 1827-ին Թիֆլիզում կազմեց առաջին հայկական զօրագունը: Կամաւորների թիւը աճում էր ամեն ժամ, ամեն օր: Արշաւանքից երեք օր առաջ, այն է մարտի 30-ին, Ներսէս անձամբ կատարեց զօրահանդէս՝ վրաստանի մայրաքաղաքի հրապարակների մէկի վրայ, ոչ հեռու հայոց մայր եկեղեցուց: Նա եկաւ ձիով, մի ձեռքին խաչ՝ միւսում՝ սուր: Ողջոյններից յետոյ՝ հոգևորական-զօրապետը դիմեց իր գնդին մի ոգևորւած ճառով, և հազիւ աւարտած՝ զօրքը երաժշտական քայլերգը հնչեցնելով անցաւ իր պաշտելի պետի առջևից: Տեսարանը ազդեցիկ էր և ոգևորող: Ալեղարդ զօրապետի շնորհակալութեան ողջոյններին՝ կամաւորները պատասխանեցին որոտընդոստ՝ «կեցցէ՛ով»:

Մի քանի օր անցած՝ վանքի մայր եկեղեցում կատարւեց մի այլ փառաւոր հանդէս — հայկական գնդի դրօշակի օծումը: Նոյն օրը տարածւեց ռուսաց բանակի ընդհանուր հրամանատարի շրջաբերականը, ուղղած հայ ժողովրդին, որ վերջանում էր այս խօսքերով.

„ Հ ա յ ե ռ ,

„ Չեր եռանդը արժանաւորապէս վարձատրւած է: Մեծ կայսեր սղորմած աչքը դարձրած է դէպի ձեզ: Գուք կ'ունենաք ձեր „դրօշակի“ տակ սեփական զօրագնդեր: Չեղ շնորհւած է զէնք, որպէսզի դրանով օգնութեան հասնէք ձեր ճնշւած եղբայներին, ապահովութիւն տաք ձեր բն-

տանիքներին և գրաւելով կայսերական շնորհները՝ պաշտպան հանդիսանալ հայրենիքին»:

Նոյն տարւոյ մայիսի 17-ին հայկական զօրագունդը, բաղկացած աւելի քան 2000 հոգուց, ճանապարհ ընկաւ Էջմիածին և այնտեղից գէպի պատերազմի դաշտը: Հայ աղգաբնակութիւնը ճանապարհին ընդունում էր զինուոր-եղբայրներին սրտառուչ բերկրութեամբ — նոցա շարքերը սոււարանում էին նորանոր կամաւորներով, ենթակայ մի գերբնական յափշտակութեան:

Վրիւր վերջացաւ: Պարսիկները սղմեցին Արաքսի միւս կողմը: Եւ 1828 թւի յունվարի 25-ին Ներսէսը ստացաւ՝ շքանշանների հետ միասին՝ Նիկոլայ կայսեր շնորհակալութեան ու երախտագիտութեան հրովարտակը, թէ այն «գերազանց անձնիրութեան» համար, որ նա ցոյց տւեց ուսսաց արշաւանքներին՝ «նոյնիկ իր անձը վտանգի ենթարկելով» և թէ իբրև «արտայառութիւն կայսերական համակրութեան» գէպի հայկական ազգը:

Մեկայն ոչ Ներսէս և ոչ հայկական ազգը հրովարտակ, շքանշան չէին սպասում, այլ կայսերական խոստման կատարումն, որ վերաբերում էր գարձեալ նոյն խնդրին — հայկական նահանգների ինքնավարութեան:

Խոստումը, կատարելու փոխարէն, ենթարկեց ձրգձգման և գաղտնի փոթորիկների: Տարիները եկան և անցան: Աշտարակեցին, արդէն կաթողիկոս, գործ զրեց իր ամբողջ հմտութիւնը, սակայն անօգուտ: Պետերբուրգի հայեացքները Վովկասի վերաբերմամբ ենթարկեցին մեծ փոփոխութիւնների, և հայկական ինքնավարութեան գաղափարը, որ արդէն նկատում էր «անտեղի և տարօրինակ», յիսունական թւականներին՝ երբ Ներսէսի մի քանի ազգեցիկ բարեկամներն էլ իջան քաղաքական-վարչական բարձր ասպարէզից, հանդիպեց բացարձակ թշնամութեան: Միջոցներ չէին խնայւում՝ ազատելու մեծանուն ծերունու քաղաքական պահանջ-

ներից: Գուցէ այդ է պատճառը, որ Ներսէսի անսպասելի մահը, որ տեղի ունեցաւ 1857-ին, առիթ տւեց ծանր լուրերի . . . Հասարակութեան մէջ երկար ժամանակ կենդանի մնաց այն կարծիքը, որ կառավարութեան մարդիկ թունաւորեցին Աշտարակեցուն, որպէսզի հայկական ինքնավարութեան ծրագիրն էլ նրա մարմնի հետ միասին գերեզման գնեն. . .

Հայկական ինքնավարութեան խափանուով գրգռի և թշնամանքի աղբիւր չեղաւ: Ընդհակառակը յաջորդ տարիները հաշտութեան տարիներ էին: Ոգևորւած խաղաղ զարգացման փափաքով, գոհ այն ազատ հովերից, որոնք փչում էին պետութեան կենտրոնից 60-ական թւականների բեֆօրմների շնորհիւ, նւիրւած աշխատանքի և մտաւոր վերածնութեան, կովկասեան հայութիւնը փոքր առ փոքր մտացաւ Արարատեան թագաւորութեան ծրագիրը և նւիրեց Ռուսաստանին իբրև հաւատարիմ և անձնւէր մասը լայնածաւալ պետութեան:

Բայց Արարատեան թագաւորութեան նսեմացող գաղափարի հանդէպ՝ միաժամանակ զարգանում, աճում և ուռճանում էր մի այլ ծրագիր — թիւ բքաց Հայաստանի ազատութեան խնդիրը, իբրև անխուսափելի, հրամայական հետևանք քաղաքական և անտեսական այն դժոխային պայմանների, որոնց մէջ շղթայւած էր հայութեան մեծագոյն մասը օսմանեան պետութեան սահմաններում: Գէպի այդ նպատակի իրագործումն էր մղում ամեն ինչ — և՛ սուլթանական բեֆիմի յարաձուն այլանդակութիւնը, և՛ հայկական մաքի վերածնութիւնը, և՛ վերջապէս «Արևելեան քրիստոնեաների պաշտպանի» սպառնական որոտը՝ ուղղւած Կ. Պօլսի տիրապետողների գահին:

Ահա թէ ինչու 1876-ին, երբ «բօլքարական սարսափներին» յաջորդեց Էւրոպայի համատարած ցասման բողոքը, և իբրև արձագանք՝ Ալեքսանդր II սպառ-

նախընթաց կարգաց Աբղիւլ-Համիդին, որ դեռ չէր ար-
ժանացել Մեծ-Մարգասպանի պատմական ատղոսին,
կովկասեան հայերի մէջ ծագեց յոյսերի մի նոր ծա-
ռագայթ: Ակսվեց շարժում: Թիֆլիզը այդ շարժման
արտայայտիչն եղաւ:

1876 թւի դեկտեմբերին էր: Արոշւած էր պատրաս-
տել մի ուղերձ հայ հասարակութեան անունից, ուղղած
Ալեքսանդր II-ին, հրաւիրելով նրան օգնութեան հաս-
նել տառապող եղբայր-ժողովրդին: Գործի ձեռնարկողը
Գրիգոր Արծրունին էր: Պատգամաւորութիւնը, բազկա-
ցած ինն հոգուց, ներկայացուցիչ էր հասարակութեան
զանազան շրջանների: Աւելը՝ ներկայացրեց Մեծ-իշխան
Միխայիլ Նիկօլաւիչին, Թիֆլիզի պաշտաւմ: Գործին
պաշտօնական գոյն տալու համար՝ իբրև նախագահ հրա-
ւիրւած էր Թիֆլիզի քաղաքագլուխ Գիմիարի Աիպիանի,
ազգով վրացի, ջերմ համակրող հայկական դատին:
Մեծ-իշխանը սիրով ընդունեց պատգամաւորութիւնը,
յայտնեց իր համակրանքը հայոց դատին, ստացաւ ու-
ղերձը և անմիջապէս ուղարկեց մայրաքաղաք, իր թա-
գակիր եղբօրը:

Ահա ուղերձը.

„Ձեր կայսերական Բարձրութիւն,

„Բնակւելով ուսաց կառավարութեան հովանու ներքե
և վաղուց արդէն վայելելով՝ մեզ համար թանկագին պե-
տութեան հովանաւորութեան տակ՝ հանգստութեան և
խաղաղութեան բոլոր պարգևները, մենք Թիֆլիզ քաղաքի
բնակիչ հայերս, դրդւած քրիստոնէական մարդասիրութեան
զգացմանքից, չենք կարող անտարբեր մնալ դէպի այն
աներևակայելի տանջանքները, որ կրում են ասիական
Թիւրքիայի սահմաններում բնակաղ մեր ցեղակիցները և
համադաւանները, ուր ոչ անհատը, ոչ սեփականութիւ-
նը, ոչ կրօնը, ոչ քրիստոնէաների կեանքը և ոչ նրանց
ընտանիքի, կանանց և աղջիկների պատիւը ոչնչով չէ
ապահոված:

„Գիտենալով թէ որքան մեր Սիրելի Թագաւորը և ամ-

բողջ Ռուսաստանը անասճման համակրում են թիւրքահայաստակ քրիստոնեաների վիճակին, մենք թէ արիւնակից և թէ կրօնակից մեր եղբայրների դրութեան բարւոյրման ամբողջ յոյսը դնում ենք Ռուսաստանի հզօր հիղինակութեան ուժի վրայ և ապաւինում ենք միմիայն ինքնակալ Ասյարին:

« Բրիտանեական մարդասիրութեան, խոր ցաւակցութեան, ազգակիցութեան զգացմունքը դէպի մեր եղբայրներ՝ դրդեց մեզ դիմել Ձեր կայսերական Բարձրութեան Օգոստափառ միջնորդութեանը՝ և ամենահաւատարմաբար խնդրել Ձեր Բարձրութիւնը՝ արկանել թագաւոր Ասյարի տաների մօտ մեր ամենահայաստակ խնդիրը՝ պաշտպանել իր հզօր ձեռքով, թիւրքիայի այլ քրիստոնեաներին հաւատար կերպով, մահմետականութիւնից միշտ ճշնշւած հայոց ազգը, այն միջոցներով, որ Նախախնամութիւնը յանձնել է Նորին Մեծութեանը և որ Նա աւելի յարմար կը համարի»:

Իբրև համաձայնութիւն և համակրանքի արտայայտութիւն, Ալեքսանդր II հեռագրով յայտնեց «շնորհակալութիւն թիֆլիզի հայ ազգաբնակչութեան»:

Գատերազմը սկսեց: Ռուսաց զօրքերը՝ հայ գեներալների ղեկավարութեամբ՝ մտան թիւրքաց Հայաստան: Ամբողջ Հայաստանը բռնկեց եղբայրական համակրութեամբ դէպի քրիստոնեայ ազատարները: Հալածական ժողովուրդը իրեն երազում էր փրկութեան նախագալութում: Իսկ Աովկասի հայերը՝ օգևորւած եղբայրակիցների մօտալուտ անկախութեամբ, մոռացած անցեալի վէրքերը, օրհնում էին այն օրը, երբ պատմութիւնը իրենց կապեց Ռուսաստանի հետ . . .

Եւ երբ 1878 փետրւար 19-ին, ռուսաց զօրքերի թափած արեան շնորհիւ, ստորագրեց Սան-Ստեֆանոյի դաշնագրի 16-րդ յօդւածը, ինքնավար Հայաստանի հարցը շատերը համարում էին արդէն հիմնագրւած: Այդ յօդւածը ասում է.

« Որովհետև ռուսաց զօրքերը Հայաստանի մէջ դրւած երկիրներից յետ քաշուելուց յետոյ՝ յիշեալ անդերում կարող են կռիւներ ու խառնակութիւններ տեղի ունե-

նալ, որոնք երկու պետութիւնների լաւ յարաբերութիւնները կարող են խանգարել, Բարձրագոյն Դուռը յանձն է առնում անյապազ իրադործել այն բարոքբումներն ու բարենորոգումները, որ տեղական պիտոյքները պահանջում են նայոյ բնական նահանգների մէջ, և և երաշխաւորել նրանց ապահովութիւնը քրդերի և չէրքէզների դէմ:

Ոգևորութեան շեշտած նշաններ երևացին հայութեան մէջ: Գաշնագիրը, մտածում էին նոյնիսկ շատ հեռատեսներ, անբովանդակ խոստումն չէ, այլ յուսատու ակտ, որովհետև նրա ետև կանգնած է գործադրող ուժը: Ինքը ներսէս Վարժապետեան, սկզբներում կասկածոտ դէպի ուսաց քաղաքականութիւնը, անձամբ շնորհակալութիւն յայանց Ալեքսանդր 11-ի ներկայացուցչին՝ այդ մեծախօստում սկզբնաւորութեան համար:

Բայց ահա գումարեց Բերլինի վեհաժողովը: Գերմանական մայրաքաղաքում, մանաւանդ այն օրերին, երբ ամեն ինչ ենթակայ էր Բիսմարկեան նենգ քաղաքականութեան, անգլիական ծրագիրը հանդիպեց համակրութեան: Իսկ այդ ծրագիրը որոշ էր և անողորմ — յետ մղել սլաւ միապետութիւնը և Պոլսի շրջականներից և որքան կարելի է սղմել նրա ազդեցութեան շրջանը: Անգլիական դիւանագիտութեան երկու ազդեցիկ ներկայացուցիչները, լորդ Բիկոնսֆիլդը և լորդ Սոլսբիւրի, հաւատարիմ գաւազիր դիւանագիտութեան յաւիտենական ոգուն, ոչնչացրին Սան-Ստէֆանոյի գաշնագիրը, հակառակ Ալեքսանդր 11-ի սրտաբուխ բողբներին, կործանեցին Մեծ-Բօլզարիայի ծրագիրը, վերադարձրին «բօլզարական սպառնալիքների» հեղինակին նրա կորցրած ուժի մի մասը, ստիպեցին դուրս հանել Հայաստանից ուսաց զօրքերը և ստեղծեցին Բերլինի գաշնագրի 61-րդ յօդածը, որ խմբագրւած է այսպէս.

«Բարձրագոյն Դուռը յանձն է առնում անյապազ գործադրել այն բարոքբումներն ու բարենորոգումները, որ պահանջում են տեղական պիտոյքները նայոյ բնական

նահանգների մէջ, և և երաշխաւորել նրանց ապահովութիւնը չէր քէզնների ու քրդերի դէմ: Բարձրագոյն Դուռը այս նպատակի համար ձեռք առնւած միջոցները պարբերապէս պիտի ծանօթացնէ պետութիւններին, որոնք պիտի հսկեն նրանց գործադրութեան վրայ:

Այդ դժբախտ յօդւածը, որ հիմնւած էր թիւրքաց կառավարութեան «բէֆօրմատօրական բարեհայեցողութեան» վրայ, առանց արտաքին միջամտութեան, առաջ բերեց հայ ազգի բոլոր շրջաններում խոր թըշնամութիւն դէպի Անգլիան, իբրև հեղինակ այդ յօդւածի, աւելի բուռն դարձնելով այն բարեկամական զգացմունքները, որոնք մանաւանդ պատերազմի և Սան-Սաէֆանօյի 16-րդ յօդւածի պատճառով՝ երևան էին եկել հայերի մէջ դէպի Ռուսաստանը:

Այդ տրամադրութիւնը տեւեց և պատերազմից յետոյ, մի քանի տարի շարունակ: Ընդօնում չը կար հայանպաստ շարժում: Թայմզի ամերիկն այլևս ոչ որ չէր յիշում Հայաստանը: Իսկ Կովկասում, գլխաւորապէս Թիֆլիզում, դեռ բուռն կերպով շարունակուում էր այն պրօպագանդը, որ պատերազմի օրերից արդէն մղւում էր յօգուտ թիւրքաց հայերի ազատութեան: Կովկասի հայոց մամուլը, թէև ենթակայ ուսաց գրողներութեան, բարձրագոյն բողոքներ էր արձակում թիւրքաց բռնութիւնների դէմ: Ամեն կողմ՝ ազատ հանգանակութիւններ էին կատարւում յօգուտ թիւրքահայ սոյլեալների, թիւրքահայ պանդուխտների, Թիւրքիայում գոյութիւն ունեցող հայկական ընկերութիւնների:

Բուռն գործունէութեան շրջան էր այդ:

Արարատեան նահանգից կամաւորներ, պրօպագանդիստներ, քաջալերողներ էին անցնում սահմանը և դէպի սարկութեան ձորերը տանում՝ ապստամբութեան հրաւերներ: Բաֆֆին իր հմայիչ վէպերի մէջ այդ ապստամբութեան ծրագիրն էր տալիս. Արծրունին՝ կրա-

կոտ յօդւածներով հայկական ինքնավարութեան այնքան գրաւիչ գաղափարն էր ժողովրդացնում, իսկ Բաֆայէլ Պատկանեան ռազմիկի սրտում մարտի մոխրածածկ կրակն էր բորբոքում. . . Նոյնիսկ թիւքահայ գրողները՝ Ծերենց իր վէպերով և փորժուգալեան իր յօդւածներով՝ կովկաս էին ապաստանում ընդհանուր պրօպագանդը առաջ մղելու համար: Երբձեցման խորհրդաւոր շրջան էր: Եւ այդ մերձեցման մէջ կռոււմ, կոտորում էր ապագայ կազմի գաղափարն ու ծրագիրը . . .

Կառավարութիւնը այդ շատ լաւ գիտէր: Կաւ գիտէր, որովհետեւ ռուսաց հիւպատոսները այդ միջոցներին թիւքաց շայաստանի մէջ հայ տարրի ամենաջերմ պաշտպաններն էին, շատ դէպքերում նոյն իսկ գրգռողներ: Ամենակասկածելի նամակներն և հրատարակութիւնները թիւքիա էին ուղարկւում նոյն հիւպատոսների միջոցով, ինչպէս և դրամ ու ամեն տեսակ օգնութիւն . . .

Բորբոքման շրջանը, աւանդ, շատ երկար չը տևեց: 80-ական թւականների կէսին սկսեց «քաղաքական գործագուլ», — տիրեց լուութիւն կովկասում, լուութիւն և Պօլիս, լուութիւն Եւրոպա: Այդ ընդհանուր լուութիւնը, ճիշտ է, երբեմն-երբեմն աղմկւում էր հեծկլտող ժողովրդի ուժգին ճիչով կամ դեսպանական որևէ զեկուցագրով, բայց նա լինում էր շատ կարճատև և աննկատ, զուրկ տպաւորութիւնից . . .

Բայց ահա՛ 90-ական թւականները յուզիչ լուրերով: 1890-ի յունիսի 8-ին «Չայնը հնչեց Էրզրումի լեռներէն» և կարինի յայտնի ընդհարումը նորից լարեց կովկասեան հայերի «ննջած» ուշադրութիւնը, մանաւանդ որ դրանից քիչ առաջ Վանի մօտ երկու հայ պրօպագանդիստների՝ Գօլջեանի և Ագրիպպասեանի սպանութիւնը թիւքը զինւորների ձեռքով քաղաքական կարևոր դէպքի արժէք էր ստացել արդէն: Գրան յաջորդեց

Կ. Պօլսի առաջին ցոյցը, 1890 յուլիս 15-ին, „Հնչա-
կեան“ կուսակցութեան մասնակցութեամբ: Եւ այդ բոլորից
յետոյ տեղի ունեցած դիւանագիտական մի քանի հար-
ցապնդումներն ու փոքրիկ աղմուկը եւրոպական մամուլի
մէջ՝ կովկասեան հայերի առջև վերականգնեցրին „հայոց
հարցը“ — [Թշուառ եղբայրների ազատութեան հին խնդիրը:

Գարձեալ շարժում և յուզմունք, դարձեալ երիտա-
սարգ ուժերի մի նոր հոսանք դէպի թիւրքաց Հայաս-
տան և այս անգամ աւելի ուժգին, աւելի կազմակերպ-
ւած ձևով: Շարժումը ընդհանրացաւ: Նա մուտք գոր-
ծեց գիւղերն անգամ: Արևան եկան կառող խմբեր և
գրա հետ միասին պահանջ՝ կազմակերպելու բաժան-
բաժան ոյժերը: 1890 թւի ամառն էր, երբ հիմնադրուեց
յեզափոխական մի նոր կազմակերպութիւն՝ „Գաշնակ-
ցութիւնը“, որ նպատակ ունէր մի կողմից թեև ու թի-
կունք լինել դէպի երկիր դիմող ուժերին, միւս կող-
մից՝ միացնել, դաշնակցել գոյութիւն ունեցող յե-
զափոխական մարմինները, — „երիտասարգ Հայաստանը“
կազմւած Թիֆլիզ, „Արմենիական“ խումբը՝ կենտրոնա-
ցած Վասպուրական, և „Հնչակեան“ կուսակցութիւնը՝
հիմնադրուած արտասահման: Գործին յարեցին հայ հա-
սարակութեան սկանաւոր ներկայացուցիչներ, ինչպէս և
երիտասարգութեան լաւագոյն ուժերը: Նոյն այդ ժա-
մանակն էր, որ Աարսի մօտ, թիւրքաց Հայաստանի սահ-
մանների վրայ, հանգէս եկաւ ապստամբական մի խումբ,
երիտասարգ Աուկունեանցի ղեկավարութեամբ: Ոգևորու-
թիւնը այնքան զօրեղ էր, որ շատերը շտապեցին միա-
նալ այդ խմբին, մճռած ներս խուժել Հայաստան և
բարձրացնել ապստամբութեան գրօշը:

Սակայն ոգևորութիւնը շուտով ջլատուեց:

Առաւմարութիւնը, որ քաջ գիտէր անցած-դարձածը
և բոլորին հաշտ աչքով էր նայում, յանկարծ փոխեց
իր „տեսակէտը“: Պետերբուրգից ուղարկւած հրամանի

համեմատ՝ ոստիկանութիւնը ցոյց տւեց իր «ատամները» : Մի քանի անձեր, որոնք հայկական շարժման գլխաւոր ղեկավարներն էին համարոււմ, հրահանգ ստացան ձեռք վերցնել այդ գործից, «եթէ չեն ուզում ամենաճանր պատասխանատուութեան ենթարկուել» : Խիստ կարգադրութիւններ եղան դէպի Հայաստան փոխադրող ղէնքերի և մարդկանց դէմ՝ տեղի ունեցան մի քանի խուզարկութիւններ և ձերբակալութիւններ : Ի լրումն այս բոլորի՝ Առեւտրային խումբը, որ սահմանի վրայ մի ընդհարումից յետոյ ձերբակալւած և բանտարկւած էր, ենթարկուեց անսովոր խստութիւնների և, ինչպէս յայտնի է, վերջումն էլ տաժանակիր աշխատանքների, «յօրինակ այրոց» . . .

Խստութիւնները սկսեցին, ճշմարիտ է, բայց որոշ վերապահութեամբ : Եւ այդ պատճառով կառավարութեան բոլոր կարգադրութիւնները հայոց շարժման դէմ՝ աշխատում էին պահել գաղանի, ծածկուած հասարակութիւնից, վարագուրւած :

Ինորոշ փաստ : Հանրաժանօթ մի հայ, թիֆլիզաբնակ, 1891-ին կանչոււմ է թիֆլիզի նահանգապետի մօտ, որ յայտնում է նրան, թէ կառավարութիւնը այժմ չէ կարող հաշտ աչքով նայել հայկական շարժման, և այդ պատճառով պէտք է հեռու մնալ ունէ պրօպագանդից : Հայ գործիչը պատասխանում է. «Աովկասեան հայերը պատերազմից յետոյ մինչև այժմ էլ այն համոզման մէջ են, որ կառավարութիւնը դէմ չէ թիւրքաց հայերի շարժման, և այդ պատճառով ամեն որ ձգտում է բատիր կարողութեան՝ օգնել տանջող եղբայրներին : Սակայն եթէ այժմ որեւէ պատճառով կառավարութիւնը փոխել է իր հայեցակէտը, իմ կարծիքով, լաւ կը լինէր պատասխանել այդ մասին յայտարարել, որպէսզի թէ հայերը զգոյշ լինեն և թէ ծանր թիւրիմացութիւնների առաջն առնելի» :

Նաճանգապետը, համակրելով առաջարկին, յայտնում է, որ ինքը՝ անկարող ունէ քայլ անելու, կը զեկուցանէ կառավարչապետին, ինդրելով նրա կարծիքը: Մի քանի օրից յետոյ բարեմիտ նաճանգապետը տեղեկացնում է հետևեալը. «Ես յայտնեցի ձեր առաջարկը կառավարչապետին, սակայն նորին պայծառափայլութիւնը նկատեց, որ պ ա շ ա օ ն ա կ ա ն յայտարարութիւն չէ կարող լինել՝ այն պարզ պատճառով, որ կառավարութեան քաղաքականութիւնը դէպի հայոց հարցը կարող է նորից փոխուել: այժմ այդ քաղաքականութիւնը հաշտ աչքով չէ նայում հայոց շարժման, բայց մի քանի տարուց յետոյ նա կարող է փոխուել» . . .

Անցաւ երեք տարի:

1894 թւի աշնանն էր: Սասունի լեռներից հնչեց քաջարի լեռնականների յուսահատ կոչը: Շղթայած, բայց անընկճելի սասունցու աղատասէր ձայնը՝ աւելի ուժգին, քան նրա հնածե հրացանի անզօր որոտը, թնդացրեց հայութեան սիրտը: Բոլորի աչքերը դարձան դէպի Տալոսիկը. յուզեց մինչև իսկ Եւրոպան: Ա. Պօլիսը աղմուկեց. դեսպանական շրջաններում կրկին յարութիւն առաւ հայոց հարցը, և Անգլիայի ու Ֆրանսիայի ներկայացուցիչների հետ միասին Պետերբուրգի միապետութեան պատուիրակն էլ, Պրժեմլալսկի, Ճանապարհ ընկալ դէպի անմատչելի լեռները՝ քննելու հայկական «առաջին սարսափները», լսելու ըմբոստ լեռնականների գանգատները . . .

Ամբողջ Եւրոպան հայոց հարցով էր զբաղւած:

Կարող էին միթէ լուռ մնալ հարազատ եղբայրները, կովկասեան հայերը, որոնց առաջ այդ օրից կանգնած էր մի պարտականութիւն — ամենամեծը մարդկային պարտականութիւններից:

Չբաւականացած մասնաւոր ձեռնարկներով, կովկաս-

եան հայերը շտապեցին պաշտօնական կերպարանք տալ իրենց ցանկութեան: Շատ քաղաքներից բազմաթիւ ստորագրութիւններով դիմումներ եղան Էջմիածնի հայոց կաթողիկոս Խրիմեանին, պատգամաւորներ գնացին, առաջարկելով նրան՝ Պետերբուրգ գնալ և կովկասեան հայերի կողմից թագաւոր կայսրի զօրեղ աջակցութիւնը խնդրել թիւրքաց հայերի ազատութեան համար: Աթողիկոսը ենթարկեց այդ տրամադրութեան և, չնայած ձմերային ցրտին ու զառամեալ հասակին, ուղևորեց Պետերբուրգ, ներկայացաւ միապետին և հրապարակական մի ճառի մէջ այս խօսքերն արտասանեց՝ «Հայերի միակ պաշտպանը ռուսաց կայսրն է, որից և հայերը սպասում են օգնութիւն»: Հեռագիրը անմիջապէս տարածեց ամեն կողմ հայոց եկեղեցու պետի այդ խօսքերը, որոնք սուած էին այնքան վճռական, այնքան շեշտած կերպով, որ մինչև իսկ մի փոքր աղմուկ բարձրացրին Վ. Պոլսի դիւանագիտական շրջաններում: Պոլսի անգլիական դեսպան Ֆիլիպպ Քրքրի, հայկական շարժման ջերմ կողմնակից, անմիջապէս դիմեց պատրիարք Մատթէոս Խլմիրլեանին՝ յայտնելու իր զարմանքը «ամենայն հայոց կաթողիկոսի խօսքերի առիթով, արտասանւած մի այնպիսի բոպէին, երբ հայոց հարցը միջազգային քննութեան նիւթ է, բոլոր մեծ պետութիւնների հովանուտակ» . . .

Արայ հասաւ 1895 թւականը:

Թւական յոյսերի և սպասելիքների:

Շարժումը երկունքի վերջին օրերումն էր: Ապասելով եղբայրների մօտալուտ ազատութեան, կովկասեան հայերի ոգևորութիւնը հրաշքներ էր գործում: Երկրի մէջ ամբողջ հայութիւնը իրեն զգում էր նոր կեանքի նախասննեակում և անհամբերութեան զօրեղ նշաններ էր ցոյց տալիս: Պոլսում մշակուում էր բէֆօրմների ծը-

րագիրը: Հակառակ Աբգիւլ-Համիզի գաւերի՝ միակամ
Եւրոպան յազմանակի վրայ էր, — մայիսեան բէֆօրմ-
ների ծրագիրը խմբագրւած՝ պատրաստ էր . . .

Մնում էր մի բան, և ամենակարևորը սուլթանները
երկրում — գործադրել ծրագիրը: Եւ Հէն-
այն ժամանակ, երբ արհրաժեշտ էր կառավարութիւն-
ների կատարելալ համերաշխութիւնը՝ Վ. Պօլսի հրամա-
նատարի կամակորութիւնը ջախջախելու համար, — տեղի
ունեցաւ քաղաքական դաւ. դեսպան Նելիգօփ, հրա-
հանգւած իր կառավարութիւնից, երկգիմի դիրք բռնեց
դաւաճանօրէն բաժանեց իր պաշտօնակիցներից և քիչ
անցած՝ հրաժարեց պաշտպանել սատիպողական
միջոցների գործադրութեանն առաջարկը
այն գէպքում, եթէ Թիւրքիան յօժարակամ չ'ընդունէր
հայկական բէֆօրմները: Պա հայկական ողբերգութեան
նախանշանն էր: Պերմանական դեսպանը, հաւա-
տարիմ՝ իր կառավարութեան նենգ քաղաքականութեան
„իւղ աւելացրեց կրակի վրայ“, — պառակտումը սաստ-
կացաւ: Սուլթանական պալատում նոր յոյսեր տածեցին:
Արևմտեան Եւրոպայից դիմումն եղաւ ուսաց արտա-
քին գործերի մինիստր Լօբանօվ-Րօստօվսկուն, համոզե-
լու դիտումով, բայց ցարի մինիստրը պարզապէս կրկնեց,
որ „Ռուսաց կառավարութիւնը բացարձակապէս հա-
կառակ է սուլթանի վրայ ստիպողական միջոցների գոր-
ծագրութեան“:

Այդ օրից ամեն ինչ փոխեց: Եւ սկսեց նոր շրջան:
Հակահայկական տեսակէտները, մինչև այդ դուցէ
մոխրի տակ ծածկւած, հրապարակ եկան՝ բուռն կեր-
պով, իրենց ամբողջ մերկութեամբ: Մոռացեցին հայ-
կական անցեալ ծառայութիւնները, մատուցած Ռուսաս-
տանին: Մոռացեցան ուսաց միապետների պաշտօնական
խոստումներն ու համակրանքները: Մոռացեց ամբողջ
պատմութիւնը: Միապետական կառավարութիւնը ցնցեց:

կրբ իր առաջ կանգնած տեսաւ մի ժողովուրդ, ըմբոստ՝ սարուկ անցեալի դէմ, դժգոհ՝ արիւնոտ ներկայից և ձգտող՝ դէպի լաւագոյն ապագայ . . .

„Զը կայ հայկական հարց“ — այս եղաւ նշանաբանը։ Եւ հաւատարիմ՝ դրան՝ „արևելեան քրիստոնեաների պաշտպանը“՝ Բաքաթապի, պաշտօնակա՛ն հաւածանք սկսեց ոչ միայն հայոց հարցի, այլև առհասարակ հայութեան դէմ։ Արգելեց գրել, խօսել։ Աստիկանական հսկողութիւն սկսեց Աովկասից թիւրքաց շաշաստան և թիւրքաց Հայաստանից Աովկաս անցնողների վրայ։ Վկուցին խուզարկութիւններ, ձերբակալութիւններ և բանտարկութիւններ. աքսորը եղաւ սովորական։

Ըմեն ինչ ընկաւ կասկածի, հսկողութեան տակ։ Հայերին արգելեցին նոյնիսկ փող, հաց և ապաստան տալ թիւրքահայ գաղթականներին։ Մարդասիրական օգնութեան գործը դարձաւ քաղաքական յանցանք։ Հայոց մամուլին և բարեգործական հիմնարկութիւններին արգելեց հրաւերներ կարդալ և փող հանգանակել՝ յօգուտ անտուն գաղթականների և հալումաշ փոխտականների։ Մտքերը խաղաղեցնելու նպատակով՝ բարձրագոյն հրամանով թողատուեց հանգանակութիւն անել յօգուտ գաղթականների — քարերը կ'աղաղակէին, եթէ թող չտրուէր — բայց կենդանի գործը մեռած տառ դարձնելու համար, կարգադրեց, որ այդ փողերը ուղարկեն կովկասեան կառավարչապետին, որ միայն իրաւունք ունէր, ո ս ս տ ի կ ա ն ու թ ե ա ն միջոցով, փող բաժանել գաղթականներին։ Բայց գիտէ՞ք՝ ինչ կը նշանակի „ոստիկանութիւն“։ Ռուսաստանում։ Գա այնքան խիստ է և անմատչելի, որ գաղթականները աւելի լաւ էին համարում քաղցած մնալ, քան թէ ոստիկանութեան դիմել։ Եւ եթէ գիմէին էլ, հեշտ է միթէ հազար ու մի պաշտօնական ձևականութիւններով փող ստանալ մի այնպիսի

բարձր հիմնարկութիւնից, ինչպէս է կառավարչապետի
դիւանատունը: Այդ պատճառով է ահա, որ ճիշտ այն
ժամանակ, երբ Աովկասի զանազան կողմերում գաղթա-
կանները հալւում էին քաղցից կամ փետանում գոմե-
րում, երբ տարափոխիկ հիւանդութիւնները կոտորածներ
էին անում նրանց շրջանում, — հաւաքած փողերը
աւելի քան 60 հազար բուբլի, մնում էին անձեռն-
մխելի կառավարչապետի դիւանատանը, և երեւի դեռ
երկար կը մնան, այն խաբէբայ պատճառաբանութեամբ
թէ «կարիք չկայ», մինչև որ կը գայ ժամը մի «աս-
տածահաճոյ» գործ կատարելու, ուղղափառ եկեղեցի
կառուցանելու Անդիժանում կամ Բուխարայի խանու-
թեան ուէ քաղաքում...

«Կառավարչական հոսանքը» այնքան փոխուեց, որ ոչ
միայն թոյլ չէին տալիս նոր բան գրել յօգուտ թիւր-
քահայերի, այլև շատ գրքեր, որոնք մի քանի տարի
առաջ ուսաց գրաքննիչների թոյլաւութեամբ տպա-
գրւած էին Աովկաս, արգելեցին երկրորդ անգամ տը-
պագրւելու: Այդպէս, օրինակ, Բաֆֆիի «Կայծերը»,
«Խենթը», «Սամուէլը», որոնք լոյս են տեսել Բիֆի-
զում և որոնց մէջ բնականաբար մի հատ բառ անգամ
չկայ Ռուսաստանի դէմ, թոյլաւութիւն չստացան եր-
կրորդ անգամ տպագրւելու և այդ պատճառով դա
տեղի ունեցաւ արտասահմանում, Աիէննայի Միսիթար-
եան միաբանութեան տպարանում: Նոյնը կարելի է ասել
և ուրիշ շատ գրւածքների մասին: Փորձ փորձեցին մի
քանի գրքեր տպագրել Պետերբուրգում և Մոսկվայում,
ուր հայոց տպարաններ կան և ուր, ինչպէս մայրաքա-
ղաքներում, ցենզորական պայմանները համեմատաբար
թեթեւ են: Բայց անօգուտ: Շատ շուտով Պետերբուրգի
գրաքննիչին կարգադրութիւն ուղարկեց շատ խիստ լի-
նել հայերէն գրքերի վերաբերմամբ, և շնորհիւ այդ
կարգադրութեան՝ այժմ երազել անգամ չէ կարելի

շատ հասարակ բրօշիւրների վերատպութեան մասին: „Հայոց հարց“ բառն անգամ արգելւած է: Սահմանի միւս կողմը կատարուող ողբերգութիւնների մասին՝ և ոչ մի ակնարկ: Ամենախիստ միջոցներ են ձեռք առնւած Եւրոպայից եկող հրատարակութիւնների դէմ: „Գրօշակ“ կարգալը քաղաքական յանցանք է: Ոչ միայն յեղափոխական լրագիրները, ինչպէս „Հնչակ“, այլ նոյնիսկ չափաւոր „Արմէնիա“, „Ընթացիկ“ արգելւած են, թէև ոչինչ չեն գրում՝ ոռուսաց կառավարութեան դէմ: Նոյնը՝ բոլոր հրատարակութիւնների վերաբերմամբ. բաւական է, որ հայերէն է: Այն, ինչ կարելի է տպագրել ոռուսերէն լեզուով, մինչև անգամ վրացերէն, թիւրքերէն, նոյնը չէ կարելի հրատարակել պետութեան „համահաւասար“ հպատակ հայոց լեզուով, որովհետև այդ „աչքի փուշ“ դարձած հայերի մասին ամեն տեղ առանձին կարգադրութիւններ են ուղարկւած: Այդ նոյն պատճառով դարձեալ, Թիֆլիզում կամ Աովկասի ուրիշ ուէ քաղաքում, ցանկացողը կարող է ոռուսերէն դասախօսութիւններ կարգալ, իսկ հայերէն — երբէք: Դա էլ արգելւած է:

Աւելի նախանձելի չէ հայոց թատրոնի վիճակը: Շատ պիէսներ, գլխաւորապէս պատմական կեանքից վերցրած, արգելւեցին: Քառորդ դար կը լինի, որ Թիֆլիզի հայոց թատրոնը վարդանանց տօնին, — որը միաժամանակ և եկեղեցական տօն է, — ներկայացնում էր մի պատմական-ժողովրդական ողբերգութիւն՝ „Վարդանանց պատերազմը“: շատ հաճելի ամբոխին: Պիէսը արգելւեց: Իւր դա այն պատճառով, որ նրա հերոսը՝ Վարդան Մամիկոնեան, որ ապրում էր մեզանից 14 դար առաջ, կարող է „հայրենասիրական“ զգացումունքներ ներշնչել հանդիսականներին: Նոյն տեսակէտով արգելւեց և մի այլ ողբերգութիւն՝ „Շուշանիկը“, որ յատկապէս սիրելի էր Թիֆլիզի ժողովրդին, որովհետև մինչև

այժմ էլ այդ քաղաքում գոյութիւն ունի կրօնա-
սէր հերոս-օրիորդի անւան նւիրւած եկեղեցին, շր-
ջապատւած կրօնական լեզենդաներով. . . Եւ որպէսզի
գաղափար կազմէք, թէ ինչքան երախտալուստ է
այդ կարգադրութիւնը, բաւական է յիշել, որ «Աւար-
դանանց պատերազմը», որ տեղի ունեցաւ 5-րդ դա-
րում» քրիստոնեայ հայերի և կռապաշտ Պարսկաստանի
մէջ, մինչև այժմ էլ ազատ կերպով ներկայացնում
է Պարսկաստանում, ուր մի քանի անգամ պարսից թա-
գաժառանգը և պարսից մեծամեծները գնացել են Թաւ-
րիզի հայոց թատրոն՝ տեսնելու այդ «վտանգաւոր»
ներկայացումը. . .

«Տեղական» խստութիւնները բաւական չէին, և ահա
Վ. Պօլսից ստացուում է դեսպան Նելիդօւլի մի գրու-
թիւնը, որով նա՝ խոնարհւելով թիւրքաց կառավարու-
թեան «պահանջի» առջև, մինիստրութեան միջոցով
առաջարկում է կովկասեան կառավարչապետին «հար-
կաւոր միջոցներ ձեռք առնել, որպէսզի Թիֆլիզի հայոց
մամուլը դադարի Թիւրքիայի դէմ յարձակումներ գոր-
ծելուց» և առհասարակ «կովկասի հայերը յետ կանգ-
նեն թիւրքաց հայերին գրգռելուց», քանի որ դա
«փչացնում է երկու հարեան պետութիւնների բարե-
կամական յարաբերութիւնները»: կովկասի հայատեաց
իշխանութեանն էլ այդ էր պակաս: Խստութիւնները
տասնապատկեցին և, իբրև հետեւանք այդ բոլորի, ամ-
բողջ Ռուսաստանը ականատես եղաւ, թէ ինչպէս 1895
Թւականից իվեր՝ հսկայական հալածանքը քանի գնաց՝
աճեց, զարգացաւ և ընդունեց քաղաքական պա-
տուհասի կերպարանք:

Հասան ոճրի տարիները, 95-96 թւականները:

Կատարեցաւ պատմութեան մէջ չլուած, չտեսնւած
անարգարութիւն: Նոյն այդ գժբախտ օրերին, երբ ամ-

բողջ Հայաստանում իրագործուում էր Մեծ-Մարդասպանի
ահաւելի ծրագիրը — կոտորել Հայերին՝ հայոց հարցը
վերջնականապէս կործանելու համար. երբ Տրապիզոն,
Էրզրում, Ալէն, Ուրֆա, Ալան, Կ. Պօլիս արեան գետեր
էին հոսում, երբ հարազատ եղբայրների երկրից փչում
էր խողխողած գիւղերի հոս. երբ բռնապետի սուրբ
մահ էր տարածում խաղաղ ժողովրդի անպաշտպան
հայրենիքի բոլոր ծայրերում, — նոյն այդ դառն օրերում
կովկասեան հայութեան խստիւ արգելւած էր ոչ միայն
բողոքել, այլ մինչև իսկ վշտակցել, ոչ միայն օգնութեան
ձեռք մեկնել, այլև լաց լինել. . . Եւ նա ստիպւած էր,
իբրև սարուկ, կուլ տալ իր արտասուքները, թագցնել
իր անսահման վիշտն ու կսկիծը . . .

Եւ յորպիսի հակապատկեր:

Ճիշտ այդ ժամանակ էր, որ ցամաան թնդիւններ էին
տարածւել ամբողջ Եւրոպայում. — բողոք պարլամենտ-
ներում, հրապարակական գասախօսութիւններ, ամբողջ
շարժում մամուլի մէջ: Հայկական կոտորածները անվերջ
դասախօսութիւնների և գրելու առարկայ էին: Աճնդո-
նում հայասէր միտինգները յաջորդում էին միմեանց,
իսկ Պետերբուրգում տիրում էր գերեզմանական լու-
թիւն: Փախստական սասունցիները՝ հազարաւոր վերստեր
անցնելով, Աճնդոն հասան և ջերմ ընդունելութիւն գտան
բոլոր շրջաններում, ինչպէս և Հօլարդընի գղեակում,
ուր Գլադստօն յուսատու խօսքերով և բողոքի մանչիւ-
նով ընդունեց արիւնաքամ ժողովրդի բեկորները, մինչդեռ
Պետերբուրգում՝ փախստական խղճուկ հայը անկիւն
չէր գտնում նոյնիսկ „գիշերային ապաստարանների“
մէջ: Պարիզում կոչերը յաջորդում էին կոչերին, գրքեր
էին լոյս տեսնում, փողեր էին հաւաքում յօգուտ որբ և
քաղցած հայերի, իսկ Թիֆլիզում յիշատակութիւն ան-
գամ չէին թող տալիս: Շվեյցարիա կօմիտէներ էին
կազմուում յանուն հայերի. Գանիայում ինքը թագուհին

էր անցել Հանգանակութեան գործի գլուխը հեռաւոր Ամերիկայում, մինչև անգամ Գերմանիայում, միախօսարահան ընկերութիւններէ ին կազմուում օգնելու մի ամբողջ ժողովրդի խեղճ մնացորդներին, — իսկ Ռուսաստանում, այն երկրի մէջ, որը 1878 թւին Սան-Ստեֆանոյի դաշնագիրը ստեղծեց, որի սահմանների վրայ հայկական արիւնը յաճախ խառնեց ուս զինւորների արեանը՝ յանուն ընդհանուր գործի, փախստական հայը գլուխ դնելու տեղ չստացաւ և ոչ իսկ իրաւունք՝ ողբալու այն արիւնաներկ գոթախտութիւնը, որի նմանը պատմական տարեգրութիւնները չեն յիշում...

Հայը կարող է մոռանալ այդ:

Կան վշտեր, որոնք չեն մոռացուում: Երգրումի կոտորածների ժամանակ, այն նոյն քաղաքում, ուր 1828-ին Էջմիածնի կաթողիկոսի կոնդակն էր տարածուում՝ հրաւեր կարգաւով հայերին աջակից և ուղեկից լինել ուսաց զօրքին, ուր 1856-ին, 1877-ին, ինչպէս և 1896-ին հայ ազգաբնակութիւնը իր կեանքն ու պատիւն էր զոհարեւում «ուսասիրութեան համար», այդ նոյն քաղաքում, ուսաց հիւպատոսարանը գերմարդկային անխղճութեամբ գոցում էր դուները բռնաւորի սրից խուսափող կանանց և մանուկների առաջ, փակում իր ականջները յուսահատութեան աղաղակների հանդէպ: Եւ այդ այն թաղի մէջ, ուր մահամեղան Պարսկաստանի հիւպատոսը՝ արտասուքը աչքերին, իբրև մարդ՝ ապաստան էր տալիս եւթաղանից վրիպած քիստոնեայ զոհերին...

Անմոռանալի են այդ տեսակ փաստերը:

Յետագայ դէպքերը բաց արին շատ գաղանխքներ, անարգ քաղաքականութեան նոր ապացոյցներ: Երբ Մայիսեան ծրագիրը, թէև ընդունւած բոլոր պետութիւններից, հանդիպեց օսմանեան կառավարութեան տա-

տանումներին, դիմադրութեան և ապա սովորական խա-
բին, որի հետևանքն եղաւ դժգոհութեան ընդհանուր
մը մ ու ը ջ հայկական նահանգներում, — Պետերբուրգի
կառավարութեան արտաքին գործերի մինիստրը լիազո-
րութիւն տւեց սուլթան Աբդուլ-Համիդին՝ ընդ միշտ
լռեցնելու այդ «մրմունջը», որ նկատուած էր իբրև
յեղափոխութեան խմորումն: «Պէտք է կանգնեցնել
հայկական շարժումը՝ ինչ միջոցով և լինի», — այդ
եղաւ Լօբանով-Րօստովսկու գաղտնի գրութեան իմաստը,
ուղղած թիւրքաց կառավարութեան: Անուղղակի քաջա-
լերութիւն էր այդ, դիպլոմատիական հաւանութիւն՝
սուլթանական ծրագիրներին: Եւ քաջալերուած այդ «լիա-
զորութիւնից» Ելքըզ-Բէօշկի դէը՝ արձակեց իր դժո-
խային հրամանը: Արիւնը հոսեց գետի նման . . . Եւ երբ
շատ քիչ անցած՝ մինիստր Լօբանով-Րօստովսկի, Նիկոլայ
կայսեր հետ՝ Վիեննայից վերադառնալիս՝ կայսերական
գնացքի մէջ յանկարծամահ եղաւ, և Պօլսի ֆրանսիական
գեսպան Աամբօն, տեղեակ նրա ստորագոյն արարքին, ար-
գարացի ցասումով բացականչեց. «Լօբանով խեղ-
զւեց հայոց արեան մէջ» . . .

Եկան այլ յաջորդներ, բայց միշտ նոյն տեսլութեամբ
գէպի ազատագրական այն խլրտումը, որ սկսուած էր Արեան
ձորերում, մարդկային կեանքի ձգտող մի խաղաղասէր
ժողովրդի հայրենիքի մէջ: Այդ տեսլութիւնը կրկնակի
էր, անսանձ: Արիւնաբամ ժողովուրդը, արդէն յոշուած
ու ուժասպառ, այլևս չունէր Պետերբուրգի աչքում այն
քաղաքական արժէքը, որ վայելում էր երբեմն, տարիներ
առաջ: Հայկական ինքնավարութեան գաղափարը, նոյն
խի բարենորոգման համեստ մի ծրագիր, զուրկ քաղա-
քական բնոյթից, բայց ապահովող հայերի կեանքն ու
գոյքը, նրանց գոյութիւնը, — դարձաւ վտանգաւոր
Ռուսաստանի համար և ենթակայ նրա հալածանքին:

Եւ ամեն անգամ, երբ հեծկլտացող ժողովրդի կեն-

սական ուժերը յուսահատական շարժումներ էին գործում՝ Եւրոպայի ծանրացած ականջներին և մաշած խղճմտանքին հաղորդելու իրենց ցասման և բողոքի աղաղակները—բողոք, որ մի օր հնչեց Զէյթունի լեռներում, 1896-ի ապստամբութեան ժամանակ, քիչ յետոյ բրնութեան կենտրոնում՝ Վ. Պօլիս, Օսմանեան բանկի պատերի մէջ, և կամ Վասպուրականի սահմանների վրայ, 1897 թւի յունիսին,—և երբ յուզւած Եւրոպան փորձեր էր անում, թէև թոյլ, արդարութեան ձայն բարձրացնելու յօգուտ տանջող և կռող հայութեան, միշտ ամեն տեղ «արևելեան քրիստոնեաների պաշտպանն» էր, որ հանդէս էր գալիս իբրև դիմադրող, հակառակորդ և յաճախ՝ իբրև բացարձակ թշնամի . . .

Հայութիւն՝ առանց ընդհանուր ձգտումների, Հայաստան՝ առանց հայութեան, — դա է ահա այժմեան Ռուսաստանի պետական ծրագիրը Փոքր-Ասիայի մէջ, նրա քաղաքական դաւանանքը Վովկասեան սահմանների վրայ, — նոյնքան կորստաբեր հայութեան համար, որքան և ամօթաբեր ուս անւան . . .

Գաղթականների խնդիրը — դրա սև էջերից մէկն է։
Լսեցէք այդ ախուր պատմութիւնը։

ԵՐԿՈՒ ԿՐԱԿԻ ՄԷՅ

(ՏԸՄՆԵՕԹԵՐՈՐԻ ՆԱՄԱԿ)

Հայ գաղթականները սահմանագլխին . — Մարմնացած թըշ-
ւառութիւնը . — Փախը եւ դարձը . — Պաշտօնական շրջաբերա-
կաններ . — Ռուսահայտակութեան խնդիրը . — Բռնութեան «կը-
նուտը» . — Հալածւածների կարաւանը . — Յիրուցան ժողովուրդ . —
Գժզոնութեան շղթան:

Հարան շարան գնում են: Ատարոքիկ, հէ տալով,
հաղիւ ծածկած մերկութիւնը ծանր աշխատանքից կոշ-
տացած արեւահար մարմնի, կնճռոտ՝ տարիքից առաջ
բայց վերջին ուժերը լարած՝ քայլում են նրանք... Ասկրա-
ցած ոտքերի քալածքը հաստատ է, վճռական: Խորունկ
աչքերի փայլածքը բերկրալից է, յուսատու:

Քայլում են նրանք: Քայլում են դէպի վաթան, դէպի
եւրկիր, որի սահմանները հրէն է, սեխն են տալիս
հորիզոնի ծայքերում, դէպի այնտեղ, ուր այնքա՛ն վշտերի
մշուշի տակ՝ յոյսերի ծիլն է ծլում:

Ովքեր են դրանք, «հիւրասէր» բռնութեան ասիերից
դէպի անհիւրընկալ բռնապետութեան օջախը քայլող այդ
մարդիկ՝ կին, երեխայ, հարս, աղջիկ, ծերուկ, որոնք
իրենց առասպելական աղքատութեան մէջ, տանջանքի ու
մաշածքի այդ չտեսնւած պատկերի տակ՝ դեռ այնքան
կորովով, այն աստիճան յուսալից են:

— Ովքեր են դրանք:

— Հայաստանցիներ:

Քանի մի տարի առաջ, — կոտորածների տարին էր
այդ — երբ արեւան փոթորիկը հայ երկրի մի ծայրից

մինչև միւսը փչեց, երբ Կ. Պօլսի արքունական սենեակներին մէջ յղիացած բռնապետութիւնը իր վախի ու ամօթի սանձերը արձակեց և սկսեց յորդառատ հոսանքը անմեղ արեան, անդի ունեցաւ այն մեծ փախուցիչ, որի նմանը վաղուց չէր տեսել ասիական պատմութիւնը: Վաղթականներ չէին գրանք և ոչ էլ փող, հանգիստ, նորութիւն որոնող դարիւրականներ, որոնք մի երկրից միւսն են թափառում: Փախուցիչ անհանձնելի էին գրանք: Սիրող երկիրը, բայց հալածական երկրից: Աշխատող, բայց թեւերը կտրած: Հողին ղուրբան, բայց աստանդական: Յիսուն հազար էին գրանք, արիւնարբու բռնութեան զոհ գնալ չցանկացողները, որոնք ապաստանեցին Աովկաս, երբեմն հիւրընկալ և այժմ «անհիւրասէր» երկիրը: Գառն օրեր քաշեցին: Աւ օրեր տեսան: Եւ վշտի ժամերին՝ իրենց փախը յիշեցին:

— Հրէն է, սահմանը, գոչեց ջրա, կիսամերկ ալաշկերացին, ձեռքը դէպ՝ արեւելք մեկնելով: Եւ սահմանագլխի բլրին կանգնած, կուրծքը լի վաթանի վշտերով, նա վերջին անգամ յետ նայեց: Խօսք չէր գուրս գալիս բերանից. ձայնը որկորում չորացաւ: «Մնա՛ք բարով, սարեր-ձորեր, և գուր, կանաչ գաշտեր, աղբրակներ. ինձի չի մոռնաք, ես ձեզի չեմ մոռնալու»:

Եւ չմոռացաւ: Տարիներ սպասեց, միշտ աչքը տնկած վաթանին: Աւ ամեն գիշեր, անկողին մտնելիս, նա միշտ այն էր մըմնջում. «Մնա՛ք բարով, սարեր-ձորեր, ինձի չի մոռնաք, ես ձեզի չեմ մոռնալու»:

Աւնայն յոյսեր:

Երազում էին հանգիստ գտած լինել, և ահա մի օր հեռագիրը հաղորդեց «բարձրագոյն հրամանը», ուղղած հալածական դժբախտներին: Եւ հիմնւած այդ հրամանի վրայ՝ կովկասեան կառավարչապետը 1901 նոյեմբերին հետևեալ շրջաբերականը արձակեց.

Ի կատարումն Բարձրագոյն հրամանների, որոնք արւած էին 1901 թւի փետրւարի 1-ին և յուլիսի 29-ին՝ այն թիւրքահայաստակ հայ փախստականների դուրսիւնը կարգաւորելու հարցի մասին, որոնք զանազան ժամանակ, ըսկոած 1893 թւից, գաղթել են մեր սահմանները, առաջարկում եմ ձեր գերագանցութեան յայտնել ձեզ յանձնւած նահանգի սահմաններում գտնուող հայ փախստականներին՝ հետեւեալը.

1) Զանազան ժամանակներում, սկսած 1893 թւից, Արվիատեան երկրի սահմանները իրենց կամքով եկած թիւրքահայաստակ հայերին, որոնք ցանկանում են կամուտրապէս, իրենց հաշւով, հեռանալ կայսրութիւնից, համապատասխան անջնջութիւն ցոյց կը արւի այդ բանի համար:

2) Մնացած այն բոլոր հայ փախստականներին, որոնք չեն ցանկանայ գաղթել արտասահման, թոյլ է տրւում մնալ իրենց այժմեան բնակած տեղում և գրւել գիւղական համայնքների վրայ, եթէ այդ բանին կը համաձայնեն վերջինները (141—146 յօդ. 9 հատ. առանձին յաւելւածի). հակառակ դէպքում, 1899 թւի հրատարակութեան 9-րդ հատորի 564-րդ յօդւածի 9-րդ պարկի զօրութեամբ, նրանց թոյլ է տրւում գրւել մէջջանների (քաղաքային) հասարակութիւնների վրայ: Միևնոյն ժամանակ վերոյիշեալ անձերից նրանք, որոնք կը ցանկանան բնակութիւն հաստատել ներքին նահանգներում, թոյլ է տրւում Ռուսաստանի հպատակութիւն բնդունելուց յետոյ, ծանապարհ բնկնել իրենց հաշւով՝ երկաթուղիների եթանացրած սակագնով, իրենց բնտրած տեղերը, Արվիատեան երկրից դուրս, և այդպիսի անձանց առանց արգելքի կը տրւեն պատշաճաւոր անցագրեր:

3) Թէ Արվիատեան երկրի սահմաններում մնացող և թէ ներքին նահանգները զեալ ցանկացող հայ փախստականները պարտաւոր են առւսաց հպատակութիւն բնդունել. իսկ առւսաց հպատակութիւն բնդունել չցանկացողները պարտաւոր են անյապաղ հեռանալ առւսաց կայսրութեան սահմաններից: Միևնոյն ժամանակ հայ փախստականներին իրաւունք է տրւում այժմ և եթ Ռուսաստանի հպատակութեան մէջ մննել, իբրև բացառութիւն 1899 թւին հրատ. 837 և 839 յօդւածներին:

4) Հայ փախստականները 1902 թւից սկսած ենթակայ

են զինւորագրութեան՝ կայսրութեան մնացած ազգաբնակչութեան նման:

5) Գիւղացիների հողային բարեկարգութեան ժամանակ Արվիատում, 2-րդ կէտում յիշած անձանց, եթէ նրանք կը վերաբնակուեն արդէն եղած գիւղերում՝ որոնք դեռ բարեկարգութիւն չունեն, իրաւունք չէ տրուում հողաբաժին ստանալ:

6) Քաղաքներից դուրս անշարժ գոյքեր ձեռք բերելու իրաւունքը Արվիատում թողլ է տրուում դաղթական հայերին կամ նրանց սերունդներին ոչ վաղ քան ուսաց հրպատակութիւն ընդունելուց քսան տարի յետոյ, և

7) Վերև բերած կանոնները տարածուում են այն փախըտական հայերի վրայ, որոնք եկել են Արվիատի սահմանները մինչև 1901 թւի փետրւարի 1-ը. իսկ վերոյիշեալ ժամանակամիջոցից յետոյ եկածները դուրս են ուղարկելու կայսրութիւնից:

Վերոյիշեալին կցում եմ, որ Քարծրագոյն հրամանը ի կատար ածելու կարգի մասին, հայ փախտականների դրութիւնը կարգաւորելու հարցի վերաբերմամբ, ես առանձին ցուցմունքներ կը տամ ի ղեկավարութիւն:

Սննատոր-գններաւ-ապիտանստ իշխան ԳՕԼԻՑՈՆ

not made as copy. name

„Առանձին ցուցմունքներ կը տամ“...

Գրա մէջն է կարևորը, վճռականը, իսկական օրէնքը... Շրջաբերականի միւս մասերը օրէնքի ձևական յիշատակութիւնն է լոկ, այնքան դատարկահնչուն Գօլդիներների համար, որոնք յիշում են օրէնքը այն ժամանակ միայն, երբ հարկաւոր է ուէ կարգադրութեան իսկական իմաստը քողարկել, ծածկել, երբ հարկաւոր է մ'թնացնել ժողովրդի առանց այն էլ մութ աչքերը:

„Ցուցմունքները“, ի հարկէ, տրեցին, բայց գաղանի, անձանօթ՝ սովորական մահկանացուներին: Եւ իբրև արդիւնք այդ ցուցմունքների, 1902 թւի օգոստոսի 5-ին, հրատարակեց Թիֆլիզի ոստիկանապետի դաժան հրամանը. — յայտնել հայ գաղթականներին, որ եթէ մինչև

տանն օր չը վերագառնան թիւըքիս, կը համարենն
ս ու ս ա հ պ ա տ ա կ . . .

Տատանման նշան անգամ չերեւաց: Սարսափահար
ս ու ս ա հ պ ա տ ա կ ու թեան մտքից՝ նրանք վճռեցին վաթանի
ճամբան բռնել, հայրենիք վերագառնալ:

Ահա և դարձը:

Գարձ: Որքան ցանկալի, բայց և որքան ճնշող ու
վտանգաւոր: Փակեա՞ծ ճամբաների բացումն չէր այդ,
որին այնքան տարուց ի վեր սպասու՞մ էր աստանդական
ժողովուրդը և ոչ էլ մի խղճահարեա՞ծ հրաւեր, ստացեա՞ծ
թիւքքաց կառավարութիւնից: Աչ: Ստիպողական մի դարձ,
„դիպլոմատական“ հալածանք, նենգամիտ մի խաղ է դու,
զրեա՞ծ օրէնքի խաբուսիկ ձևերի տակ: Մանրամասները,
ստացեա՞ծ բռնութեան սահմանագլխից, այն տխուր վայ-
րերից, ուր հալածականների ախե՛րը աշնանային փո-
թորկի դաշնակն է կազմում, բաց են անու՞մ ողբեր-
գական տեսարան, լուսաւորեա՞ծ այնպիսի օտարօտի գոյ-
ներով, որ միամիտներին անհաւատալի և խորթթափանց-
ներին՝ չափազանց պիտի թւին: Սակայն տեղեկատուները
վստահելի են, գիտակ գործին:

ԱԿԱՆԱՏԵՍԻ ՆԿԱՐԱԳԻՐԸ

„ . . . 1902 թւի օգոստոսի 11-ն էր: Թիֆլիսի երկա-
թուղու կայարանը անսովոր, յուզիչ տեսարան էր ներկայա-
ցնում: Պլատֆորմի վրայ եւ երրորդ կարգի դահլիճու՞մ
ասեղ գցելու տեղ չկար: Հայ փ ա խ ս տ ա կ ա ն ն եր ն
էին, որոնք վերագառնու՞մ էին թիւքքաց Հայաստան, բոլորն
էլ ուրախ, ոգևորեա՞ծ: Ահա խփում է երկրորդ զանգը՝
դէպի Կարս սլացող գնացքի: „Մնաս բարոյների“ աղա-
ղակը ականջ էր խլայնում: Միում է երրորդը—գնացքը
չարժու՞մ է: Ոգևորեա՞ծ „ուսան“ գորդեցնում է կայա-
րանը: Իս թիֆլիսից մեկնող առաջին խումբն էր՝ բաղ-
կացած մօտ 300 հոգուց:

„Միւս օրը քաղաքում օրւայ հարցը գաղթականների
գնալն էր: Այդ օրը երեկոյեան, ինչպէս նախընթաց օրը,

կայարանում կրկին նոյն բազմութիւնը, նոյն տեսարանը, նոյն ողբերութիւնը: Հետեւեալ օրերին, երեկոնները, կայարան էր հաւաքում ահապին բազմութիւն՝ տիկիներ, օրիորդներ եւ երիտասարդներ ու դարձեալ ուսաներով, ողբերութեամբ, ճանապարհ էին գնում իրենց կղերայրներին: Հայ հասարակութեան ուրախութիւնը մեծ էր: Գաղթականները վերադառնում էին այն երկիրը, որի հետ կապած են այնքան յոյսեր: Ի՞նչպէս չ'ողբերուել...

«Ոստիկանութիւնը շւարել, յանկարծակի էր եկել. երբէք չէր ուզում հաւատալ, որ գաղթականները յետ կը գնան: Բայց ոչինչ չէր կարող անել, որովհետեւ դեռ կարգադրութիւն չէր ստացել: Եւ երբ ոստիկանապետին յայանեցին, որ երկու օրուայ ընթացքում մօտ 800 գաղթական արդէն հեռացել են Թիֆլիսից, նա չէր ուզում հաւատալ... Հոսանքը քանի գնաց սաստկացաւ:

«Ահա եւ գաղթականները կարսուտ: Կարսի ոստիկանութիւնը, գաղթականներին՝ վազօններից իջնելուն պէս չըջապատելով՝ տարաւ, բանտարկեց: Երեք օր շարունակ կանչում էր նրանց ներկայացուցիչներին եւ հայհոյելով, նոյնիսկ ծեծելով, ստիպում էր ռուսահպատակութիւն ընդունել: Սակայն երբ տեսաւ, որ չեն ընկճւում, յուսահատ արձակեց:

«Մինչեւ օգոստոսի 26-ը ամէն օր երկաթուղին կարս էր լքցնում մեծ խմբերով գաղթականներ: Այդ ժամանակամիջոցում գործի ելաւ եւ Թիւրքաց հիւպատոսը: Թիւրքիան մտադիր չէր գաղթականներին յետ ընդունել: Համոզւած, որ այդքան մեծ բազմութիւն ներս խուժելով սահմանից ահապին ազմուկ կը հանէ եւ կարող է այդ ազմուկից եւրօպական կամ ռուսաց միջամտութիւն առաջ գալ, հիւպատոսը ամեն հնար գործ դրեց, որ արգելի այդ հոսանքը դէպի սահմանազուխ, խոստանալով հեռադրել գաղթականների անունից Կ. Պօլիս եւ խնդրել սուլթանից թոյլտուութիւն ներս մտնելու: Բայց որովհետեւ գաղթականները համոզւած էին, որ խնդրի պատասխանը մերժում էր պէտք է լինի եւ այդպիսի պատասխան ստանալուց յետոյ՝ շատերը կը թուլանան ու կը հրաժարեն դէպի սահման գնալ, մերժեցին հեռադիր խփելը եւ օգոստոսի 25-ին, երկուշաբթի օրը, առաջին խումբը, 270 հոգի, դուրս եկաւ Կարսից դէպի սահմանազուխ: Ծանապարհին իջեւանած հայ դիւղերում նրանց ընդունում էին մեծ ողբերու-

Թեամբ: Մի քանի օրում սահմանադրւի Բաշգիւղ, Սթանան, Չիլալի, Արմալու, Չուրուկ, Գիւլանթափ եւ Ղարափունդար հայ գիւղերը բոլորովին ւթցւեցին գաղթականներով: Այլեւս ընդունելու տեղ չկար: Ամեն մի տան միջին թւով չորս հոգի էր ապրում, եւ հիւրասէր բասենցին բոլորին կերակրում էր անտրտունջ, եզրայրաբար:

Որոշեց, որ չորեքշաբթի առաւօտ բոլոր գիւղերից գաղթականները հաւաքեն Բաշգիւղ եւ այդտեղից շարժւեն զէպի թիւքաց սահմանը: Սահմանադրւի գիւղերում հաւաքւածների թիւը հազարից աւելի էր՝ Իէպի սահման գնալու ցանկութիւն էին յայտնել եւ այդ գիւղերում բնակութիւն հաստատած գաղթականները, որոնց թիւը հասնում էր 1,500-ի. այնպէս որ զէպի թիւքաց սահմանը պէտք է գնային մօտ 2,600 տղամարդ, կին եւ երեխայ: Երբ առաջին խումբը Կարսից շարժեց, գաղթականների խնդրով՝ Կարսի յաջորդը այդ մասին խնայուեց նահանգապետին, որը պատասխանեց, թէ ինքը արդէն կարգադրել է, որ ճանապարհին ոչ ոք իրաւունք չունենայ արգելել եւ նոյնիսկ հարցնել՝ թէ ո՞վքեր են եւ ո՞ւր են գնում: Բայց դրա հետ միասին տեղեկութիւն եկաւ, որ Սթանան գիւղի սահմանապահ զօրքի գլխաւորը յայտնել է՝ թէ ով որ համարձակի անցնել սահմանը՝ գնդակահար կը լինի: Գնդի հրամանատարը հրահանգել էր հնարաւորութեան չափ խիստ հսկել սահմանը, քանի գաղթականները սահմանադրւի գիւղերումն են: Լուրը սկզբում կայծակնահար արաւ բոլոր գաղթականներին, բայց յետոյ կարծեց, որ կարող է թիւրիմացութիւն լինել, որովհետեւ ոչ ոք չէր ուզում հաւատալ, թէ թոյլ տալով այդպիսի մեծ բազմութեան անարգել անցնել ահազին տարածութիւն՝ Թիֆլիսից մինչեւ սահմանադրուի, մօտ 400 վերստ, վերջին կէտում կարող են արգելել նրանց, այդքան տ մ ա ր գ ի կերպով: Չէ՞ որ հէնց Թիֆլիսում կարող էին ասել, որ իզուր էք գնում զէպի սահմանը, չպէտք է թոյլ տանք անցնել:

Նկատի առնելով, որ Կարսի նահանգապետը պատւիրել էր՝ արգելքներ եղած զէպքում իրեն գիւմել, գաղթականները հեռագրով խնդրեցին Կարսի յաջորդին՝ միջնորդել նահանգապետի առաջ: Երկու օր սպասեցին պատասխանի: Երրորդ օրը գաւառի կառավարիչը եկաւ Բաշգիւղ (Կաղզւանի շրջան), հաւաքեց գաղթականների

ներկայացուցիչներին եւ յայտնեց նրանց կառավարչապետ իշխան Գօլիցիին հրամանը — կամ իսկոյն ընդունել ռուսահպատակութիւն եւ կամ դատարկել բոլոր զիւզերը ու ուրիշ կողմից անցնելու ճանապարհ գտնել: Գաղթականներ ինդիրքը՝ թոյլ տալ անցնել՝ մերժեց: Մերժեց նոյնպէս միջնորդել կառավարչապետի առաջ, առաջարկելով գաղթականներին անմիջապէս դիմումն անել:

«Միւս օրը գաղթականների կողմից հեռագրով մի ինդիր ուղարկեց կառավարչապետին, որի մէջ կրկնելով այն պատճառները, որից ստիպւած չեն կարող ռուսահպատակութիւն ընդունել, եւ յիշեցնելով շրջաբերականի մէջ խոստացւած դիւրութիւնն եւ ընդ ռուսաց սահմանը թողնողներին, ինդրում էին հրամայել ում հարկն է՝ թոյլ տալու ռուսաց սահմանը անցնել: Չորս օր անցնելուց յետոյ ստացուեց մի հեռագիր՝ կառավարչապետի դիւանատան դիրեկտորի ստորագրութեամբ, որի մէջ ասուած էր՝ «Չեք հեռագրի պատասխանը կըստանաք Կարսի նահանգապետից»:

«Անցնում է մի քանի օր եւս: Լուր է ստացում, որ կիրակի օր նահանգապետը գալու է Բաշգիրու Հաւաքում են գաղթականների ներկայացուցիչները եւ սրտատրոփ սպասուած Գալիս է նահանգապետը, համախմբում է ներկայացուցիչներին եւ յայտնում, որ կառավարչապետի պատասխանը էլի նոյնն է, այսինքն՝ կամ իսկոյն պէտք է ռուսահպատակութիւն ընդունէք եւ կամ դատարկէք սահմանը: Բոլոր խնդիրքներին, աղաչանքներին, պահանջներին պատասխանեց նոյնը՝ «Ինձ այդ է հրամայւած, եւ ես եկել եմ այդ հրամանը իրագործելու»: Յուսահատ, համբրութիւնը հատած՝ գաղթականները, յայտնեցին նահանգապետին. «Դանակ ալ դնէք վզերնիս՝ նորէն ռուսահպատակութիւն չենք ընդունիր. ինչպէս կուզէք՝ վարեցէք»: Նահանգապետը գնաց:

«Անցաւ մի շաբաթ եւս: Լուրեր էին պտտում, որ ոմանց պէտք է ձերբակալեն, որպէս պրօպագանդիստն երի: Յետոյ ճիշդ աղբիւրից տեղեկութիւն տրեց, որ Բասենի պօլիցիական մասի կառավարչին հրամայւած է՝ անմիջապէս ուժով հեռացնել գաղթականներին այդ զիւզերից, մի մասը զէպի Արզանան, միւս մասը՝ Կարս, եւ այդ տեղերի վրայ հպատակ գրել: Լուր եկաւ նոյնպէս, որ գաւառապետը Ղարափունդար եղող գաղթականներից

34 հոգի բռնութեամբ, չափարների հսկողութեան տակ, տարաւ դէպի Կարս: Քիչ անցած եկաւ Կարսի յաջորդը եւ հաւաքելով դաղթականներին՝ կաթողիկոսի կողմից յորդորեց՝ կամ առսահպատակութիւն ընդունել եւ կամ փոքրիկ խմբերով անցնել Պարսկաստանի վրայով թիւրքիա: Պարսկաստանի վրայով անցնելու խորհուրդը, ինչպէս յայտնուեց, կառավարչապետի օգնական Յրէզէն էր աւել կաթողիկոսին: Վերջին յորդորը ընդունուեց:

Միամիտները հաւատացին—դժբախտը ե՞րբ չէ հաւատացել—եւ ճամբայ ելան, թեով 120, դէպի Էջմիածին, Արարատական շէնքու յոյսերով: Չորս օր տեսեց այդ ճամբորդութիւնը, քաղցած, յոգնած, ենթակայ հիւանդութեան, ուժասպառ, անքուն, անկարող մի վայրկեան անդամ դադար տալու խղճուկ գլխներին, բայց սրտապինդ, յուսովառ, թէ «անա կը հասնենք սահմանին, կը մանենք մի նոր երկիր եւ կը պրծնենք այս անվերջ տանջանքներից»: Ունա՛յն յոյսեր, ցնորական երազներ՝ նոյնիսկ հայկական կրօնական կենտրոնի պատերի տակ, ուր հալածականները ամէնից քիչ էին սպասում կ'նուտի ներկայացուցիչներին, դարձեալ տնկուեց կողակը եւ որոտալից գոչով հրամայեց՝ «Կանգնիր»: Եւ նորից կանգնեց համրաքայլ վիշտը: «Ռուսահպատակութիւն, առսահպատակութիւն» կրկնուեց դարձեալ ու դարձեալ: Սակայն էլ ականջ չէր մնացել լսելու: Անսասան էր բազմութիւնը, ինչպէս ինքը տանջանքը, անընկճելի, ինչպէս թագաւորող անարդարութիւնը:

«Էջմիածնում դաղթականներին ցուցակագրեցին, երկուսին վերցրին իրրեւ երաշխաւոր, որ ոչոք չհամարձակուի գիւղից հեռանալ, մինչեւ Երեւանի նահանգապետից կարգադրութիւն լինի: Միւս օրը եկաւ կարգադրութիւն, այն է՝ չափարների հսկողութեան տակ վերադարձնել յողորին Կարս, միեւնոյն ճանապարհով, այսինքն Իգդիր, Կողը, Կաղզւան, Կարս: Գաղթականների խնդրի համաձայն՝ կաթողիկոսը մարդուզարկեց Երեւան՝ միջնորդելու նահանգապետին, որ փոխանակ ահազին պտոյտ անել տալու ոտով եւ տանջելու առանց այն էլ յոգնած, թշուառ մարդկանց, Կարս հասցնելու համար՝ թոյլ տան գնալ երկաթուղիով, իհարկէ ոչկառավարական հաշուով: Այդ էլ մերժուեց: Ուզարկեցին էտապով:

«Բասենում մնացած մօտ 900 հոգին առաջին խմբի

գուրս գալուց հինգ օր ուշ գուրս եկաւ: Կաղզւանում, երբ արդէն պատրաստ էին ճամբորդելու, նրանց շրջապատեցին կողակներով եւ տարան Կարս: Կարս մտնելը մի սրտաճմիրկ տեսարան էր: Ահագին բազմութիւն, կանայք եւ երեխաներ, շրջապատւած ձիաւոր կողակներով, քաղցած, յոգնած առաջնորդեցին դէպի զօրանոցը եւ բանտարկեցին: Յուզւած եւ զգացւած էին նոյնիսկ ամենաքարասիրտ բնակիչները: Բայց ի՞նչ կարող էին անել, ո՞վ կը համարձակէր օգնութեան ձեռք կարկառել: Երկրորդ օրը՝ նոյն խաղը: «Պէտք է ռուսահպատակութիւն ընդունէք»: Էլի մերժում: Տայիս էին մի քանիսներին տպւած տոմսակներ, ասելով, որ դուք արդէն ռուսահպատակներ էք. գաղթականները տոմսակները չպրտում էին. . . Երբ այդ էլ չ'յաջողեց, նրանց բաց թողին, բայց հրամայեցին, որ քաղաքում ոչ ոք նրանց չ'օգնի, որպէսզի սովամահ լինեն: Չէին թող տայիս նոյնիսկ աշխատելու, պահանջելով անցագիր Դրութիւնը եւ ողբալի էր, եւ ծանր:

«Ո՛ւր գնայ, ի՞նչ անի»

«Կովկաս մնալ թող չեն տալիս. անցնել հայրենիք՝ նոյնպէս: Պարսկաստանի ճանապարհն անգամ փակեցին վաթանից կորած՝ նրան ցոյց են տալիս ներքին նահանգները: Եւ մի օր գաղտնիքը կատարելապէս բացուեց, երբ վաղարշապատի գաւառապետը զիմեց գաղթականներին այս խօսքերով. «Ձեզ համար ուրիշ ճանապարհ, ուրիշ ելք չը կայ. գնացէք Սիրիոյ, եւ այդ դէպքում միայն ձեզ կը տրուեն զիւրութիւններ ու անցագիր»:

Բայց բազմութիւնը գրոհ տւեց:

Եւ աստանդական, անտէր՝ քշուում է նա, այդ հաճական բազմութիւնը՝ մի նահանգից միւսը, անհիւրընկալ Էջմիածնից՝ անձար Արս, Արսից՝ արտասուալայ Բասենի խորքերը, Բասենից՝ մշուշապատ լեռները: Հայկական արիւնոտ իրականութիւնն է դա. հայ ժողովրդի տասն տարւայ ողբի ուրւակներ, որ պտտում է կովկասեան սահմաններում, վերջին արարւածքը այն ժողովրդապան ողբերգութեան, որի գլխաւոր գերակատարները այլեւս արիւնուշաքրդերը եւ քաղցած գայմագամները չեն, այլ պճնւած գահերի վրայ բազմած թագակիր ոճրագործները . . .

Եւ դեռ երկար, շատ երկար կը շարունակեն բաղ-
խել սահմանի դռները՝ հայրենի օջախի սիրով վառւած
փախստականները, փափագող նորից տեսնելու այն երկիրը,
ուր այնքան փշոտ է ազատութեան զինւորների ճանա-
պարհը: Իսկ այդ դռները, փակւած բռնութեան կող-
պէքներով, մնում են անշարժ և չեն բացուում: Այդ շատ
լաւ էին զգում իրենք գաղթականները, որ սղմւած երկու
բռնութեան արանքում, երկու կրակի մէջ ընկած,
ճարահատ, վշտաբեկ, անկարող խորտակելու արգելք-
ները, ուրիշ ելք չգտան, բայց եթէ իրենց աչքերը
դարձնել դէպի հեռու, այն ազգին, որ ազատութեան
առաջին գրօշակակիրն եղաւ, քաջարի պաշտպանը հա-
լածական մարդկութեան: Այդ տեսակ յոյսերի արդիւնք
պիտի համարել այն խնդրագիրը, որ գաղթական-
ները ուղղեցին Փրանսիական հանրապետութեան արտա-
քին գործերի մինիստրին, Թիֆլիզի հիւպատոսի միջոցով,
խմբագրւած «պաշտօնական» այնպիսի շողորթ ձևերով,
որոնք ուսաց կառավարութեան զայրոյթը չգրգռելու
նպատակն ունեն: Ահա խնդրագիրը.

„Չերդ պայծառափայլութիւն,

„Մենք, Թիւրքիայի հայերս, օսմանեան հարստակ, ստիպ-
ւած լինելով գաղթել 1894-96 թւի մեծ կոտորածների
ժամանակ և ապաստանել Ռուսաստանի հիւրընկալ հողե-
վրայ, թւով 40-50,000 հոգի, ներկայ խնդրագրով աղեր-
սում ենք Փրանսիական Մեծ ազգի կառավարութեանը,
ինչպէս աղերսած ենք արդէն Նորին Մեծութեան ուսաց
կայսեր կառավարութիւնից, բարեհաճել օգնելու ու հո-
փանաւորելու մեզ մեր ներկայ տխուր և անտանելի դրու-
թեան մէջ:

„Մենք սճրագործներ չենք, մենք ոչ մի յանցանք չենք
գործել, բայց ստիպւած էինք թողնել մեր ծննդավայրը
մղւած միմիայն թշուառութիւնից և կոտորածների երկիւղից:

„Եթէր տարւայ ընթացքում՝ Ռուսաստանը հիւրընկա-
լեց և ապաստանեց մեզ, հնարաւորութիւն տալով աշխա-
տել և կերակրել Թիւրքիայում թողած մեր ընտանիքնե-

րը: Մեր երախտագիտութիւնը դէպի Ն. Մ. կայսր Նիկոլայ Բ. և նրա Տունը անսահման է: Մեր աշխատանքի արդիւնքով մենք վճարել ենք օսմանեան պետութեան բոլոր այն տուրքերն ու հարկերը, որոնք ծանրացած են եղել մեր ընտանիքների վրայ մեր բացակայութեան միջոցին:

» Սակայն հայրենիք վերադառնալու ժամանակը հասել է, որովհետև մենք անկարող ենք օգտուել ռուսաց կառավարութեան վեհանձն առաջարկից՝ ընդունել ռուսահպատակութիւն, քանի որ Թիւրքիայում մնացած մեր ընտանիքները հնարաւորութիւն չունեն Ռուսաստան դալ և միանալ մեզ հետ: Թողնելով Ռուսաստանի քաղաքներն ու դիւղերը, ուր ապաստանած էինք, մենք ժողովւած ենք այժմ ռուս-թիւրքական սահմանի վրայ, բայց օսմանեան կառավարութիւնը մերժում է մեզ ընդունել չնայած, որ եօթը տարւայ ընթացքում նա ճանաչած է եղել մեզ իբրև իր հպատակներ և հարկադրել է վճարել բոլոր տուրքերը: Չմեռը մօտենում է և մեր վիճակը աւելի ևս սղբալի է դառնում:

» Ռուսի մենք ստիպւած ենք՝ դիմել Ֆրանսիական հանրապետութեան հովանաւորութեանը և յանուն մարդկայնութեան՝ աղերսել Ֆրանսիական կառավարութիւնից բարեհաճել միջամտելու մեզ համար թիւրքաց կառավարութեան առջև, որպէսզի նա թողլ տայ մեզ վերադառնալ մեր հայրենի երկիրը, մեր ընտանիքների մօտ, թողլ տայ մշակել մեր հողերն ու դաշտերը՝:

Ներկայացուցիչներ և պատգամաւորներ
Թիւրքահպատակ հայերի՝ ապաստանած Ռուսաստան և Խմբւած ռուս-թիւրքական սահմանի վրայ՝

10 Սեպտ. 1902

(Ստորագրութիւններ)

Ռուս-թիւրքական սահման

Ապասեցին, սպասելուց նրանց աչքը ջուր կտրեց: Հետաքրքիր լուրեր եկան, բայց լուրեր ապարդիւն, անօգուտ: Այդ խնդրագրից դեռ շատ առաջ, հանրապետութեան մինիստրը, պ. Գելկասէ, ուշադիր հասարակաց արամադրութեան, դիմումն է անում Կ. Պոլիս, սուլթանին, առաջարկելով յետ ընդունել հալածական գաղթականներին, համոզւած, որ իր այդ քայլը պաշտպա-

նութիւն կը գտնի Պետերբուրգի կառավարութեան կողմից: Սուլթանը մերժեց, և մերժեց՝ յայտնելով այս խորհրդաբանոր նորութիւնը. «Գաղթականների խնդիրը արդէն վաղուց կարգադրւած է իմ և Պետերբուրգի կառավարութեան մէջ»: Հանրապետութեան մինիստրը, թէև զարմացած, հասկացաւ, թէ որտեղից է գալիս այս դժոխային հրամանը, որը այնքան անգութ կերպով քշում է «թշուառների հօտը» դէպի կորուստ, դէպի սով, դէպի ոչնչացում...

Հրամանը Պետերբուրգից էր:

Ար ժամանակ, որ ինքը հայն էր, որ աղերսում, խընդրում էր ներս առնել իրեն, հպատակ գրել, դնել ուսական դրօշի տակ: Նոյն սահմանագլխներում, ուր այժմ հնչում է կնուտը, երբեմն եղբայրական համայնների ձայներ էին լսում... Սակայն դարը փոխեց, փոխեց և տեսարանը: Այժմ հայն է փախչում, խոյս տալիս, թիկունք դարձնում ուսահպատակութիւնից: Ահա մի բուն ժողովուրդ, հազիւ ոտի վրայ, որ գերադասում է վերագանալ արեան օջախը, դէմ դնել կուրծքը դարևոր թշնամուն, խմել հալածանքի և դառնութեան բաժակը, քան մնալ և ուսահպատակ գրել...

Ինչ է արդեօք սա—ամբոխային մի անգիտակից, անմիտ, հօտային փախ, թէ քաղաքական մի այլակերպութիւն, քաղաքական մի նախազգացումն, որ էլեկտրական ուժով ցնցում է կոտորածի մնացորդներին: Անբացատրելի մի երկիւղ է այդ, ներշնչած արգի բէժիմով, թէ այն, որ քաղաքական է մեռնել կուուով, քան քաղաքական մահով, ընկնել իբրև նահատակ և ոչ իբրև թուլամորթ կամ ձուլման ենթակայ անգոյն մի զանգած, զոհել թագարձակ բռնապետութեան, քան մի բռնապետական բէժիմի, որ լափում է ժողովուրդներին


մի այլ ճանապարհով, քաղաքական սպանութեամբ...

Տխուր են այս խոհերը և անլուծելի,

Բայց կենդանի փաստերը և անհերքելի:

Տարիները կը գան, կ'անցնեն, բայց արտասուշարժ այս փաստերը կը մնան: Տանջող ազգերը մեծ յիշողութիւն ունեն: Որդիք չեն մոռանալ հայրերի գլխով անցածները, գնացող սերունդի սէրն ու հնազանդութիւնը տարիներ յետոյ կը փոխարկւի ատելութեան ու ըմբոստութեան, և մի օր, երբ „բաժակը կը լքցւի“, անարդարութեան ու հալածանքի զատ զատ օղակները, իմի ձուլւած, կը կազմեն դ ժ գ ո հ ու թ ե ա ն շ Ղ թ ա ն, որով պիտ կապւի, կաշկանդւի բռնապետութեան ձեռքն ու ոտքը:

Բռնութեան, անսանձ անարդարութեան, բարձրագոչ հալածանքի սև ըէժիմն է, որ պիտի ձուլէ այդ փրկարար շղթան: Այդ ըէժիմի շնորհիւն է, որ խաղաղականը դառնում է յեղափոխական, երկրագործը՝ զինագործ, սերմնացանը՝ ումլացան...



ԴԵՊԻ ԲԱՆՏԵՐԸ

(ՏԱՄՆՈՒԹԵՐՈՐԴ ՆԱՄԱԿ)

Կալանաւորի պատմածը. — Գիշերային խուզարկութիւն. — Ոստիկանատան նկուզի մէջ. — Դէպի բանտը. — Բանտապետի գրասենեակը. — Հանդերձարանում. — Բաղաքական կալանաւորի խոցը. — Փակած դռան ետեւը. — Ի՞նչ է ուտում բանտարկեալը. — Տեսակցութիւն. — Նամակագրութեան իրաւունքը. — Գաղտնի յարաբերութեան միջոցներ. — Ժամդարմների վարչութեան մէջ. — Հարցաքննութեան ձեւերը. — Անվերջ տանջանքներ. — Ժամանակակից Բաստիլը:

— Պատմեցէք, խնդրում ենք, պատմեցէք:

Եւ երիտասարդ կալանաւորը, նոր ազատւած բանտից, համաձայնութեան նշան աւելց իր խօսակիցներին ու բոսպէական լռութիւնից յետոյ, յենւած վառարանի կողքին, այսպէս սկսեց իր պատմութիւնը.

„189... թիւն էր, դեկտեմբեր ամիսը: Երիտասարդութեան շրջանում սկսւած էին ձերբակալութիւններ և այնքան յաճախ, որ փողոցում միմեանց հանդիպելիս, առաջին հարցը, որ տալիս էինք, այս էր՝ „Ո՞ւմ տարան, ո՞ւմ բռնեցին“: Արդէն կէս գիշեր էր, այն ժամը՝ երբ դռան զանգը նախագուշակում է որևէ անսպասելի հեռագիր կամ անհաճոյ այցելութիւն: Հաղիւ մի բոսպէ անցած, ծառան, գունատ և անհանգստութիւնը դէմքին, ներս մտաւ և մրմնջաց.

— Ոստիկանը ձեզ է ուզում:

Առանց այլայլելու, ինքնասիրութեան սառնասրտութեամբ դուրս եկայ նախասենեակ և մի ոստիկանի փոխարէն տեսայ վեց հոգի, — ժամդարմների երկու օֆիցէր,

Թաղական պրիստաւ, երկու պօլիցիական և մի վկայ, իբրև թէ հասարակութեան միջին բերւած, բայց իրօք՝ ոստիկանութեանը ծառայող մի լրտես:

— Չեր բնակարանը պէտք է խուզարկենք:

— Ո՛ւմ հրամանով:

— Ժանդարմների վարչութեան հրամանով, պատասխանեց օֆիցէրը, զայրացկոտ շեշտով, որ նշանակում էր՝ „Չեր գործը չէ“:

Գոնների մօտ պահապան գրած, արհեստական լուծութեան ենթակայ, դաժան լրջութեամբ՝ ձեռնարկեցին խուզարկութեան, որ տւեց ամբողջ երեք ժամ: Սկսեցին գրքերից, սեղանի թղթերից և ապա անցան շորերի պահարանին և անկողնուն: Ոստիկաններից մէկը քանդեց վերմակը և ներքնարկը. միւսը մի երկաթեայ ձողով՝ հարւածում էր պատերը, յատակը, ուէ բան գտնելու յոյսով վառւած: Անտվոր չը պէտք է թւայ այդ. — եղև են կրկնակի խստութիւնների գէպքեր, երբ քանդել են յատակի տախտակները, առաստաղը, ծիննելոյղները: Բիրտ են նաև գէպի մարդիկ. մի խուզարկութեան ժամանակ, կատարւած գիշերւայ ժամը 2-ին, տանտիկինը, որ արդէն հանել և պառկել էր, խնդրեց մի բոպէ դուրս գալ ննջարանից, որպէսզի հագնւի: Մերժեցին, ստիպեցին մերկ վերկենալ և անմիջապէս ըսկսեցին քրքրել շորերն ու անկողինը, նրա ամբողջ բացքը: Հիւանդոտ կնոջ ուշաթափութիւնը, երեսանների լացն ու կոծը, սարսափահար մօր դողը — ոչ մէկը երբէք և ոչ մի ժամանակ չէ թուլացնում խուզարկունների խստութիւնը և տմարդի վերաբերմունքը:

— Ո՛ւր են ձեր նամակները:

— Ահա գրանք են, որ տեսաք, աւելին չկայ:

— Բայց մեզ քաջ յայանի է, որ դուք ընդարձակ նամակագրութիւն ունէք, նկատեց օֆիցէրը. ուրեմն դուք թագցրել էք ձեր թղթերը:

— Չեմ թագցրել, բայց ոչնչացրել եմ, և այդ՝ գե-
տու թեամբ: Յաճախ, ինքներդ էլ կը խոստովանէք, սո-
վորական նամակների պատճառով՝ ամիսներ պէտք է
բանտում մնալ, մինչև նրանք կը թարգմանեն և կը
զեկուցագրեն, և յաճախ էլ, որևէ մութ դարձեալքի
կամ անմեղ ակնարկի պատրակով, տեղի է ունենում
ամենախիստ կասկած և մեղադրանք: Թէ մէկից և թէ
միւսից խոյս տալու համար՝ ես սովորութիւն ունեմ
ոչնչացնել իմ նամակները:

Գժգոհ և կասկածոտ, նրանք լսեցին այդ բացատրու-
թիւնը, ծրարեցին եղած նամակները, վերցրին մի քանի
թղթեր, արտասահմանից ստացեալ լրագիրների մի քանի
համար, կազմեցին արձանագրութիւն և ոտի կանգնե-
լով՝ առաջարկեցին ինձ հետեւել իրենց:

— Նեղութիւն կրեցէք գալ մինչև ոստիկանական
բաժինը՝ մի թուղթ ստորագրելու համար, ասաց գլխա-
ւորը, խուսափելով իմ հայեացքից և աչքերը առաս-
տաղին յառելով:

Գիտէի թէ՛ ինչ կը նշանակէ այդ քաղաքավարի
հրահրը: Առանց որևէ պատասխանի, որ ծայրայեղ
միամտութեան նշան կը լինէր, դուրս եկայ սենեակից,
ասացի ծառային՝ «ինձ մի սպասէք» և հետեւեցի իմ
քաղաքական տերերին, ինչպէս քաղաքական ստրուկ:

Գուրսը անթափանցելի մութ էր, տխուր և սահմ-
ներանի մի ծանօթ պատահէր, բայց ծանօթների փո-
խարէն՝ մի ակնթարթում պատերի տակից դուրս ցցե-
ցին, ինչպէս դեեր, մի խումբ ոստիկաններ և շրջապա-
տեցին կողքը:

— Կարիք չը կայ այսքան մարդկանց, պ. օֆիցէր, ես
ձեզ կը հետեւեմ առանց ուրեք զիմադրութեան:

Կառքը սլացաւ, ուր և որ փողոցով, անկարելի է ասել.
Նա ծածկեալ էր, և իմ գիմաց նստած երկու ոստի-
կանները չէին թողլ տալիս նոյնիսկ մութ տարածու-

Թեանը նայել: նրանք իրանց բազուկներով ծածկում էին ամեն ինչ . . .

Աէս ժամից իջանք ոստիկանատանը: Արևէ Թուղթ ստորագրելու կարիք ի հարկէ չը կար, ու երեք բոպէ հազիւ անցած՝ ես ինձ տեսայ մի նկուղի մէջ: Երբ դուռը փակուեց, նայեցի շուրջաւ: Այլ բաւերուած անձնասիրութեան գրգիռը, միացած երկիւղի և անյայտութեան բուռն զգացմունքներին, ցնցեց ինձ: Գա մի գեանափոր էր, առանց պատուհանի, խոնաւ, բորբոսնած, յատակը ցեխապատ: Մուտով ծածկուած լապտերը հազիւ էր լոյս տալիս: Այս ու այն կողմ՝ թափթփած էին հացի կտորտանք, ոսկոր, ցնցոտիներ: Անկիւնները վերածուած էին արտաքնոցի: Ենթակայ գարշահոտութեան սոսկումին, բռնուած զգւանքից, անկարող էի մի քայլ անգամ անել և մնացի մեխուած նոյն տեղում: Աին լինէր՝ կը հեծկլտար, մանուկը՝ իր սարսափը լացին կը յանձնէր, — ինչ անէի ես . . .

Լուսարացին վերև հրաւիրեցին: Աստիկանի սենեակի մէջ, ներկայութեամբ մի քանի պաշտօնեաների, սկսեց նոր խուզարկութիւն—խուզարկութիւն ան ձեռք ան գրպանները, շորերի բոլոր ծալքերը, վերարկուի աստառի տակը—ամեն ինչ և ամեն անկիւն ենթարկուեց վարժուած մատների զննութեան: Հազիւ աւարտած՝ գլխաւորը յանձնեց հերթապահին ժանդարմների վարչութեան հրամանագիրը, մի Թուղթ, որի մէջ է պարունակուում ամեն մի կալանաւորի բախտն ու գալիք օրերը . . .

Առաւօտեան վաղ՝ փակուած կողքը կանգ առաւ մի մեծ դարպասի առջև: Մետեխն էր, Թիֆլիզի Պետրո-Պաւլովսկի, այն տեղը, ուր երբեմն քրիստոնէական սիրով վառուած վրաստանցին խուսկ ու կնդրուկի բուրմունքն էր վայելում և որտեղից այժմ ամենքն են փախուստ տալիս, սարսափած սարկացնող շղթայի անհաճոյ զնգոցից:

— Կալանաւոր:

Մի վայրկեանից փապարը բացւեց, ներսի զինւորը քննական հայեացք դցեց մեղ վրայ և հեռացաւ: Հաղիւ երկու ըոպէ անցած՝ դարպասը լայն բացւեց և կլանեց, իբրև անյագ վիշապ, էլէ մարդկային մի արարած—մէկը այն «օտարոտիներից», որոնք բռնապետութեան սահմաններում ազատութիւնը որոնում են փակւած դռների ետևը, զնդաններում— և նորից՝ յաղթականօրէն՝ իր նախկին դիրքը բռնեց, սպասելով նորերին, նոր զոհերի . . .

Անցանք դատարկ բակով, որին չորս կողմից նայում են անթիւ փոքրիկ պատուհաններ, ինչպէս մարող աչքեր, և մտանք բանտապետի սենեակը: Գռնփակ աշխարհի թագաւորն է դա: Ոչ որ այնտեղ չէ կարող մտնել և ոչ էլ դուրս գալ առանց երկրպագութեան գնալու այդ խորհրդաւոր պաշտօնեային, որը չէ խօսում, բայց կարգադրում է, չէ նայում, բայց միշտ դիտում է:

— Տէր իմ Աստուած, ուղարկում են և դարձեալ ուղարկում, իսկ ես ոչ մի սենեակ չունեմ: Այն օրից, որ սկսւած է հայոց գործը, այլևս ազատ տեղ չը մնաց: Այս շաբաթ տասներեք հոգի են ուղարկել, և դեռ վաղը՝ նորերին ենք սպասում:

Եւ նորերը գալիս են, իսկ տեղի համար գանգաւորը բանտապետը դիւթական հնարագիտութեամբ բռնորին էլ տեղաւորում է: Բանտը բռնութեան ստամոքսն է. նա երբէք չէ յագենում: միշտ տեղ ունի: Գողերին, մարդասպաններին, կեղծարարներին կուտակում են միմեանց վրայ. այնտեղ, ուր միայն տասն հոգի պիտի լինի, համախմբում են քսան, երեսուն, ապականւած, անշնչելի օդի մէջ. իսկ քաղաքական յանցաւորներին, վտանգի այդ անսպառ աղբիւրներին, փակում են մէկ-մէկ, ջոկ-ջոկ սենեակներում, բաժան-

ւած մէկը միւսից հաստագոյն պատերով, խուլ և անզգայ քար ու կիրով...

— Յանձնեցէք ինձ ինչ որ ունէք, — նամականք, թուղթ և մանաւանդ ձեր փողը, կարգադրեց բանտապետը իր սեղանի առաջ նստելով:

Կալանաւորի վրայ չեն թողնում թղթի մի կտոր անգամ: Չէ որ թուղթը հաղորդակցութեան գործիք է... Վերցնում են փողը և փոխարէնը տալիս մի ստացագիր: Ստացագիրը ոչինչ բանի ծառայել չէ կարող, մինչդեռ երբ բանտարկեալը փող ունենայ մօտը, կարող է կաշառել պահապանին, զինւորներին, կամ որևէ բանտարկեալի միջոցով յարաբերութեան մէջ մտնել դրսի աշխարհքի հետ, կամ նոյնիսկ փախուստ տալ: Գրամը չէ կորցնում իր վարակող ուժը փակւած դռների յետևը անգամ:

Մի ժամից ինձ տարան մի այլ սենեակ: Գա բանտարկեալների հանդերձարանն էր: Ինչ պէտքէ անէին ինձ հետ — անյայտ էր: Սենեակի մի անկիւնում՝ երկու հոգի պատրաստում էին շորեր տենդային արագութեամբ: Կարծէք, պատանք կարողներ լինէին... Մէջտեղը նստած էին, մի սեղանի շուրջը, բանտապետի օգնականը, մի ենթասպայ և երկու գրագիր: Օգնականը հայ էր, խոժոռ և չար դէմքով, ենթասպան — ռուս, հաճելի, վճիտ աչքերով:

— Հանւեցէք, ասաց օգնականը հրամայական շեշտով. ձեր շորերի տեղ պիտի հագնէք բանտային զգեստ:

— Բայց դա օրէնք չէ. ես կը կամենայի իմ...

— Օրէնքը այն է, ինչ հրամայում են:

Սկսեց հրամանի կատարումը:

— Ներեցէք հարցնել, գուցէ մի տեղ ունէք, ուր ես կարող եմ հանւել:

— Ո՛չ մի տեղ. մերկացէք շուտով, շեշտեց օգնականը կրկնակի խոժոռութեամբ:

Ծանր, հագեմաշ բոպէներ: Գողը պատեց ինձ, երբ գլուխս բարձրացրի և իմ աչքերը հանդիպեցին նրանց բոլորի հայեացքներին, հեգնական, լի արհամարհանքով: Արած էք ասում էին՝ „Թողէք ձեր ցնորքները. այսօրւանից դուք իր էք մեր ձեռքում, որին կը դարձնենք, ինչպէս կամենանք, կը գցենք, ուր ուզենանք“: Եւ գցեցին: Հապցրած նոյն շորերը, ինչոր մարդասպաններին և գողերին, գլխիս ծածկած այն գլխարկը, որ դուք տեսնում էք դատարան տարւող ոճրագործների գլխին, մէջքիս էլ նոյն մակագրութիւնը՝ „Ն. Բ.“ (Նահանգական բանա), ինչ որ յատուկ է նախատինքի ենթակայ բոլոր դժբախտներին, ինձ դուքս բերին հանդերձարանից, ձեռքիս մի թղթի կտոր, վրան իմ համարը... Մտայ այնտեղ, իբրև մ'առ դ, իրաւունքներով, դուքս եկայ ինչպէս իր՝ առանց իրաւունքների: Եւ ինչպէս իր՝ ինձ տարան և փակեցին այն դժոխքի մէջ, որը քաղաքական յանցաւորի առանձնարանն անունն է կրում:

Փոքրիկ սենեակ էր դա, մի հատիկ պատուհանով՝ օձորքի մօտ, ի հարկէ վանդակապատ: Պատուհանի նեղ բացւածքից ոչինչ չէր երևում, բայց եթէ երկնքի մի աննշան կտոր, միակ տեսարանը խեղճ կալանաւորի: Ոչ աթոռ և ոչ սեղան: Անկիւնում դրած էր փայտեայ մահճակալ, առանց անկողնի: Երեկոյեան դէմ միայն պահապանները բերեցին խոտով լրցրած մի ներքնարկ, կտաւէ բարձ, դարձեալ խոտով լի, և մի վերմակ՝ զինւորների հին վերարկուներից պատրաստած, լի կասկածելի բծերով, զզելու չափ կեղտոտ: Անղտոտ էր և սենեակը, սառն, խոնաւ, յատակը լի բացւածքներով, ազատ ձանապարհ մկների համար, որոնք՝ բազմատեսակ միջատների հետ միասին՝ բանտարկեալի միակ հասարակութիւնն են կազմում:

Տխուր է այդ կացարանը, բայց ոչ սոսկալի, որովհետև կան աւելի վատերը, վատ հազար անգամ, ան-

մատչելի մարդկային խղճմտանքին, — մի գեանափոր առանց ընյսի, պատերին՝ բորբոս, գետնին՝ ցեխ, ցեխի մէջ մի քիչ յարդ, որ անկողինն է շղթայակապ կալանաւորի, զրկեած շարժելու հնարաւորութիւնից, մարդկային դէմքերից — գեանափոր, որ միաժամանակ և՛ գերեզման է, և՛ բնակարան, արտաքնոց ու տանջարան . . .

Մշտափակ է խուցը: Այլանաւորը ոչ դրին չէ տեսնում. պահապանն է միայն, որ դրսից՝ ամեն բոպէ, գիշեր և ցերեկ՝ դռան վրայ շինած փապարի միջով՝ հսկում է նրա իւրաքանչիւր քայլը, շարժեաճքը, — նոյն իսկ գիշերը, որովհետեւ իրաւունք չկայ ճրագը հանգցնել և ուրեմն խուսափել զինւորի խուզարկու աչքերից: Աողպած դռան բանալին պահապանի մօտ է, կախեած նրա կողքին՝ ատրճանակի հետ միասին. երկրորդն ի պաշտպանութիւն առաջինի: Իսկ երեկոյեան 9 ժամին, երբ բանտապետը՝ շրջապատեած իր ստորագրեալներով գալիս է վերստուգելու «հպատակների» խուցերը, այդ բանալին հանդիսաւոր կերպով նրա ձեռքն է անցնում: Եթէ այդ բոպէից սկսած՝ կալանաւորը տկարանայ, ուշաթափուի, մեռնելու անգամ լինի և կարիք ունենայ մարդկային օգնութեան — ոչ որ դուռը բանալ չէ կարող իրաւունք չունի: Նա կարող է մեռնել, բայց և այնպէս դուռը չի բացուի մինչև լուսաբաց, մինչև վերստուգման առաւօտեան ժամը:

Հազիւ մի օր անցած, երբ սկզբնական յոյզը քիչ թուլացաւ, հրապարակ եկաւ յաւիտենական խնդիրը, նոյնքան հրատապ բանտում, որքան և ազատութեան մէջ — հ ա ց ի խ ն դ ի ը ը: Քակեած աշխարհում, «ազնւականները» միայն իրաւունք ունեն իրենց փողով լաւ ուտել, հոգալ իրենց մարմնի պարարտացման մասին: Հարուստները այդ իրաւունքին տիրանում են դրամի ուժով և կաշառքով: Մնացածները զուրկ են այդ արտօնութիւնից:

Իսկ քաղաքական յանցաւորները—նայած տեղին և բանտին. կան բարեմիտ բանտապետներ, վանաւանդ եթէ խոհանցից իրենք էլ շահ ունեն, որոնք շնորհում են այդ արտօնութիւնը, բայց կան և այնպիսիները՝ որ մերժում են խտօրէն: Մերը՝ այդպիսիներից էր: Պետական գանձարանը շատ էլ առատ չէ դէպի կալանաւորը, — ամեն մէկի համար նա տալիս է օրական երեք կոպէկ. այդ խղճուկ կօպէկներն մի մասը, հասկանալի է, բանտապետն է գողանում, միւս մասը՝ անտեսը, և բանտարկեալի համար տակը ուրիշ ոչինչ չէ մնում, բայց եթէ մի կտոր ոսկոր՝ մտի փոխարէն, մի աման անհամ կեղտաջուր, որ ապուր անունն է կրում, և մի կտոր հաց, որի մէջ տիրապետող զերը յաճախ ալիւրի տեղ՝ հողն է կատարում: Եւ դրանով մարդիկ պիտի ապրեն...

Մի օր, երբ տկարացած՝ բանտային հիւանդանոցն էի փոխադրւած, թմսիծի և տրսուութեան սև բոպէներին, կանգնած վանդակապատ պատուհանի մօտ, բակն էի դիտում: Զբօսանքի ժամն էր. բանտարկեալները, մարդասպան, գող, թափառաշրջիկ, ոմանք շղթաներով, միւսները «ազատ», ման էին գալիս մտամոլոր, հիւժւած: Բայց կային և այնպիսիները, որոնց երեսին ուրախութեան նշաններ էին նկատում: Մակաւապետ մարդիկ — մաքուր օդը, այնքան հազւագիւտ ապականւած խուցերում, ազատութեան հաճոյք էր ներշնչել նրանց: Ոմանք միջանցքներ էին մաքրում, միւսները արտաքնոցներ, ոմանք էլ իրենց լուացքն էին անում, փոքրիկ լազանն երի մէջ: Յանկարծ զանգը խփեցին, — ճաշի նշան էր: Բազմութեան մի մասը վաղեց դէպի խոհանոց, որտեղից, մի լայն անցքի միջով, խոհարարը՝ ահագին շերտիով բաժանում էր կեղտաջուրը — ապուրը: Շատ քիչերը ամաններ ունէին. մի մասը դէպի խոհարարն էր մեկնում նոյն այն լազանները, որոնց մէջ մի քանի բոպէ առաջ իր կեղտոտ շորն էր լւանում, և հազիւ ստացած՝ վաղում

էր խուցը՝ վիճակակիցների հետ վայելելու իր բաժինը...

Հարաթը երկու անգամ այդ քաղցած, մոռացած բաղ-
մութեան համար զատիկ է,—այն օրերին, երբ ծնող-
ները կամ բարեկամները տեսու թե ան են գալիս
և բերում մէկը՝ մի քանի հաց, միւսը՝ մսեղէն, ձու,
աւելի ունեւորները՝ մի քիչ թէյ, շաքար և ծխախոտ:

Սրտաճմրիկ են այդ տեսակցութիւնները:

Բակի մէջտեղը, լայնութեամբ, երկու թուկ են անց-
կացնում, մէկը միւսից մի քանի արշին հեռու: Մի թուկի
երկարութեամբ կանգնում են բանտարկեալները, միւսի
դիմաց՝ եկողները. մէջտեղը պահապաններ են անցու-
դարձ անում, որպէսզի թոյլ չտան նրանց՝ միմեանց հետ
ծածուկ խօսել կամ որևէ բան տալ: Ահա պառաւ
մայրը, որ հեռուից, շատ վերստեր կարած, եկել է տես-
նելու մին ու ճար որդուն. նա առաջ է վազում, ուզում
է շօշափել զաւակի գլուխը, բռնել նրա ձեռքը, նայել
աչքերին... „Հեռու“ — հնչում է պահապանի կոշտ ձայնը:
„Հեռու“, կրկնում է մի ուրիշը՝ հրելով միւսներին,
կարօտով տապակողներին: Մնացած պահապանները այլ
զբաղմունք ունեն.—մէկը հացն է միջից կիսում. մի ու-
րիշը քաղցրաւէնիքի տուփն է բաց անում. երրորդը՝ եփած
ձուն է կտորում: Ասակածում են, որ նրանց մէջ կարող
է թագցրած լինել թղթի գրած կտոր, գաղանի տեղե-
կութեան մի կարևոր տոմսակ: Եւ ենթակայ այդ կաս-
կածին՝ քրքրում են ամեն ինչ: Ու իբր վարձատրու-
թիւն իրենց „աղնիւ“ աշխատանքի, ուտելեղէնի լաւը,
թէյի մեծ մասը, ծխախոտի կէսը սեփականացնում, վա-
յելում են և տականքը հասցնում բանտարկեալին:
Ո՞ւմ գանգատի խեղճը,—այդ աւարին ինքը բանտա-
պետն էլ մասնակից է...

Քաղաքական կալանաւորը՝ այդ անմեղ զուարճութիւն-
ներից էլ զուրկ է. նա ոչ ոքի չէ կարող տեսնել, և
ոչոք նրան մօտենալու իրաւունք չունի: Աինը, մայրը,

եղբայրը ամիսներ շարունակ դիմումներ և՛ն անում, մաշում և՛ն ժանդարմների վարչութեան կամ նահանգապետի չէմբը և հարիւրից մի անգամ միայն՝ թուղթ և՛ն ստանում՝ տեսնելու իրենց սիրելիներին: Այդ տեսակցութիւնը կատարուում է բանտապետի գրասենեակում— մի քանի զոյգ աչքերի հսկողութեան տակ: Խօսել կարելի է միմիայն ուսերէն: Այցելուի իւրաքանչիւր խօսքը, շարժւածքը, ակնարկը՝ հետազօտութեան է և՛ն թակայ, և վայ, եթէ որևէ կասկած ծագեց. — կալանաւորի վիճակը կը դառնայ աւելի ծանր, հսկողութիւնը՝ աւելի խիստ . . .

Ամիսները յաջորդում էին ամիսներին, կասկածն ու անյայտութիւնը մաշում էին ինձ, — բայց ոչ մի տող բնտանիքից կամ ծանօթներից: Անշուշտ նրանք գրում էին և միշտ անմեղ, միշտ անբովանդակ նամակներ, սակայն իշխանութիւնը, ինչպէս երկաթէ պատ, արգելում, չէր թոյլատրում ինձ հասցնել: Ինքս էի ուղում գրել, ի հարկէ դատախազի միջոցով, բայց միշտ՝ մերժում: Երբեմն էլ թոյլ էին տալիս, մինչև իսկ մարկի համար փող էին նշանակում, բայց միայն խաբելու նպատակով: Ուշ իմացայ, որ ոչ մի նամակ հասցէին չէր ուղարկւած:

— Չունէք արդեօք որևէ ասելիք, հարցրեց մի օր նահանգապետը, իր պաշտօնական այցելութեան միջոցին:

— Ինդրում եմ թոյլ տալ ինձ՝ դիմելու կառավարչապետին մի խնդրագրով:

— Դիմեցէք, օրէնքը ձեզ իրաւունք է տալիս:

— Բայց բանտապետը մերժում է այդ իրաւունքը:

— Ի՞նչ է պատճառը:

— Հեղեղեցին մեզ հայ կալանաւորները իրենց խնդրագրերով, վերջ չը կայ, պատասխանեց բանտապետը՝ պատւի կանգնելով:

— Բայց ես դեռ ոչ մի հատ չեմ գրել, դա սխալ է, աւելացրի ես:

— Թոյլ տւէք որ գրեն, պ. բանտապետ, նկատեց նահանգապետը:

— Հնազանդում եմ:

Եւ դարձեալ ոչ մի անգամ թոյլ չտւեց:— „Պնացէք, գանգատեցէք նահանգապետին“—կրկնում էր նա միշտ, ինքնավստահ հեգնութեամբ:

Սակայն գանգատն ու բողոքը, կոչն ու վիշտը չէ հասնում նահանգապետներին, և ոչ իսկ պատի այն կողմը փակւած՝ նոյնպէս վշտահար, նոյնպէս անխօս վիճակակիցին: Ազազակեցէք, որքան կարող էք, գոռացէք ձեր թոքերի ամբողջ ուժով—ոչ որ արձագանք չի տայ: Միայն պահապանը կը բաղնի գռանը՝ իբրև լուութեան ազդարարութիւն: Եւ այդպէս սահում են վշտի օրերն ու ամիսները: Ինչ է կատարւում միւս խուցի մէջ, բանտի այլ մասերում, սկսւած է արդեօք հարցաքննութիւն, կենդանի են ընկերները թէ մեռած, — ոչ որ գիտէ: Բայց անհրաժեշտ է գիտենալ, տեղեակ լինել անցած-դարձածին:

Մի օր, երբ ինձ դուրս բերեցին գաղանի բակը՝ քիչ զբօսնելու, զարմանքով տեսայ մի ընկերոջ, որին շտապով դուրս տարան: „Աւրեմն նա էլ բռնւած է“: Եւ այդ րոպէից իմ փափազը եղաւ գրել նրան: Պահապանը, որ կաշառւելու բոլոր վատ հակումներն ունէր, բերեց ինձ մի քանի տեղեկութիւններ: Եւ մի քանի օրից՝ յարաբերութիւնը արդէն սկսւած էր: Ահա թէ ինչպէս: Բանտապետը աւել էր ինձ կարգալու մի „չին-պտակարան“ գրել գրքի մէջ՝ անկարելի է. մէջը դնել թուղթ՝ նոյնպէս, որովհետև բանտի դիւանատանը անդադար զննում են բոլոր գրքերը: Ես դիմեցի մի աննկատ միջոցի: Հարկաւոր էր հաղորդել իմ ընկերոջ հետեւեալը. „Ես էլ այստեղ եմ. քո բոլոր նամակները բռնւած են“: Մատիտով, հազիւ նկատելի, գրքի ամեն մի երեսի առաջին և վերջին տողում ընդգծեցի այդ խօս-

քերի տառերը, նրանց կարգով ի հարկէ, ամեն մի տողում մի տառ միայն: Ապա խնդրեցի պահապանից գիրքը, իրբև թոյլատրեա՞ծ, հասցնել այս ինչ բանտարկեալին: Ընկերս՝ ի հարկէ, խորին ուշադրութեամբ քննել և գտել էր գաղտնիքը, — բանտարկեալը լաւ հոտառութիւն ունի: Երկու օրից՝ ստացայ նոյն գրքով, նոյն ձևով, հետևեալ լուրը. «Ինձ հարցաքննեցին, միւսներն էլ բռնեա՞ծ են»: Գրանից յետոյ յարաբերութիւնը անբնդհատ էր և կատարեալ:

Մի ուրիշ օր, երբ ինձ նոր էին յետ բերել ժանդարմական վարչութիւնից, և ես՝ հոգնած, մնայլ, ներվոս՝ սենեակի մի անկիւնից միւսն էի վազում և աշխատում պարզել հարցաքննութեան ժամանակ ինձ տրեա՞ծ հարցերի յետին միտքը, յանկարծ լսեցի մի քանի բաղխումներ պատի միւս կողմից: Կանգ առայ և ականջ դրի: Բաղխումները կրկնեցին: Մօտեցայ պատին և իմ կողմից նշաններ տեսցի: Ընծանօթը պատասխանեց: «Ընկեր է՞», յուզեա՞ծ բացականչեցի ես: Երջանիկ ըոպէներ էին: Եւ մի ժամ չանցած, ես արդէն գիտէի՝ թէ ով է իմ հարեանը, ինչի համար է կալանաւորել և ուրիշ շատ նորութիւններ:

Բայց ի՞նչ ճանապարհով:

— Շատ պարզ և շատ հեշտ:— Իմ հարեանը մատով կամ մտտիտով բաղխում էր պատը: Բաղխումները, որ ես լսում էի պարզօրէն, փոխարինում էին հայկական տառերը: Բաղխումների քանակը համապատասխանում է տառերի տեղին, այբբենական դասաւորութեամբ: Այսպէս՝ Ա—1, Բ—2, Գ—3, Դ—4, Ե—5, Զ—6 և այլն: Այդ եղանակով, նա ամենից առաջ հարցրեց իմ անունը, հաղորդեց ինձ իրենը՝ և այդ ըոպէից մենք արդէն հին ծանօթներ էինք: Իմ գաղափարակից ծանօթը հաղորդեց նոր լուրեր. աւետեց, որ Զէյթութունը ապստամբեա՞ծ է, պատմեց նոր ձերբակալութիւն-

ների մասին, գուժեց մի ծանօթի մահը, ասաց և ուրիշ նորութիւններ, ախորժեղի և անախորժ:

Միւս օրը, առաւօտեան, երբ վերսկսեցինք մեր շրջոյցը, յայանեցի ընկերոջս, թէ հարկաւոր է փոքրիկ փոփոխութեան ենթարկել մեր բանակցութեան եղանակը, աւելի արագ և աւելի հեշտ խօսելու համար: Եւ իհարկէ ուրախացաւ: Փոփոխութիւնը հետեւեալն էր: Հայկական այբբենը պէտք էր բաժանել եօթ շարքերի՝ ամեն մի շարքում վեց տառ, ահա այսպէս.

	1	2	3	4	5	6
1	Ա	Բ	Գ	Դ	Ե	Զ
2	Է	Ը	Թ	Ժ	Ի	Լ
3	Խ	Ծ	Կ	Հ	Ձ	Ղ
4	Ճ	Մ	Յ	Ն	Շ	Ո
5	Չ	Պ	Ջ	Ռ	Ս	Վ
6	Տ	Ր	Յ	Ի	Փ	Ք
7	ԵԻ	Օ	Ֆ	ՈԻ		

Սա այն առաւելութիւնն ունի, որ փոխանակ դիցուք Վ տառի համար, որ այբբենարանի 30-րդ տառն է, 30 բաղխում տալու, — շատ ժամանակ և աշխատանք

պահանջող մի սիստէմ, — կարող էք բաղխել 5 և 6 անգամ, որ կը նշանակէ 5-րդ կարգի 6-րդ տառը: Հետեւելով այդ կարգին՝ իբրև զուարճութիւն, բաղխեցի՝ 11, 62, 14, 15, 72, 66, 55, 74, 26, 23, 11, 44, 22, 55, 52, 11, 44, 64, 15, 63,

որ կը նշանակէ՝ ԱՐԳԵՕՔ ՍՈՒԼԹԱՆԸ ՍՊԱՆԻԵՑ:

Ընկերս պատասխանեց՝ 46, 51 — ՈՁ:

„Գիւտը“ իր պտուղները շատ շուտ տւեց, մի շաբաթ չանցած՝ քաղաքական բոլոր հայ կալանաւորները յարաբերութեան մէջ էին իրար հետ: Համարձակներից մէկը աւելի ժողովրդացրեց նրան, գործ ածելով իբրև միջոց՝ նամակագրութեան: Գրանից յետոյ բանտում թոյլատրւած գրքերի վրայ սկսեցին երևալ անվերջ թւանշաններ, ըստ երևոյթին անմիտ ու անկապ: Բանտապետը կասկածեց:

— Սա ի՞նչ է նշանակում, զայրացած հարցնում է նա, բռնելով այդ թւանշանները մի կալանաւորի ձեռքում:

— Ոչինչ, պ. բանտապետ, պարապութիւնից թւաբանական խնդիրներ եմ լուծում. աշակերտ ժամանակ շատ էի սիրում բարդ խնդիրների վրայ գլուխ կոտրել:

Անվերջ կռիւ է այդ, որ գոյութիւն ունի կալանաւորների ու բանտային վարչութեան միջև: Մէկը աշխատում է գաղտնի յարաբերութիւններ պահպանել, միւսը ճգնում է՝ արգելել, արմատախիլ անել: Բացում է գաղտնի ձևերից մէկը, հնարում են մի նորը, աւելի սրամիտը: Եւ յաճախ մարդկային ուղեղը յաղթանակում է պօլիցիական ուղեղին, բթացած իր ամենազօրութեան մէջ:

„Նամակագրութիւնը“ սակայն երկար չը տւեց:

— Չեղ կանչում են դիւանատուն, այս խօսքերով մտաւ իմ խուցը՝ պահապանը:

Գիւանատանը սպասում էր բանտապետը՝ անսովոր

Հանգիսաւորութեամբ: Պարզ էր, որ նա արտակարգ մի նորութիւն ունէր հաղորդելու:

— Պատրասուեցէք կէս ժամից ճանապարհ ընկնելու:

— Ո՛ւր:

— Չը գիտեմ, չեմ կարող ասել:

Հարցը չը կրկնեցի: Գա նշան էր, որ որոշումը գաղտնի է: Ուղիղ կէս ժամից՝ պահապանների խիստ հսկողութեամբ՝ դուրս եկայ բանտի դարպասով՝ նոյնքան անտեղեակ ինձ սպասող վիճակին, որքան երեք ամիս առաջ, երբ ներս մտայ: Գարձեալ փակ կառքը սպասում էր: Նա սլացաւ քաղաքի յետ ընկած փողոցներով, ուր բազմութիւնը արդէն ոտի վրայ էր, կեանքը եռուն: Փակւած կառքի մի անկիւնում՝ կծկւած՝ անկարող էի դիտել մարդկանց դէմքը, տեսնել մի ժպիտ, գուցէ և ծանօթի մի հայեացք: Մարդկային դէմքի կարօտը՝ ինձ այրում էր... Հրապարակներից մէկի վրայ յանկարծ կառքը կանգ առաւ: Յուզարկաւորութիւն էր:

— Ո՛ւմ են թաղում, հարցրի մեքենայօրէն:

— Հանգուցեալին, պատասխանեց պահապանը լրջութեամբ:

Եւ խնայն աւելացրեց՝

— Հրամայեա՞ծ է չը խօսել...

Քսան ըստէից կառքը կանգ առաւ երկաթուղու կայարանի առջև: Գնացքը պատրաստում էր մեկնելու: Ծանր նախազգացումը ինձ տիրեց: „Երևի աքսորի ճանապարհն է“, մտածեցի ես: Սկսեցին լուութեան նոր ժամեր: Մի ժամ ժանդարմների առանձնասենեակում — լուռ աւելի քան 18 ժամ գաղտնի վագօնում — դարձեալ լուռ. մի ժամից աւելի յաջորդ քաղաքի ժանդարմական վարչութեան նախասենեակում — նորից լուռ. ապա բանտապետի դիւանատանը — միշտ լուռ, և ի վերջոյ ամենամեծ լուստանում — բանտի մէջ՝ լուռ մի ամբողջ շաբաթ:

Շարթագլխին լուծիւնը ընդհատուեց: Նորից տարան հարցաքննութեան, սկզբում օրը մի անգամ, ապա օրը երկու անգամ, վերջը՝ ամբողջ օրով, և նախկին լուծիւնը յաջորդեց անվերջ հարց ու պատասխան, վէճ, մեկնութիւններ, ապա սպառնալիք, արձանագրութիւններ և դարձեալ սպառնալիք...

Նստած իր բազկաթոռի մէջ՝ գնդապետը, սէգ, լի անընդհատ ցասամամբ, իրեն զգում էր միահեծան համայն Ռուսաստանի: Գիմացը տեղ էր բռնել ժանգարմական օֆիցէրը, փոքրիկ գլխով, բայց վեթխարի մի կազմեածքով, կարևորութեան դէպքում՝ կալանաւորների վրից բռնելու բոլոր ձիրքերով օժտուած: Անկիւններում թարգմանները—հոտառու քթով, ամենահպատակ գրչխով և անշուշտ՝ բազմատանջ ստամոքսներով: Եւ ի լրումն՝ արգարութեան ներկայացուցիչը, — պրօկուրօրը, լուս, խորհրդաւոր...

— Եթէ ես մինխար լինէի, մենչաց գնդապետը՝ խելագարի նման տեղից վեր ցատկելով, կ'ոչնչացնէի հայոց լեզուն, գրականութիւնը, եկեղեցին, թատրօնը, կը ցրուէի հայերը Ռուսաստանի բոլոր կողմերում, և դա կը լինէր վախճանը հայկական շարժման, որ մեզ այնքան տանջեց, գիշեր ու ցօրեկ մեր քունը կտրեց:

— Տանջողը դուք չէք, պ. գնդապետ, այլ մենք, անմեղ մեղաւորներս, որ դարձել ենք քաղաքական դաւադիրներ, ենթակայ բանտարկութեան ու աքսորի, մարդասիրական պարզ համակրութեան համար, ուղղած բազմատանջ և հեծեծող մի ժողովրդի արդար դատին:

Պրօկուրօրը միջամտեց: Փոթորիկը անցաւ:

— Գուք մեղաւոր էք հետևեալ երեք կէտերում, վերսկսեց բոպէաբար խաղաղած գնդապետը.— ապօրինի ծանապարհօվ զէնք էք գնել և ուղարկել Թիւրքիա, կազմակերպել էք զինւած խմբեր, հիմնել էք գաղտնի տպարան ու հրատարակել արգելւած թերթեր՝ գաղտնի

կազմակերպութեան անունից, որի մի անդամն էք դուք:

Այդ երեք կէտը հանրածանօթ բանաձևն էր, պատ-
րաստած ժանդարմական վարչութեան մէջ և առա-
ջարկւած բոլոր կալանաւորներին: Նրա ծագումը պարզ
է: Երբ սկսւեց «հայկական շարժումը», պետական ապա-
հովութեան կովկասեան ներկայացուցիչները տեղեկա-
գրեցին կենտրօնին, որ Անգրկովկասն է շարժման աղ-
բիւրը, և ամեն մի հայ երիտասարդի բնակարան զէնքի,
պրօկլամասիօնների և ռազմիկների շտեմարան է: Հրաման
եկաւ Պետերբուրգից՝ խուզարկել և կալանաւորել: Սկսե-
ցին խուզարկութիւններ, համոզւած, որ հազարներով
հրացաններ կը բռնեն, հարիւր հազարներով փամփուշտ,
որ կը բանան ռումբի և զինամիտի պահեստներ, գաղտնի
տպարաններ և ի լրումն՝ դաւադրական կազմակերպու-
թիւն՝ ուղղած նոյնիսկ ռուսաց կառավարութեան դէմ...

Ժանդարմական յոյսերը չարդարացան:

Եւ դա նրանց կատաղութեան աղբիւրն էր:

— Եթէ դուք մեզ հարցաքննութեան էք կանչում,
պ. գնդապետ, միայն նրա համար, որ անվերջ մեղա-
դրանքներ բարդէք մեզ վրայ, առանց ականջ գնելու
մեր բացատրութիւններին, այն ժամանակ անօգուտ է
այս բոլորը.— փակեցէք մեզ բանտում կամ ուղարկեցէք
աքսոր, ինչպէս արդէն...

— Վերագարծէք բանտ, յայտարարեց գնդապետը՝
ընդհատելով իմ խօսքը...

Յաջորդ օրը պրօկուրօրը բացակայ էր, իսկ գնդա-
պետը՝ կատակերգական տրամադրութեամբ: Նա ինձ ըն-
դունեց այս խօսքերով.

— Գիտեմ, դուք ուղում էք անկախ Հայաստան ըս-
տեղծել և մեզ՝ ռուսներին նման՝ ուրիշների վրայ իշխել:
Բայց դուք չարաչար սխալոււմ էք: Անգլիայի բարեկա-
մութիւնը ձեզ չի օգնի, և մենք Հայաստանը ձեզ չենք
տայ: Ար տիրապետենք նրան և կը միացնենք Աովկասին:

Տեսէք. սահմանագլխի երկաթուղին արդէն պատրաստ է, և մենք միայն մի առիթի ենք սպասում՝ զօրք մտցնելու համար:

Փոքրիկ ընդմիջումից յետոյ՝ նա շարունակեց.

— Երէկ, հարցաքննութեան ժամանակ, ձեր ընկեր-
ներից մէկին այս հարցը տւի. «Եթէ Հայաստանը ազատւի,
ինձ էլ մի պաշտօն կը տա՞ք»: Նա խօստացաւ... Գիտէ՞ք,
ես ձեր ազգակիցների մէջ շատ բարեկամներ ունեմ:
Հայերէն էլ գիտեմ—օրինակ, «Յիցեռնակ, ցիցեռնակ»...

Ես բողբեցի այդ «պաշտօնական կատակաբանու-
թեան» դէմ: Գնդապետը զայրացաւ, շրթունքները կծեց
և վերսկսեց քննութիւնը, որը երկու ժամից յետոյ
վերջացաւ այս յայտարարութեամբ՝

— Եթէ մինչև երեք օր չը խօստովանէք բոլորը, ես
ձեզ կը փակեմ բանտի մէջ մի ամբողջ տարի, կը
զրկեմ ձեր կերակրից ու անկողնուց, չեմ թողլ տայ մի
հատիկ բողբ կամ խնդրագիր, կ'արգելեմ ամեն մի տե-
սակցութիւն. . . բայց նպատակիս կը հասնեմ. . .

Եւ շարունակեցին ձգտել այդ անարգ նպատակին:

Համատարած կասկածը, որ իր թեւերով պատեց ամ-
բողջ Կովկասը, դէպի բանտ, դէպի աքսոր, դէպի պօ-
լիցիական հսկողութիւն տարաւ մի ամբողջ սերունդ —
ամենածանր տուրքը հպատակ ազգութեան: Քաղաք չը
մնաց ազատ և ոչ էլ մի հատիկ դասակարգ: Երհնա-
տաւոր և ուսուցիչ, գիւղացի և իրաւաբան, գրող և
երկրագործ, ուսանող և վաճառական, նոյնիսկ կին և
հոգևորական, — բոլորը միաժամանակ և հաւասար խըս-
տութեամբ՝ ճաշակեցին բանտային տանջանքները, կաս-
կածի և հալածանքի դառնութիւնները:

Զարհուրանքով լի փաստեր կան բանտային տարեգրու-
թեան մէջ: Ո՞ր մէկը յիշենք: Մի օր ժանդարմական
վարչութիւնը տեղեկանում է, որ մի արկղ գինամիտ է ու-

ղարկւած թիֆլիզ, Վէորգեան անունով մէկի հասցէին: Վալանաւորում են մի Վէորգեան, որ ոչինչ կապ չունէր միւսի հետ և ոչ էլ տեղեկութիւն: Կրան բանտարկեցին, նոյնիսկ ծեծեցին, որպէսզի խոստովանի, և եօթ ամիս տանջելուց յետոյ՝ արձակեցին... անմեղին: — Մի հայուհի կալանաւորուց և չորս ամիս բանտ նստեց միայն այն պատճառով, որ կ ա ս կ ա ծ ւ ու մ՝ էր՝ թէ տեսնել է մի քանի քաղաքական յանցաւորների հետ: 1899 թւի փետրւար 3-ի գիշերը Մոսկվայում խուզարկեցին 51 հայ ուսանողների բնակարաններ, մի մասն էլ բանտարկեցին. — վերջը „գործը գաղբեցրուց“, իբր անհիմն: Թիֆլիզում մի ընտանիք ենթարկեց խուզարկութեան, որդին էլ ձերբակալեց միայն այն պատճառով, որ մի այլ կալանաւորի մօտ, որ նրանց ազգականն էր, գտնուել էր դրա մի նամակը, մի պարզ բարոյագիր: 1895 թւի ձմեռը՝ թիֆլիզ, Բագու և Երևան կալանաւորւած և ամիսներով բանտարկւած անձանց մեծագոյն մասի գէ՛մ՝ ժանդարմական վարչութիւնը ոչինչ փաստեր չունէր, այլ լոկ կասկած, այն էլ հիմնւած գաղտնի լըրտեսների ծախու ցուցմունքների վրայ: Բանտարկւածներից շատերին ենթարկեցին խտաագոյն հսկողութեան միմիայն նրա համար, որ նրանք չէին խոստովանում այնպիսի յանցանքներ, որ չէին գործել և չը գիտէին:

Անվերջ են փաստերը:

Բարձրագոյն անարդարութեան անթիւ, անօրակելի այդ դէպքերն են, որոնք սակզօցեցին բանտային խորունկ լուութեան մէջ, Ռուսաստանի բոլոր կողմերում, սկսած Պետրօ-Պաւլօսկից մինչև վերջինը, ողբերգական տեսարաններ, մեծ մասամբ այնպայ՝ միամիտ հասարակութեանը: Վիւրազգաց, բողոքող, ըմբոստ ոգիները՝ անկարող ընկճելու, անընդունակ հաշտելու սոսկալի իրականութեան հետ, յաճախ դիմեցին ամենագառն

ելքին, — անձնասպանութեան: Եւ սկսեցին սրտածմլիկ դէպքեր այն գետնափորների մէջ, ուր ազատութեան և բռնութեան յուսահատ պայքարն է մղուում . . .

— Ես ձեզ չեմ պատմի այդ սրտածմլիկ դէպքերը — ազնւոր չ են նրանք և չափազանց ցնցող: Կը յիշատակեմ միայն սրբազան մի կտակ, գրեթէ բանտի մէջ՝ մի կալանաւորի ձեռքով, որ զոհ բերեց իրեն և այլևս կենդանի չէ: Պատահեց ինձ մաշեց, և ես այլևս յոյս չունեմ տեսնելու այն գեղեցիկ արշալոյսը, որի մասին այնքան յաճախ և այնքան յափշտակութեամբ խօսում էինք երազօրերին: Մի խնդիրը միայն ունեմ: Եյն Մեծ-Ընտանիքը՝ երբ կը կործանւի Պետրո-Պաւլովսկ — չամառուսական ազատութեան գերեզմանը, չը մոռանար, ընկերներ, այց գալ և՛ իմ մամուսպատ գերեզմանին: Եյդ օրը միայն հանգիստ կ'առնեն իմ ոսկորները և այդ ըտպէից միայն կը մոռացնին անլուր տանջանքները՝:

Ռուսական Բաստիլը կործանուած և նրա փոխարէն՝ մի վիթխարի կոթող Ըզատութեան, այս մակագրութեամբ՝ Յարգանք տան ջւածներին:

— Ե՛րբ պիտի գայ այդ չքնաղ օրը:

Պատմութիւնը աւարտեց. ունկնդիրները ցրեցին, վըրդովւած և վշտահար: Եւ այնուհետև, ամեն անգամ, երբ անցնում եմ բանտերի կողքից, մեծ ու փոքր Բաստիլների մօտով, որտեղից տանջուած ընկերների յիշատակը վրէժ և բողոք է գողում, ենթակայ անսահման ցասման՝ ես միշտ այս խօսքերն եմ մըմնջում,

— Ե՛րբ պիտի գայ չքնաղ օրը:

Գ Ա Ղ Ց Ն Ի Վ Կ Ա Յ Ա Գ Ի Ր Ն Ե Ր

(ՏԱՄՆԻՆՆԵՐՈՐԳԻ ՆԱՄԱԿ)

Կառավարչապետի դիւանատան գաղտնի հրամանը. — Գաղտնի հաղորդագրութիւններ Կարսի նահանգապետի եւ շրջանապետի կողմից. — Թիֆլիզի ժամդարմական վարչութեան կազմած գաղտնի ցուցակը. — Հայ քաղաքական կալանաւորների ցանկը:

Հետեւեալ վկայագիրները, որ առաջ ենք բերում իբրև ն մ ու շ, նոր և պերճախօս լ ու ս ա բ ա ն ու թ ի լ ն են Կովկասեան սահմաններում տիրապետող քաղաքականութեան:

Բացառիկ չեն այդ տեսակ թագնած կարգադրութիւնները: Նոր հովերի սկսման օրերից՝ միապետութեան դիւանատները հեղհեղում են դօցանով, իբրև մշտական հրակէր՝ հսկելու և հետեւելու այն տարրին, որի ամեն մի քայլը նկատում է իբրև քաղաքական շարժման նախանշան:

Երևի շատ չի անցնի, և դիւանատների մէջ ծլոյ ու արթնացող դժգոհութեան ոգին՝ հրապարակ կը բերի գաղտնի թղթերի այնպիսի նմուշներ, որոնք սարսուռի հետ միասին ամենախիստ ցատում կ'ազդեն խաբւած հասարակութեան:

Ներկայ վկայագիրները՝ ուսական պատճէնի հարազատ թարգմանութիւնն է, բառացի ճշտութեամբ: Նրանք ձեռք են բերւած կովկասեան զանազան քաղաքներում, — թէ ինչ ճանապարհով՝ դա ձեռք բերողների գաղտնիքն է — հրատարակութեան ալու գովելի նպատակով:

ԿՈՎԿԱՍԵԱՆ

ՔԱՂԱՔԱՑՈՒՄԻ ՄԱՍԻ

ԳԱՂՏՆԻ

ԿԱՌԱՎԱՐՁԱԳԵՏԻ

Գ Ր Ա Ս Ե Ն Ե Ա Կ

Պ. Զինուորական Նահանգապետին

№ 480

4 ապրիլ 1903 թ.

Կարսի Նահանգի

Թիֆլիս

« Համաձայն կառավարչապետի պաշտօնակատարի տեղեկութիւններին՝ ստացւած Ասիական Թիւրքիայից, Թիւրքահայերը՝ զրգւած հայ յեղափոխական կոմիտէներէ գործակալներէ միջոցով, պատրաստուում են ապստամբութեան: Վերջինիս նպատակն է՝ մեր Անդրկովկասեան հայերի օգնութեամբ՝ տեղիք տալ Թիւրքերին դիմելու խիստ միջոցների եւ այդպիսով զարձնելու հայերի վրայ Եւրոպայի ուշադրութիւնը, որը պնդում է բարենորոգումների իրագործման վրայ եւրոպական վիլայէթներում եւ մոռանում է, որ նոյնպիսի բարենորոգումներ խոստացւել են սուլթանի կողմից նաեւ ասիական վիլայէթներին: »

« Թիւրքաց իշխանութիւնները զանազան նախազգուշական միջոցներ են ձեռք առնում իրենց հպատակ հայերի ապստամբութեան դէմ եւ աշխատում են կատարելապէս անջատել նրանց մեր հպատակ հայերից, որոնք, ըստ կրեւոյթին, շատ գործունեայ մասնակցութիւն ունեն ապստամբութիւնը նախապատրաստելու մէջ: Երա հետ միասին Թիւրքերը հաւատացած են, որ բոլոր կարգադրութիւնները լինում են Անդրկովկասեան հայերի կողմից: »

« Ուրիշ տեղեկութիւնների համեմատ՝ Օտտոմանեան կառավարութիւնը իր ձեռքի տակ ունի անհերքելի ապացոյցներ, որ ասիական վիլայէթների հայերը պատրաստուում են ապստամբելու իրենց կառավարութեան դէմ՝ մշտական յարաբերութիւններ ունենալով կովկասեան հայ յեղափոխական կոմիտէների հետ: Ենթադրութիւն կայ, որ խառնակութիւնները պիտի սկսեն զարնան սկզբին՝ Կովկասից Թիւրքիա տանող ճարապարհները բացւելուն պէս: »

„Թիւրքերի կարծիքով՝ գլխաւոր կէտերը, որտեղից Անդրկովկասեան հայերը պիտի ներս խուժեն Թիւրքիա, են՝ Կաղզւան եւ Օլթի:

„Այս բոլորի մասին պատիւ ունենք յայտնել Ձերդ պայծառափայլութեան, ի գիտութիւն եւ հարկաւոր դէպքում ի պատշաճ անօրինութիւնս:“

(Ստորագրութիւն)

ԶԻՆ. ՆԱՀԱՆԳԱՊԵՏ

ԿԱՐՍԻ ՆԱՀԱՆԳԻ

ՀԱՏ ԿԱՐԵՒՈՐ

ԴԱՏԱԿԱՆ ԲԱԺԱՆՄՈՒՆՔ

ԿԱՏԱՐԵԼԱՊՈՆ ԳԱՂՏՆԻ

№ 143

13 ապրիլ, 1903 թ.

Կարս

Կարսի Շրջանապետին

„Կարսի ոստիկանապետը իր զեկուցագրով՝ ապրիլի 11-ից, № 67, հաղորդում է, որ՝ ազենաների միջոցով իր հաւաքած տեղեկութիւններին նայելով՝ փայտատական հայերի մէջ անպայման շարժում եւ պատրաստութիւն կայ՝ կարելիութեան առաջին դէպքում Թիւրքիա անցելու Պարսկաստանի վրայով, որտեղ, ըստ եղած տեղեկութիւնների, նրանք գաղտնի կօմիտէից պիտի ստանան զէնք, փամփուշտներ, շոր եւ մինչեւ անգամ դրած Ենթադրում են սահմանը անցնել Սուրմալուի գաւառից: Կարսի շրջանի՝ Բաշ-Շօրագեալ (°), Բաշ-Քատիքլար, Աղ-Քատիքլար, Դըզըլ-Քիւրիք-Իերէ, Փալդերվան, Շօրաֆ ու Խաս-Չիվալիք գիւղերում, այլեւ Կաղզւանի շրջանի՝ Թիգար, Դըզըլ-Ղօշ եւ Բաշ-Քիլիսա գիւղերի ամերում եւ գոմերում՝ պահեստի հայ զինւորները զինավարժութիւն են սօրվեցնում 6-6 հոգուց բաղկացած խմբերին, որի համար ստանում են վճար մի ինչ որ ընկերութիւնից: Իսկ առհասարակ բոլոր հայ գիւղերում կատարում է դրամական ժողովարարութիւն: Գիշերները՝ 10-15 հոգուց բաղկացած զինւած խմբեր գիւղէ գիւղ տեղափոխութիւններ են կատարում:

«Որովհետեւ վերոյիշեալ տեղեկութիւններէց մի քանիսը հաստատուում են նաեւ ապրիլի 11-ի № 167 ձեր զեկուցագրով՝ հայերի մէջ նկատուող շարժման եւ ձեր շրջանի համարեա ըստը հայ գիւղերում կատարուող դրամական ժողովարարութիւնների վերաբերմամբ, — ուստի, ի լրումն ներկայ ապրիլի 2-ից եւ 5-ից, № № 120, 123, ձեզ արած առաջադրութիւններէս, ինչպէս նաեւ անձամբ իմ ձեզ տւած ցուցմունքներէս, յանձնարարում եմ.

«1) Հիմնել, ըստ ձեր հայեցողութեան, հայ գիւղերում ոստիկանական պահականոցներ, հայերի գործողութիւնների վրայ հսկելու եւ թոյլ չտալու համար, որ նրանք խմբեր գինեն, դրամ ժողովեն եւ առնասարակ կարգն ու հանգստութիւնը խանգարեն. իսկ եթէ — մարդկանց պակասութեան պատճառով — կարելիութիւն չկայ անհրաժեշտ թւով պահականոցներ հիմնել, այդ դէպքում՝ կազմակերպեցէք յաճախակի եւ ըստ կարելուոյն անընդհատ պտոյաներ հայ գիւղերի մէջ, ինչպէս եւ աւելի անհանգիստ ու կասկածելի վայրերում:

«2) Առանձին ուշադրութիւն դարձնել՝ մանրամասնորէն եւ հանգամանորէն պարզելու Փարագետ գիւղի բնակիչ Կիրակոս Պետրոսովի արած յայտնութիւնը՝ թէ՛ դրամի ժողովարարութիւն անում են Քեօզիք-Սաթըմըշ գիւղում՝ Աւետիս Սարգիսովը, եւ Փարագետ գիւղում՝ Միսակ Սատուրով ու Նահապետ Արութովը, եւ իմանալով՝ թէ՛ ում են յանձնում ժողոված գումարները, առանց յետաձգելու հաղորդել այս մասին անհրաժեշտ տեղեկութիւնները պրօկուրօրական իշխանութեան եւ ժանդարմների վարչութեան:

«3) Պաշտօնական գործերով Կաղզւան անելիք ճանապարհորդութիւնիցս վերադառնալուց յետոյ, խընդրում եմ Ձեզ՝ անյապաղ անձամբ գնալ հայ գիւղերը՝ իրերի գրութիւնը տեղնուտեղը պարզելու եւ հանգամանքներին նայած՝ անհրաժեշտ կարգադրութիւններ անելու, որպէս զի աւելի լաւ եւ աւելի իրական կերպով կազմակերպւեն ներկայ գործի համար անհրաժեշտ միջոցները:

«4) Կարգադրութիւն անել, որ ապրիլի 19-ին, առաւօտեան ժամը 10-ին, Կարս քաղաքում ինձ ներկայանան Մացրա, Զաիմ, Քեօզիք-Սաթըմըշ, Փա-

բազեա, Բէկլի-Ախմէտ, Դօլբանալի, Բէրնա եւ Չերմալը գիւղական տանուտէրների օգնականները:

„Հայկական շարժման պատճառով ակնհասեր պահելու ծախսերի նախափճարը Չեզ կ'ուղարկել շուտով, իսկ առայժմ միջոցները քիչ լինելով՝ յատկացոււմ է 200 բուր.՝:

Գններաւ-մայեօր ՍԱՄՕՅԼՈՎ
Գրասենեակի կառավարիչ՝ ՊՕԼՄԿԻՑ

Զ. Ժ. Կ.

ՀՈՒՏԱՓՈՅՑ

ԵՐՋԱՆԱՊԵՏ ԿԱՐՍԻ ԵՐՋԱՆԻ

ԳԱՂՏՆԻ

№ 172

12 ապրիլ, 1903 թ.
Կարս

Նրեւանեան նահանգական

ժամդարմական վարչութեան
Կառավարչի օգնականին

« Իմ ունեցած տեղեկութիւնների համեմատ՝ ինձ յանձնուած շրջանի մի քանի հայ գիւղերում նախկին հայ գաղթականների ձեռքով կատարոււմ են դրամական ապօրինի ժողովարարութիւններ՝ նպատակ ունենալով օգնել հայ ազիտատորներին, որոնք մտազիր են 10-15 հոգուց բաղկացած խմբերով մայիս ամսին անցնել մեր սահմանից դէպի թրքական հողը եւ խառնակութիւններ առաջ բերել այնտեղ: Ինձ հասած հաստատ տեղեկութիւններին նայելով, դրամական ժողովարարութիւններ կատարոււմ են՝ Զարուշաղի Քեօղիք-Սաթըլժըչ գիւղում գաղթական Աւետիս Սարգիսովը, նոյն բաժնի Փարզեա գիւղում Ալէքսանդրապօլ քաղաքի բնակիչ Միսակ Սատուրով եւ գաղթական Նահապետ Արութովը: „Այս մասին պատիւ ունեւմ ձերզ բարեձննդութեան հողորդել ի կարգադրութիւն՝:

Ստորագրած է ԿԻՍԻՒՅՕՎ

Միաժամանակ Կարսի շրջանի շրջանապետը առանձին թղթերով, N° N° 179, 180, 181, 182, 183, գրոււմ է Եօրագնալի, Սողանլուզի, Աղբաքի եւ Կարսի մասերի իր օգնականներին՝ առաջարկելով ձեռք առնել միեւնոյն խնդրի վերաբերմամբ բոլոր հարկաւոր միջոցները ամէն բան պարզելու եւ յանցաւորներին պատասխանատուութեան ենթարկելու համար:

ԹԻՖԼԻՉԻ ԺԱՆԴԱՐՄԱԿԱՆ ՎԱՐՁՈՒԹԵԱՆ
ԳԱՂՏՆԻ ԹՂԹԵՐԻՑ

1895

Յ Ո Ւ Յ Ա Կ

ՀԱՅՈՑ ԱԶԳԱՅԻՆ ԵԱՐԺՄԱՆ ԱԳԻՏԱՏՕՐՆԵՐԻ, ՈՐՈՅ ՄՕՑ
ԿԱՐԵԼԻ Է, ՅՕԳՈՒՑ ԳՈՐԺԻ ՊԱՐԶՄԱՆ, ԿԱՏԱՐԵԼ ՄԻՆԺԱՄԱ-
ՆԱԿԵՆՑ ԽՈՒՋԱՐԿՈՒԹԻՒՆՆԵՐ

Ազգանուններ. Կոչում եւ զբաղմունք. Բնակատեղի

1. Աւէքսանդր Ստեփանեան (Սանդրո), դրամա-
փոխ, Բաղայա Կրիվայա 17 (Ճ-րդ ուչաստ.)
2. Աւէքսանդր Մովսէսեան, „Աղբիւր-Տարաղի“
խմբագիր, գնացել է Ռուսիա:
3. Արամ Խարազեան, քաղաք վարչութեան հաշ-
ւապահ, Օրբէլեանօվսկ, 22, սեփական տուն:
4. Խաչատուր Մալումեան, „Մշակի“ աշխատա-
կից, „Մշակի“ խմբագրատուն, Բազարնայա, 11:
5. Տէր Մարկոսեան, „Մշակի“ աշխատակից, Մա-
լայա-Բէդխայնսկայա, տ. Եվանգուլօվի, 16:
6. Սիմէօն Զաւարեան, ծառայում է Ֆիլօքսէ-
րայի խմբում, Լարօրատօրն., տ. Ստատկովսկու:
7. Նիկողայոս Մատինեան, ֆրանսիական հիւ-
պատոսարանի թարգման, Լարօրատօրնայա:
8. Աշոտ Խումարեան, գրաշար, Մեչչանսկայա, 5
(Ճ-րդ ուչ.):
9. Յովհաննէս Աղամիրզեան, առեւտրական
բանկի հաշւապահ:
10. Յարութիւն Միրզօեանց, դերձակ (արձակաձ),
հնչակիստ, Զիդրաշէնսկ, 1, խանութ 18:
11. Խաչատուր Վարդանեան, առանց որոշ պա-
րապմունքի, Ախալքալաքի բնակիչ:
12. Յուլի Տէր Սիմոնեանց, հիւան, Յ. Միրզօ-
եանցի խանութում (գիշեր-ցերեկ):
13. Յակոբ Յակոբեան, ծառայող „Րօսիա“ պապ-
հով. ընկերութեան. հասցէն իմանալ չեղաւ:
14. Արտաշէս Սահակեան, Զալալօղլի գիւղում
(Կամենկա):

15. Օհաննէս, մշակ, ալիւրի պահեստ թամամէլի քարվանսարի տակը, Պուշկինսկ. (գիշեր-ցերեկ):
16. Արշակ թագէոսեան, ծառայող ինժինեռային դիտանցիայում, Բէդիսայինսկայա, 1, սեփական տուն, ճանապարհորդում է (դրոշակիստ):
17. Ալէքսանդր թագէոսեան, թիֆլիզում չէ, Մոսկովա:
18. Յակոբ թագէոսեան, ծառայում է ներսիսեան դպրոցում, Բէրուտովսկայա, 22, սեփ. տուն:
19. Երեմ իջանտամեան, կանգիտէր, Պեսկովսկ., 4:
20. Ղազարոս Աղայեան, Նովո-Արսէնալնայա, 13:
21. Արամ Չմշկեան, հաշւապահ Եարբարչէլի խանութում, Բազադիսանա:
22. Արասիանեան, խմբագիր «Մուրճ» լրագրի, խումբագրատուն «Մուրճ»-ի:

Յուլիկ Տէր Սիմոնեանց գնել է զէնք եւ հասցրել Ա. Խարազեանին (նրա մօտ պահուում են զէնք եւ պատրոններ բէրդանկա):

Մովսէսեան Մարգար, յառձնելու նիկոին. այս վաղ էր: Մարտիրոսեանը ունի պահեստ Արովանի տանը:

Յուլիս 19.

Եզնիկ Իգիթեանց, ծառայում է «Արձագանք»-ի խմբագրատան, հնչակիստ, թիւրքանպատակ. կարծեօք առանց անցագրի. թիւրքիայում մարդ է սպանել: Խմբագրատանը լինում է ժամը 2:

Սարգիս իջանոյեան, Բալչայա Կրիվայա, 15:

Արգար Յովհաննիսեան, իրաւասու գումայի, Բալչայա Կրիվայա, տ. իջանկալամովի, 1:

Դ. Ա. Արդուլթեան, (հնչակիստ):

Սէրգէյ Արդուտինսկի, պորուչիկ 16-րդ Գրէն. Մինգրեւ. գնդի:

Ռրտեղ էր առաջ ապրում Ալէքսանդր Միխայլով Յակոբեանց: Ռրտեղ է ապրում Օրթաճալայի ծաշի թամաղա Գեորգիսիմ շաճի Մամուղեան (հնչակիստ):

Ռրտեղ է ապրում Մուրադեան, թամաղա Օրթաճալում: Ռրտեղ են ապրում Ալէքսանդր շաճի-Փարուխեան եւ Եգոր շաճի Փարուխեան (նրա եղբայրը):

Նազարէթը եկաւ Թիւրքիայից (հասարակ մարդ, հնչակիստ):

Ալէքսանդր Լըվով Ղուկասեան:

Աւելի քսան դր կարախանեան (դէնք գնող).
Լարօրատօրնայա, 37:

Մարգիս Մարտուքեանց, գործակատար էն-
ֆիէջեանի խանութ. Դավիդով., փող. (հնչակիստ):

Մեծատուրեան, կօրգանօվի շերամատանը,
Ավչալսկայա փողոց: Մեծ քանակութեամբ հայ
լրագիրներ եւ բրօշուրներ:

Պատեհ էր խուզարկութեան ենթարկել բժիշկ Նա-
ւասարդեանին, „Արծազանք“ի խմբագիր Արզար
Յովհաննիսեանին, քայց ի նկատի ունենալով նրանց
հասարակական դիրքը, այլև նրանց գործելու շահազանց
զգոյշ եղանակը (ցուցմունքներ եւ խորհուրդներ տալիս են
միայն խօսքով), ենթադրում եմ, որ նպատակայարմար է՝
նրանց կանչել դիւանատուն եւ անել նրանց ներշնչում
եւ նախազգուշութիւններ:

Ա Ն Ո Ւ Ա Ն Ա Յ Ո Ւ Յ Ա Կ

ՀԱՅ ՔԱՂԱՔԱԿԱՆ ԿԱԼԱՆԱՒՈՐՆԵՐԻ

Կովկասեան եւ Ռուսաստանի հայ քաղաքական բանտար-
կեալների ներկայ ցուցակը, իբրև առաջին փորձ, լիակատար
չէ, եւ տարաբախտաբար՝ անուշներ կան, որոնք պակասում են:
Այս ցանկի մէջ չեն մտնում նոյնպէս այն անձանց անուշները,
որոնք խուզարկութեան են ենթարկուել կամ գտնուում են ոստի-
կանական հսկողութեան տակ, բայց որոնք չեն բանտարկուել:

ՌՈՍՈՒՑԻՉՆԵՐ ԵՒ ՎԱՐԺՈՒՀԻՆԵՐ

1. Արդուլեթեան Յովսէփ, իշխան. ա) ձերբ. 1891 թ. Տրա-
պիզոն եւ արքոր. Օղեսաս. բ) ձերբ. Պարսկ. 1899,
քանտ. Տփլիսիս եւ արքոր. Վեստկա 5 տարով:
Բաղէշեան Գարեգին, 1895, քանտ. Տփլիսիսում 9 ամսով
եւ արտաքսւած Ռուսաստանից:
- Տէր-Գրիգորեանց Անտոն, 1896, կալան. Բաքու եւ
արքոր. Հիւսիսային Կովկաս 1 տարով:
- Ծղիգարեան Արշակ, ձերբ. Նախիջեւան եւ արքոր. Նո-
վրշերկասկ 2 տարով:
- Լիսիցեան Ստեփան, քանտ. Տփլիսիսում 1892 1 ամսով:

Խօզմալեան Թաղէտ, քանտ. Բաքու, արտր. Հիւսիսային
Կովկաս 2 տարով:

Մատինեան Նիկողայ, 1891 Տփլիս, 3 ամիս քանտ:

Հօջարեան ց Յակովբ, ձերբ. 1900 Բաթում եւ քանտ. Տփլիս:
Կարապետեան Արշակ, ձերբ. Ալէքսանդրապօլում 1896,
արտր. Վարժէժ:

10. Աւետիքեան Հաժի-Յակոբ, 1898, Տփլիս, քանտ. 1 ամսով:

Տէր-Մարկոսեան Յովհաննէս, 1892 քանտ. Տփլիսում:

Միրզոյեան Գաբրիէլ, 1892, մի ամիս քանտ Տփլիսում:

Միքայէլեան Էրիստափոր, ա) բանտարկւած Տփլիս եւ
արտրւած մի տարով Բեսարաբիա. բ) Բաքում, 1895,
բանտարկւած 5 ամսով:

Նորատեան Համազասպ, ձերբ. Ղարսում:

Տէր-Մկրտչեան Ստեփան, 1895, քանտ. Բաքու 8 ամսով
եւ արտր. Ռուսաստան 2 տարով:

Տէր-Միքայիլեան Յովհաննէս, Ալէքսանդրապօլից արտր.
Նոր-Նախիջևան 3 տարով:

Մարգարեան Մարտիրոս, 1896 քանտ. Ղարսում ու արտր.
Օդեսա 3 տարով:

Օհանջանեան Սաթենիկ, օրհորդ, 1898 Թ., 8 ամիս քանտ:

Տէր-Վարդանեան Վարդան, քանտ. 1898 Երեւան 1 տարի:

20. Վարդանեան Խաչիկ, ձերբ. 1895 Ախալքալաք եւ Աք-
սորւած Ռոստով:

Վանվանէ, օրհորդ, 1896 քանտ. Տփլիս 3 ամիս:

Խանազադեան Ռուբէն, ձերբ. Տփլիս, 5 ամիս քանտ
եւ արտր. Ռոստով:

Գ Ր Ո Ղ Ն Ե Ր

Աղայեան Ղազարոս, 1895, քանտ. Տփլիս ու արտրւած
Նախիջևան 2 տարով:

Ատրպետ, ձերբակալւած 1896 Տփլիս, արտրւած Նոր-
Նախիջևան:

Իսահակեան Աւետիք, ձերբ. 1896 Ալէքսանդրապօլում,
քանտ. Երեւան մի տարի, արտր. Օդեսա 2 տարով:

Մալումեան Խաչատուր, ա) ձերբ. Տփլիս 1892, քանտ.
մի ամիս. բ) քանտ. Տփլիսում եւ Բաքում 1895:

Սեղբոսեան Լեւոն, 1899 եւ 1903, մի-մի ամիս քանտ. Տփլիս:

Շիրվանզադէ, 1895 քանտ. Տփլիս, արտր. Օդեսա 1 տարով:

Վարդ-Պատրիկեան, ձերբ. Կ. Պօլսում, փոխադրւած
Տփլիս եւ արտր. Հիւսիս. Ռուսաստան 3 տարով:

Ո Ւ Ս Ա Ն Ո Ղ Ն Ե Ր

30. Աղամհրդեան Սարգիս, ձերբ. Պարսկաս. 1896, փոխադր.

Տփխիս եւ արքոր. Հիւսիս. Ռուսաստան 3 տարով:
Բէրբէրեան Ռուբէն, ձերբ. Տփխիս 1895 թ., 2 ամսով:
Գարբիէլեան Յովնան, 1899 թ. 5 ամիս քանտ. Մոսկվա:
Թաղէոսեան Յովսէփ, ձերբ. 1899 Մոսկվա 5 ամսով:
Խատիսեան, ձերբ. 1899 Մոսկվայում 5 ամսով:
Կաֆեան Գարբիէլ, ձերբ. 1893, արքոր. Ռուսաստ. 5 տարով:
Ղորղանեան, ձերբ. 1899 Մոսկվայում, 5 ամսով:
Նազարեան Իպպոլիտ, ձերբ. 1899 Մոսկվա 5 ամսով:
Մտեփանեան Յակովբ, 1900 թ., 10 ամիս քանտ Տփխիս:
Տէր-Գրիգորեան Վաղարշակ, 1899, Մոսկվ. 5 ամիս քանտ:
40. Տատեան Գէորգ, 1899, քանտ. Մոսկվ. 5 ամիս:

ՊԵՏԼԻՆ ՊԸՇՏՕՆԵԱՆԵՐ

Տէր-Գրիգորեան Զաւալ, ձերբ. Ախալքալարում 1896:
Գնունի, ձերբակալած Տփխիսում 1892 թ., մի ամիս քանտ:
Զաւարեան Սիմէօն, ա) 1891 ձերբ. Տրապիզօն, արքոր.
Բեսարաբիա մի տարով, ը) 1892 քանտ. Տփխիս մի
ամսով, գ) 1896 քանտ. Տփխիս 2 ամսով:
Տէր-Զարարեան, քանտ. Երեւանում 1884 ու արքորւած
Օդեսսա 2 տարով:
Թաղէոսեան Արշակ, ձերբ. 1896 Տփխիս եւ արքոր. Հիւս.
Ռուսաստան 2 տարով:
Մաղաթեան Հայկ, ձերբ. Երեւան 1884, արքորւած Բե-
սարաբիա 2 տարով:
Վարդանեան Տրդատ, ձերբ. 1884 Երեւան ու արքոր.
Բեսարաբիա 4 տարով:

Գ Ո Ր Ծ Ա Կ Ա Տ Ա Ր Ն Ե Ր

Աղամիրզեան Յովնանէս, կալան. Տփխիս 1895, արքոր.
Օդեսսա 1 տարով:
Բարսամեան Արշակ, ձերբակալած Տփխիսում 1896:
50. Գիւլլուժեան Լեւոն, 1896 Ալէքսանդրօպօլ քանտ. 4 ամիս:
Տէր-Գրիգորեան Արշակ, Տփխ. 1892 քանտ 1 ամսով:
Դաւթեան Ներսէս, քանտ. 1895 Բաքու 5 ամիս:
Դաստակեան Արաճ, կալան. Տփխիս 1892 թ.
Զարարեան, քանտ. Բազու 1895 թ. 7 ամիս եւ արքոր-
ւած Նախիջևան 2 տարով:
Կիրակոսեան Յովսէփ, քանտ. Բազու 1895 թ. 6 ամիս:
Կոտրաշեան Զանիկ, Մուխում 1903 քանտ. մի ամիս:
Ղազարեան Ղազար, ձերբ. Ղարսում 1895:
Մարդանեան Փրիդօն, ձերբ. Բազուում 1896:
Յովնանէսեան Յովնանէս, 1895 քանտ. Բաքու 6 ամսով
եւ արքորւած Ռուսաստան 2 տարով:

60. *Յոզաֆիմեան*, 1895 թվական. 5 ամիս *Քարու*:
Նազիրեան Սիմէօն, ձեռք. *Բաթում* 1896, արքայ. *Ռուսաստան* 3 տարով:
Սաղաթէէ, ձեռք. *Բագու* 1895:
Ստեփանեան Ալէքսանդր, թան. 1895 *Տփլիս* 6 ամսով,
 արքայաձեռն *Նախիջևան* 2 տարով:
Սիմօնեան Սիսակ, ձեռք. *Ալէքսանդրօպօլ* 1896, արքայ.
Օղեսսա 3 տարով:
Օրօնեան Տիգրան, թան. 1892 *Տփլիսում մի ամսով*:

Հ Ո Գ Ե Ի Ո Ր Ա Կ Ա Ն Ն Ե Ր

- Տէր Գրիգոր*, ձեռք. *Երևանում* 1898 եւ արքայաձեռն *Քուրթայիսի Նահանգը*:
Տէր Խորէն, ձեռք. *Ալէքսանդրօպօլում* 1897, արքայաձեռն
Ռուսաստան երեք տարով:
Հմայեակ վարդապետ, ձեռք. *Երևանում* 1899, արքայ.
Ռուսաստան 3 տարով:

Ա Ր Հ Ե Ս Տ Ա Ի Ո Ր Ն Ե Ր

- Ալօյեան Գալուստ*, 1902, թան. 5 ամիս *Երևանում*:
 70. *Խոնարար Աւետիս*, ձեռք. 1892, *Տփլիս*, 2 ամիս թան:
Բէկլարեան Յովհաննէս, 1895, *Տփլիս*, մի ամիս թան:
Ռսկերիչ Բախշօ, 1896, մի տարի թան եւ 5 տարի արքայ:
Գազանջեան Յովհաննէս, *Տփլիս*, 8 ամիս թան եւ
 5 տարի արքայ:
Գէորգեան Կարապետ, ձեռք. *Ղարս*, արքայ. *Պարսկաստան*:
Ուսուլ Գրիգոր, ձեռք. *Պարսկաստան*, 3 ամիս թան *Տփլիս*:
Դաւթեան, ձեռք. *Տփլիս* 1892:
Դանդուրեան, ձեռք. *Տփլիս* 1892:
Խումարեան, թան. *Տփլիս* 1895, արքայ. *Հիւսիսային*
Ռուսաստան 5 տարով:
Ղազարեան Միքայէլ, 3 ամիս թան եւ արքայ. *գիւղը*:
 80. *Գանձակեցի Մկրտիչ*, 1895, *Տփլիս*, մի ամիս թան:
Մակարեան Արմենակ, 1895, *Տփլիս*, 8 ամիս թան:
Մկրտչեան, ձեռք. *Տփլիս* 1899:
Տէր-Յովհաննէսեան, ձեռք. *Տփլիս* 1892:
Սիմօնեան Արտաշէս, ձեռք. *Դիլիջանում* 1896:
Սիմօնեան Աւետիք, ձեռք. *Ազուլիս* 1896 եւ թան.
Երևանում 6 ամիս:
Սարաֆեան (Նար) թան. *Տփլիս* 8 ամսով:
Սարաֆեան Նաշիդ (որդի) նոյն պատիժը:
Սարաֆեան Պարոյր (որդի) նոյն պատիժը:
Սարգիսեան Գարեգին (որդի) նոյն պատիժը:

90. Վարդանեսան Լեւոն, ձերբ. Գիլիջանում 1896:
Վարդան պարսկաստանցի, 1899, Տփխիս, մի տարի բանտ:
Տէր-Մկրտչեան, ձերբ. Տփխիս 1892:

Վ Ա Ճ Ա Ռ Ա Կ Ա Ն Ն Ե Ր

- Աղամիրբզեան Պողոս, ձերբ. Ախաբաղ 1896:
Թիւրքեան Յովհաննէս, 3 ամիս բանտ. Տփխիս:
Կիրակոսեան Յարութիւն, բանտ. 1 ամիս Տփխիս:
Միրիմանեան Խորէն, բանտ Տփխիս մի ամիս:
Մախլաս, Տփխիս, մի տարի բանտ եւ արտը 5 տարի:
Մեկիք Գրիգորեան Բարսեղ, ձերբ. Տփխիս 1900, բանտ.
7 ամսով:
Մուսիսեան Յովհ., ձերբ. Մոսկվա 1896, մի տարի բանտ:
100. Յակոբեան, ձերբ. Տփխիս 1892:

ԱԶԱՏ ՊՐՕՓԵՍՍՐԵՅԻ ՄԱՐԴԻԿ

- Աշոտ Բագրատունի, նկարիչ, Տփխիս, 1895, բանտ. 1 ամիս:
Աբէլեան Յովհաննէս, ղերասան, բանտարկւած 1892 Տփխիս.
Եղիազարեան Վասիլ, փաստաբան, ձերբ. Երեւանում
1889, արտը. Օդեսսա 2 տարով:
Զալեան Միրայէլ, բժիշկ, ձերբ. 1895, բանտ. Բաքու 5 ամսով:
Թաղէոսեան Տիգրան, բժիշկ, ձերբ. Տփխիս 1896, արտը.
Ռուսաստան 2 տարով:
Կարա-Մուրզա, երաժիշտ, ձերբ. Վլադիկավկազ 1897:
Մուրատեան Մինաս, բժիշկ, ձերբ. Մոսկվա 1896:
Մնացականեան Գարրիէլ, փաստաբան, բանտարկւած
Երեւանում 1896:
Մատիսեան Նատալիա, մանկաբարձուհի, 5 ամիս բանտ
Տփխիսում:
110. Փիրադեան Գրիգոր, նկարիչ, Տփխիս, բանտ. մի ամսով,
1892:
Ջալալեան Ռուբէն, փաստաբան, ձերբ. Երեւան 1889,
արտըւած Օդեսսա 2 տարով:
112. Սէրէմճեան Պետրոս, նախկին սպայ բուլգար. բանակի,
բանտ. Տփխիսում 1896 մի տարով:

ՔԱՂԱՔԱԿԱՆ ԳՈՂՈՒԹԻՒՆ

(ԶՍԱՆԵՐՈՐԿ ՆԱՄԱԿ)

Եկեղեցական կալւածքների խլումը. — Հայոց եկեղեցու իրաւունքները. — Յունիսի 12-ի հրամանը. — Ժողովրդական ցասում ոռւսաց կառավարութեան դէմ. — Ալեքսանդրօպօլի հայերի ցոյցը. — Յոյց Ծրեւանում. — Բողոքի արտայայտութիւններ. — Կ. Պօլսի հայոց պատրիարքի հարցը. — Կոչ. — Կեանքի անողոր դասը:

Հիւսիսը նոր դաւ գրեց:

Եւ այս անգամ՝ հայկական տկարաթեւ եկեղեցու դէմ: «Ղոյս տեսաւ բարձրագոյն հրաման՝ հայ լուսաւորչական եկեղեցու կալւածքները գրաւելու մասին» — ահա այն հակիրճ հեռագիրը, որ ինչպէս ռումբ պայթեց կովկասեան հայութեան գլխին, 1903 թւի յուլիսի սկզբներին, երբ միամիտ ժողովուրդը, համառուսական շարժումների հանդէպ, իրան համարում էր, գէթ առ ժամանակ, «մոռացած», ազատ՝ նոր փորձանքներից:

Հետաքրքրական են նախապատրաստական մանրամասները: Ամբողջ եօթն ամիս, իշխան Գօլիցին, կովկասեան ցաւագարը, Պետերբուրգ հաստատւած՝ մտքեր էր պատրաստում իր նոր ծրագիրը յաղթանակով պսակելու համար: Պօքեդօնօսցեմի, ի հարկէ, նրան քաջայերեց: Չայնակցեցին մի քանի վարագուրւած «ուժեր» ևս: Եւ սրտապնդւած այդ աջակցութիւններից, նա ներկայացաւ մինիստրական կօմիտէին: Սակայն այդտեղ—անսպասելի բան—փոքրիկ դիմադրութեան հանդիպեց. «Անյարմար է և վտանգաւոր, ասում էին չափաւորները, այս խառն ժամանակներում՝ յարուցանել մի նոր խնդիր և այն էլ

այնքան փափուկ, ինչպէս է եկեղեցու կալւածքների հարցը: Գինիստրների մեծամասնութիւնը միացաւ այդ կարծիքին: Բայց ծրագրի գլխաւոր հեղինակը չը յուսահատուեց: Նա թողեց մինիստրական կօմիտէն և սկսեց այլ ճանապարհներ բռնել, պալատի «ազդեցիկներին» համոզել. . . Պատմում են, որ մինիստրական ժողովը՝ ձայների մեծամասնութեամբ վճռեց մերժել կառավարչապետի ծրագիրը, բայց Նորին Մեծութիւնը, չկամենալով վշտացնել իշխան Գօլիցինին, որի մի այլ խնդիրը քիչ առաջ մերժել էր, ընդունեց փոքրամասնութեան կարծիքը և բարձրագոյն հաստատեց գողութեան առաջարկը . . .

Եւ նոյն այն օրերին, երբ «կառավարչական Համբաւաբերը» իր պաշտօնական էջերում անմահացրեց նոր կարգադրութիւնը, կովկասեան կառավարչապետը հպարտ իր յաղթութեամբ, շտապեց բռնել հարաւի ճանապարհը, հասաւ Թիֆլիզ, կարգադրեց «ամենախիստ միջոցների դիմել» նոր օրէնքը գործադրելու համար, գաղտնի հրահանգներ աւեց, պատուիրեց Թիֆլիզի պաշտօնական օրգանի մէջ յօդւածներ ղետեղել և ցոյց տալ հայոց հասարակութեանը, որ «գրաւելով կալւածքները՝ կառավարութիւնը ուղում է աւելի հարստացնել հայոց եկեղեցին», և ապա խաղաղ ու անվրդով, քնած խղճով, մեկնեց ամարսնոց՝ վայելելու հանգստութեան քաղցրիկ ժամերը . . .

Բարդ չէ «կալւածական պատմութիւնը»:

Հայոց եկեղեցին Արվկասի մէջ ունի մեծ կալւածքներ, հող, անտառներ, տներ, ինչպէս և դրամական հարստութիւն, կտակաւ ժամանակի ընթացքում և վաւերացրած օրէնքի կողմից: Եւ այդ հարստութիւնը, չը նայած այն թաւանին, որին ենթարկեց դարեր շարունակ, դեռ շատ խոշոր է և հասնում է մօտ 90-100 մի-

լիօնի: Գա կրօնասէր Հայի տուրքն է, մատուցւած եկեղեցուն, քրիստոնէական վարդապետութեամբ յափշտակւած ազգի յարգանքը, նրա աշխատանքի և քրտինքի պտուղը, նւիրաբերւած իր տաճարներին:

Էջմիածինը և Անդրկովկասը տիրապետելուց յետոյ, ռուսաց կառավարութիւնը 1836 թւի Պօլժեմնիայով ճանաչեց Հայ լուսաւորչական եկեղեցու սեփականութեան իրաւունքը և նրա վարչական իրաւասութիւնը:

Օրէնքը ասում է.

Յօդ. 117. — « Իւրաքանչիւր շարժական կամ անշարժ ստացւած՝ նախանշանակեալ ի պահպանութիւն որեւիցէ լուսաւորչական Հայոց մենաստանի կամ եկեղեցւոյ կամ նոցին վերաբերեալ ասուածահաճոյ շինւածոց՝ համարի ընդհանուր ստացւած ողջոյն լուսաւորչական եկեղեցւոյ Հայոց:

Յօդ. 121. — « Կառավարութիւն ստացւածոց լուսաւորչական եկեղեցւոյ Հայոց կախի անընդմիջապէս զերիցփոխանաց կամ զեկեղեցւոյանաց յիւրաքանչիւր եկեղեցիս եղելոց:

Յօդ. 99. — « Վանահարք պահպանեն յամբողջութեան զշարժական և զանշարժ կայս մենաստանին, և պատասխանատու լինին զկանոնաւոր կիրառութենէ եկամտից:»

Այդ օրէնքի համաձայն էլ կառավարեցին կալւածքները մինչև այն օրը, երբ փշեցին քաղաքական նոր հովեր և Հայոց եկեղեցին ընկաւ միապետութեան կասկածոտ հալածանքի տակ, որի վերջաբանն եղաւ յունիսի 12-ի բարձրագոյն կարգադրութիւնը:

Իբրև մեկնաբանութիւն այդ կարգադրութեան՝ հրատարակեց հետևեալ պաշտօնական նենգամիտ հաղորդագրութիւնը.

« Հայ լուսաւորչական եկեղեցու կալւածքներն ոչնչ եկեղեցու հոգևորականութեան ձեռքով կառավարելու վերաբերմամբ՝ կովկասեան գլխաւոր վարչութեան հաւաքած տեղեկութիւններից երևաց, որ այդ կառավարութիւնը չէ համապատասխան

նում ոչ պետական իշխանութեան նպատակներին և ոչ իրեն՝ եկեղեցու օգուտներին: Պրա հետ միասին՝ 1897 թւի յունիսի 2-ի և 1898 թւի մարտի 26-ի Քարձրագոյն հրամաններից յետոյ՝ հայ լուսաւորչական եկեղեցական ուսումնարանները և նրանց պատկանած գոյքերը ժողովրդական լուսաւորութեան մինիստրութեան յանձնելու մասին՝ հայ լուսաւորչական հոգևոր իշխանութեան կողմից ծաղեց ընդգիծմութիւն այդ կարգադրութեան իրադարձման դէմ, որ արտայայտեց մի քանի կալւածքներ իր ձեռքում պահելու մէջ, որոնցով պէտք է ապահովէին ուսումնարանների գոյութիւնը: Այդ տեսակ երևոյթները վերացնելու համար՝ անհրաժեշտ նկատեց հայ լուսաւորչական եկեղեցու կալւածքների վարչութիւնը կենտրոնացնել կառավարչական հիմնարկութիւնների տեսչութեան տակ: Այս խնդրի մասին մինիստրների կօմիտէի կազմած պօլօժե՛նիէ՛ն ներկայ տարւայ յունիսի 12-ին արժանացաւ Քարձրագոյն հաստատութեան: Ներկայ օրէնքը, պահպանելով հայ լուսաւորչական եկեղեցու սեփականութեան իրաւունքը յիշած կալւածքների վրայ, չէ զբրկում նրան՝ ստացելէք եկամուտների այն մասից, որը, ուսումնարանների պահպանութեան ծախքերը դուրս գալուց յետոյ, կը մնայ ազատ: Հայ լուսաւորչական եկեղեցու կարիքները լցուցանելուց յետոյ՝ ինկատի կայ եկամուտների $\frac{3}{10}$ յետաձգումով հիմք դնել այդ եկեղեցու օժանդակ գրամագլխին: Այդ տեսակ գրամագլխի կազմութիւնը կարող է ապահովել հայ եկեղեցու բարեկեցութեան կանոնաւոր զարգացումը, մինչդեռ այժմ այդ գաւանութեան բազմաթիւ հաստատութիւնների մէջ, որոնք ընդարձակ կալւածքներ ունեն, շատ կան և այնպիսի ծուխեր, որոնց միջոցները շափաղանց սուղ են և գիւղական հոգևորականութիւնը սակաւ ապահովւած: Յիշւած գրամագլուխը սահմանելով՝ նպատակ կայ օգնութիւն ցոյց տալ կարիք ունեցողներին: Սրա հետ միաժամանակ պատշաճաւոր միջոցներ են ձեռք առնուում եկեղեցական կալւածքները կառավարելու նոր կարգ հաստատելու համար:

„Պաշտօնական հազորագրութեան“ այդ մութ ակնարկները աւելի պարզեցին կիսապաշտօնական, ներշնչւած յօդւածների մէջ, որոնք լոյս տեսան Պետերբուրգ ու Թիֆլիզ և որոնց ձգտումն էր համոզել հա-

յոց համայնքներին, թէ կալւածքները գրաւելով՝ կառավարութիւնը նպատակ ունի. ա) Աւելի մեծացնել լրւսաւորչական եկեղեցու եկամուտները և հետևաբար նպատակը նրա բարգաւաճման, բ) Ապահովել աղքատ հոգևորականներին, որոնց վիճակը այժմ շատ ողբալի է, և գ) Աղատել եկեղեցին և կալւածքները ապօրինի յափշտակութիւններէից:

Ի հարկէ, ոչ որ չը հաւատաց: Արանից կէս դար առաջ, երբ զեռ այնքան նկատելի չէր կառավարչական ծրագիրների ներքին միտքը, հայերի մէջ, ճշմարիտ է, գտնուում էին շատ միամիտներ՝ հաւատացող «բարեխնամ կառավարութեան» «բարեմիտ» ցանկութիւններին, սակայն այդ երանելի ժամանակները անգառնալի կերպով պատմութեան գիրկը անցան:

Փաստերը պերճախօս են: Աւղղափառ կառավարութիւնը, տարիներ են արդէն, ամենաանողորմ միջոցներով ականներ փորեց հայկական եկեղեցու հիմքերի տակ, յաճախ խնդիր յարուցեց երկու եկեղեցիների միացման մասին, պետական գումարներով և խաբուսիկ խոստումներով շատ հայերի ստիպեց կրօնափոխ լինել, յայտարարեց հայոց հոգևորականութիւնը իբրև «հայկական շարժման գլուխ ու միանգամայն վտանգաւոր» — և երբ մի նոր ու չարամիտ քայլ անելու փափուկ որոշման վրայ էր, ճգնեց հաւատացնել, զաւելջտական լրջութեամբ, որ ինքը նպատակ ունի աւելի ուժեղացնել այն եկեղեցին, որ «թշնամի է ուղղափառութեան» և այն հոգևորականութիւնը, որ «աղբիւր է հակառուսական պայքարի»:

Հաւատացող այժ, շեղաւ: Այլ ընդհակառակը, ամբողջ հայութիւնը թէ Աովկաս և թէ սահմաններից դուրս՝ միաբերան և միակամ նկատեց վերջին կարգադրութիւնը իբրև մի դաւադիր միջոց, որ նպատակ ունի զբամական-անտեսական ուժով՝ իր ձեռքն առնել, ստրկա-

ցնել հոգևորականութիւնը, ապա առաջ անցնել և հարւածել եկեղեցու անկախ գոյութեան: Եւ դեռ ուրիշ շատ երկիրներ, ստեղծւած կասկածոտ ժողովրդի մտածողութեան մէջ*:

Անթափանցելի չեն դիւանական գաղտնիքները: Գրպորոցները փակեցին, համարելով նրանց բուն հակակառավարչական պրօպագանդի: Ալլաւադները գրաւման խնդիրը յարուցին, որովհետեւ «տեղեկութիւններին նախելով», այդ «հարստութեան նշանաւոր մասը տրուում է հայկական պրօպագանդին, հայկական անկախութեան գործին»: Եւ դրա առաջն առնելու համար է, որ չինովնիկութիւնը վճռեց իր խեղդող ճանկերի և անյապորկորի մէջ տեղաւորել այն բողոքը, ինչ որ կաթիլկաթիլ ամբարւած էր ժողովրդի կրօնական ընծայաբերութիւնից:

Հայ ժողովուրդը, որ այդ հարստութեան միակ աղբիւրն է, դեմ չէ եղել և չէ երբէք՝ հոգևոր վարչութեան վրայ հսկողութիւն նշանակելու մտքին: Հայը՝ հոգևորականութեան գերի չէ եղած: Բայց բարեխիղճ, անխարդախ հսկողութիւնը կարող է գալ միմիայն ժողովրդից, որ գերագոյն աէրն է նոյնիսկ եկեղեցու, և ոչ թէ միապետական կառավարութիւնից, որի ճանկերը երկաթեայ են, որկորը՝ անյատակ, թշնամութիւնը՝ անսահման և բիւր անգամ աւելի վտանգաւոր ժողովրդի համար, քան եկեղեցին և նրա սպասաւորութիւնը...

Եւ բռնւած այդ վտանգի երկիրը՝ ցնցած նորագոյն անարդարութեան հանդէպ, ժողովուրդը բողոքի և ցասման ճիչ արձակեց:

* Կարդացէք երես 58—63, որոնք վերաբերում են եկեղեցական կառավարչների խնդրին: Յունիսի 12-ի հրամանը լոյս տեսաւ այն ժամանակ, երբ այս գրքի առաջին մասը արդէն տպագրութեան էր յանձնւած:

Ու «Տպատակութեան աշխարհի մէջ» տեղի ունեցան անսպասելի և խրախուսիչ իրողութիւններ: Ընդհանուր արթնացումն էր: Կովկասեան շատ քաղաքների հայկական շրջանները ժողովներ կազմեցին ուր միակամ որոշումներ եղան հրաւիրելու հայոց կաթողիկոսին, որ եկեղեցու ներկայացուցիչն է, ընտրւած ժողովրդից,—բողոքել կառավարութեան դէմ, չը յանձնել կալւածքները և եթէ հարկ լինի, հրաժարական տալ: Առաջնորդներին ու սինոդականներին դիմումներ եղան նոյն ոգւով:

Տատանողները սպառնալիքներ ստացան: Շատ գիւղերում ժողովներ եղան, ուր գեղջուկները երգեցին մինչև վերջ դիմադրել: Կատարեցին թշնամական ցոյցեր:

Հայաշատ մի քաղաքում, Ալեքսանդրօպոլ, ժողովրդական ցատուք բռնկեց հրապարակով, ճիշտ այն միջոցին, երբ հայոց ծերունի հայրապետը անցնում էր այնտեղով՝ Էջմիածնի վանքը վերադառնալու համար:

«Յուլիսի 29-ին, դրում է ականատեսներից մէկը, քաղաքի հայ լուսաւորչական բոլոր եկեղեցիների զանգերը սկսեցին խփել, որ նշան էր լինելիք համախմբան: Ժամ 10-ին համարեա բոլոր խանութները արդէն փակ էին. մօտ հինգ հազար հոգի, տղամարդիկ և կանայք, հաւաքւած առաջնորդարանի դռան, սպասում էին կաթողիկոսի դուրս գալուն, որպէսզի իրենց արդար բողոքը յայտնեն... Նախ այդ բողոքը յայտնւեց պատգամաւորների միջոցով: Կաթողիկոսը լսելով պատգամաւորներին, խոստացաւ ոչ մի թղթի չստորագրել, ոչինչ չը յանձնել և բողոքել կառավարչական կարգադրութեան դէմ: Քիչ անցած՝ կաթողիկոսը, չըջապատւած իր շքախմբով, դուրս եկաւ առաջնորդարանից՝ կայարան գնալու համար: Այդ բողոքին չը տեսնւած իրարանցում ընկաւ ժողովրդի մէջ: Բոլորը միաբերան գոչւում էին. «Ալեհափառ, բողոքի, մերժի, կալւածքները մի յանձնիր, մի վհատիր, մենք քեզ հետ ենք»: Յուզւած ամբոխը շրջապատեց կաթողիկոսական կառքը և հետեւեց նրան մինչև կայարան՝ ամբողջ ժամանակը կրկնելով. «Բողոք, բողոք»: Ժողովրդական այս միակամ գոչը ուժգին տպաւորութիւն թողեց: Յուզմունքը

այնքան մեծ էր, որ քարեր նետուեցին ժանդարմների վրայ: Արգտվմունքը տարածուած է⁴:

Աւելի բուռն եղաւ ցասումը հայկական մի այլ կենտրոնում — Երևան: Օգոստոսի 16-ին, երբ մայր-եկեղեցում պատարագը վերջացաւ, յուզած ժողովուրդը, մի քանի հազար հոգուց բաղկացած՝ համախմբեց և որոշեց գիմել Էջմիածին, բողոքելու հաստատ որոշումով: Բայց նախ քան հայոց կրօնական կենտրոնի ձամբան բռնելը, ժողովուրդը գիմեց առաջնորդարան և ստիպեց արքեպիսկոպոս Պարզեանին՝ հանրային պատգամաւորութեան գլուխ անցնել: Ահանատեսը նկարագրում է այսպէս.

«Եկեղեցուց՝ ցուցարարները շարժեցին գէպի Ատաֆեան գլխաւոր փողոցը, հակառակ ոտիկանութեան թախանձանքին, անգաղար գոչելով՝ «Գէպի Էջմիածին, գէպի Էջմիածին»: Ապա թեքեցին գէպի նահանգապետի տունը: Երկիւղից բռնուած ոտիկանապետը՝ ամեն ջանք գործ գրեց հասանալը կտտեցնելու, բայց գրգուռած ամբոխը ականջ չը կախեց, շարունակեց շարժել գէպի առաջ, անցաւ Հրազդանի կամուրջը և բռնեց Էջմիածնի ձանապարհը: Նահանգապետը անձամբ շտապեց հեռագրատուն և կարգադրութիւն տւեց Էջմիածնի ոտիկանութեան: Արգտութեցին զինուորներ ևս ուղարկել: Էջմիածին չը հասած՝ մի քանի հարիւր զինուորներ կորեցին ժողովուրդի առաջը: Գիմադրութիւնը մեծ էր. լուեցին հրացանի և ատրճանակի սրտաներ, եղան վերաւորւածներ, սակայն գրգուռած բազմութիւնը կանգ չառաւ, գրոհ տւեց, կորեց շղթան, առաջ անցաւ և մեծ աղմուկով ներս մտաւ Ատաղաշապատ: Լուսկեաց վաճ.քը չը տեսնուած ցոյցերի ակահատես, վկայ եղաւ: «Բողոքել, չը տա՛ւ» — այդ էր լուում բոլոր բերաններից, և այդ վճռով գիմեցին կաթողիկոսին ժողովրդական պատգամաւորները:

«Գիւղերը նայպէս յուզած են: Մի քանի տեղերից գէպի Էջմիածին են ուղղւել զինուած զիւղացիներ, միանալու հակակառավարչական ցոյցին, որի արեքները աւելի ու աւելի են լայնանում⁴»:

Բողոք, բողոք: Եւ նա արձագանք գտաւ շատ հեռու: Սահմանից գուրս, այնտեղ, ուր չը կայ ցենզոր և ոչ

էլ պօլիցիական կնուտ, բռնկուժը կրկնապատկեց: Ազատ մամուլի էջերում որոտացին դիմադրութեան կոչեր: Շանթեր թափուցին բռնութեան հասցէին:

Հնչեցին զայրացման ձայներ նոյնիսկ այն երկրից, որ վաղուց արգէն բողբոջների գերեզմանոցն է: Եւ իբրև այդ բողբոջի արտայայտութիւն, Վ. Պօլսի հայոց պատրիարքը դիմեց Էջմիածնի կաթողիկոսին, զիպլումատիական մեղմութեան բոլոր ձևերը կրող պաշտօնական հետևեալ գրութեամբ.

„Վեհափառ Ս. Հայրապետ,

„Պօլսոյ օտար եւ հայ թերթերու մէջ՝ Պետերբուրգէն արտասահման ուղղած հեռագիր մը տեսնուեցաւ, որ կը ծանուցանէ թէ յետ այսօրիկ Ռուսաստանի հայոց եկեղեցապատկան կալուածներն ու գոյքերը կայսերական հրամանագրով մը՝ պիտի անցնին պետական վարչութեան ձեռք այն զլխաւոր պատճառաւ, որ իբր թէ հայ կղերին ձեռքը կառավարուած ինչքերն ու գոյքերը մատակարարելու եղանակը ոչ պետական տեսակէտով կրցած էր հաճելի ըլլալ ու ոչ ալ հայ եկեղեցիին շահերուն համապատասխանել:

„Այսպիսի անօրէնութիւն մը, որու ստուգութեան չենք ուզեր հաւատ ընծայել, ծանրակշիռ հանգամանք մը ունի կրկին տեսակէտով.—նախ՝ վասնդի միջամտութիւն մը կ'ենթադրէ Ազգին Հոգեւոր վարչութեան յատուկ գործերուն, եւ հայ եկեղեցւոյ պատկանեալ կալուածոց ու գոյից սեփականութեան ու մատակարարութեան իրաւունքն կ'առնուի անոր ձեռքէն, ու երկրորդ՝ վասնդի առանց փաստի ծանր ամբաստանութիւն մը կ'ուղղուի հայ եկեղեցւոյ պաշտօնէից դէմ, որոնց վրայ հակելու եւ ի հարկին, երբ ո եւ է զեզծում գործուած լինի, կարեւորն ի գործ դնելու իրաւունքն կը պատկանի ամենայն հայոց ընդհանրական Հայրապետին, ու հետեւաբար բանաւոր չլինիր ենթադրել թէ քաղաքական իշխանութիւնը ուզած լինի այս իրաւունքներն ազգին ձեռքէն առնել եւ իւրացնել՝ տարտամ պատճառաբանութեամբ մը:

„Նկատելով ուրեմն որ այդ կարգի անօրէնութիւն մը կրնայ շատ վնասակար հետեւանքներ ունենալ հայ եկեղեցւոյ համար ու մտքերու մէջ մեծ գայթակղութիւն յա-

ուջ բերել. նկատելով որ մեր եկեղեցին մի եւ անբաժանելի լինելով, ազգն համօրէն, որ ի սփիւռս աշխարհի, մասնակից կը գտնուի անոր ընդհանուր շահերուն եւ իրաւանց, եւ համերաշխաբար զայս պահպանելու պարտաւոր եմք եւ մենք, կ'համարձակինք խնդիրը մատուցանել սրբազնասուրբ Հայրապետից խորին ուշադրութեան, եւ ծրարելով ի սմին նոյն հեռագրին տակաւ օրինակը, կ'խնդրենք խոնարհաբար որ շնոր՝ ընէք երկտողիւ մը իմացնել մեզ թէ որ աստիճան ստուգութիւն ունի հեռագրական այդ լուրն ու անգորրել զմեզ եւ համայն թիւրքարնակ ժողովուրդն, որ մեծ անձկութեամբ եւ անհամբերութեամբ ակն ունի վեհի Տեառդ սրտապնդիչ տեղեկութեանց:

Մատուցնալ ի համբոյր Օծնալ Աջոյ Սրբոյ հօրդ հոգեւորի,
Մնամ խորին ակնածանօք խոնարհ որդի

Մաղաքիա արքեպ. Օրմանեան

Պատրիարք Ա. Պօլսոյ

Կ. Պօլիս, 16 յուլիս, 1903,
N. 13976

Շարժումը կանգ չառաւ պաշտօնական անձանց ուղղած դիմումներով: Խտացաւ, աւելի գունաւորեց եւ հանդէս եկաւ իբրև հաւաքական կոչեր՝ ուղղած հայութեան, նրա զանազան մասերի կողմից: Հանրային ցասման նշաններից մէկն էր այդ: Ահա թէ որպիսի զայրացկոտ խօսքերով էր դիմում՝ Աովկասի հայ ժողովուրդին այդ կոչերից մէկը.

- » 2ը հասաւ արդեօք անվեհեր բողոքի ժամը, երբ
- » ամենատկար զոհն անգամ, իբրև գերագոյն արտա-
- » յայտութիւն իր անկողոպտելի իրաւունքի՝ ցասու-
- » մով ըմբոստանում է իր դահիճների դէմ:
- » Հերիք է, որքան օրօրեցինք խոհեմութեան մե-
- » ղեղիններով: Խիզախ ու ազնիւ «անխոհեմութիւնը»
- » միշտ աւելի գեղեցիկ ու օգտակար է եղել:
- » Բողոք հայութեան բոլոր անկիւններում, ուր
- » մտածող մի գլուխ կայ եւ ըմբոստացող մի հոգի:
- » Թող իբրև բողոքի արտայայտութիւն՝ ամենայն
- » հայոց Հայրապետը հրաժարական տայ եւ խզէ

„ամեն յարաբերութիւն հայ եկեղեցու և ուսու կա-
„ռավարութեան միջև:

„Թող պատարագների միջոցին չը յիշի ուս
„բռնաւորի անունը:

„Թող հայոց եկեղեցիները փակեն իրենց դռները
„իրբև սգի նշան:

„Թող ժողովուրդը կազմակերպւած ցոյցերով ու
„հանրագրերով հասցնէ իր արդար բողոքի ձայնը
„կենտրոնական կառավարութեան:

„Թող ամէն տեղ զիմադրութեամբ պատասխանեն
„կալւածքների պահանջման:

„Թող, վերջապէս, երիտասարդութեան զգայուն
„տարրը, իբրև արտայայտիչ ժողովրդի ցասման,
„կազմակերպելի անհաշտ կոււի համար:

„Յոյց տանք ուխտագրութ բռնապետութեան, որ
„նա չէ կարող տեղաբար ու անպատիժ կերպով
„խաղալ մի ազգի ճակատագրի հետ:

„Յոյց տանք աշխարհին, որ երկշոտ, անզգայ ըս-
„տրուկներ չենք, որ մենք ևս ընդունակ ենք զի-
„մադրելու, երբ ոտնահարում են մեր սրբազան
„իրաւունքները“:

Կոր խօսքեր են դրանք, ախորժալուր, բայց տարօրի-
նակ այն վայրերում, ուր միահեծան կառավարութիւնը
անցած օրերին այլ բան չէր լսում, բայց եթէ խոնար-
հութեան մեղեդիներ, անձնէր հպատակութեան մաղ-
թանքներ եկեղեցու կամարների տակ:

Ինչեր չը կատարեցին այդ կամարների տակ:

Ահա նա, քրիստոնէութեան խոնարհ սպասաւորը, որ
աչքերը յառած տանջանքի Հերոսին, խորին ակնածու-
թեան մէջ՝ բարձր ձայնով արտասանում է՝ „... զԱմենաու-
ղորմած թագաւոր կայսրն մեր...“: Այդ հանդիսաւոր
խօսքերը տարածւում են, ինչպէս ալիքներ, տաճարի

կամարների տակ: Երգեցիկ խումբը հնչեցնում է „Ամէն“, և շատ բերաններ, հլու և հնազանդ, կրկնում են՝ „Ամէն, Ամէն“:

Հպատակ, խաղաղ, աղօթող ժողովրդի մրմունջն էր այդ, նրա սրտագին դիմումը երկնքին՝ տէրերի արեշատութեան համար: Երկինքը, ինչպէս միշտ, լուռ մնաց. իսկ „ամենաողորմած կայսրը“, ի պատասխան և ի վարձատրութիւն, նոր հարւած տւեց աղօթող շրթունքներին, նոր անարգանք՝ հեղ ամբօխին . . .

Խեղճ հայ ժողովուրդ.

Գարեր շարունակ աղօթեցիր և աղերսանքն ու աղօթքը դարձրիր քո կուռքը, քո Աստածը, քո միակ քաղաքական իմաստութիւնը: Մարկօրէն գլուխ ծռեցիր կրակապաշտ Պարսկաստանի առաջ: Արաբական բռնապետները ովսնաններով մտան քո աւերած հայրենիքը: Սելջուկը ձեռքիդ սրի տեղ՝ բուրվառ տեսաւ: Շքրթունքներիցդ փառաբանութիւն քաղեցին Իրանի տէրերն ու Վ. Պօլսի արիւնուռչտ հրամայողները: Խաչ ու խաչփառով գիմնաւորեցիր Հիւսիսի Միապետութեան: Աղերսագրերով և արտասունքով ներկայացար քաղաքական աշխարհին և խոհեմութիւնն ու լուութիւնը քո միակ քաղաքականութիւնը դարձրիր Սուգի օրերին, երբ հոսում էր հայ արիւնը և երբ ցեխի մէջ էին գցում քո անունն ու պատիւը:

— Ի՞նչ շահեցիր:

— Անարգանք և զրկանք. . .

Գարեւոր աղերսանքի սև, անարգ օրեր:

Անցէք, գնացէք:

Ահա լուում են բողոքի հրապուրիչ ձայները. ծնկաչոր ժողովուրդը՝ ոտքի կանգնած, մէջքը շտկած՝ բռնութեան աչքերին է նայում:

Լաւագոյն օրերի լուսաստղն է այս . . .

ԲԱՐՁՐԱԳՈՅՆ ՀՐԱՄԱՆԸ

«Թագաւոր կայսրը, մինիստրների կօմիտէի որոշման համեմատ, Ռուսաստանի հայ-լուսաւորչական եկեղեցու կալւածքների վարչութիւնը կառավարչական հիմնարկութիւնների տեսչութեան տակ կենտրոնացնելու եւ վերոյիշեալ եկեղեցու միջոցներն ու կալւածքները, — որոնցով ապահովոււմ էին հայ-եկեղեցական դպրոցների գոյութիւնը — ժողովրդական լուսաւորութեան մինիստրութեանը յանձնելու մասին, 1903 թւի յունիսի 12-ին Բարձրագոյն հրամայել բարեհաճեց.

1. Հայ-լուսաւորչական երեղեցու կալւածքների յանձնումը պատշաճաւոր մինիստրութիւնների տեսչութեանը եւ վարչութեանը՝ իրագործել հետեւեալ հիմունքներով.

1) Հայ-լուսաւորչական եկեղեցիներին, վանքերին, հոգեւոր հաստատութիւններին եւ հոգեւոր դպրոցներին պատկանող բոլոր անշարժ կալւածքները, ներքեւ յիշած (յօդ. 2 եւ նրա ծանօթութիւնը) բացառութիւններով, առանձին հաստատած կանօնների համաձայն որոշւած կարգով՝ այդ դաւանութեան հոգեւորականութեան եւ հոգեւոր հաստատութիւնների վարչութիւնից առնել եւ յանձնել երկրագործութեան եւ պետական կալւածների մինիստրի տեսչութեանը, իսկ վերոյիշեալ հիմնարկութիւններին պատկանող գրամագլուխները յանձնել ներքին գործերի մինիստրի տեսչութեանը, պահպանելով հայ-լուսաւորչական եկեղեցու սեփականութեան իրաւունքները այդ կալւածքների եւ գրամագլուխների վրայ.

2) Երկրագործութեան եւ պետական կալւածների մինիստրի տեսչութեանը պէտք է յանձնեն հայ-լուսաւորչական եկեղեցու հետեւեալ կալւածքները.

ա) Թէ բնակութիւն ունեցող եւ թէ անբնակ հողեր, ինչ անուն էլ ունենան եւ ինչ տեսակի էլ լինեն նրանք, նոյնպէս առանձին անտառները, մարգագետինները, արօտատեղերը, ձկնորսութեան տեղերը, ջրաղաջները եւ այլն: Դրանից ի բաց են առնուում, սակայն, հողի այն տարածութիւնները, որոնց վրայ գտնոււմ են եկեղեցիների, վանքերի, մատուռների եւ այլն շինութիւնները, եւ այն հողերը, որոնց վրայ շինւած են առաջնորդների տները, հոյեւր հաստատութիւնները, ծխական թէ քաղաքային,

և գիւղական հողեւորականութեան աները ու հողեւոր դպրոցների շինութիւնները. այն հողերը, որոնք գտնուում են եկեղեցական կամ դերեզմանոցների շրջապատների մէջ ևւ, վերջապէս, հողեւորականութեան ձեռքում եղած ազարակային հողամասերը, որոնց վրայ գտնուում են այգիներ, բանջարանոցներ, արտեր ևւայլն, երեք դեսեսատինից ոչ աւել տարածութեամբ՝ իւրաքանչիւր ծխական եկեղեցուն կից, որոնք չեն տրոււմ օտարի ձեռքը եկամուտ ստանալու համար, ևւ

»¹) Հայ-լուսաւորչական եկեղեցիներին, հողեւորականութեանը ևւ այդ դաւանութեան հողեւոր հիմնարկութիւններին պատկանող աներից ևւ շինութիւններից այն բոլորը, որոնք հարկաւոր չեն բնակութեան ևւ հենց իրան հողեւորականութեան ու վերոյիշեալ հիմնարկութիւնների անհրաժեշտ տնտեսութեան համար

»²) Ան օթ ու թիւն ներկայ կանօնները չեն տարածոււմ այն անշարժ կալւածքների ևւ զրամագլուխների վրայ, որոնք պատկանոււմ են Ս. Պետերբուրգ ևւ Մօսկվա քաղաքների հայոց եկեղեցուն

»³) Տեսչութեան վերոյիշեալ կարգին ենթարկել նոյնպէս այն կալւածքները ևւ զրամագլուխները, որոնք սրանից յետոյ, որպէս նւ իրատուութիւններ ևւ կտակով թողածներ, կը ստացեն ի նպաստ վերոյիշեալ հիմնարկութիւնների

»⁴) Յիշած կալւածքներից ստացուող եկամուտների վերահսկողութիւնը ևւ զրամագլուխների կառավարչութիւնը կենտրօնացնել ներքին գործերի մինիստրութեան մէջ, օտար դաւանութիւնների հողեւոր գործերի դէպարտամենտում, որին երկրագործութեան ևւ պետական կալւածքների մինիստրը, այդ կալւածքների վարչութեան հաշւետութեան հետ միասին, պէտք է յանձնէ նրանցից ստացւած եկամուտները, իր տեսչութեան տակ առած անշարժ կալւածքների վրայ զոււած բոլոր հարկերը ևւ պարտաւորութիւնները վճարելուց ու ստորև մասնացոյց արած յետգցումները կատարելուց յետոյ

»⁵) Կապ ներքին գործերի մինիստրութիւնը յանձնոււմ է այդ եկամուտները, նոյնպէս ևւ այն գումարները, որոնք գոյացել են նրա վերահսկողութեան տակ մտած զրամագլուխների տոկոսներից, ստորև յիշատակւած հանոււմ

ներից յետոյ, այն հոգևոր հաստատութիւններին, որոնցից այդ կալւածքները եւ գրամագլուխները ընդունւած են:

5) Անշարժ կայքերից ստացուող եկամտաւոր հանուում են իւրաքանչիւր տարի. ա) ոչ աւել քան 10⁰/₀ երկրագործութեան եւ պետական կալւածքների մինխտորի կարգադրութեամբ՝ վերոյիշեալ անշարժ կայքերի վարչութեան ծախսերի եւ յատուկ պահեստի գրամագլուխ կազմելու համար, յիշած կայքերի արտակարգ ծախսերին բաւարարութիւն տալու՝ նրանց բարւոքման նպատակով, եւ բ) 5⁰/₀ ներքին գործերի մինխտորի կարգադրութեամբ կազմելու հայ-լուսաւորչական եկեղեցական օժանդակիչ գրամագլուխ՝ հայ-լուսաւորչական եկեղեցական հաստատութիւնների կարիքները հոգալու նպատակով եւ թէ այդ եկեղեցու վարչութեան ընդհանուր պահանջների համար, այն պայմանով, որ այդ գրամագլխի մէջ մասնի եւ աւելորդը վերոյիշեալ (կէտ ա.) 10⁰/₀-ից:

6) Կասկածներ կամ թիւրիմացութիւններ ծագելու դէպքում այն հարցի առիթով, թէ հոգևորականութեան եւ հոգևոր հիմնարկութիւնների իրաւասութեան տակ զանուոյ այս կամ այն կալւածքները եւ գրամագլուխները ենթակայ են կենտրոնացման կառավարութեան տեսչութեան տակ, — այդ հարցի վճիռը թողնում է ներքին գործերի մինխտորի որոշման:

II. Յանձնել՝ 1) ներքին գործերի մինխտորին. ա) մշակել հիմունքներ՝ ծախքեր անելու համար հայ-լուսաւորչական եկեղեցու օժանդակ գրամագլխից՝ համաձայն այն կանօնների, որոնք գործադրում են հոռմէական կաթօլիկ հոգևորականութեան օժանդակ գրամագլխի վերաբերմամբ եւ իր կարծիքներն այս հարցի մասին առաջարկել հաստատութեան՝ սահմանւած կարգով, եւ բ) սահմանել հոգևոր հաստատութիւնների հաշւետւութեան կարգը նրանց տւած արդիւնքները ծախսելու վերաբերմամբ. 2) յանձնել երկրագործութեան եւ պետական կալւածքների եւ ներքին գործերի մինխտորներին, փոխադարձ համաձայնութեամբ, որոշելու՝ ա) այն կանօնները, որոնց համաձայն հայ-լուսաւորչական եկեղեցու կալւածքներն եւ գրամագլուխները պէտք է յանձնեն մինխտորութիւններին ու բ) այն կանօնները, որոնց համաձայն պէտք է կառավարեն յիշեալ կալւածքները եւ:

III. Ի փոփոխութիւն մինիստրների կօմիտէի՝ 1898 թւի մարտի 26-ին Բարձրագոյն հաստատւած վճռի, որոչեւ, — իրաւունք տալ երկրագործութեան և պետական կալւածքների, ներքին գործերի և ժողովրդական լուսաւորութեան մինիստրներին, այս կանօնադրութեան 504. Ա-ի հիման վրայ, հայ-լուսաւորչական եկեղեցու կալւածքները արքունի վարչութեան մէջ ընդունելուց յետոյ՝ փոխադարձ համաձայնութեամբ, յայտնի կայուցանել այն գոյքերը, որոնցով ասպնօվւէր ժողովրդական լուսաւորութեան մինիստրութեան իրաւասութեան տակ առնւած ուսումնարանների գոյութիւնը, և յետոյ՝ ա) յոյգ տալ այն գոյքերը, որ անհրաժեշտ է թողնել ուսումնարանների անմիջական կարիքների համար, բ) որոչեւ՝ համապատասխան միւս կալւածքների արդիւնքի, այն դրամական գումարների չափը, որոնք պէտք է տրւեն իւրաքանչիւր տարի ժողովրդական լուսաւորութեան մինիստրութեանը՝ յիշւած ուսումնարանների պահպանութեան համար:

ՎՐԱՑԻԱԿԱՆ ՀԱՐՑ

(ԶՍԱՆՄԷԿԵՐՈՐԻ ՆԱՄԱԿ)

Պատմական հրովարտակը. — Վրաստանի միացման խնդիրը. — 1783-ի դաշնագիրը. — Ալեքսանդր 1-ի մանիֆէստը միացման մասին. — Դժգոհութեան նշաններ վրաստանում. — Ի՞նչ դեր կատարեց վրաց ազնւականութիւնը. — Նորագոյն ժամանակները. — Արթնացող ժողովուրդը. — Վրաց երիտասարդութեան ցոյցերը. — Բեկտոր Զուղեցկու սպանութիւնը. — Բողոք սեմինարիայում. — Լեզի խնդիր. — Դժգոհութեան աժոււրը. — Ուշագրաւ փաստեր. — Անկախ վրաստան:

Վրաստանի նախկին մայրաքաղաքի գլխաւոր փողոցի վրայ, կրթութեան տաճարի դէմ յանդիման, կանգնած է մի ուշագրաւ շէնք, որ կրում է «Փառքի տաճար» մեծահնչուն անունը: Գա ուռս զինւորականութեան ձեռակերտն է, նրա փայփայած զաւակը, նւիրած Արեան աստուծուն, մի տխուր վկայ կովկասեան պատերազմալից պատմութեան, մեր անարգանքը՝ ապագայ սերունդների առաջ:

Անցնում են բազմալեզու երկրի բնակիչները և նայում տարօրինակ շէնքին, որի վրայ՝ Լ յ Ս ի պատուհանների փոխարէն, փակցրած են ուղմական արձանագրութիւններ՝ անլոյս մարմարիոնների վրայ փորագրած: Կարդում է ուռսը՝ և պարծենում. կարդում է հայը՝ և մտածում. կարդում է վրացին՝ և հակասական խոհերը փոթորկում են նրա սիրտն ու ուղեղը:

Նա շարունակում է կարդալ.

«... Այն շահասիրութեան և ոչ էլ մեր սահմանները լայնացնելու նպատակով է, որ Մենք վերցնում ենք մեզ վրայ վրաց թագաւորութիւնը կառավարելու ծանրութիւնը: Այլ մարդկայնութիւնը ու ազնւութիւնն է միայն,

որ գնում է մեզ վրայ սրբազան պարտականութիւն՝ ականջ գնել տանջող ժողովրդի աղերսանքին և հիմնել Վրաստանում արդարագատ կառավարութիւն. . . .”

»Արքայական մեծահոգութեամբ“ գունաւորւած այդ մեծախոստում բառերը քաղւած են Ալեքսանդր I-ի հրովարտակից, ուղղած Վրաստանին՝ 1801 թւի սեպտեմբերի 12-ին: Եւ հիմնւած արքայագրի այդ բառերի վրայ, ամեն անգամ երբ քաղաքական որևէ թիւրիմացութիւն պղտորում է երկու ազգերի յարաբերութիւնը, ուսը՝ պարծանքով ասում է վրացուն. »Գուք աղերսեցիք մեզ գալ Վրաստան, մենք չէինք էլ ուզում“: Եւ Վրաստանի զաւակը լռում է՝ գլխիկոր, տարակուսած, ամօթով ծածկւած . . .

Բայց միթէ, յիրաւի, սոսկ հպատակութեան »աղերսանք“ լսեց Վրաստանի լեռներից, ուր նրա զաւակները սովոր էին իրենց կեանքը զոհ բերել հայրենիքի պաշտպանութեան, թէ այդ հրովարտակի մեջ թագնւած է քաղաքական մի մեծ ուխտագրութիւն, այնքան սովորական »արքայական“ յարաբերութիւնների ժամանակ:

Թող պատասխանէ պատմութիւնը:

Թւով փոքրիկ,—մօտ մէկ ու կէս միլիօն—տեղաւորւած կուրի, ըիօնի և ճորոխի հովիտներում, քրիստոնեայ դեռ հինգերորդ դարից, պատմութեամբ անփայլ, զուրկ քաղաքական յաւակնութիւններից, Վրաստանը պատմական կարևոր դեր չկատարեց առաջաւոր Ասիայում: Թիկն տւած իր գեղեցիկ լեռներին, հեռու այն քաղաքան լայնաբերան ճանապարհից, որով արշաւում էին արևելքի բռնապետները դէպի իրենց ասպատակութեան գաշտերը, այդ փոքրիկ ազգը, սակայն, երկար ժամանակ շատ աւելի բախտաւոր եղաւ, քան իր հարաւի հարևանը—Հայաստանը, բռնապետների այդ յաւիտենական ստատեղին:

Բայց 18-րդ դարուց հանգամանքները շատ փոխեցին.

մահմէտական հարեանները չափազանց յանդգնեցան և քրիստոնեայ փոքրիկ թագաւորութիւնը դարձաւ առարկայ անդադրում հարեածներին: Ահա թէ ինչու, երբ մահմէդականութեան սահմանների վրայ ուժ գնորէն լուեցին Հիւսիս սպառնալիքները, փոքրիկ Խվերիան՝ ոգևորւած քրիստոնէութեան յաղթանակի ցնորբով, արձագանք տւեց Մոսկովի կոչերին, եղբայրաբար ձեռք մեկնեց և խոստացաւ թէ ու թիկունք լինել խաչակիր զօրքին՝ Կուրի հովիտներում: 1783-ի յուլիս 24-ին էր, որ Եկատերինէ կայսրուհու և վրաց Հերակլ թագաւորի միջև հաստատուեց նշանաւոր դաշնագիրը, որով Արաստանը ընդունում էր ուսուց կայսրների հովանաւորութիւնը, իսկ Ռուսաստանը պարտաւորում էր «Արաստանի թշնամիներին իր սեփական թշնամի համարել» և պաշտպանել նրան Պարսից և Թիւրքաց հարեածներից, որոնք տեղում էին անդադար և անխնայ:

Այդ դաշնագիրը և առհասարակ Արաստանի մերձեցումը Ռուսաստանին՝ կատաղութիւն առաջ բերեց մահմէդական վեհապետների արքունիքում:— Աղա-Մահմէդ Խանի մեծ յարձակումը, 1795-ին, վրաց սահմանների վրայ, արդիւնք էր այդ քաղաքական ցասման: Ճգնաժամի ողբերգական բուպէին՝ Ռուսաստանը անարգաբար դրժեց իր խոստումները և պաշտպան չը կանգնեց իր դաշնակցին: Հերակլի դիմումները՝ ուղղած Պետերբուրգ, արձագանք չը գտան: «Այժմ նպատակայարմար չէ համարուում զօրք ուղարկել Արաստան», պատասխանեցին այնտեղից: և քրիստոնեայ անօգնական «դաշնակիցը» միայնակ ընկաւ թշնամու ճանկերի մէջ: Արաստանի մայրաքաղաքը կոտորածների, թաղանի ու քսամներ ընդունութիւնների բեմ եղաւ, — եկեղեցիները պղծեցին, կործանեցին քաղաքի շատ թաղերը, կանայք ու աղջկերք հարէմ քաշեցին, և սոսկումը կատարեալ անելու համար՝ միտրոպոլիտ Գօսիֆէյին, եկեղեցու զառամեալ

ներկայացուցին, Հաւլաբարի կամրջեց Կուրի ալիքների մէջ նեակեցին . . . Ինքը թագաւոր Հերակլը, հովի ըզգեստ հագած՝ հազիւ փախուստ տւեց: Սև օրեր էին, արժանի Համիդական պատմութեան . . .

Եկաւ 1800 թիւը: Ողբալի տարի իվերիական ժողովրդի տարեգրութեան մէջ: Երկիրը ուժասպառ, յօշոտւած: Մահմեդական թշնամիները անխիղճ ու անխնայ: Ներքին երկպառակութիւնները սրւած և վտանգաւոր: Թագաւորը՝ Գեօրգի՝ անկարող և անհեռատես: Ռուսական ինտրիգները՝ անվերջ և վճռական: Ահա այդ պայմանների մէջ Պաւէլ I որոշեց վճռական հարւածը տալ ինքնավար Վրաստանին և վերջնականապէս ենթարկել կայսերական իշխանութեան: Եւ այդ նպատակով գեներալ Կնօրինգ ուղարկեց Թիֆլիզ, կայսերական հրովարտակով և գաղտնի պատուէրով: Սակայն այդ միջոցին Պաւէլ վախճանւեց. նրան յաջորդեց Ալեքսանդր I, որը արամագրութիւն ցոյց տւեց, թէ և կարճ ժամանակով, չը խախտել գաշնագիրները: Ռուսաց մայրաքաղաքի մէջ նոյնիսկ բողոքներ լսւեցին՝ Վրաստանի միացման համար գործ գրւող դաւերի գէտ: Կոմս Վօրօնցով յայտարարեց, որ „այդ միացումը — բացարձակ ճնշումն է“: Վրաստանի ներկայացուցիչները Պետերբուրգում ամեն ջանք գործ գրին փրկելու իրենց հայրենիքի անկախութիւնը, յիշեցրին անցեալ գաշնագիրներն ու կայսերական խոստումները, բողոքեցին յանուն վրաց ժողովրդի իրաւունքների, բայց այդ բոլորը գրական արդիւնք չունեցաւ. — հրատարակեց Ալեքսանդր I-ի հրովարտակը միացման մասին, շողախւած պատմական փաստերի յեղաշրջումներով և լի զանազան խոստումներով, որոնք մնացին անկատար, ոտի տակ տրւած:

Հրովարտակը խոստանում էր՝

ա) Ինքնավար կառավարութիւն, ընտրողական սկզբունքով:

- բ) Դատավարութիւն վրաց լեզուով, համաձայն Վախթանգ թագաւորի օրինագրքի: Դատաւորները ընտրովի:
- գ) Ազգային միլիցիա:
- դ) Վրաց փող, ազգային զինանիշով:

Այսերական հրովարտակը, որ յայտարարեց թիֆլիզում 1802 թւի ապրիլի 12-ին միայն, չնայած իր քնքուշ ձևերին՝ ընդունեց թշնամօրէն, դժգոհութեան նշաններով: Գեներել Անօրբինգ վրաց մեծամեծներից հաւատարմութեան երգում առնելու համար՝ դիմեց զինուորական նախազգուշութիւնների. իշխաններից շատերը չուզեցին ճնշման տակ երգում տալ և դուրս եկան եկեղեցուց: Տեղի ունեցան ձերբակալութիւններ, — ուսս չինօվնիկը կարող է ապրել առանց ձերբակալութեան — և դժգոհութեան ալիքները աւելի ու աւելի խոր տարածեցին ժողովրդական խաւերում, որ սկզբներում՝ ուսսական ախրապետութիւնց մեծ բարիքներ էր ակնկալում: Ռուսասէր կուսակցութիւնը զղջաց: Իբրև արտայայտութիւն այն ժամանակւայ տրամադրութեան, վրաց պատմագիրները առաջ են բերում մի կարևոր վկայագիր, — Աստեթիայի ակնկանութեան գանգատագիրն է դա, ուղղած Արաստանի գլխաւոր կառավարչին.

„Մանիֆէստով խոստացւած շնորհները՝ դուք թողեցիք առանց գործադրութեան: Մեզ ապահովութիւն է խոստացւած, բայց ինչով արտայայտեց նա: Գիւղերը և շէները թալանւում են լեզգիների ձեռքով, իսկ դուք այդ մասին հոգ էլ չէք անում: Հրամայւած է՝ եկեղեցիների և եպիսկոպոսների դիրքը բարձրացնել, իսկ դուք նրանց ունեցածն էլ խլեցիք: Ազնւականութեան իրաւունքները խախտւած են: Այսբը խոստացել է գիւղացիներին 12 տարի նրանցից հարկ չ'առնել, — այդ էլ մնաց չիրագործւած խոստում“:

„Մի խօսքով — հաղորդագրում էր 1803 թւին գեներալ Ազգարեվ — ամենքը այժմ նոյնքան դժգոհ են, որքան առաջ ցանկացող էին ուսսական ախրապետութեան“:

Յետագայ փաստերը, տարաբախտաբար, աւելի տխուր կերպարանք առան: Արաց թագաւորական սոհմի անդամների մէջ սկսած փոքրոգի և անհեռատես գժտումները, որոնց պատճառով պառակտւեցին և իշխանական աները՝ անցնելով մէկ կամ միւս թագաւորազնի կողմը, լաւ պատրւակ եղան ռուսաց կառավարութեան համար՝ աւելի էլ վճռական լինել իր ձգտումների մէջ—մէջանդից վերցնել այն բոլորը, ինչ տալիս էր Արաստանին առանձնայատուկ կերպարանք, ներքին ինքնուրոյնութեան կամ քաղաքական հեռւոր անկախութեան գոյն: Եւ այդ նպատակով՝ դաշնագրի զօրութեամբ ընդունւած տեղական ինքնուրոյն կառավարութիւնը ոչնչացրւեց և վարչական ամբողջ գործը յանձնեց միապետութեան պաշտօնեաներին: Թագաւորական տունը կատարելապէս կորցրեց իր դիրքը, պատմական արտօնութիւնը . . . Եւ որքան կարճ ժամանակում—չերակէ Ռուսաստանի դաշնակից էր, Վեօրգի թագաւորը՝ դարձաւ վաստալ, իսկ արքայազն Ախթանգ՝ ռուսաց բանակի գեներալ . . . Արքայազներ Վաւիթ, Բագրատ և Ախթանգ քչւեցին Ռուսաստան: Վարեա թագուհին, յայտնի իր հաստատուն կամքով և խելքով, 1803-ին թիֆլիզից ուժով հեռացրւեց Ռուսաստան՝ իբրև «աղբիւր Արաստանի անհանգստութեան»: Իսկ թագուհի Մարիա, նոյնիսկ առանց արքայական «որևէ յարգանքների», աքսորեց Վօրօնէժ . . . Եկեղեցու ինքնուրոյն բնաւորութիւնը խախտելու նպատակով՝ 1830-ին ոչնչացրւեց վրաց կաթողիկոսութիւնը և շատ չանցած՝ հաստատուեց էկզարխութիւն: Մնացել էր վրաց փողը, որով երևի «պատմական ազգասիրութեան» միամիտ ներկայացուցիչները սփոխուում էին, այն էլ վերացւեց, թէև համեմատաբար ուշ, 50-ական թւականներին: Եւ վարչական ամբողջ ղեկը անցաւ կենտրոնական կառավարու-

Թեան ձեռքը, Պետերբուրգ: Միացած վրաստանը՝
իրեն զգաց ստրկացած...

Պա եղաւ վրացիական գժգոհումթիւնների աղբիւրը:
Յաջորդ տարիները այդ գժգոհումթեան անընդհատ
զարգացման տարիներ չեղան: Ընդհակառակը: Արթէր
հին վէրքերը սպիացած՝ մոռացւեցին, և նախկին մորմո-
քին յաջորդեց թմրումթեան շրջան:

Այդ երևոյթի մեկնումթիւնը պէտք է որոնել վրաց կեանքի
մէջ: Խմբիական ժողովուրդը, ճորտ՝ ազնւականների
ձեռքում, վարժեցրած աւելի լուրջ քան բողոքի, քիչ
տեղեակ իր հայրենիքի քաղաքական կացումթեան, իրեն
պահում էր չեղոր, անտարբեր և անհոգ: Նրա բերանը
ազնւական գասակարգն էր, բազմաթիւ, ազդեցիկ և
միևնոյն ժամանակ՝ սիրահար անհոգ, հանդիստ կենցաղի,
տիտղոսների, արտաքին փայլի: Այս հանգամանքը չը
վճիպեց Պետերբուրգի աչքից, որը, նոյնիսկ քաղա-
քական ձուլման ամենատաք բոպէներին, փայ-
փայեց վրաց թաւազներին, շրջեց նրանց գլուխը,
չուայեց ազդեցիկներին նոր արտօնումթիւններ՝ նրանց մի-
ջոցով բողոքի և գժգոհումթեան ձայները ընդմիշտ
լուեցնելու համար: Ազնւական անընդհատ պատերազմ-
ները նպաստեցին այդ ծրագրին: Ի բնէ զինասէր ազ-
նւական գասակարգը՝ իրեն համարում էր գոհ և
երջանիկ, որ առիթ ունի նետուելու կուռի գաշտը և
այնտեղ վայելելու փառք-պատիւ: Ճանապարհը բաց էր:
Շատ տների ներկայացուցիչներ կարևոր դերեր ստա-
ցան պատերազմների ժամանակ: Շատերը հոհակեցին
իրր տաղանդաւոր և քաջարի զորավետներ — Յիցիանով,
Բագրատիոն, Օրբէլեանի, Անդրոնիկով, Մելիկով, Ճավճա-
վաձէ — և երգեցին ժողովրդական աշուղների բերանով:
Ամուսնական կապեր հաստատուեցին ռուս նշանաւոր տը-
ների և վրաց ազնւականների միջև: Եւ այդ բոլորը
ազգային ինքնասիրումթեան թէև միակողմանի, բայց

չլացուցիչ գոհացումն էր: Աղբի մեծամասնութիւնը մնաց անմասն, բայց անլեականութիւնը՝ ապահովեաձ ժողովրդի աշխատանքով, գոհ կառավարչական բարեհաճ վերաբերմունքից, եղաւ ուսական տիրապետութեան ամրապնդման առաջին զօրաւիգը, նրա ճանապարհը հարթողը: Այդ չէր ի հարկէ նրա դերը, բայց իր այլասեռման մէջ՝ ուրիշ աւելի բարձր գործ կատարելու անընդունակ եղաւ այդ երբեմն զօրեղ դասակարգը:

Բայց եկան նոր ժամանակներ, նոր շարժումներ: Պատերազմական փողերը դադարեցին հնչել: Ակսեց խաղաղ շրջան և դրա հետ միասին՝ սր ու վ զինեաձ ազնւականութեան փոխարէն՝ հանդէս եկաւ բա հ ո վ զինեաձ վրացի ժողովուրդը, որ ճորտութիւնից ազատեց 1867-ին: Հազիւ արթնացաձ՝ նա իր շուրջը նայեց և զգաց, որ ինքը այլևս տէր չէ ոչ մի արածնութեան, որ իրեն խոտացել էին «կայսերական խօսքով»: Ժողովրդական հիասթափութիւնը՝ սկիզբն եղաւ ժողովրդական գիտակցութեան: Արտապնդաձ գրանով և ներչնչեաձ նոր, ժողովրդասիրական հայեացքներով, վրաց ինտելիգենտ երիտասարդութիւնը սկսեց գործունէութիւն ամբոխի մէջ, գիւղական շրջանում, բուն վրացիական հողի վրայ: Չգտումն երևաց՝ հիմնել դպրոցներ, կարդալ, գրել և աղօթել մայրենի լեզուով, բարձրացնել ժողովուրդի ոգին: Այդ ձգտումը հաճելի չը թեաց միապետական կառավարութեան, որը կարծում էր վերջնականապէս արմատախիլ արաձ լինել «սիրեցեալ վրաց ազգի» անկախութեան ծիխերը, և ահա այդ տեղից առաջ եկան նոր ընդհարումներ երկու կողմերի մէջ, որոնց յարաբերութիւնը մինչև այն՝ ըստ երևոյթին՝ շատ հաշտ և շատ բարեկամական էր:

Աւթունական թեականներին պատահաձ քանի մի դէպքեր բաւական լոյս են տրուում այդ յարաբերութիւնների վրայ: Յիշատակութեան արժանի է այն, որ պա-

տաՏեց 1887-ին Թիֆլիզի Ուղղափառ սեմինարիայում: Այդ հիմնարկութիւնը ամենամեծն է իր տեսակի մէջ և նպատակ ունի պատրաստել կրթւած հոգևորականներ Վրաստանի համար.—նրա սաների մեծ մասը վրացիներ են, բերւած իրենց հայրենիքի զանազան կողմերից, որպէսզի դաստիարակեն այն ուղղութեամբ, որ ցանկալի է կառավարութեան, և ապա այդ ուղղութեան տարածողներ լինեն Ժողովրդի շրջանում: Կանոնադրութեամբ վրաց լեզուն և գրականութիւնը պարտաւորիչ են այնտեղ և դրւած պիտի լինեն լայն հիմքերի վրայ: Սակայն սեմինարիայի ղեկավարները, նեղհայեացք ունս հոգևորականներ, նշանակւած ունս կառավարութեան կողմից, միշտ իրենց պարտաւոր են համարում կուէլ թէ վրաց լեզուի և թէ վրացիական ոգու դէմ: Այդպիսի ղեկավարներից մէկն էր բեկտօր Չուդեցկի, որը ուսսական ոգին դպրոցում յաղթանակել տալու համար՝ չէր կանգնում՝ ոչ մի միջոցի առաջ: Կա արգելում էր պարապել վրացերէն լեզուով պարապողներին հալածում, քննութեան Ժամանակ կտրում էր և արտայայտում իր անարգանքը ամեն քայլափոխում: Սաներից մէկը, Լաղիաշվիլի, որ հալածւածների թւումն էր, խնդրեց բեկտօրին արգար լինել, և իբր պատասխան՝ վերատեսուէր նրան անւանեց „շուն“: Պատանին՝ լցւած դառնութեամբ, վճռեց բոլորի վրէժը տոնել և մի ընկերոջ օգնութեամբ ծրագրեց վերատեսչի սպանութիւնը: Հազիւ մի օր անցած, դպրոցի միջանցքում, դաշոյնը ձեռքին՝ նա յարձակեց Չուդեցկու վրայ և գետին փռեց նրան . .

Սպանութիւնը՝ սոսկումի փոխարէն՝ համակրութեամբ ընդունեց թէ դպրոցում և թէ դպրոցից դուրս: Լաղիաշվիլին և իր ընկերը անչափահասութեան պատճառով ազատ մնացին կախաղանից և սքսորեցին Սիբիր, տաԺանակիր աշխատանքների: Շատ չանցած՝ երկու երիտասարդներն էլ սքսորավայրից փախան Ամերիկա. —

Լաղևաշփելին կենդանի է, միւսը՝ արդէն վախճանւած:
Վերատեսչի սպանութիւնը առաջ բերեց այլ բար-
դութիւններ: Թաղման ժամանակ Վրաստանի էկզարխ
Պաւէլ, վրացատեաց և անզուսպ, դամբանական ճառի
մէջ՝ անյուր վիրաւորանքներ թափեց Վրաստանի վրայ,
և «անէծք կարդաց վրաց եկեղեցուն»: Պաշտօնական
մարդու բերանից վիժած հայհոյանքները ցասում առաջ
բերին վրաց բոլոր շրջաններում: Այդ ցասման արտա-
յայտին եղաւ Գիմիտրի Կիպիանի, Վրաստանի ամենա-
գովելի զաւակներից մէկը, որ այդ ժամանակ քուլթայիսի
նահանգի աղնւակնութեան պարագլուխն էր. նա ուղղեց
հայհոյաբան էկզարխին մի յիշատակելի նամակ. «Ձեր
աստիճանի պատիւը պահանջում է, որ անարգւած եր-
կրից անմիջապէս հեռանայ նրա անարգողը»: Անարգողը
չը հեռացաւ, և նրա փոխարէն, կառավարչապետի առա-
ջարկութեամբ, Կովկասից Ստաւրոպոլ արքուրեց Կիպիանի,
որտեղ և պատկառելի գործիչը գտաւ ողբերգական
մահ, ինչպէս զոհ գաղտնի ճանկերի (տես նրնս 189):

Կառավարութիւնը, ինչպէս միշտ, զսպելու փոխարէն՝
աւելի առաջ գնաց: Շատ քիչ անցած՝ էկզարխի պաշ-
տօնով եկաւ մի ուրիշը՝ Վլադիմիր, որը թեւաւորւած
Պօքրօնօսցեվի յատուկ աջակցութեամբ, շարունակեց
գրգռել վիրաւորւած ժողովրդի զգացմունքները: Նա իր
ջերմ հովանաւորութեան ներքոյ ընդունեց սեմինարիայի
նոր վերատեսուչ շ. Սերաֆիմին, յայտնի իր ծայրահեղ
ատելութեամբ դէպի վրացիները: Մի օր—1894-ին էր
այդ—անպզոյշ «հովիւր» աշակերտների ներկայութեամբ
իրեն թող տւեց՝ վրաց եկեղեցու երգեցողութիւնը ան-
ւանել «չան հաջոց»: Այդ հայհոյանքը վերջին կաթիլն
եղաւ: Պատանիները բռնկեցին և ձեռնարկեցին մի շարք
ցոյցերի, ուղղած այն մարդկանց դէմ, որոնք այնքան թե-
թեւամտութեամբ վիրաւորում էին հիւրասիրող երկիրը:
Տարեկան ակտի ժամանակ նրանք պահանջեցին յար-

գել իրենց լեզուն: Հրատարակեցին բողոքող պրօկլամատիօններ: Լուրջ բարդութիւնների նշաններ էին երևում: Աւերջարանը:

Պօբեգօնօսցեվի հրամանով սեմինարիան փակւեց մի ամբողջ տարի և աշակերտների նշանաւոր մասը հեռացրւեց „գայլի վկայականով“ — առանց իրաւունքի որևէ դպրոց մտնելու: Սերաֆիմը ստացաւ ս. Լեննայի շքանշան, և էկզարխ Ալագիմիրը՝ ազամանգեայ խաչ որպէս քաջալերութիւն: Իսկ անարդար խստութիւնների ենթարկւած աշակերտները՝ դպրոց այլևս չը վերադարձան, — նրանք մնացին ժողովրդի մէջ, իբրև դժգոհութեան մոլեռանդ պրօպագանդիստներ:

Պրօպագանդը տարածւեց աւելի ու աւելի:

Ըմբոսին բռնկեցնելու համար, օգտւեցին յարմար, նրա հասկացողութեան մատչելի մի խնդրով. դա եկեղեցու և լեզւի հարցն էր: Տարիներ են արդէն, որ կառավարութիւնը մ'ի համարելով ուղղափառ եկեղեցին, փորձում է մ'ի դարձնել և այնտեղ գործածող լեզուն — մտցնել ռուսերէնը: „Մեր ժողովուրդը չը գիտէ ռուսերէն, նա շատ տեղ մի բառ անգամ չէ հասկանում, ասում են վրացիները, ուրեմն պէտք է պահպանել վրացերէնը, որով միայն նա կարող է հասկանալ եկեղեցու աղօթքն ու երգեցողութիւնը“: Սակայն միապետութիւնը անողոր է: Պօլեցիական միջոցներով շարունակում են ստիպել ռուսերէնը գործածել և այդ նպատակով նշանակում են ռուս քահանաներ՝ վրացաբնակ գիւղերում:

Պատահել են անհաւատալու չափ տխուր դէպքեր. — Մի եկեղեցում ստիպւած էին թարգման հրաւիրել՝ քահանայի ասածները ժողովրդին հասկացնելու համար: Մի այլ տեղ, լեռնական գիւղում, միամիտ շինականները վրդովւում և այլայլւում են լսելով քահանայի բերանից

ժամասացութեան ժամանակ՝ այնպիսի խօսքեր, որոնք հարբած մարդու բերանից միայն կարող են դուրս գալ: Խնդրում էին քահանային՝ չը կրկնել: Քահանան՝ զարմացած այդ տեսակ խնդիրքից, շարունակում է աղօթել: Վատազած գիւղացիները, այլևս անկարող տանելու այդ սրբապղծութիւնը, յարձակում են քահանայի վրայ, ծեծում նրան և դուրս նետում եկեղեցուց: Վհուում է ահագին գործ և քննութիւն: Պարզեց, որ այդ բոլորը արդիւնք է մի տխուր թիւրիմացութեան, — քահանայի արտասանած ուսուերէն խօսքերը նման էին, լեռնախանների բարբառով, անվայել խօսքերի, և դրանից էլ ծագել էր ամբողջ պատմութիւնը: Վահայն այդ և ոչ էլ յարանման ուրիշ դէպքեր խրատ չեղան: Շարունակում են հրամայել, որ ժողովուրդը աղօթէ մի լեղումի, որ նա չը գիտէ և չէ հասկանում...

Վրաց լրագրութիւնը փորձեց, թէ և խուլ ու կողմնակի կերպով՝ մասնանիչ անել այդ տեսակ անարդարութեան փաստերը: Բայց ի հարկէ թոյլ չը տւեցին, և ձեռք առան զսպող, սանձահարող միջոցներ: 1885-ին վրաց «Գրօէբա» լրագիրը խափանեց ընդմիջտ, այն պատճառով, որ նա իրեն թոյլ էր տւել այլաբանական և շատ անվնաս ձևով նկարագրել նախկին կառավարչապետ Գօնդուկօյ-Վօրսակօյին: 1896-ին փակեցին «Իվերիա» լրագիրը ու թ ամսով՝ նրա համար, որ տպագրել էր Վրաստանի անցած անկախութեան մասին մի մենախօսութիւն, որի վերջաբանը վերաբերում էր վրաց աղգի ապագային: — Այդ «աչքի փուշ» ապագայի մասին խօսք չէ կարող լինել դպրոցում, թատրոնի մէջ, նոյնիսկ բանկային ժողովներում: — Հակառակ պարագային՝ «վրացասէր» ուս կառավարութիւնը զինուում է ծայրայեղ խստութեամբ, անոնց որի ապրել, շունչ քաշել չէ կարող միապետութիւնը...

Հակավրացիական խստութիւնը, ինչ ասել կուզի,

չունի այն ուժն ու թափը, որով նա հանդէս է գալիս, երբ խնդիրը վերաբերում է հ ա յ ե ռ ի ն: Այդ կէտում տարբերութիւնը մեծ է: «չայլ՝ թշնամի է, մինչդեռ վրացին՝ բարեկամ, որ երբեմն մոլորուում է»: Բայց ամեն մի մոլորումն պատժւում է այնքան խստորէն, որ թողնում է բ ա ղ ե կ ա մ ի սրտում անջնջելի հետքեր, գուցէ և անբուժելի վէրքեր...

Երևի այդ վէրքերը շատ են և խոր...

Վրաստանի այլ և այլ անկիւններում ու նրա որդոց տարբեր շրջանների մէջ՝ մերթ ընդ մերթ լսւում են դժգոհութեան այնպիսի ձայներ, որոնք քաղաքական շարժման ն ա խ ա ն շ ա ն ն ե ռ կարող են սեպւել:— 1901 թւի սեպտեմբերին, երբ պաշտօնական թիֆլիզը, դիւանաաննրում պատրաստւած ծրագրի համեմատ, էժանագին հրախաղութեամբ տօնում էր Ռուսաստանի և Վրաստանի «միացման» 100-ամեակը, այդ դժգոհութիւնը արտայայտւեց առանձին շեշտով: Ժողովուրդը չը մասնակցեց տօնախմբութեան: Ազնւականութեան պաշտօնական ձառերը՝ արտայայտութիւն չէին երկրի զգացմունքների, այլ արգիւնք դիպլոմատիական փափկանկատութեան, մեծ մասամբ ծայրայեղ: Էւ մինչդեռ վրաց ինտելիգենտ հասարակութեան պահպանողական մասը, որի քաղաքական ամբողջ իմաստութիւնը կառավարութիւնը շողոքորթելու և հարևան հայերի դէմ նենգամիտ դաւեր լարելն է, աշխատում էր ժպտուն երևալ, միւս՝ անկախ և ազատախոհ մասը, երիտասարդութեան հետ միասին, իրեն զգում էր ամօթահար և անցած սխալների ու ներկայ վրիպումների համար պատասխանատու պատմութեան առաջ...

Մեղաւորը բռնաւոր քաղաքականութիւնն է:

Ինքը Վրաստանը, զուրկ քաղաքական հեռատեսութիւնից, մեծ յոյսերով, գուցէ և յափշտակութեամբ, իրեն զրեց միապետութեան հովանու տակ: Բայց հենց

առաջին քայլից Պետերբուրգը դրժեց իր խոստումը, դաւաճանեց: Գրանից յետոյ՝ մի ամբողջ դար շարունակ, ինչպէս խոստովանում է Արաստանի միացման հարիւրամեակի առիթով տւած 1901 թւի բարձրագոյն բեակրիպար՝

„Պատերազմների բոլոր դաշտերում, որտեղ մեր զօրքերը կուրծք առ կուրծք հանդիպում էին Ռուսաստանի բոլոր թշնամիներին, վրաց իշխանների, թագաւորազնների և ազնաւորների սերունդները թափում էին իրենց արիւնը ռուսական գործի համար և իրենց արիական քաջութեամբ նպաստում էին ռուսական զէնքի աջողութեան“:

Հակառակ „թափած արեան“ և անպայման հաւատարմութեան, որի ապացոյցները իվերիական ժողովուրդը տւեց ծայրայեղ ոգևորութեամբ, տեղական ճնշումների ազդեցութեան տակ՝ կազբեկի ստորոտներում, այն երկրի մէջ, ուր ժողովուրդը երբէք սիրահար չէ եղել քաղաքական ծրագիրների, ծնունդ է առնում, հայոց հարցի կողքին՝ մի այլ հարց, — վրացիական հարցը: Նորագոյն վրաց սերնդի խոկն է դա: Եթէ նա այսօր անտեսանելի է, վաղը կը մարմնանայ ու շոշափելի կը դառնայ:

Պօլիտիկոսները չստեղծեցին նրան, այլ ինքը կեանքը: Նա արդիւնք է ոչ թէ երազական ցնորքների, այլ ժողովուրդների ինքնուրոյնութիւնը սպանող բռնապետական ըէժիմի: Ըրդարութեան ձայնն է այդ, որ պահանջում է ինքնավարութիւն՝ գեղեցիկ, բայց դժբաղդացած երկրի համար, ուր դեռ այնքան թարմ են կորցրած անկախութեան հետքերը . . .

Ողջոյն Ազատ Արաստանին:

ՆՈՐ ՕՐԵՐ

(ԲՍԱՆԵՐԿՈՒԵՐՈՐԿ ՆԱՄԱԿ)

Բաժանիր, որ տիրես. — Յնդափոխական ոգին. — Կարմիր դրո-
շակը Կովկասում. — Համերաշխութեան գաղափարը. — Կովկասեան
Դաշնակցութիւն:

Եւ միապետութիւնը ցնծութեան ծափ զարկեց:

Հաստատեց «կնուտի» թագաւորութիւնը Ղեհաստան,
Ֆինլանդիա և Կովկաս, ու դիւական բերկրանքով, բարբիջը
շրթունքներին, խորխոսաց՝ «Հանգիստ է Ռուսաստանը,
չը կայ այլևս սեպարատիստական շարժում, չը կայ ազ-
գերի խնդիր»:

Եւ այն ախուր օրերին, երբ Կուրի և Արաքսի հո-
վիտներում հարեանը հարեանի գէմ՝ ատամներ էր
կրճատում, վառւած ատելութեան կրակով, բռնութիւնը
չփում էր իր ձեռքերը՝ լցւած անսահման բերկրութեամբ:
Նա վայելում էր իր աշխատանքի պտուղը: «Բաժանիր,
որ տիրես»: Այդ եղաւ նշանաբանը, ծլած ու ծաղկած
նրա անգաստանի մէջ:

Եւ որքան պարտա էր հողը այդ քաղաքական
թոյնի համար, այն ձորերում, ուր լեզուները նոյնքան
բազմազան են, որքան և ինքը՝ երկրի գեղանի բնու-
թիւնը: — Արացի, հայ, ռուս, թիւրք, յոյն, քուրդ,
թաթ, ասորի, ուտի, լեզգի, օս, աւար, լաք, կովուխցի,
բօթլիխ, մեց, չէչէն, արխազ, չերքեզ, արազ, կարաչայցի,
նօղայ, շալմուխ, գերմանացի, մօլդաւացի, — այդ բոլոր
ազգերն և ազգագրական խմբերը այնտեղ են ապրում,
և թէև տաքացած միևնոյն արևով, սնւած միևնոյն
հողից բղխող ջրով, պատրաստ էին, և շատ յաճախ,

մէկը միւսին գլորել, մէկի աւերակը միւսի մեծութեան պատւանդան շինել . .

Անցած սև օրերն էին այդ թշնամանքի սկիզբը: Պատմութիւնը չը միացրեց այդ աղգերին, այլ բաժանեց: Կրօնքը նրանց սէր չը քարողեց, այլ ասելու թիւն: Թաւրքը չէր ուղում մոռանալ այն օրերը, երբ ինքը քրիստոնեայ հարեանների հրամայողն էր և աէրը: Հայութիւնը, վրացու կարծիքով, Իվերիայի ուտիչն էր: Իսկ վրացին, հայի խօսքով, հակահայկական դաւադիր: Եւ եկեօր տիրապետողը, որ պէտք է կատարէր տեղական աղգերին շաղկապող, խաղաղացնող միջնորդի կարեօր դերը, ընդհակառակը, „կրակի վրայ իւղ ածեց“, գրգռեց մէկին միւսի դէմ, աւելի էլ բաժանեց նրանց, որպէսզի իր տիրապետութիւնը լինի անխախտ, վերջնական . . .

Տխուր վկայութիւնները թիւ չունեն: Աւթսունական թակահաններին՝ Երևանի հայերի և թիւրքերի մէջ արիւնոտ կռիւ ստեղծողը ինքը կառավարութիւնն էր: Նոյն ձգտման արդիւնքն էր այն վտանգաւօր ընդհարումը, որ տեղի ունեցաւ հայերի և վրացիների միջև, նախ Թիֆլիզի դումայում և ապա Բաթումի քաղաքային ինքնավարութեան մէջ, որին իբրև արձագանք՝ սկսեցին հայ-վրացիական ընդհարումներ Թելաւ, Աղնախ, Փոթի և այլ երկրորդական քաղաքներում: Կառավարութեան պաշտօնական օրգանը, „Պավկազ“ լրագիրը, հակառակ գրաքննական կանոնադրքի հրամայական թելադրութեան, այդ կուէի բորբոքողն էր: Յօդւածներ էին գրում, թէև անստորագիր, իրենք՝ պաշտօնական անձինք: Արաց մամուլը, անհեռատես և անտակտ, սիրտ առած, տասնապատկեց թշնամացնող քարողը: Եւ աղգայնական ասելութիւնը, կաթիլ կաթիլ թափանցում էր աւելի ու աւելի խօր, ընտանիքի, դպրոցի, թատրօնի, եկեղեցական բեմբասացութեան, նոյնիսկ աշխատաւօր դասակարգի մէջ, որ ամենից քիչ է սիրահար քաղաքական թշնամանքի:

Եւ կառավարութիւնը տեսնում էր իր գործը . . .

Բայց ահա պայթեց փոթորիկ, քաղաքական մի որոտ, որի սարսեցնող թնդիւնը այլևս պետութեան ծայրերից չէր լուում, այլ կենտրոններից, այն հսկայական քաղաքներում, ուր երբէք չէ լսել «սեպարատիստ» ազգերի թոյլ բողոքը, քնած ամբոխի շրջանում, որ այնքան դարեր միապետութեան ապահով պատւանդանը հանդիսացաւ:

Մեծ յեղափոխութեան ալիքները, փրփրած արթնացող ժողովուրդի գալարումներով, զարկեցին, ինչպէս մրրիկ, միահեծան գահի պատւանդանին: Ալալ ցեղի երիտասարդութեան կրծքից դանտօնական յանդգնութեան կրակ ժայթքեց: Բանւորը ըմբոստացաւ դրամի թագաւորութեան դէմ: Անհող գիւղացին՝ հարկերի տակ կռացած՝ շտկեց իր մէջքը: Ամբոխը քրքիջ արծակեց աստուածային սուտի, — կղերի աղօթքի դէմ: Մտրուկը ստրկացնողի դէմ ելաւ, և հնչեց մարտի գոռ երգը . . .

Գժգոհ տարրերի միացման նախանշանն էր այդ:

Յեղափոխական ցոյցեր քիչ չեն եղել ցարերի թագաւորութեան մէջ, բայց միշտ անջատ, մի շրջանում միայն սահմանափակւած: 1825 թւի ապստամբութիւնը՝ զինւորական էր: 1866 և 67 թւականների գէպքերը՝ ինտելիգենտ շրջանների սեփականութիւն: 1870—72 թւականների շարժումը՝ սահմանափակւած «գէպի ժողովուրդ» նշանաբանով: 1881-ի փորձը զուտ տէրօրական ձեռնարկ, իսկ 90-ական թւականների վերջերքի համարձակ խառնակութիւնները՝ համալսարանական երիտասարդութեան գործ: Եւ այդ բոլորի մէջ՝ գլխաւոր դերակատարը ռուսն էր և ռուսական կենտրոնը:

Բայց ահա ծագեցին, արևի փայլով, համերաշխութեան մեծ օրերը: Եւ այն շարժումը, որ 1901-ից սկսած առկայծում է ամբողջ Ռուսաստանը, այլևս մի շրջանի կամ

մի անջատ դասակարգի բողոք չէ, այլ շողկապ ընդհանուր ցասման: Այժմ՝ ոուս կուռղներին միանում են ուրիշ ազգեր, ոուսական կենտրոնին՝ ծայրերը: Երբեմն ուսանողական շարժումներից իրեն հեռու էր պահում լեհեր, հայր, վրացին, ֆիններ, հրէան, մահմեդականը, խաբուած՝ չեղ ոք ու թե ան յոյսով, կամ մեկուսացած՝ նախկին անջատումների պատճառով: Իսկ այժմ՝ կապուած ընդհանուր ձգտումներով և ցաւերի անհունութեամբ, երիտասարդութիւնը կուռում է առանց ազգային խտրութեան, ձեռք ձեռքի տւած, կողք կողքի, միենոյն շարքերում: . . . Եւ ազգերի մէջ ատելութիւն սերմանող կառավարութիւնը, իր աչքով, սարսափած աչքով, տեսաւ, որ ուսի հետ միասին՝ իրենց մէջքը կողակի կնուտին և կուրծքը զինւորի հրացանին դէմ են գնում լեհն ու հրէան, որ աքսորի ու բանտի մէջ միմեանց ցաւեր ամոքում են Ֆինլանդիայի, Ղեհաստանի և Կովկասի զաւակները, միասին, եղբայրաբար, գաղափարական մեծ համերաշխութեամբ:

Նորագոյն հոսանքն է այդ:

Այդ կենդանարար հոսանքը շիւտաւ կանգ չառաւ: Նա շարունակեց իր ճամբան, պատուեց վիթխարի լեռները և մուտք գործեց այն երկիրը, ուր քաղաքականապէս թալանւած ազգերը պապական շրթունքներով սպասում էին մի նոր ցնցում, արտիալից մի խարրիկ:

Ու այն քաղաքներում, ուր ստրկութեան դրոշակը այնքան հպարտօրէն ծածանում էր տիրադէմ հպատակների անձար գլխին, այն զիւանատների շրջակայքում, ուր գոռոզ զինւորականը և ամենակարող ոստիկանը նոր կապանքների օղակներ ձուլելով են զբաղւած, գործարանների ծխնելոյղների տակ, ուր դրամը՝ աշխատաւորի ուսերին թառած՝ նրա քրտինքով իր ժանգն է լւանում, — հնչեց յեղափոխական շեփորը, լուեցին

անուններ՝ մինչև այդ հալածական, խօսքեր՝ մինչև այդ շղթայակապ . . .

Նորագոյն հովերը չը մարեցին կովկասեան սահմանների վրայ, այլ ընդհակառակը, առանձնակի սաստկութիւն ստացած՝ փոթորկեցին բռնապետութեան խաղաղութիւնը: Պատահական չէր այդ, այլ հետեանք երկրի յատուկ բնաւորութեան: Կովկասեան ազգերը սկսնակ չեն քաղաքական կուրի համար: Կառավարութեան ընթացքն է ստիպել նրանց՝ վարժութիւններ կատարելու: Իսկ սահմանի միւս կողմը՝ հարեան բռնապետութեան աւերակներն մէջ կատարուող ողբերգութիւնը վաղուց դարձել է մի քաղաքական մարտական կովկասեան հայութեան համար, որի զաւակները՝ կախաղանների վրայ և զնդանների մէջ իրենց վերջին բողոքները պատկուժեն սաստածային բացականչութեամբ՝ «Մահ կամ Ազատութիւն»: Նրանց օրինակը շատ է կենդանի և չափազանց ոգևորող . . .

Բայց կայ և մի այլ պատճառ:

Բռնապետութեան ընթացքը, հարբած՝ սեպարատիզմը ոչնչացնելու խելագար տենչով, քանդեց, ոչնչացրեց այն բոլորը, ինչ կազմում էր Ռուսաստանը բաղկացնող ազգերի, ուրեմն և կովկասեան ազգերի ներքին, տեղական, առանձնաբնույթի զգացումը, ոգևորութիւնը, գործը: Եւ ահա, անկարող ծառայելու սեփական ցաւերին, զուրկ միջոցներից ստեղծելու տեղական ուէ իգէալ, գործ, վերաւորած՝ մարդկային տարրական իրաւունքների համար, անկարող բողոքելու, անկարող ուսուցանելու, գրելու, խօսելու մայրենի լեզուով, մայրենի ցաւերի համար, — գրանք բոլորը, իրերի անխուսափելի լոգիկով, մոռացած փոխադարձ հին թշնամութիւնները կանգնեցին նոյն շարքերի մէջ, ուս ուսի աւած, երես առ երես ընդհանուր թշնամու գէմ . . .

Եւ կովկասեան քաղաքները, այլև փոքրիկ աւանները,

Հանդիսատես եղան քաջալերող տեսարանները: Արամիր դրօշակը, աշխատաւորի յաղթանակի այդ մեծ նշանաբանը, փայլեց այն վայրերում, ուր մինչև այժմ՝ ազգերի թշնամութեան երգեր էին հնչում: «Աեցցէ՛ ազատութիւնը», գոչում էին բանւորները: «Աորջի միապետութիւնը» — պատասխանում էին աշխատաւորների այլ խմբեր: Պրօկլամատիօնները, վրացերէն, ռուսերէն, հայերէն լեզուներով, ողողում են ընթերցող շրջանները: Բաթումի մէջ բանւորները իրենց կուրծքը դէմ դրին բռնապետական հրացանին: Թիֆլիզում՝ գործադուլի մասնակցողները ոստիկանութեան հետ մի քանի անգամ չափեցին: «Պրօլետարներ բոլոր երկրների, միացէք» — ահա այն կոչը, որ հնչում էր ոստիկանութեան ականջին: Գուրիայի մէջ գիւղացիները հրաժարեցին «վարել կալածատերերի հողը»: Կակ Բագուն, կովկասեան բանւորութեան մայրաքաղաքը, յուլիսեան հսկայական գործադուլով, որին մասնակցեցին 45 հազար մարդ, — բռնեց ամբողջ Ռուսաստանի գուցէ և եւրոպական բանւորական շարժման պատմութեան մէջ մի տեղ, որ կարող է կենարօնների «նախանձը» շարժել: Մանուկ շարժում, բայց որբան հմայիչ, որբան ուժգին. . .

Պատիւ քեզ, արթնացող երկիր. . .

Բայց սա սկիզբն է միայն: Յաղթութեան հետ միասին կը գան և փորձանքի օրեր, օրեր տանջանքի ու դառնութեան: Բռնութեան հարւածը կը լինի անդուծ, սարսեցուցիչ: Սակայն նա չը պիտի լինի պատճառ դինադուլի և յուսահատութեան: Մեծ գործերը մեծ զոհեր են պահանջում:

Վ ո վ կ ա ս ե ա ն ա զ գ ե ռ ,

Սկսած կռիւը ձեզ քաջալեր: Հաւատ մի ընծայէք բռնաւորի կեղծ ու պատիր խոստումներին: Երես գարձրէք սեւապատում անցեալից, որ ձեր ամօթն է ու երկպա-

ուսկուժեան աղբիւրը, առնական աչքով նայեցէք դէպի
ապագան, ուր ազատութեան արշալոյսն է թագնւած, և
ձեռք ձեռքի, սիրտ սրտի տւած՝ հարթեցէք նրա տա-
տասկոտ ուղին:

Ընցեալը ձեզ պառակտեց:

Ապագան թող ձեր շողկապը լինի: Միացէք:

Ընհրաժեշտութիւն է այդ և նոյնիսկ հրամայական՝
ոչ միայն այն պատճառով, որ այդ համերաշխութեան
մէջն է թշնամու անկման ամենաողորել գրաւականը,
այլև այն պատճառով, որ երբ Ըմբոստութեան ոգին
վայր կը գլորէ գահերի բարձրութիւնից գոնջ թագա-
կիրներին և գեղանի երկիրը ոտք կը դնի ազատու-
թեան շաւղի վրայ, դուք կարող կը լինիք, առանց աղ-
գայնական գերակշռութեան ձգտումների և թշնամանքի,
կապել կ ո վ կ ա ս ե ա ն դ ա շ ն ա կ ց ու թ ե ա ն
հմայիչ գաղափարով, ու կանգնել հ աւ ա ս ա ր ու
թ ե ա ն և ե Ղ ք ա յ ր ու թ ե ա ն հողի վրայ:

Հին կուռոյների շարքերին կը յաջորդեն նորերը, գա-
ղափարը՝ տանջանքի և արատաւքի մէջ լւացւած՝ կը
յաղթանակէ հպարտութեամբ, հպատակները կը դառնան
հաւասար դաշնակիցներ, և իբրև տէր կը մտնեն Թիֆլիզի
փոխարքանների փառաշուք պալատը, կովկասեան ապագայ
պարլամենտը, որտեղից այժմ միապետութեան ցաւագար
գործակալների անսանձ հրամանները սուգ ու ցասումն
են տարածում ստրկացած երկրի բոլոր կողմերը:

Գա ապագայ է, բայց ոչ երազ:

Որո՞նք են այն միջոցները, որ պիտի կազմակերպեն այդ
ցանկալի ապագան, և որն է այն սպեղանին, որ կոչւած է
բուժելու մորմոքիչ վէրքերը՝ նկարագրած այս էջերի
մէջ, — այդ կարևորագոյն հարցերին նւիրւած կը լինի
այս գրքի երկրորդ հատորը:

ԳՐԱԿԱՆ

